


〔重刊訂正本〕

中國醫學大成

錢若利題





〔重刊訂正本〕

中國醫學大成

三卷

上海科學技術出版社

中國醫學大成（全套共五十冊）

上海科學技術出版社出版

（上海瑞金二路四五〇號）

新華書店上海發行所發行

上海市印刷十廠印刷

開本七八七×一〇九二

三十二開

精裝

總字數二二,七九〇,〇〇〇

總印張八六二

一九九〇年六月第一版 一九九〇年六月第一次印刷

徐評外科正宗

〔明〕陳實功 著

〔清〕徐靈胎 評

原 編 曹炳章

總審定 裘沛然

總審閱 蕭敏材 朱邦賢 沈麗君



## 重刊訂正《中國醫學大成》序

《中國醫學大成》一書，我鄉先輩四明曹炳章先生所輯集，爲發揚中醫學，保存古醫籍，以饗同道並惠後學作也。曹氏纂集是書時，正值西學東漸，國內淺見倖進之徒，競尙浮華，大肆鞭撻我國文化固有之精英，如民族醫學，悉在消滅之列，中醫學不絕如縷。而先生乃在此時從事中醫叢書巨著之編輯，姑不論其學術價值，獨其保存民族文化精粹之苦心孤詣令人可敬，其卓識遠見，又何其可欽也。

楊志一在原書序中有說：『大凡學術之成立，歷久而不敗者，必有其真實之價值在。』善哉言乎！中華民族立國數千年而得以生存繁衍，如無優秀之文化及可貴之醫學，則亦何逃於優勝劣敗之例。尤



其在科學迅猛發展之今日，百技更新，而古老之中醫藥學日益引起國內外有識之士之重視。各類中醫藥研究所之建立，亦爲保護人民健康之需要，順應世界醫學發展之潮流而設。凡此種種，夫豈偶然。

惟中醫學歷史悠久，濫觴於炎黃，昌盛於漢唐，歷代醫家多有創見，其學術經驗載於文獻者浩如煙海，遺佚者可弗論，僅就先生纂集之時，存書尙達萬種，學者既不能盡讀，又無力購置，且諸書精粗雜糅，版本文字舛誤殊多，使學習中醫者常興望洋之嘆。先生乃爲之博採精選，上自先秦，下迄近代，凡理論、方藥、臨床各科咸備，別爲十三類，書計三百六十五種，分醫經、藥物、診斷、方劑、通治、外感病、內科、外科、婦科、兒科、針灸、醫案及外集雜著各類。其中傷科、眼科及五官病歸入外科，推拿、手術歸入針灸，醫論、醫話、醫史歸入雜著。所收各書，皆中醫要籍，大都內



容精粹，切合實用，版本亦從精選，並加句斷。各書之首，皆列著作校刊略歷及內容提要，以便讀者入門粗知梗之助。

中醫學歷來叢書頗少，是書搜羅廣而選擇精，洵爲前所未有之巨著。惜全書印刊未半而抗戰軍興，烽煙迷漫，醫籍出版被迫中輟。而已印行之一百三十六種，今亦散佚不全。上海科學技術出版社爲應學者需求，重爲付梓，並影印以存原貌。書中明顯錯訛者，由我院及中醫文獻研究所等有關單位專業人員校勘改正，使之益臻完善。夫文以載道，中醫學爲我國醫學之重要財富，文獻則是寶庫中之重要內容。故有志斯道者，務求先通中醫之理論法則、方藥效用和臨床處置，使對中醫學有全面之理解，更須驗之臨床，以汲取其理論精華與豐富經驗。學問之事，原恃艱苦以求而非獵取可得。昔張仲景勤求古訓，博採衆方；孫思邈青衿之歲，高尚是典，白首之



年，未嘗釋卷；葉香岩以不讀破萬卷，不敢輕言醫。茲三人者，皆由勤奮好學而成一代高醫，故學習中醫宜下一番札實工夫。在此基礎上運用現代科學技術研究和整理中醫學，才有闡明和提高希望。中西醫結合，亦將另具特色。以務實精神，走中醫現代化循序而進之道路，勇於繼承，敢於創新，使傳統醫學有所發現與創造。苟能如此，不僅爲祖國爭光，並將爲人類造福。

本叢書一百三十六種，分爲五十冊；每冊後並皆附有全部書目。它的出版，爲中醫和愛好中醫者提供珍貴之醫學文獻，讀者勤習而深研之，必能奠定中醫學根柢，大有助於中醫事業之繼承與發展。

裘沛然

一九八八年六月作於  
上海中醫學院



徐外科正宗提要

明、陳實功著。崇川人。清徐靈胎評註。海寧許辛木增訂。自卷一癰疽原委論。至卷十二醫家十要論。共一百六十四類。徐靈胎序云。從來外科必須傳授。成名家者。另有奇方秘法。或各有專長之症。每試必效。非若內科多讀古書。可以對症用藥也。若大概辨別生死。指名瘡症。內服外敷。自唐及明。其法詳備。此書所載諸方。大段已具。又能細載病名。各附治法。條理清析。所以凡有學外科。問余當讀何書。則令其先學此書。以爲入門之地。然後再求良法。乾隆卅一年丁亥。有問道者。欲得余詳爲去取。并加批點。余因從首至尾。細閱一過。所立之案。所載之方。多屬誤用。尤可恨者。將惡毒之藥。以爲常用之品。輕者變重。重者立死。於是奮筆痛罵。指其背謬。以爲讀此書之戒。至其分症列方。頗爲明備。全在施用。不得因此人用法不善。而并其所載之古方而廢之也。云。書由許辛木增訂。大旨以徐批爲主。間附案語。以洞庭王氏外科全生集。治法獨具隻眼。所采甚多。又因原書文義頗蕪雜。乃於卷一註。及餘卷治驗各條。詳加刪改。然意義無少出入。讀者更可由徐批以識



其是非也。當其釐訂體例。商榷案語。往復辨論。以成其是者。據爲桐鄉陸君以湑。海寧王君士雄。及吳君元禧。以徐批別本見借者。爲秀水呂君大綱。山陰陳君厚坤。力任校刊者。則爲蔣君光燾云。現以此校刊本付印。因紀其實如右。



## 徐序

從來外科。必須傳授。成名家者。另有奇方祕法。或各有專長之症。每試必效。非若內科多讀古書。可以對症用藥也。若大概辨別生死。指名瘡症。內服外敷。自唐及明。其法詳備。此書所載諸方。大段已具。又能細載病名。各附治法。條理清析。所以凡有學外科者。問余當讀何書。則令其先閱此書。以爲入門之地。然後再求良法。歲在丁亥。有問道者。欲得余詳爲去取。并加批點。余因從首至尾。細閱一過。見其所立醫案。荒謬錯雜。毫無知識。至所載之方。全屬誤用。尤可恨者。將惡毒之藥。以爲常用之品。輕者變重。重者立死。猶自詡以爲神奇。後人讀此書者。信以爲然。事效法。殺人無算。全無悔悟。云此乃外科之真傳。現有醫藥可據。其尤痛者。乃瘡之本症。其死者。乃其人之應死。罪首禍魁。皆此書也。於是奮筆痛罵。指其背謬。以爲讀此書之戒。至其分症列方。頗爲明備。全在施用。不得因此人用法不善。而并其所載之古方而廢之也。洵溪道人徐大椿識。



外科正宗 徐序



## 許序

余昔閱外科正宗。嘗病其紕繆。欲正之。未暇也。既而從長洲蔣氏夔。得吳江徐氏大椿批本。尋覽數四。歎爲暗室一鐙。遂屬季弟楣手訂。余隨時覆勘。俾成完書。季弟問出其稿。以示同邑蔣子光燁。蔣子願肩校刊之任。已訖功。請余爲之敘。乃言曰。醫。仁術也。而易入於不仁。外科爲尤矣。內科之爲醫。技無高下。鮮不欲人之生者。聲譽稍著。必驕自大。有請不時往。病者忍死以待。不仁矣。外科非欲人之死也。內科之病。易壞人。醫者如掇焚拯溺。外科之病。不遽壞人也。緩之以見功。時其急而取厚資焉。賤藥而貴貨。不仁甚矣。雖然。此以言乎業。外科之無良者也。苟有肺腸。何遽至是。蓋又有入於不仁而不自知者矣。何以言之。外科者。內科之緒餘也。而瘍醫特爲世所賤。簡通人勝。流恥以是名。業此者。大都習內科不成。而後遁於外科。操之既無其本。所恃獨方藥之末。然且錮藏深祕。諱所自得。其方之良者。既已隘於施濟。而其未盡良者。或至於殺人。夫以無本之學。守什伯成方。漫爲飛蟲之弋獲。至於殺人。而不思所變計。此所謂入於不仁而不自知者也。於此有人焉。

爲之破其所恃。示以用方之宜。與夫方之偏正純雜。寒熱緩急。所當詳審。及汰其可以殺人者。因論治法。俾知深求於其本而出之。無至試藥而費人。其爲仁術。孰大於是。然徐批此書近百年。轉相傳鈔。未有知刊之者。蔣子獨引以爲己任。昔賢謂刊人詩文集。比於掩骼薶胔。刊此而傳。其於生死而肉骨也。以恆河沙計。無有旣極。豈直爲徐氏掩薶功臣。蔣子之用心。亦仁矣哉。抑余觀徐氏自敘。本爲問道者發。固將以垂示來者。非以爲一人一家之藏。乃或者議余季弟與蔣子。輕泄枕秘。又何其自同於不仁也。咸豐十年。歲在庚申花朝前三日。樂恬散人許璉書於靜心多大年室。



## 凡例

- 一、余訂此書大旨。以徐批爲主。而間附案語。及采入各方。洞庭王氏鴻緒全生集。治法獨出手眼。與諸書不同。故所采爲多。
- 一、原書文義頗蕪穢。余於正文不甚更動。於卷一註。及餘卷治驗各條。則痛加刪改。雖未能廓清。稍通順矣。然意義略無出入。讀者可由徐批以識其是非。徐所未批者。亦可推類而得之也。
- 一、各卷歌訣尤俚鄙。余初仍而不改。既見別本。頗有不同。因擇其稍雅馴者錄之。間或竄易一二。俾可入目而已。
- 一、瘍醫匙能讀書。故刪改多有從俗處。諸方藥品。亦未能悉正。如黃檗作黃柏之類是也。
- 一、徐批原本。或在眉。或在行間。余移附各條後。及本句下。覽之瞭如。亦免後人重刻挂漏。
- 一、徐批有圈。有點。有勒。有叉。余詳註本句下。而通部別加斷圈。以分句讀。

一、原書分十二卷。今增入徐批。每卷葉有多寡。故卷數仍舊。而分卷稍有不同。  
一是役也。釐定體例。商榷案語。發凡於仲兄。而往復辨論。以成其是者。爲桐鄉陸君以滌。同邑王君士雄。同里吳君元禧。以徐批別本見借者。爲秀水呂君大綱。陸山陰陳君厚坤。力任校刊。以濟世而傳後者。則同邑蔣君光燁也。例得備書。

許楣識



## 附錄

許樾曰。古人言醫不三世。不服其藥。蓋以其閱歷深而傳授精也。徐氏謂外科必須傳授。亦是此意。然不如身嘗其苦者。知之尤確。王洪緒全生集有云。凡疽初起。即使平塌。不可用托。托則成功。余家治法。以消爲貴。以托爲畏。卽流注癰癰惡核。儻有潰者。仍不敢托。托則潰者雖斂。增出者。又當如何耶。真外科千古名言。非余身經體驗不知。憶余三十歲時。右大腿後患一癰。初起紅腫疼痛。根盤約有寸餘。自揣非攻托不可。敷藥並消散湯劑。悉屏棄不用。服攻托藥三數劑。遂大如茶杯。膿尙未成。更用大劑攻托。根盤愈大。痛不可言。膏藥自後面環至前面。幾無罅隙。及內膿已熟。頭尙未穿。用齧頭膏齧破。膿泄如注。方能不痛。自此按之有膿。卽換貼膏藥。并重摻呼拔末藥。每日換下膏藥。總有一竹箕。瘡口大如拇指。凡十二日而收功。自以爲用藥精而手段佳。實不知攻托之爲患不淺矣。近二十年來。患對口者數次。患背疽小腹癰者。又各二三次。卽服西黃丸。隨服隨消。戊午年頭面生疔疽十一箇。甚危險。亦賴西黃丸之力居多。今年庚申正月。背左又患一疽。漫腫

無頭。顏色不變。越日卽如豬肝色。長約三寸。闊二寸餘。第三日有頭數十箇。其點甚細。兩旁尙有漫腫無頭者。第四日有淡黃硬膿。約半粒米大。旁腫處亦照前變豬肝色。第五日硬膿轉爲軟膿。並無稠水。揭膏藥時。膿卽黏下。瘡口深約半分。細如線香。其數頭并爲一頭者稍大。裏面尙有老膿仍蓋膏藥。第六日膿頭隨膏藥揭出。已是精肉。第七日長平。第八日有嫩皮。自此不換膏藥。至第十二日癢甚。揭看已是老皮。並不結痂。亦無疤痕。合計數十頭所出之膿。不及一匙。惟最後一頭出稀膿三日。乾膿兩日而愈。所用之藥。初時外敷紫蟾錠。內服阜角刺四兩。生甘草三錢。兩劑後。接服西黃丸。小金丹。陽和湯。隨後調理脾胃。益信全生集以消爲貴。以托爲畏二語。真外科金鍼。而西黃丸爲消藥第一。卽角刺消散之力亦甚大。大概用角刺不過五六分。至二三錢而止。便是托藥。用至四兩。方是消藥。但服後如未成膿卽消。儻已有膿。則必大痛。而出膿較速。不至蔓延。卽是功效。此皆余歷經體驗得來。特揭出爲世之業瘍醫者告焉。

槌又曰。紫蟾錠者。合紫金丹。蟾酥錠二方而成。用作消藥極驗。無論陰陽二毒皆可敷。二方已見此書疔瘡門。但分合銖兩不同。藥味亦有加增。今另載如左。



|      |      |      |       |     |       |     |      |
|------|------|------|-------|-----|-------|-----|------|
| 山茨菰  | 二錢去毛 | 川文蛤  | 二錢去末  | 千金霜 | 油一錢去淨 | 原麝香 | 一錢揀淨 |
| 紅芽大戟 | 一錢五分 | 雄黃   | 一錢揀紅者 | 寒水石 | 三錢煨   | 銅綠  | 一錢   |
| 明硃砂  | 二錢淨  | 明乳香  | 一錢淨   | 沒藥  | 一錢淨   | 蜈蚣  | 二錢足  |
| 膽礬   | 一錢   | 川山甲  | 一錢炙   | 殭蠶  | 一錢洗   | 蟾酥  | 二錢化  |
| 全蠍   | 一錢炒  | 梅花冰片 | 五分    | 枯礬  | 一錢六分  | 藤黃  | 四錢化  |
| 血竭   | 一錢   | 紅砒   | 三錢    | 皂角刺 | 一錢炒   |     |      |
| 輕粉   | 五分   |      |       |     |       |     |      |

以上各研各藥。每味若干。稱準淨末。合和一處。再研極細。先用蝸牛二十一箇。微擣去殼。再同蟾酥、藤黃和研稠黏。方入各藥。共擣極勻。做成小錠。放石灰罈中收燥。另以瓷瓶裝盛聽用。

槌又曰。是書第七卷流注門。附載大活絡丹一方。內有白花蛇。李瀕湖本艸綱目云。此蛇出黔蜀及蘄州。以蘄產爲上。蘄產者。龍頭虎口。黑質白花。脇有二十四方勝。腹有念珠斑。尾有佛指甲。死後兩眼突出不閉。非蘄產者。兩眼皆閉而枯。卽蘄州交界所出。便一開一閉。以此辨別地道最確。以鮮時重四五兩者爲上。七八兩

者次之。重數斤長一丈數尺者。力反薄。不堪用。今藥肆所售。僞者居多。甚至取尋常初出小蛇。重不過數錢者。用五色花綫繞紮成餅。以炫人目。兩眼俱陷。無方勝及佛指甲等形。烏梢蛇亦斬產。以背有劍脊形者爲真。他產則否。大活絡丹以此二蛇爲最要之品。此品一僞。則丹爲朽藥矣。

梟案是書將刻竣。仲兄郵示此數條。余反復推詳。所論實爲瘍醫指南。因檢閱各卷。無從屢入。特附於序文之次。



外科正宗目錄

卷一

|           |    |
|-----------|----|
| 癰疽原委論     | 一  |
| 癰疽治法總論    | 一〇 |
| 癰疽陽症歌     | 二五 |
| 癰疽陰症歌     | 二五 |
| 癰疽半陽半陰症歌  | 二六 |
| 癰疽五善歌     | 二六 |
| 癰疽七惡歌     | 二七 |
| 治病則例歌     | 二七 |
| 癰疽灸法并禁灸瘡穴 | 三〇 |
| 論病生死法     | 三一 |

卷二

|            |    |
|------------|----|
| 察形色順逆      | 三二 |
| 病有三因受病主治不同 |    |
| 論          | 三三 |
| 調理須知       | 三五 |
| 雜忌須知       | 三六 |
| 瘡瘍看法       | 一  |
| 腫瘍治法       | 二  |
| 腫瘍主治方      | 二  |
| 潰瘍治法       | 四三 |
| 潰瘍主治方      | 四四 |

卷三

癰疽圖形……………一

癰疽諸名歌……………三八

腦疽論……………三九

卷四

發背論……………一

疔瘡論……………九

脫疽論……………二八

卷五

凍癰論……………一

鬚疽論……………三〇

卷六

咽喉論……………一

時毒論……………一四

癰瘤論……………二四

肺癰論……………三八

卷七

流注論……………一

乳癰乳岩論……………一六

附骨疽論……………二八

卷八

腸癰論……………一



卷九

|       |    |
|-------|----|
| 臟毒論   | 一〇 |
| 痔瘡論   | 一七 |
| 下疳論   | 三四 |
| 魚口便毒論 | 四三 |

卷十

|      |    |
|------|----|
| 囊癰論  | 一  |
| 懸癰論  | 八  |
| 臀癰論  | 一四 |
| 楊梅瘡論 | 一八 |
| 結毒論  | 二八 |
| 多骨疽論 | 三九 |
| 陰瘡論  | 四三 |

|        |    |
|--------|----|
| 傷寒發頤   | 一  |
| 瘡發     | 三  |
| 癰疽     | 四  |
| 小腹癰    | 五  |
| 鵝口疽    | 五  |
| 龍泉疽虎鬚毒 | 八  |
| 石榴疽    | 九  |
| 穿踝疽    | 一一 |
| 大麻風    | 一一 |
| 翻花瘡    | 一六 |
| 腋癰     | 一七 |
| 脇癰     | 一八 |
| 鼻痔     | 一八 |
| 骨槽風    | 二一 |

|      |    |
|------|----|
| 紫白癜風 | 二三 |
| 齒病   | 二五 |
| 腦漏   | 二九 |
| 破傷風  | 三〇 |
| 跌撲   | 三三 |
| 金瘡   | 三六 |
| 杖瘡   | 三七 |
| 竹木刺  | 三九 |
| 湯潑火燒 | 四〇 |
| 甲疽   | 四二 |
| 繭脣   | 四二 |
| 痞癖   | 四四 |
| 天蛇毒  | 四六 |
| 頭痛   | 四七 |

卷十一

|      |    |
|------|----|
| 合谷毒  | 四九 |
| 鼻出血  | 五〇 |
| 牙縫出血 | 五二 |
| 血箭血痣 | 五三 |
| 鵝掌風  | 一  |
| 腎囊風  | 二  |
| 疥瘡論  | 三  |
| 賺瘡論  | 七  |
| 血風瘡  | 一〇 |
| 頑癬   | 一二 |
| 膿窠瘡  | 一四 |
| 火丹   | 一六 |



|         |    |
|---------|----|
| 天泡瘡     | 一八 |
| 肺風粉刺酒皰鼻 | 二一 |
| 雀斑      | 二二 |
| 汗斑      | 二四 |
| 油風      | 二四 |
| 白屑風     | 二六 |
| 耳病      | 二七 |
| 漆瘡      | 二九 |
| 瘰癧瘡     | 三〇 |
| 疔腮      | 三一 |
| 痰包      | 三二 |
| 癩風      | 三三 |
| 溼腫      | 三四 |
| 女人面生黛黑斑 | 三六 |

|        |    |
|--------|----|
| 鈕釦風    | 三六 |
| 枯筋箭    | 三七 |
| 婦人脚丫作癢 | 三八 |
| 手足破裂   | 三八 |
| 眼丹     | 三九 |
| 眼胞菌毒   | 三九 |
| 黑子     | 四一 |
| 狐氣     | 四一 |
| 白禿瘡    | 四二 |
| 奶癬     | 四四 |
| 蟻拱頭    | 四五 |
| 小兒遺毒爛斑 | 四五 |
| 螻蛄串    | 四七 |
| 小兒痘風瘡  | 四八 |

小兒赤遊丹·····四八

走馬牙疳·····五三

重舌·····五五

胎瘤·····五六

鵝口瘡·····五七

痘癰·····五八

痘疔·····五九

黃水瘡·····六〇

卷十二

大人口破·····一

脣風·····二

臭田螺·····三

牛程躑·····四

蜣螂蛙·····五

田螺泡·····五

皴痛·····六

凍風·····六

陰蝨·····七

葡萄疫·····八

咬傷·····一〇

風犬傷·····一

惡蟲叮咬·····三

百蟲入耳·····五

誤吞針鐵骨哽咽喉·····五

人面瘡·····六

陰毒·····七

失榮症·····八

|                 |    |
|-----------------|----|
| 中砒毒·····        | 一九 |
| 落下頰拏法·····      | 二〇 |
| 救自刎斷喉法·····     | 二〇 |
| 試知百病死生法·····    | 二二 |
| 造孽報病說·····      | 二三 |
| 仙方活命飲今古不同論····· | 二四 |
| 拾遺症·····        | 二五 |
| 綳縛背瘡法·····      | 二八 |
| 癰疽內肉不合法·····    | 二八 |
| 煉元明粉法·····      | 二九 |
| 煉金頂砒法·····      | 三一 |
| 煉硝石法·····       | 三一 |
| 取蟾酥法·····       | 三一 |
| 製附子法·····       | 三二 |

|             |    |
|-------------|----|
| 昇白靈藥法·····  | 三二 |
| 製寒食麵法·····  | 三三 |
| 製拔針喉針法····· | 三三 |
| 諸藥製法·····   | 三三 |
| 逐日人神歌·····  | 三六 |
| 十二時人神歌····· | 三六 |
| 十干日針忌歌····· | 三六 |
| 尻神歌圖·····   | 三七 |
| 醫家五戒·····   | 三八 |
| 醫家十要·····   | 三八 |



外科正宗目錄

入

徐評外科正宗

卷一

癰疽原委論

癰疽發背爲何生。好好身軀出此形。

凡人處世而無疾病者。水升火降。精秘血盈也。養生篇曰。毋搖爾精。毋勞爾形。  
皈心靜默。可以長生。蓋靜則生水。動則生火。水能生萬物。火能尅萬物。故百病  
由火而生。其發於外者爲癰疽。癰者壅也。爲陽。屬六腑。毒騰於外。其發暴而所  
患浮淺。因病原稟於陽分中。陽氣輕清而浮。浮故易腫。易膿。易腐。易斂。不傷筋

|      |      |      |
|------|------|------|
| 明    | 清    | 清    |
| 崇川   | 海寧   | 吳江   |
| 陳實功著 | 許辛木訂 | 徐靈胎評 |
|      | 曹炳章校 | 鄞縣   |

骨而易治。疽者。沮也。爲陰。屬五臟。毒攻於內。其發緩。而所患深沈。因病原稟於陰分中。陰血重濁而沈。沈故不易腫。易膿。易腐。斂傷筋蝕骨而難治。又年壯氣血勝毒則順。年老毒勝氣血則險。治法載於第二論中。宜詳觀之。

內被七情。干臟腑。憂愁思慮。總關心。

七情六欲者。皆盜人元氣之賊也。喜傷心。怒傷肝。憂傷肺。思慮傷脾。悲傷於魂。魄。恐傷腎。驚傷膽。是爲七情。能傾人之身命。耳聽聲音。眼觀物色。鼻聞香氣。舌貪滋味。心惟大地。意幄萬方。是爲六欲。能損人之性真。百病諸瘡。皆由於此。醫者病者。咸宜慎察。

楣案。正文但有七情。註添出六欲。而蕪辭尤多。今姑順文芟薙。但取字句明白。而意義則仍而不改。後皆倣此。

外又六淫傷氣血。風寒暑濕火相臨。

六淫者。風寒暑溼燥火也。風爲四時不正浩蕩肅殺之氣。發而最能中人。寒乃節候不調。疾風暴雨冰雪嚴寒所傷。或口貪生冷之物。暑因亢陽烈日。爍石流金。酷熱所逼而中。溼由坐臥久陰卑溼之地。或驟遇風雨潮氣所侵。燥爲陰虛



內熱。消燂津液。不能滋潤臟腑。以致皮膚枯槁而便乾。火生於心。緒煩擾。醇酒膏粱。慾事不節。此六淫者。皆從外而入。體實之人。或不能中。體虛之人。隨感即發。亦有客於臟腑經絡關節之內。積久始發者。當隨其寒熱溫涼。邪正勝負而治之。

楣案。正文脫去燥字。註補出。然陰虛云云。乃內傷之燥。而非外感之燥。心緒煩擾之火。亦非由外入。雖體實豈能無傷。徐氏於此等不加辨駁。蓋無俟辨駁也。故余亦順文芟薙而已。

膏粱厚味多無忌。勞傷房慾致虧陰。

膏粱者。醇酒肥鮮諸物也。皆不離乎厚味。厚味之物。其製法則炙煨煎炒。加以厚料濃湯。其食性則香燥甘美。雜以鹹酸辛辣。但取適口充腸。不顧消陰燂臟。兼之未飢先食。未冷先綿。爐火圍烘。縱慾無度。猶嫌未足。服藥興陽。祇知片刻歡娛。詎識陰精虧損。故百病多起於膏粱房慾。知命者。當節飲食。兼慎起居可也。

故將五臟多乖變。自然六腑不調勻。

五臟分屬五行。相生則無病。相克則五臟不和。而六腑不通。六腑不通。則九竅疲癢。而結爲癰疽。蓋癰疽多由藏腑乖變。關竅不得宣通而發也。治之之法。因寒邪而痛者。以溫熱散之。諸痛案以下歷敘寒邪而痛者。以溫熱散之。諸痛案以下歷敘。淫腫強痛者。滲而導之。燥搐攣痛者。滋而潤之。泄而痛者。溫之。塞而痛者。通之。虛而痛者。補之。實而痛者。瀉之。陰陽不和者。調燮之。經絡閉塞者。沖和之。膿脹而痛者。開之。惡肉侵蝕者。去之。勞而痛者。逸之。損而痛者。續之。凡諸活法。用者詳之。

梟案所論諸痛。惟膿脹二句。專屬癰疽。餘皆就臟腑推行發論耳。發於心上。多危險。五臟相干事可明。

五臟者。心肝脾肺四臟。皆係於背。惟腎經一臟。獨居於下。然其精華津液。元氣元神。灌溉榮注於上。四臟之火。皆賴一臟之水以濟之。故五臟根本。皆係於背。背乃太陽膀胱督脈所主。太陽者。六經之首領也。督脈者。十二經絡之統脈也。所以瘡生於背。毒犯五臟。心又屬君主之位。豈容毒相犯之。故多成危險難治之症。醫者不可不察。

心之已下。多成順。六腑之因。亦許評。

凡瘡生於心之下者。除腎俞一穴外。餘皆爲緩。六腑者。足陽明胃經。手太陽小腸經。足太陽膀胱經。手厥陰心包絡經。手少陽三焦經。足少陽膽經。此六經其名屬腑。其形在下。其氣主表。其病爲癰。故疾發於五臟者爲重。生於六腑者爲輕。此表裏臟腑輕重之別也。

徐曰。心下多順。亦未盡然。

梟案。癰疽二字。惟全生集分疏最爲明曉。大略謂癰疽二字之連呼。猶夫妻二字之連呼也。紅腫爲癰。屬陽。白陷爲疽。屬陰。疽發五臟。癰發六腑。故疽根深而癰毒淺。足與此註相發明。

梟案。故友湯秀嵩。嘗見徐氏所批全生集云。紅亦有非癰。白亦有非疽者。余謂全生集道其常。徐氏論其變。醫者當細參。湯名緒豐同邑人業外科能讀內科書然時無知者佗係以老

脾家積毒生肩脊。

生於肩下脊上者。乃因飲食膏粱積毒所致。高腫鮮明。根脚不過兩肩者爲順。先宜解毒護心爲主。次宜內托清心。間用蠟礬丸。護心散。防毒攻心。如腫平堅硬。漸大漸開。攻注兩肩胸項。腫而不定者危。



心經火毒對心臨。

對心發者。乃心火妄動。熱極而發也。心爲主宰。周身蘊熱。流會於此。結而爲患。是爲毒剗君位。最易傷人。刑截督經。害更非淺。況此穴背脊多坑。難於起發。瘡形落陷。腫不高尖。治當大降心火。急疏蘊熱。頂用針通。隨行拔法。使毒氣內外疏通。各從門出。庶不內攻。保至十五日後。內無變症。得膿爲解。倘是期變症漸生。堅硬漸大。不作膿者。死在二十二朝先後。此症貴在早治。十中可保三四兩肩左右雙生發。肺肝積受不虛名。

左搭屬肝。右搭屬肺。俱在於左右肩骨移動之處。爲可治。古云。左搭串右。右搭串左。俱爲難治。然余每醫左右相串者。未嘗見其死。惟在治法得宜耳。凡患此者。先用萬靈丹發汗。疏通內外。次用清肝解鬱湯。柴胡清肝湯。氣用四君子湯。血用四物湯。潰後入珍湯。俱兼六鬱湯參治爲妥。蓋此症起於痰凝氣滯。火鬱氣血不調。所謂鬱者。開之。滯者。行之。如誤用解毒泄氣。及誤補誤攻之藥。必致危殆。

蓮子蜂窠防毒陷。

蓮子者。突如蓮子。蜂窠者。孔似蜂窠。多生於背。與心相近。與脊中平。輕者形長高腫。或偏半背。重者形斜平塌。兩脇俱傷。瘡形雖似可畏。然危險常得奏功。老弱亦能取效。所患者。非純陽之症耳。治法不外護心護膜。參以方藥活法。

### 腰間腎俞發難生。

腎俞發者。生於兩腰內腎陷肉之間。或正中亦發。最爲險候。蓋內腎爲性命之本。藏精藏氣藏神。凡生男育女。壽命短長。皆由於此。故房勞過度。氣竭精傷。真陰內消。亢陽外越。則腎臟空虛。諸火諸邪乘虛而入。致生是症。倘本臟稍有真陰制火。瘡形自可紅活。高腫爲膿。治以人參養榮湯加山萸、五味子、黃檗、知母。及加減八味丸。以救其源。若瘡形紫黑乾枯堅硬不作膿者。爲真陰內敗。再無生理。必死在十五日前後也。

### 督脈經虛從項發。俗名對口故相稱。

對口者。生於項後而對前口也。有偏正之不同。發於正者。屬督脈所主。發於偏者。乃太陽膀胱所司。皆起於溼熱上攻。凝結而成也。屬督脈者。瘡雖正而反爲

易治。因督脈起於下。而貫脊上行。故毒氣得之。反能衝突高腫。使發於外。不致下流低陷。故多易治。屬膀胱者。瘡雖偏而反爲難治。因膀胱之脈。起於巔頂。貫頂兩旁。順下而行。乃與瘡毒交會下流。故瘡多平塌。又太陽膀胱主司寒水。爲冷爲沈。故瘡形多難起發。色難紅活。堅硬難潰。又易流注兩肩胸項作腫。十五日外無膿者。必然變黑歸陰。故多不治。俗以正爲重。以偏爲輕。未知其理故也。治以黃連消毒飲主之。餘以降火化痰解毒清心托裏爲要。

相案。偏對口陰疽居多。此言瘡不起發。色不紅活。堅硬無膿。明是陰疽。治以黃連消毒飲。其不變黑歸陰者幾希。

何期耳後多生發。天疽銳毒亦非輕。

生於耳後一寸三分致命之處。左爲天疽。是屬肝木。右爲銳毒。是屬肺金。皆爲險惡之候。二者皆起於積想在心。謀慮不決。致火旺而又鬱。鬱而又旺。以成此疾也。故形多堅硬。頭多隱伏。未潰先黑。未膿先腐。臭穢易生。元氣易敗。不得外發。多致內攻而死。此症初起隱微不覺。及至已覺。則毒已入內矣。如紅活高腫。易膿易腐者無妨。



又有脫疽生手足。丹房補術擊根因。

脫者落也。疽多黑腐。此毒皆起於丹石補藥。房術祕法。興陽澀精。行幸不覺。藥性暴烈。或洗或嚼。或噙於口。或藏臍下。霸阻精道。久戰不弱。取樂一時。恣情戲謔。毒積臟腑。真陰枯灼。積禍在身。終久必發。此是根因。發者難生。多生手足。發在骨筋。初生如粟。色似棗形。漸開漸大。筋骨伶仃。烏烏黑黑。痛割傷心。殘殘敗敗。污氣吞人。延至踝骨。性命將傾。此非天命。自喪其身。古人有法。截割可生。其法具在。詳註後文。

梟案。此段多以四字爲句。乃一則勸世文也。故仍而不改。以便誦讀。

漫腫難治。掀腫易。總論中間法可憑。

漫腫者。肉腫瘡不腫也。掀腫者。瘡腫肉不腫也。瘡之陰陽於此分。症之逆順於此決。凡瘡初起。理當升發。潰膿之後。不宜內消。宜用托藥。如不應者。乃毒勝氣血。死在旬日。或已發出。而不腐潰。根脚堅硬。或掀而散大者。急投托藥。兼補脾胃。不應。死在二旬。若已潰而色不紅活。亦不生肌收斂。瘡口暈大。腫痛不減。胃氣不同。急須峻補。不應者。乃脾崩。死在月餘。

諸瘡另自分門說。豈許輕干紊此呈。

### 癰疽治法總論

癰疽發背怎生醫。不論陰陽先灸之。此句徐勒批曰陽毒及頭面忌灸不痛灸至痛。痛至不痛時。凡看癰疽大症。先要從容立定主意。以見標日期爲始。到今幾日。瘡形與日期是否相應。相應則多吉。不相應則多險。次看受病之源。發於何臟腑。出於何部位。再看身體之上下部位之險否。形色之順逆。精神之有無。年紀之老壯。氣血之盛衰。發陰發陽。毒深毒淺。陽爲易治。多生。陰爲難治。多死。然後診脈之虛實。以決其險順。未潰前脈要太過一二至。已潰後又宜不及二三至。是爲脈病相應。自不變生。如其相反。須防不測。以上看法。務要一一參明。表裏透徹。方定治法。凡瘡七日以前。形勢未成。元氣未弱。不論陰陽表裏。寒熱虛實。俱當先灸。輕者使毒氣隨火而散。重者拔引鬱毒。通徹內外。轉陰爲陽。方能發腫作痛。可汗可攻。或消或托。兼求標本參治。必以病合脈。以藥合病。庶不誤治。而首尾俱不可損傷元氣脾胃。尤爲至要。

楣案。徐氏言頭面忌灸。他書亦有言者。後人引東垣灸元好問腦疽案駁之。不知此乃反經合權手段。所謂有伊尹之志則可也。

內服蟾酥丸一服。外將神火照三枝。徐曰陽毒不宜用火照

凡瘡初起十日之前。或已灸之後。未服他藥。宜用蟾酥丸一服。得汗解為妙。或萬靈丹發汗亦可。使毒氣隨汗而散。最為捷徑。如二藥服後汗不出。此乃表裏閉密之故。其毒不輕。當用神妙拔根方施治。如神燈照法甚效。此法解毒活血消腫散瘀。然不可早用。如瘡只四五日。形未聚。毒未出。若早用之。恐火鬱而內毒反致難出。須八九日之後。瘡勢已定。毒氣已聚。未成膿腐之時。用此照之。能消者自消。不能消者自高。不潰者自潰。不脫者自脫。真良法也。

用膏貼頂上。敷藥四邊圍。徐曰未成者須出頂方不漫腫

凡瘡最忌風寒侵襲。初起或已灸之後。俱當用太乙膏蓋貼頂上。此膏拔毒提膿。兼以防禦風寒。如七日以後。掀痛高腫。瘡頭有黃色稠膿。黏在膏上。餘腫紅色。光亮鮮明。每日宜用葱湯洗淨。換膏貼之。其正膿定在十一日前後出也。此為陽毒易治。如七日之後。瘡不大高腫。四邊又不掀痛。瘡頭無膿意。宜用化腐



柴霞膏塗於瘡頂。外用太乙膏蓋之。換至十日外。瘡頂漸腐。餘腫漸高。似有膿意。其正膿定在十五日後可出也。此爲半陰半陽之症。化險成順。如二十日以後無膿者。乃純陰之症。治亦無效矣。至瘡之四圍餘腫。須用敷藥收束根脚。使不開大。初起用金黃散敷之。拔毒消腫止痛。潰後用鐵桶膏箍之。使瘡根漸收漸緊。諸瘡皆因氣血凝滯而成。切不可純用涼藥。冰凝肌肉。以致難腐難斂。當用溫暖散滯行瘀拔毒活血之藥爲妥。

氣盛兮頂自高而突起。血盛兮根脚束而無疑。

人之氣血稟賦不同。或老而有餘。或少而不足。故不論老少。總以氣血爲主。關係不淺。腫瘍若無正氣衝托。則瘡頂不能高腫掀痛。潰瘍若無真陰滋潤。則瘡色不能紅活。根亦不能收斂。其頂高根活者。皆可知氣血有餘也。又宜交會明白。交會明白者。瘡根與好肉交界之處。高低自然分明。皮肉自然各別也。高腫起者。忌用攻利之藥。以傷元氣。徐曰亦無盡然非惡藥元氣亦不傷。平塌漫者。宜投補托之劑。以益其虛。

凡瘡初時卽高起者。此屬陽症。毒發於表。內藏原無深毒。便宜托裏以速其膿。

忌用內消攻伐之藥。以傷臟氣。致膿反難成。不能潰斂。其初起不高不赤。平塌散漫者。此乃陰症。元氣本虛。急宜投托裏溫中健脾之藥。催托毒氣在外。庶無變症。

內熱甚者。量加消毒清劑。便閉燥者。必須通利相宜。使臟腑得宣通。俾氣血自流利。

腫瘍時。內熱口乾。脈實煩躁。便秘喜冷者。此爲邪毒在裏。急與寒涼攻利。宜內疎黃連湯。四順清涼散。內消沃雪湯。可以選用。兼有表症者。防風通聖散。去麻黃。或雙解散。加桔梗。天花粉。又或小便不利者。兼入天水散。或五苓散。務使二便通利。以清其源。又有元氣素虛者。恐不勝前藥。以托裏消毒散。加蜜炒大黃。或兼豬膽套法。亦得通利爲度。首尾俱要閉而不結。通而不泄。臟腑和平。表裏透徹。方可用托裏排膿內補之藥。又如潰瘍時。雖有口乾便閉。臟腑不和。小水不利等症。但因潰後膿水出多。內亡津液。氣血虛耗。不能榮潤臟腑所致者。其人必脈細而數。口和而乾。飲食減少。好飲熱湯。此乃虛陽之火爲病。非有餘可比。只宜養氣血。滋津液。和臟腑。理脾胃。則二便自和。亦無變症。倘誤行攻利。多

致不救。

十日之間瘡尙堅。必用拔針。當頭點破。此二句徐勣批曰未成膿者而

凡瘡十日已後。自當腐潰爲膿。如尙堅硬不作膿者。此屬半陰半陽之症。瘡根深固。若不將拔針。當頭點入寸許。開竅發泄。則毒氣無從而出。必致內攻。尙有內膿。針之亦令易出。譬如開戶逐賊也。亦有十日外瘡。雖不腐潰。形尙紅活。掀熱腫痛者。此乃膿遲之故。不必針之。凡元氣不足。或失用補托之藥。又誤用寒涼。或蓋覆未暖。多致膿遲。宜用補托健脾之藥。以得膿爲度。又以十五日至二十一日爲期。如過期但有稀膿者。元氣與毒相拒日久。以致耗散。難以奏功。

梟案同邑王君士雄述其故友管榮棠之言曰。十日點破之說。不可盡拘。當以有膿無膿爲斷。辨膿甚難。或一二日已有膿。而皮色不變。或十餘日尙無膿。而皮色紫黑。故有刀針不宜輕用之戒。然因循畏葸。亦能貽害。嘗有服藥至數月之久。仍須刀決者。破家廢業。殘損肢體。亦有不待決而逕死者。皆由不知辨膿故也。

半月之後膿亦少。須將藥筒對頂拔提。有膿血之交黏。必腐肉之易脫。徐曰對症用之乃效

誤用防  
出血

如瘡至半月後。仍不腐潰。不作膿者。毒必內陷。急用拔針。當瘡頂點開三孔。如品字樣。隨瘡之深淺。一寸二寸皆可入之。入針不痛。再深入不妨。隨將藥筒預先煮熱。對孔合上。良久候溫。取下。如膿血交黏。膿則黃而帶鮮。血則紅而微紫。此為活瘡。氣血內運。腐肉易脫。用藥可全。如拔出瘀血紫黑。色敗氣穢。稀水無膿者。此為死瘡。氣血內敗。神仙不治。一月必死。

且如斯時內有膿而不得外發者。以針鉤向正面鉤起頑肉。用刀剪當原頂剪開寸餘。使膿管得通流。庶瘡頭無閉塞。鉤起頑肉以下十四字徐勸批曰肉未全腐而剪去血出多者立死宜用藥條及腐肉之  
藥刀針總  
不宜輕用

已用藥筒拔膿之後。外既有孔。內竅已通。又當大膿發泄之期。如尙膿少。此乃瘡頭有瘀腐塗塞。內肉亦有頑膜阻隔。以致膿管不通。自然難出。須用針鉤鉤起瘡頂頑肉。用拔針利剪。隨便取去寸餘頑硬之肉。即微痛血出。亦自不妨。隨用兩手輕重得宜。從瘡根漸漸捺至中間。內有聚膿。自然湧出。以黃色稠厚而日漸多者為吉。反此為凶。



頻將湯洗。切忌風吹。切忌風吹徐圖

凡瘡未潰前。或已用照藥後。俱要煎葱艾湯。每日淋洗一次。甚者早晚二次。使氣血疏通。易於潰散。至潰已時。及藥筒提拔之後。尤宜避風。洗以豬蹄湯。用方盤在瘡下放定。隨用軟帛將湯淋上。併入孔內。輕手按捺。使敗腐內膿隨湯而出。以淨爲度。再以軟帛疊成七八重。勿令大乾。帶湯覆於瘡上。兩手輕盈旋按片時。帛溫再換。如此洗按四五次。自然瘀滯得通。毒氣得解。腐肉得脫。疼痛得減。此手功之要法。大瘡不可缺也。候腐脫已見紅肉時。洗後搽以玉紅膏。用抵脚將膏挑在手心上。捺化捺之外。蓋太乙膏。四邊根脚已消處。不必箍藥。每日如此。不數日間。膿腐盡脫。新肉頓生。更加內補調理得宜。輕瘡只在月餘。大瘡不過七十日。必完口而愈。

又關節在於斯時。變生出於此候。

關節者。陽瘡以十四日爲關。陰瘡以二十一日爲節。此時務要膿出勢定。由膿出而腐脫。由腐脫而肌生。由肌生而收斂。亦瘡之次序關節也。過期不得膿者。後必有變。故一關順則多順。一關逆則多逆。不可不知。

治當大補。得全收斂之功。切忌寒涼。致取變生之局。大補二字徐勒批曰毒輕而毒之藥

潰膿之後。五臟虧損。氣血大虛。法當純補。但見發熱惡寒。膿多自汗作痛者。便進十全大補湯。虛熱少睡。飲食不甘者。便進黃耆人參湯。皮寒虛熱。咳嗽有痰者。便進托裏清中湯。四肢倦怠。肌肉消瘦。面黃短氣者。便進人參養榮湯。膿多心煩少食。發躁不睡者。便進聖愈湯。脾虧氣弱。身涼脈細。大便溏泄者。便進托裏溫中湯。飲食不甘。惡心嘔吐者。便進香砂六君子湯。脾虛下陷。食少虛熱間作者。便進補中益氣湯。腎虛作渴。不能制心火者。便進加減八味丸。蓋托裏則氣血壯而脾胃盛。使膿穢自排。毒氣自解。死肉自潰。新肉自生。飲食自進。瘡口自斂。若不務補托。而誤用寒涼。則真氣虛而益虛。邪氣實而益實。往往瘡毒內陷。膿多臭穢。甚則脈洪大渴。面紅氣短而死矣。

相案。先言純補。後言托裏。文不相承。蓋彼所謂托裏。卽以補爲托。非兼用托毒之藥也。故徐氏駁之。而於所錄潰瘍諸方後。尤諄諄致意也。

蓋瘡全賴脾土。此句徐圈批曰傷胃之藥不可用調理必要端詳。

脾屬土而上受胃積。故胃爲水穀之海。脾爲倉廩之官。胃主容納。脾主消導。運行不息。生化無窮。凡周身氣血。徧體脈絡。四肢百骸。五臟六腑。皆藉此以生養。是謂得土者昌。失土者亡。蓋脾胃盛則多食而易飢。其人多肥。氣血亦壯。脾胃弱則少食而難化。其人多瘦。氣血亦衰。故外科尤以調理脾胃爲要。善養生者。節飲食。慎寒暑。戒喜怒。省勞役。則脾胃不傷。不然則精神氣血。由此而日虧。臟腑脈絡。由此而日損。肌肉形體。由此而日削。百病生矣。

冬要溫牀暖室。夏宜淨几明窗。

人之氣血。喜暖而惡寒。遇寒則結。遇熱則散。瘡乃肌肉破綻之病。風寒最爲易襲。凡看瘡時。冬宜溫牀暖室。爐火逼盡餘寒。夏宜淨几明窗。外風不令得入。方可揭膏洗貼。常見病者。夏則縱意當風取涼。或睡臥陰溼之處。冬又不和溫暖。以致寒侵。輕則不能生肌收口。重則變爲不膿不斂陰症。可不慎哉。

飲食何須戒口。

此句徐勣批曰。從古無之。談真是亂道。冷膩硬物休食。

飲食者。人之所賴以生。方腫瘍時。痛傷胃氣。自然諸味不喜。及潰後膿毒一出。胃氣便開。方欲思食。但所喜者。便可與之。以接補脾胃。如思此物而不與。恐逆。

其胃氣。而反致不能食也。但不可太過。又生冷傷脾。硬物難化。肥膩滑腸。所當禁耳。

徐曰。飲食亦當謹慎。世醫反令喫毒物。則大謬矣。

癰疽雖屬外科。用藥卽同內傷。

凡癰疽如腦項疔毒大瘡。形勢雖出於外。而受病實在於內。故當內外兼治。外不起者。內加托藥。表熱甚者。內必清解。血虛宜用四物湯。氣虛宜用四君子湯。脈虛足冷溫中。脈實身熱涼膈。蓋以癰疽言之爲外科。以氣血言之卽內傷。理無二致。業外科者。不可不兼明內科也。

脈虛病虛。首尾必行補法。表實裏實。臨時暫用攻方。

丹溪云。凡瘡未破。毒攻臟腑。一毫熱藥不可用。凡瘡既破。臟腑已虧。一毫涼藥不可用。此未盡然。假如未破時。脈得微沈緩濇細數浮空。又兼身涼自汗便利。嘔吐少食。瘡形又不起發。不掀不痛。不潰無膿。此皆氣血虛弱之故。若執未破毒攻臟腑之說。攻以寒涼。復損元氣。豈能得生。余則不論首尾。不拘日數。但見脈症虛弱。便與滋補。虛弱甚者。須用參朮膏。八仙糕。陽虛自汗食少者。單人參。



膏。或六君子湯加砂仁、木香。甚者加附子。泄瀉腸鳴。胃虛嘔逆者。參苓白朮散加豆蔻、山藥、木香、柿蒂。脾虛下陷。溏泄及肛門墜重者。補中益氣湯加山藥、山黃、五味子。隨症選用。虛而受補者多生。虛而不受補者不治。至如表實而身體發熱。無汗惡寒。裏實而脈大身熱。便燥口乾。表症急。則宜先用荊防敗毒散以解其表。裏症急。則宜先用四順清涼飲以攻其裏。表裏相兼者。宜防風通聖散發表攻裏。凡此活法。亦在臨時酌用。不可執泥。

病要論久新法。莫善於寬治猛治。

人之病有新久。勢有緩急。如受症之初。元氣未弱。有當用猛劑者。切勿養癰貽患。所謂若藥不瞑眩。厥疾不瘳。如表症盛者。用萬靈丹大加表散。裏症急者。以內疏黃連湯急與通行。但當中病即已。不可太過耳。又如受病日久。邪正相拒。其元氣未有不衰弱者。縱有餘症雜症壞症。俱當先固其本。而後調之和之散之。使病氣漸退。元氣漸醒。飲食漸進。根本漸實。則餘患再無不愈之理。常見醫者不論病之新久。本之盛衰。又不悟因虛致病。因病致虛。其中又有虛熱虛寒之別。一例妄行攻治。如盲人騎瞎馬。夜半臨深池。豈不危哉。

楣案。補虛必兼托毒。如徐氏之說。乃爲無弊。後列潰瘍諸案。往往以蠻補收住毒氣。弄小成大。遲久始愈。徐氏論之詳矣。

藥必求標本。功莫別於先醫後醫。若一概之攻補。恐兩途之誤用。

凡物理皆有標本。而身病之標本。尤不可不察。五臟爲本。六腑爲標。五臟主裏主血。六腑屬表屬氣。此身體之標本也。初病爲本。傳病爲標。元氣爲本。病氣爲標。此疾病之標本也。凡治病者。當先治其本。後治其標。又緩則治其本。急則治其標。假如先得瘡疾。而後得泄瀉嘔吐食少等症。則當舍本從標。俟瀉止嘔定食進。始治其瘡。餘皆倣此。

楣案。此段原註論標本處。模糊敷衍。徒亂人意。故痛加芟蕪。所存止此。

又說陽變爲陰。內外被寒涼克伐。徐曰寒涼固不可用

瘡發於陽。爲癰。爲熱。爲疼。爲實。本屬易治。但起初或視爲小恙。不早求治。又外受風寒。內傷生冷。或醫者失於補托。而又以涼藥圖其內消。以合病家之意。多致氣血冰凝。脾胃傷敗。瘡毒不得外發。遂成內攻之候。往往不救。如瘡變在十日未出膿之前。形勢與好肉相平。不疼不熱。軟漫相兼。瘡口止流清稀膿水。

更兼身體不熱。脈亦細微。不欲飲食。精神昏短。此陽變爲陰。雖強投溫中健脾之藥。而不應者。百無一生。如瘡變在十五日之後。已出膿時。毒已外發。偶因調攝失宜。誤食冷物。忽變爲陰者。急投托裏溫中湯。十二味異功散。輕者十全大補湯。俱倍加參耆桂。附以救之。須得瘡熱作痛。膿出身溫。脈起食進者吉。因原屬陽症。故可轉危爲安。

豈期陰變爲陽。首尾得辛熱扶裝。徐於此句旁又批曰何可輕用熱藥殺人之術也病分真似。理究陰陽。瘡發於陰。爲疽爲冷。爲硬爲虛。原屬難治。病者覺之。而用辛香酒煎大方熱藥服之。醫者又敷以熱藥。冀其起發高腫。掀熱作膿。於是瘡得熱藥而轉陰爲陽矣。若其瘡雖得微腫微熱微痛微膿。而形勢終不似真陽之紅活。亦不能得真厚之黃膿。則仍歸陰症。多死。凡值此等陰症。若病者方寸不雜。聽命於醫。醫者治法得宜。先後中節。十中亦有一二可生。其急如救焚拯溺。可施者毋緩須臾。其慎如臨淵履冰。應禁者切忌鹵莽。如此而不得生。則天命矣。既有針工之異說。豈無線藥之品詳。

凡瘡毒已成。當托其膿。膿成當用針通。又必驗其生熟淺深上下而針之。假如

腫高而軟者。發於肌肉。膿熟用針。只至四五分。腫下而堅者。發於筋脈。膿熟用針。只至六七分。腫平肉色不變者。毒氣附於骨也。膿熟用針。必深入寸許。方得見膿。又輕按便痛熱甚者。膿淺而稠。重按方痛微熱者。膿深而稀。按之陷而不起者。膿未成。按之軟而復起者。膿已成。按之都硬不痛者。無膿。否則瘀血也。按之都軟不痛者。有膿。否則溼水也。凡瘡有膿。卽當針。膿孔宜順下。膿未熟而遽針。則氣血泄而膿反難成。膿已熟而不針。則腐潰深而瘡必難斂。膿深而針淺。則內膿不出。而外血徒泄。膿淺而針深。則內膿雖出。而良肉亦傷。元氣虛者。必先補而後針。則諸症悉退。又有氣癭腫而綿軟不痛者。血癭腫而肉壘成塊者。頑毒結之日久。皮膚肉紫根硬。四邊紅絲纏繞者。以及結核之漸大漸痛漸腐者。以上四症。俱不可輕用針刀掘破。此句若妄用之。必出血不止而立危矣。用針之妙。在膿隨針出。而病者寂無所知。至於癭瘤瘰癧諸痔諸漏疔毒堅硬頑瘡。非線藥之功。不能刻期取效。線藥有五六種。分附各門。以便隨症選用。此不及贅。

湯散丸丹。要在發而必中。此句徐國批曰或神聖工巧。誠爲學者機關。



醫之用方。猶將之用兵。須調度得法。要在知人之強弱。識症之內外。究病之淺深。察時之順逆。然後可汗可攻。或吐或下。或宜和解。或宜補益。某湯善汗。某散善攻。某丸善和。某丹善補。因病用方。如矢發機。投之必中。而病無不愈矣。神聖工巧。須從望聞問切四字體會。此又學醫者之機關也。

至於千方百症。難將說盡短長。

方不在多。心契則靈。症不在難。意會則明。方不心契。症不意會。而欲藥與病相應。難矣。

治在活法。貴在審詳。

嘗謂昔者承平。今時擾攘。動靜不同。勞逸亦異。昔之受病。從外而來。今之受病。從內而發。又古者多實。設方宜散宜宣。今者多虛。治法宜滋宜補。醫者不識古今。一概施治。安能奏效。

用之必得其當。醫斯可以稱良。

徐曰時時自考詞雖近於麤鄙。可爲後學提綱。

楣案。以上兩論正文。及後諸歌訣。辭多俚鄙。既難順文芟薙。又未便另作。故皆仍而不改。

## 癰疽陽症歌

癰疽不論上中下。惟在陰陽二症推。發背雖有正與偏。要取高低兩樣看。純陽初起必掀腫。更兼身熱有微寒。頂如尖字高突起。腫似彎弓根有盤。七日之間多掀痛。二七之期膿漸漫。動息自寧食知味。二便調勻無瀉乾。腫消膿潰精神爽。脫腐生新氣血完。五善自然臻並至。七惡全無半點干。痛便隨膿減。腫退自肌寬。新肉已生紅豔豔。腐皮自斂白漫漫。一身多爽快。五臟盡和歡。此屬純陽俱易治。百人百可保全安。

## 癰疽陰症歌

純陰初起不知瘡。粟米之形疙瘩僵。不紅不腫不知痛。少熱少掀少提防。七朝之後身體倦。瘡根平大喜澆湯。頂不高兮根不活。色不光兮腐不穢。陷軟無膿空結聚。脈浮散大細飛颺。飲食不食身戰戰。嘗湯止許意忙忙。瘡上生衣如脫甲。孔中結子似含芳。膿多臭穢身難便。舉動倉皇韻不長。瘡形成紫黑。面色變青黃。精神

昏憤多鼾睡。言語無人自發揚。口乾多舌強。痰喘定身亡。此屬純陰俱不治。百人百可到泉鄉。

梔案。嘗湯句人多不解。蓋卽內症之湯到口又不欲嚥耳。

### 癰疽半陰半陽歌

陰陽之症兩相交。生死關頭判一毫。微熱微寒微赤腫。半昏半爽半平高。脈來雖數多無力。飲食雖冷便不消。腫而不潰因脾弱。潰而不斂爲膿饒。大便秘澀小便數。上身有汗下身焦。五善雖兼有。七惡未全逃。口渴喜茶腸腹痛。面浮饜飲足心高。心煩不穩睡。神亂怕音焦。投方應病方爲妙。陰轉爲陽漸可調。心通造化爾命堅牢。逢之須是神 hands。半死餘生定可逃。

### 癰疽五善歌

心善精神爽。言清舌潤鮮。瘡疼兼不渴。睡醒得安然。肝善身輕便。因煩自不煩。指頭紅活色。坐起覺平康。脾善脣滋潤。衾幃蘭麝香。凡食俱有味。膿厚更肥黃。肺善

聲音響。無痰韻更長。肌膚多滑潤。大便自尋常。腎善誠爲要。水升火自降。口和初不渴。小水亦稀長。

### 癰疽七惡歌

一惡神昏憤。心煩舌上乾。瘡形多紫黑。言語自呢喃。二惡腰身強。目睛邪視人。瘡頭流血水。驚悸是肝逆。三惡形消瘦。膿清臭穢生。瘡形多軟陷。脾敗不知疼。四惡皮膚槁。聲嘶韻不長。痰多兼喘急。鼻動肺將亡。五惡成消渴。隨飲卽隨乾。形容多慘黑。囊縮腎家端。六惡身浮腫。腸鳴嘔呃頻。大腸多滑泄。臟腑並將傾。七惡瘡倒陷。形如剝鱗同。四肢多冷逆。血水自流通。

### 治病則例歌

外科之瘡有治例。說與君家須切記。病端百出別根因。方法一囊豈同類。熱與寒。通與秘。其中消息知端的。通多不足秘多餘。熱實寒虛分症治。陽似陰。陰似陽。似中妙理要推詳。不分表裏一例治。輕變重而重變亡。醫者貴乎多應變。不可偏執。



用其方。且如表症惡寒。宜用荆防敗毒散。裏症發熱。可將內疎黃連湯。瘡勢已成。托裏消毒散。誠爲正法。內膿將潰。十全大補湯最得相當。徐曰。毒未出盡。不可輕用。十全大補人參養榮湯。治潰後虛熱發作。木香流氣飲。散結腫寒溼爲殃。飲食不甘。定用香砂開胃。精神怯少。須將參朮同陽。陰虛須入珍。最爲要領。盜汗自汗。得獨參一味可強。此句徐勒批曰。汗爲心火。何輕用參。汗爲心火。何輕用參。尤良。口燥謔言。瀉實火。須黃連解毒湯。心煩衄血。理虛陽。必犀角地黃湯。古法治癰疽。稱述仙方活命飲。今時醫發背。還期神授衛生湯。蟾酥丸在外科。稱爲獨品。護心散解內毒。號曰無雙。詎知蠟礬丸護膜護心。可羨淡中有味。還讚玉紅膏生肌生肉。堪誇壞裏呈祥。身涼自汗。腹痛腸鳴。嘔逆豈迷異功散。睡臥不寧。虛陽發躁。膿多定用聖愈湯。生脈散接虛羸。脈來微細。歸脾湯除驚悸。睡得安康。竹葉石膏湯。治虛煩身熱者。何須疑慮。麥冬清肺飲。除膈熱有痰者。毋待商量。金鯉湯。治肺癰吐膿氣急。元龜丹。攻結毒臭腐頑瘡。風熱生瘡。通聖散。瘡瘍狂躁。破棺丹。小柴胡湯。除客邪往來潮熱。大防風湯。攻腿膝寒溼爲殃。咽腫咽疼。定用清咽利膈散。斑紅斑紫。豈迷化斑解毒湯。八味丸療口乾妙藥。二神丸治脾泄奇方。香連丸

爲臟腑瀉痢通用。甘露飲治口齒腐爛相當。六和湯和脾止吐瀉。雙解散解表理內傷。逍遙散善治女人諸病。保元湯當扶赤子多傷。皮膚毛髮乾焦。蘆薈丸效應甚捷。此句不可徐勒批咽喉口齒腫痛。冰硼散功實非常。滋腎丸治下元腎虛不固。案王君謂滋腎丸即通關丸。乃泄厥陰熱閉。小水不通之藥。若腎虛不固。須用封髓丹。涼膈散解上焦膈熱多煩。九龍丹消魚口。吞之滅跡。二蛟散行溼腫。服下安康。呂祖一枝梅。止痢定驚。稱爲仙藥。真君妙貼散。消疹止痛。號曰神方。痔漏癭瘤。疔毒古誇三品錠。此句不可徐勒批癰疽流注。諸風今羨萬靈丹。柴胡清肝湯。治鬢疽肝膽有效。黃連消毒飲。醫對口督脈尤良。小兒口內生疳。必用人中白散。大人咽喉腫痛。須將金鎖匙湯。下疳新久珍珠散。小便淋澀。木通湯。玉真散破傷風最效。復元湯跌撲者稱強。提肩散治肱膊強直。作痛。拈痛湯除痛腿風溼相傷。小便生疳。龍膽瀉肝湯可羨。大頭腫痛。普濟消毒飲何妨。便毒懸癰。內消散吞何足慮。腎癰腿病。耆柴湯下自無殃。又有女子陰瘡。能腫能疼。能作癢。在人活法。或消或補。或蟲妨。蓋男子之囊癰。瀉肝經之溼熱。小兒赤遊丹。解毒兼砭血。凡治楊梅瘡。戒薰爲至切。舌下發痰包。利剪方能泄。出如雞蛋清。消痰是真訣。結毒與頑瘡。紫金膏可設。風瘡徹骨癢。雄黃散效絕。疔瘡先刺

血。此句徐勣批曰此當詳審不可犯鐵者甚多內毒宜汗泄。禁灸不禁針。怕綿綿者毒陷也不怕鐵。鐵者入針堅硬有聲。又有失榮腫。堅硬如巖凸。強陰失道症。形狀要分別。婦人之乳巖。此中一例決。未破肉峻。已潰流臭血。如此幾般症。古今無治說。瘡有數百種。難以都陳白。惟在一點心。何須三寸舌。學者若精靈。萬事皆通徹。此雖羸槌歌。學者宜細閱。徐曰。此言用藥之法。大段只如此。其辨症施治。圓通活潑。不可執也。其中有最無理者。斷不可從。梟案。此係歌訣。故句讀不盡依文義。

### 癰疽灸法併禁灸瘡穴

凡瘡初起。惟除項以上。餘皆並用艾灸。隨瘡勢之大小。灸艾壯之多少。用蒜切成薄片。安於瘡頂上。著艾炷蒜上。點火三壯。一換蒜片。初灸覺痛。以不痛似癢爲止。初灸不痛。以知痛癢爲佳。如初灸全然不覺痛癢。宜去蒜灸之。又陰瘡日數多者。艾炷恐不及事。以蒜搗爛。鋪於瘡上。以艾亦鋪蒜上。點火灸之。火氣方得入裏。必知痛甚爲效。知痛深處。方是好肉。蓋艾火拔引鬱毒。透通瘡竅。使內毒有路而外

發。誠爲瘡科首節第一法也。貴在乎早灸爲佳。又有禁灸數症。亦宜參詳。頭乃諸陽之首。純陽無陰之處。凡生瘡腫。俱是亢陽熱極所致。如再加艾火。使毒氣熾甚。隨後反加大腫。最能引動內痰。發之必死。面生疔毒亦然。又有腎俞一穴。在於兩腰脊傍。係內腎命根所係之處。此穴發瘡。多因房勞素虛。腎水枯竭而成。若再加艾灸。火爍其源。必致內外乾涸。多成黑陷昏悶而死。又有患者元氣素虛。發瘡多不高腫。其人體必倦怠。精神必短而昏。脈必浮散空虛。數而不鼓。此內無真氣。抵擋火氣。如灸之。其人必致昏憤而死。或謂艾火不虧人。此言貽誤多矣。醫者亦宜詳察。

徐曰。前歌云。不論陰陽先灸之。註又云。不論陰陽表裏寒熱虛實。俱當先灸。此言項以上及虛症俱忌灸。可知此書非一人手筆也。

### 論病生死法

初生如粟。裏可容穀。外面如麻。裏面如瓜。外面如錢。裏可容拳。起勢大而終無害。未老先白頭。無膿軟陷休。瘡從疔瘡起。有膿生方許。腫潰氣昂昂。不治自安康。根



高頂又高。八十壽還饒。掀腫易腐爛。任大終無患。瘡高熱掀疼。雖苦必然生。瘡軟無神氣。應補方爲益。肉腫瘡不腫。畢竟生疑恐。膿穢不進食。泄瀉黃泉客。瘡色猪肝紫。無膿必定死。綿潰不腐爛。內怕葡萄嵌。仰臥不知疼。陰症命難生。腐盡有敗氣。笑裏終生淚。根散瘡平塌。神仙無治法。久病目露神。畢竟命難存。面忽似塗脂。十日後分離。敗中有紅肉。雖似生門路。新肉如板片。不食終須變。手足皮枯槁。血敗生難保。脣白眼無神。腹脹瀉將傾。淹氣不滯氣。雖重多生意。眼眶黑氣濃。癰疽怕此逢。房中香馥馥。是病終爲福。瘡熱身微熱。輕病何須說。生死此中求。片言便可決。

徐曰。此篇乃句句名言。

### 察形色順逆

凡看人病。兼視其形色。後與脈病相參。誠識於始。以決其終。百無一失矣。何以知之。陰病見陽色。腮顴紅獻。陽病見陰色。指甲青呈。此二者俱死。又身熱脈細。脣吻反青。目珠直視者死。面如塗脂。色若土黃。油膩黑氣塗抹者死。脣舌乾焦。鼻生烟

煤。眼神透露者死。形容憔悴。精神昏短。身形縮小者死。喘竈氣短。鼻掀睛露。語言謔妄者死。循衣摸牀。遺尿失禁。撮空者死。頭低項軟。眼視無神。吸吸短氣者死。皮破無血。肉綻爛斑。麻木不知痛癢者死。齒黃色如煮豆。唇白板理無紋。耳黑枯焦。不聽。人中縮而坦平。口張氣出無回閉。鼻撮相隨呼吸行。汗出如珠不散。痰若膠而堅凝白。血紅如肺色。指甲彎而帶青。神昏神浮。神亂神離。緇衣生滿面。黑氣慘天庭。逢之都沒命。法在此中評。

### 病有二因受病主治不同論

三因者。內因。外因。不內外因。內因者。皆起於七情蘊結。又兼厚味膏粱。薰蒸臟腑。房慾勞傷。虧損元氣。其病五臟受之。發之富貴人及肥胖者。十有八九。其見症瘡多堅硬。根蒂深固。二便不調。飲食少進。外軟內堅。平昭無膿。表實裏虛。毒多難出。病由內傷。故曰內因。外因者。皆起於六淫。體虛之人。夏秋露臥。當風取涼。坐臥溼地。以致風寒溼氣襲於經絡。又有房事後得之。其寒毒乘虛深入骨髓。與氣血相凝者尤重。或外感風邪。發散未盡。遂成腫痛。其病肌肉血脈筋骨受之。發之不善。

調攝寡薄勞碌之人。十有八九。見症多寒熱交作。筋骨疼痛。步履艱辛。溼痰流注。以及諸風癱瘓。口眼歪斜。半身不遂。風溼風溫。天行時毒等症。病屬外感。故曰外因。不內外因者。內無七情干內。外無六淫傷外。其病得之飢飽勞役。喜怒不常。飲食冷熱不調。動作勤勞不惜。以致臟腑不和。榮衛不順。脾胃受傷。經絡凝滯。故外無六經形症。內無便溺阻隔。其病多生於膜外肉裏肌膚之間。如癰癤痰注氣痞癭瘤之屬。治法不必發表攻裏。只當養氣血。調經脈。健脾和中。行痰開鬱。爲最善。三因之理盡矣。

梟案。喜怒乃七情之二。以七情屬內因是矣。而又以喜怒不常爲不內外因。此徐氏所謂無本之學也。桐鄉陸進士以滌同里表弟吳廣文元禧皆兼通醫學。爲引古義訂正。今錄與後之業外科者觀之。可以知其本矣。其略云。三因之說。仿於仲景金匱要略。暢於陳無擇三因極一病證方論。二家之說。微有不同。金匱言一者。經絡受邪入臟府。爲內所因。二者。四肢九竅血脈相傳。壅塞不通。爲外皮膚所中。三者。居室金刃蟲獸所傷。陳氏言內因爲七情之所發。自藏府形於肢體。外因爲六淫。起於經絡。舍於藏府。不內外因爲飲食飢飽。叫呼傷氣。以

及虎狼毒蟲金瘡壓溺之類。合二書以觀之。三因之說乃盡。王君謂金匱及三

謂業外科者正未必讀而此稿爲陸吳二君校補故著二君名

梟又案。此三因受病主治不同論也。而篇中內外因並無治說。亦見其疎。

### 調理須知

凡人無病時不善調理。致生百病。況既病之後。若不加調治。病豈能愈乎。其調治有法。初起病時。先看病者元氣虛實。次看瘡之陰陽險否。然後用藥調治。當攻即攻。可補便補。不可因循耽誤。以致變態不虞也。且患者又當安定心神。寂忘諸念。毋使愴慌。乃保神氣不致變亂也。再順天時。假如夏熱。坐臥不可當風。忌置水於榻前牀下。冬寒須避。起居常要溫和。非柴火不可開瘡看視。以致寒侵生變。又未潰之先。毒氣內作。倘有口乾渴症者。涼物須當少少與之。以解蘊熱。至膿潰之後。生冷硬物一概禁之。不然傷脾損胃。膿必難成。致瘡軟陷。又難收斂。飲食須當香燥甘甜。粥飯隨其喜惡。毋飡過飽。宜少宜熱宜濃。方無停滯。又得易化也。如大瘡潰後。氣血兩虛。脾胃並弱。必製八仙餅。早晚隨食數餅。以接補真元。培助根本。再



熬參朮膏。如患者脾胃俱虛。飲食減少。胸隔不寬。飲食無味者。用白朮膏三匙。人參膏二匙。清米湯空心化服。喜飲者。酒化亦可。若精神短少。昏沉多睡。自汗勞倦。懶於動作。用人參膏三匙。白朮膏二匙。亦酒化服。如肌膚羸澀。面蒼不澤。或大便血少虛秘。以及皮乾髮槁者。同地黃膏各二匙和服。或飲陽春酒更妙。此二膏強健精神。頓生氣血。開胃助脾。潤肌榮骨。其功非小。大瘡不可缺也。

### 雜忌須知

凡病雖在於用藥調理。而又須知禁忌。先要灑掃房內潔淨。冬必溫幃。夏宜涼帳。庶防蒼蠅蜈蚣之屬侵之。一切尼僧孝服經事。見行婦女。及遠客生人。開瘡時俱當忌見。牛犬腥羶醃臘薰藏之物。俱能作渴生乾。瓜果梨柿菱棗生冷等類。又能損胃傷脾。雞鵝羊肉蚌蛤河豚蝦蟹海腥之屬。並能動風發癢。油膩煎炒烹炙鹹酸厚味等件。最能助火生痰。赤豆蕎麥。動氣發病。惱怒急暴。多生痞滿。飲食太過。必致脾殃。瘡愈之後。勞役太早。乃為羸症。入房太早。後必損壽。不避風寒。復生流毒。不減口味。後必瘡癢無度。大瘡須忌半年。小瘡當禁百日。此為知命君子也。

徐評外科正宗

明 崇川 陳實功 著  
清 海寧 許辛木 訂  
清 吳江 徐靈胎 評  
鄞縣 曹炳章 校

卷二

瘡瘍看法

初起頂高根活。色赤發熱。掀腫疼痛。日漸高腫者順。已成掀痛。皮薄光亮。飲食如常。二便調和。身溫者順。已潰膿稠。色鮮不臭。腐肉自脫。掀腫易消。身輕者順。潰後新肉易生。瘡口易斂。飲食漸進者順。初起頂平根散。色暗微腫。不熱不疼。身體倦怠者逆。已成腫堅色紫。不作膿。不腐潰。惟口乾多煩躁者逆。已潰皮爛。肉堅不腐。腫仍不消。痛仍不減。心煩者逆。潰後膿水清稀。腐肉雖脫。新肉不生。色敗臭穢者

死。

梟案。此係總論看法。各卷分論大略相同。徐氏謂不必重出。良然。

### 腫瘍治法

初起知痛或不痛。起發或不發。毋論陰陽表裏。日數遠近。但未見膿者。俱宜灸之。徐曰寒毒方宜灸既灸不知痛癢。明灸之。掀腫發熱。疼痛有時。脈來浮數。無便秘者。宜藥托之。身體拘急。脈緊惡寒。飲熱就暖者。邪在表也。宜汗之。腫硬痛深。口乾便秘。身熱脈實者。邪在裏也。宜下之。掀痛勢甚。煩躁飲冷。舌乾口燥者。火在上也。宜清之。腫痛堅硬。背如負石。惡心乾嘔。邪毒在內。解毒拔之。腫痛日深。內膿不出。瘀肉塗塞。瘡口者。急宜開割之。軟慢不作膿。及不腐潰者。陽氣虛也。壯脾胃。助陽氣。身涼自汗。手足並冷。六脈虛細。便泄陽脫也。急溫之。

梟案。原本此後接以癰疽治驗各條。余觀之。皆發背也。敍於諸方之前。爲失次。故另補發背總論。而移於第四卷腦疽之後。

### 腫瘍主治方

神授衛生湯

衛生湯用阜歸銀。粉乳紅沈石決明。芷甲羌防翹草節。大黃便秘得之行。治癰疽發背。腦疽對口。丹瘤瘰癧。惡毒疔瘡。溼痰流注。及一切諸毒。未成者即消。已成者即潰。能宣熱散風。行瘀活血。解毒消腫。疎通臟腑。且藥性平和。功效甚速。誠外科首用方也。徐曰外科治法不外宣熱散風十六字

羌活八分

防風

白芷

穿山甲土炒

沈香

紅花

連翹

石決明煅各六分

金銀花

阜角刺

歸尾

甘草節

花粉錢各一

乳香五分

大黃

酒拌炒二錢脈虛便利者不用

水二碗。煎八分。病在上部。先服藥。隨後飲酒一杯。病在下部。先飲酒一杯。隨後

服藥。以行藥勢。

徐曰。此外科之主方。加減不外乎此。羌活搜風發表勝溼。防風解表去風勝溼。白芷發表散風熱。活血排膿。連翹散結消腫排膿瘡家聖藥。甘草節生肌止痛。惟花粉大寒不可用。破後口渴乃可用。其方之分兩。亦宜斟酌得中。除



大黃外。共一兩零五分。

又曰。外科與內科大不相同。內科之病。千頭萬緒。一病必有一病之主方。外科不過托毒清火。及生肌長肉等數法耳。即有加減。亦惟隨症選擇幾味。無多法也。集中所載。不下數百方。細審之。不外數十方。學者果能將藥性細細參考。隨症施治。無投不利也。

梔案。外症陽毒。即不服藥。亦能自腫自潰。以至收功。然有藥以治之。則可內消。陰毒非服藥不可。集中首列衛生湯。蓋即仙方活命飲。而藥味小有出入。本是古法。然余觀他書治陰陽二毒之方。儘有佳者。目擊試驗。今附錄於左。

四妙湯

即神效托裏散

生黃耆 五錢

大當歸 一兩

金銀花 一兩

甘草節 二錢

右藥水煎。晝夜服盡。自可移深居淺。轉重作輕。如已成。氣血素虧。不能穿潰者。加白芷、皂針、山甲各二錢。一伏時自潰。如已潰後。即宜刪去皂針、山甲。如初起。掀痛口渴。加天花粉。此方出外科說約。顧世澄瘍醫大全中采之。謂此乃瘍科首用捷法。數十年來。凡治一切癰疽。皆賴此方。增減活法。臨時酌用。遇大症。金

銀花每加至六兩四兩。生黃耆加至兩許。當歸加至二兩。甘草節加至三錢。但見瘡色不起。膿水清稀。即加肉桂。轉陰爲陽。化毒成膿。如乳癰乳吹。即加蒲公英一兩立消。百發百中。萬穩萬當。如偏身有溼熱瘡癬者勿用。

楣案金銀花須重用方得力。他書載一園丁發背甚危。取金銀藤五六兩搗爛。入熱酒一鍾。絞取汁溫服。渣罨患處。四五服而平。後用此藥治瘡。因以養身成家。遂棄園業。蓋金銀花治瘡。未成即散。已成即潰。藤與花功用相同也。又案全生集謂大癰潰後。醫多用炙耆。炙草。或用半炙半生。殊不知耆草皆炙。適以補毒。而不能托毒。倘毒氣未盡。反得補助。致攻內腑。則如之何。此說甚當。蓋不獨未潰以前不可用炙耆。炙草矣。又案昔有人傳一方。遇赤貧者生大毒。以阜角刺四兩。生甘草二錢。酒水各半煎服。初起一二劑即消。余試驗數人。然有力者不如用四妙湯爲妥。

### 陽和湯

|     |    |     |                      |      |                           |    |    |
|-----|----|-----|----------------------|------|---------------------------|----|----|
| 熟地黃 | 一兩 | 白芥子 | 二錢 <small>炒研</small> | 鹿角膠  | 三錢                        | 肉桂 | 一錢 |
| 薑炭  | 五分 | 麻黃  | 五分                   | 加生甘草 | 一錢 <small>乳岩加貝母五錢</small> |    |    |

右藥用水加酒一杯同煎。

楣案全生集治陰疽專恃犀黃丸及此方。大旨謂諸疽白陷。乃氣血虛寒凝滯所致。陽和一轉。則凝結之毒自能化解。血虛不能化毒者。尤宜溫補排膿。膿雖已潰。毒氣未盡。通其腠理之功。仍不可緩。蓋補而不溫。則血凝氣滯。孰作釀膿之具。猶之造酒不暖。何以成漿。造飯無火。何以得熟。溫補而不開腠裏。則寒凝之毒。何從覓路行消。且毒盛者反受其助。猶車粟以助盜糧矣。余謂徐氏痛詆溫補。蓋爲十全大補等方。略不顧及外症。及專用參附者言也。此方用熟地、薑、桂、鹿角。以爲溫補之品。用麻黃以開腠理。用白芥子以消皮裏膜外之痰。具有法度。全生集又謂熟地得麻黃。則不膩膈。麻黃得熟地。則不發表。神用在斯。其言良是。余見獲效者頗多。昔一親戚患腦疽。色如隔宿豬肝。蔓延無畔岸。醫投以涼藥。神思昏憤。余令服此方。一劑而神清毒活。漸次出膿而愈。知全生集之不余欺也。然半陰半陽之症。卽不可用。

醒消丸

乳 香去一兩 沒 藥去一兩 麝 香五錢 雄 精五錢

右乳沒雄三味各研秤準。再合和麝香共研。用爛煮黃米飯一兩。入末搗和爲丸。如萊菔子大。如飯嫌乾。量加開水可也。曬乾忌烘。每服三錢。熱陳酒送下。醉蓋取汗。酒醒癰消痛息。此方專治紅癰。

### 犀黃丸

真犀黃三分

乳

香一兩去油

沒

藥一兩去油

麝

香五分錢

右藥先將乳沒各研秤準。再合和犀麝共研。用黃米飯一兩。如前法爲丸。飯嫌乾酌加開水。曬乾忌烘。凡乳岩瘰癧痰核橫痃流注肺癰小腸癰等毒。每服三錢。熱陳酒送下。患生上部。臨臥服。下部。空心服。此方紅癰亦可用。

梟案外症丸藥。以此方爲最妙。治白疽與陽和湯相輔而行。陽和湯有時須斟酌用之。而此方無投不利。所見獲效者甚多。余仲兄珊林喜食厚味。而不嗜茶。數十年來。腦背等處屢欲生大疽。皆乘其初起。服此丸得消。戊午年夏間生疔尤危險。其疔甚奇。兩兩相對而生。腦門左右兩額角兩顴兩太陽穴兩耳門共十箇。惟兩眉之間一箇。初以爲暑癰。不甚在意。俄覺身發寒熱。飲食不進。神思恍惚。知爲大毒。急服此丸。并另服煎藥。用生黃耆至四兩。生甘



草至五錢。漸覺神清熱退。毒亦高腫潰膿。甫旬日而九毒已收功。惟餘二毒出膿稍遲。又半月全愈。潰膿後停服犀黃丸。仍服生黃耆及調理脾胃托毒之品。胃口日開。但厭食葷腥。又一月即如常矣。因係疔毒。首尾用洞天膏及頭二三瓶。慘藥。

又案犀乃牛之別種。方用犀黃。實牛黃耳。牛黃以產於陝西者為最勝。世稱西黃。西犀同音。遂訛為犀黃。不知藥有犀角無犀黃也。陝產牛黃質輕而細。如千層蚌殼。重疊可揭。用津唾磨指甲上。黃透指甲。洗之不退者真。其產於廣中者名廣黃。質重而粗。無千層蚌殼紋。磨指甲黃色亦不甚透。醫家取其價賤。用代西黃。然其力甚薄。合此丸斷不可用。駱駝亦有黃。大而灰黯。肆中以充廣黃。乃是偽品。更有以雞子黃晒乾混充。則貨藥者之造孽矣。用者審之。

三黃丸

|     |    |    |   |    |    |   |    |   |   |    |
|-----|----|----|---|----|----|---|----|---|---|----|
| 熟大黃 | 三錢 | 乳  | 香 | 一兩 | 沒  | 藥 | 一兩 | 雄 | 精 | 五錢 |
| 麝   | 香  | 五錢 | 犀 | 黃  | 三分 |   |    |   |   |    |

右將熟大黃酒浸透。隔湯蒸軟搗爛。再將餘五味研極細和入。再搗千杵為丸。如梧子大。每服五錢。此丸專治懸癰紅腫熱毒疼痛大癰楊梅結毒火毒等症。連服十次。雖甚險者全愈。

五通丸

廣木香

五靈脂

麻黃

乳香去油

沒藥去油

右藥等分。各研極細末。再秤準研勻。用黃米飯搗爛。入末再搗為丸。如梧子大。另以芎歸赤芍連翹生甘草等藥煎湯送丸。每服五錢。凡大癰生於要緊穴道。將在發威之際。服此甚效。如與三黃丸間服。更妙。

小金丹

白膠香

五靈脂

草烏

地龍

木鱉各一兩五錢

乳香去油

沒藥去油

歸身各七錢五分

墨炭一錢二分

麝香三錢

右白膠香以下八味。各研極細末。秤準和勻。再入麝香墨炭同研。用糯米粉一

兩二錢爲厚糊。和入諸末，搗千杵爲丸。如芡實大。此一料約爲二百五十丸。晒干忌烘。瓷瓶密藏。勿令泄氣。臨用取一丸布包放平石上。隔布敲細。取好酒調藥令勻。蓋好。浸一二時許。再用銀物研過。熱陳酒送服。醉蓋取汗。梟案此須服無一丸至服消乃止。斷如流注初起。及一應痰核癰瘰乳岩橫痃初起。服消乃止。如流注等症成功將潰。及潰久者。當以十丸作五日早晚服。服則可杜流走。不至再增。但方內有五靈脂。與人參相反。不可與有參之藥同日服。

控涎丹全生集易名子龍丸

製甘遂

紅芽大戟

白芥子炒

右藥等分。各研秤準。再合研煉蜜爲丸。每服三分。淡薑湯送下。日服三次。凡實痰流注癰癰橫痃初起。皆宜服此丹以消之。製甘遂之法。每斤用甘草四兩。煎湯浸三日。湯黑。換河水淘洗。再用清水日淘日浸。每日換水數次。三日後去心。再淘浸四五日。取一撮入白瓷盆內。隔一宿。盆中水無異色。乃瀝乾。以麵裹如團。糠火煨至麵團四面皆黃。內藥熟透。取出晒干。入鍋炒透磨粉。其苦寒之性。經製則不苦而甜。不寒而溫矣。如藥肆已經製過。但須清水浸一二日。並無黑

色。便可用。製大戟之法。去附枝。水煮透。去骨取皮。切晒磨粉。甘遂與甘草相反。不可與有甘草之藥同日服。

### 內消沃雪湯

內消沃雪草歸皮。乳沒青翹歸芷耆。阜甲射干銀貝芍。木香花粉大黃宜。治發背併五臟內癰。尻臀諸腫。大小腸癰。肛門臟毒。初起但未出膿。堅硬疼痛不可忍者。

青皮

陳皮

乳香

沒藥

連翹

黃耆

當歸

甘草節

白芷

射干

天花粉

穿山甲

貝母

白芍

金銀花

阜角刺各八分

木香四分

大黃二錢

水酒各一碗。煎至八分。量病上下食前後服之。

徐曰。此方以治氣分之症爲宜。但藥味太雜。宜揀擇。熟讀藥性。方能知也。

### 內疎黃連湯



內疎黃連湯。木香、梔、歸、芩、芍、薄、荷、榔、大黃、桔、草、連、翹、共。邪毒消除，身自強。治癰疽腫硬，發熱作嘔，大便秘澀，煩躁飲冷，噦呃心煩，舌乾口苦，六脈沈實有力。此邪毒在臟也，急宜服此以內除之，使邪氣不得傳變經絡。

木香

黃連

山梔

當歸

黃芩

白芍

薄荷

檳榔

桔梗

連翹

甘草

大黃

水二茶鍾，煎八分。食前服。臨服加蜜二匙亦可。

徐曰：此為寒下之劑。

### 保安萬靈丹

萬靈丹用朮、防風、羌活、麻黃、歸、斛、芎、川、草、二、烏、甘、蠍、芥、雄、黃、何、首、北、辛、同。治癰疽疔毒，對口發頤，風溼風溫，溼痰流注，附骨陰疽，鶴膝風症，左癱右瘓，口眼喎斜，半身不遂，氣血凝滯，偏身走痛，步履艱辛，偏墜疝氣，破傷風牙關緊閉，截解風寒，無不應效。

茅朮 八兩

全蠍

石斛

當歸

甘草炙

明天麻

川芎

羌活

荊芥

防風

麻黃

北細辛

川烏湯泡去皮

草烏湯泡去皮尖

何首烏略一

明雄黃六錢

右爲細末。煉蜜丸。每藥以一兩作四丸。一兩作六丸。一兩作九丸。三等做下。以備年歲老壯病勢緩急取用。預用硃砂六錢。研細爲衣。瓷罐收貯。治癰疽初起。二三日之間。或已成至十朝前後。尙未出膿。狀若傷寒。頭疼煩渴。拘急惡寒。肢體疼痛。惡心嘔吐。四肢沈重。恍惚悶亂。坐臥不寧。皮膚壯熱者。又治傷寒四時感冒傳變疫症。但惡寒身熱。表症未盡者。俱宜服之。用連鬚大蔥白九枝。煎湯一茶鍾。將藥一丸。乘熱化開。通口服盡。被蓋出汗爲效。如服後汗遲。再用蔥白湯催之。後必汗如淋洗。漸漸退下。覆蓋衣物。其汗自收自斂。患者自然爽快。其病如失。未成者。隨卽消去。已成者。隨卽高腫潰膿。如諸疾無表症相兼。不必發散者。只用熱酒化服。此方原載於諸風癰瘰門。予每用之。發散瘡毒。其功甚捷。故移錄於此。詳觀此方治腫瘍甚效者。何也。凡榮衛不調。氣血凝滯。乃生癰腫。此方性專發散。又能順氣搜風。通行經絡。所謂結者開之。況瘡毒乃日積月累。

結聚所發。苟非甘溫辛熱發泄。以汗疎通。安能得效。所謂發散不遠熱。正合此方之意也。服後避風。當食稀粥。忌冷物房事。孕婦勿服。

徐曰。此方剛燥。膏粱之人不宜用。藥亦太雜。

又曰。此方治寒溼之毒為宜。餘者當斟酌。

梟案以此方治風溫及傷寒四時感冒傳變疫症。實開外科妄治內症之弊。

### 雙解復生散

雙解荆防芎芍耆。麻黃甘草荷山梔。歸翹滑石銀羌活。參朮黃硝共得宜。

治癰疽發背。諸般腫毒。初起憎寒發熱。四肢拘急。內熱口乾。大小便秘。宜此藥發表攻裏。

|     |       |      |      |
|-----|-------|------|------|
| 荆芥  | 防風    | 川芎   | 白芍   |
| 黃耆  | 麻黃    | 甘草五分 | 薄荷   |
| 山梔  | 當歸    | 連翹   | 滑石   |
| 金銀花 | 羌活    | 人參   | 白朮各八 |
| 大黃  | 芒硝各二錢 |      |      |

水二碗。表症甚者。加薑三片。葱頭二莖。裏症甚者。臨服加生蜜三匙。爲發表攻裏雙解藥也。

徐曰。此方以散風爲主。藥味亦雜。毒甚而體強者可用。

### 內消散

內消散內用銀花。知貝。天花。白芨。加半夏。乳香。併皂甲。此方神效。病全瘥。治癰疽發背對口。疔瘡。乳花百種。無名腫毒。一切歹瘡。此藥能令內消。化毒爲黑水。從小便而出。勢大者。雖未全愈。亦可轉重就輕。移深居淺。

金銀花

知母

貝母

天花粉

穿山甲

白芨

半夏

皂角

乳香各三錢

水酒各一碗。煎八分。隨病上下食前後服之。留藥渣搗爛。加秋芙蓉葉細末一兩。白蜜五匙。同渣調敷瘡上。一宿自消。重者再用一服。忌口效。

徐曰。此方能散熱痰。與前諸方近。不必錄。

### 清熱消風散



清熱消風散。芍耆。銀花。歸粉。草。陳皮。柴芩。翹。與紅花。皂。蒼朮。防芎。和解宜。  
治癰疽諸毒。已成未成之間。外不惡寒。內無便秘。紅赤高腫。有頭掀痛。宜服此  
藥和解之。

防風

川芎

當歸

黃芩

白芍

花粉

金銀花

甘草五分

連翹

紅花

柴胡

蒼朮

陳皮

黃耆

角刺各一錢

水二茶鍾。煎八分。食遠服。婦人加香附。童便炒。以上七方。癰疽七日以前。瘡勢  
未成。形體壯實。表裏之症相合者。宜服。病退即已。如過七日以後。形勢已成。便  
宜用後托裏等藥。催毒在外。以速其膿。禁前表下之藥。損傷元氣。致生他變。  
徐曰。此即前諸方之意。無他異義。

### 內固清心散

內固清心散。茯苓。砂雄。豆蔻。乳香。增。人參。萊豆。元明粉。冰片。生甘。病自輕。  
治癰疽發背。對口。疔瘡。熱甚。掀痛。煩躁。飲冷。服此。可預防毒氣內攻。不致變症。

茯苓

辰砂

人參

甘草

雄黃

元明粉

白豆蔻

乳香

冰片一錢

真豆粉二兩

右爲細末。每服一錢五分。蜜湯調下。不拘時候。  
徐曰。此護心之方也。然護心另有效方。此方可不備。

### 護心散

護心散用好硃砂。豆粉。乳香。甘草。加。每服二錢。頻送下。惡心嘔吐。頓然瘥。

治瘡毒內攻。口乾煩躁。惡心嘔吐。

真豆粉一兩

乳香三錢

硃砂二錢

甘草錢末一

右共研極細。每服二錢。白滾湯調服。早晚二次。  
徐曰。此不必。

### 珀琥蠟礬丸

琥珀蠟礬丸。琥珀。明礬。黃蠟。與硃砂。雄黃。蜂蜜。丸成就。護心護膜。效堪誇。  
治癰疽發背。已未成膿之際。恐毒氣不能外出。必致內攻。預服此丸。護膜護心。

亦且散血解毒。

白礬二錢

黃蠟一兩

雄黃二分

琥珀一錢另研極細

硃砂二錢

蜂蜜二錢

右將白礬等四味。先碾研極細。另將蜜蠟銅杓內溶化。離火片時。候蠟四邊稍凝時。方入上藥攪勻。共成一塊。以一人將藥火上微烘。衆手急丸小棗豆大。用硃砂爲衣。瓷罐收貯。每服二三十丸。白湯食後送下。病甚者。早晚日進二次。最效。

徐曰。此護心緩治之方。不可少。

### 托裏消毒散

托裏消毒散。人參。芍。芍。耆。歸。朮。茯苓。角。針。白。芷。銀。花。等。桔。梗。甘。草。效。如。神。治。癰。疽。已。成。不。得。內。消。者。宜。服。此。藥。以。托。之。未。成。者。可。消。已。成。者。卽。潰。腐。肉。易。去。新。肉。易。生。此。時。不。可。用。內。消。泄。氣。寒。涼。等。藥。致。傷。脾。胃。爲。要。

人參

川芎

白芍

黃耆

當歸

白朮

金銀花

茯苓各一錢

白芷 甘草 皂角針 桔梗各五  
 水二茶鍾煎八分。食遠服。脾弱者去白芷。倍人參。  
 徐曰。法重出。無別義。

排膿內托散

排膿內托散。芎歸。參朮苓陳。芍附耆。芷草桔梗。併桂膝。隨方加減。在人爲。  
 治癰疽腦項諸發。已潰流膿時。宜服此藥。

當歸 白朮 人參各二錢 川芎  
 白芍 黃耆 陳皮 茯苓各一錢  
 香附 甘草五分 白芷項上三分 桔梗胸上五分  
 牛膝下部加五分 肉桂八分  
 薑三片。水二茶鍾煎八分。食遠服。

徐曰。此補托之總方。  
 又曰。此乃溫托之法。寒症而無毒者宜。  
 楣案參朮桂三味。徐圈。桔梗註胸之上三字。牛膝註下部。加五分字。亦圈。



又案既言補托總方。又言寒症而無毒者宜。蓋陽毒熱毒無補法。恐人誤會也。

乳香黃耆散

乳香黃耆散乳沒。粟殼參耆甘草撮。芎歸白芍與陳皮。加上熟地疼即脫。治癰疽發背諸毒疔瘡疼痛不可忍。未成者速散。已成者速潰。敗腐膿毒不假刀砭。其惡肉自然脫下。兼治打撲傷損。筋骨疼痛。

乳香

沒

藥

黃耆

罌粟殼去筋膜蜜炒

人參

甘草

川芎

歸身

白芍

陳皮

熟地黃各一錢

水二茶鍾。煎八分。量病上下食前後服之。

徐曰。乳香沒藥粟殼皆止痛之藥也。熟地黃不入煎藥。其誤起於薛立齋。應換熟大黃。

神功內托散

神功內托散。耆歸朮陳皮白芍宜。附子木香甘草炙。參苓山甲起垂危。

治癰疽腦項諸毒。至十四日後。當腐潰流膿時。不作腐潰。更兼瘡不高腫。脈細身涼者。

當歸二錢 白朮 黃耆 人參各一錢  
白芍 茯苓 陳皮 附子各一錢  
木香 甘草炙各 川芎一錢 山甲炒八分  
煨薑三片。大棗二枚。水二茶鍾煎八分。食遠服。  
徐曰。此方治寒濕之毒。

### 透膿散

透膿散內用黃耆。山甲芎歸總得宜。加上角針頭自破。能令膿毒透紅肌。治癰疽諸毒。內膿已成。不穿破者。服之即破。

黃耆四錢 山甲炒末一錢 川芎三錢 當歸二錢

皂角針五分

水二茶鍾煎一半。隨病前後服。臨時入酒一杯亦好。  
徐曰。此方專主透膿。以爲諸方加味則可。專用太偏。

竹葉黃耆湯

竹葉黃耆湯。草芩。芎歸。白芍。共人參。石膏。半夏。兼冬地。淡竹。生津瀉渴心。治癰疽發背。諸般疔腫。表裏熱甚。口乾大渴者。

黃耆

甘草

黃芩

川芎

當歸

白芍

人參

半夏

石膏

麥冬

各八分

淡竹葉

十片

生地黃

一錢

水二茶鍾。薑三片。燈心二十根。煎八分。食遠溫服。

徐曰。此治熱毒之方。然終宜入風藥幾味。又曰。知母。蘆根。茅根。元參。連翹。皆可選用。

回陽三建湯

回陽三建府參耆。歸朮芩。苓杞獨莢。陳朴木。紅甘紫草。陰疽危症。此堪扶。治陰疽發背。初起。不疼不腫。不熱不紅。硬若牛皮。堅如頑石。十日外。脈細身涼。肢體倦怠。皮如鼈甲。色似土硃。多生粟頂。孔孔流血。根脚平散。軟陷無膿。又皮不作腐。手熱足涼者。俱急服之。

|                       |    |    |                      |
|-----------------------|----|----|----------------------|
| 附子                    | 人參 | 黃耆 | 當歸                   |
| 川芎                    | 茯苓 | 枸杞 | 陳皮                   |
| 黃肉 <small>錢各一</small> | 木香 | 甘草 | 紫草                   |
| 厚朴                    | 蒼朮 | 紅花 | 獨活 <small>各五</small> |

煨薑三片。皂角樹根上白皮二錢。水二碗。煎八分。入酒一杯。隨病上下食前後服之。用綿帛蓋瘡令暖。并不得大開瘡孔。走泄元氣爲要。愚按凡背疽屬陰者。皆由臟腑先壞。而內毒不得發越於外也。舊有用雞冠翦血滴於疽上者。有醋煮雄艾敷用者。豬腦熱藥敷圍者。神燈火氣灼照者。此數法皆陰疽所宜。予雖常用。未見實效。蓋陰疽不起者。如樹木之根壞。強培枝葉。終無發生之理。先要疎其土。通其脈。助其本。回其陽。此四者缺一不可。予常據理用藥。得生者十中三四。用蒼朮、厚朴、茯苓、陳皮、疎其土。川芎、當歸、紫草、紅花通其脈。人參、黃耆、枸杞、山黃助其本。附子、木香、甘草獨活回其陽。但根本內有一脈未絕之氣。服之俱可得生。如手足溫暖。瘡便發熱。漸作掀腫。復生疼痛。色暗得活。堅硬得腐。胃氣得回。此即藥之效驗。必在三服中應之爲吉。外兼照法接助回陽。此通治陰



疽之大法也。

徐曰。此治陰毒。然藥味太雜。不可學。

黍米寸金丹

黍米寸金丹。乳香。蠟。麝。酥。雄。狗。寶。霜。輕。沒。蜈。蚣。狗。鯉。膽。黑。石。礪。砂。男。乳。良。二。名。返。魂。丹。三。名。再。生。丸。四。名。追。命。丹。五。名。延。壽。丹。六。名。來。甦。圓。七。名。知。命。丸。八。名。得。道。丸。此。方。昔。出。異。人。所。傳。常。有。暴。中。急。症。忽。然。卒。倒。者。撬。開。牙。關。研。灌。三。丸。其。人。即。活。又。能。治。發。背。腦。疽。偏。身。癰。腫。附。骨。癰。疽。等。症。初。起。憎。寒。壯。熱。四。肢。倦。怠。沈。重。者。無。分。表。裏。老。幼。輕。重。並。宜。服。之。

麝香五分

乳香

沒藥

雄黃

狗寶

輕粉

烏金石錢各一

蟾酥二錢

粉霜水銀煉白色者

黃蠟各三錢

礪砂二錢

鯉魚膽陰乾三箇

狗膽乾用一箇

白丁香九粒

金頭蜈蚣七條金色者

頭胎男乳一合

右共為細末。除黃蠟乳汁二味熬成膏。同藥和丸。如菉荳大。大人三丸。小兒用

一丸。病重者五丸。冷病用葱湯。熱病用新汲水送下。衣被密蓋。勿令透風。汗出爲度。諸病如失。後食白粥調理。

徐曰。此乃護心托毒之藥。險毒之症可用。不可輕用。疔毒最宜。

### 薰發背奇方

發背諸方。此獨嘉。麝香雄竭與硃砂。并添沒藥。將紙裹。燃照薰瘡。逐漸加。治發背初起。七日前後。未成者自消。已成者自潰。不起發者。即發。不腐潰者。即腐。誠爲良法。

雄黃

硃砂

血竭

沒藥各二錢

麝香四分

右五味。研爲細末。每用三分。綿紙裹藥。爲撚。長約尺許。以真麻油潤透。灼火。離瘡半寸許。自外而內。周圍徐徐照之。火頭向上。藥氣入內。瘡毒隨火解散。自不內侵臟腑。初用三條。漸加至四五條。候瘡勢漸消。漸減。薰後隨用敷藥。如已潰大膿發泄時。不必用此照敷。只宜用膏藥蓋貼。徐曰。此卽神燈照法。治寒毒不起發。最妙。

敷藥方

薰後敷方有四般。車前稀莪五龍乾。銀花小粉爲糊貼。膿毒消清身自安。

車前草連根

稀莪草

五龍草

金銀花各等分

右四味鮮草藥。一處搗爛。加三年陳小粉。卽常用漿衣者。初起仍加飛鹽末二三分。共打爲稠糊。徧敷瘡上。中留一頂。以膏蓋貼。避風。自然拔出膿毒。若冬月草無鮮者。預採蓄下。陰乾爲末。用陳米醋調敷。亦如前法。並效。但五龍草不能隨地皆有。或致缺少難合。予常薰後頂以膏蓋。周圍腫上以如意金黃散代敷。亦效。

如意金黃散

如意金黃散。大黃。薑黃。黃柏。芷陳蒼。南星。厚朴。甘花粉。敷上腫消體便康。治癰疽發背。諸般疔腫。跌撲損傷。濕痰流毒。大頭時腫。漆瘡火丹。風熱天泡。肌膚赤腫。乾濕脚氣。婦女乳癰。小兒丹毒。凡外科一切諸般頑惡腫毒。隨手用之。無不應效。誠爲瘡家良便方也。

天花粉上白

黃柏色重

大黃

薑黃

白芷各五

紫厚朴

陳皮

甘草

蒼朮

天南星錢各八

以上各藥。切成薄片。曬極乾燥。各研極細淨末。每樣稱準。合和再研。瓷器收貯。勿令泄氣。凡遇紅赤腫痛發熱未成膿者。及夏月火令時。俱用茶湯同蜜調敷。徐日蜜調祇能如微熱微腫。及大瘡已成欲作膿者。俱用葱湯同蜜調敷。如漫腫無頭。皮色不變。溼痰流毒。附骨癰疽。鶴膝風等症。俱用葱酒煎調。如風熱惡毒。皮膚亢熱。紅色光亮。形狀游走不定者。俱用蜜水調敷。如天泡火丹。赤遊丹。黃水漆瘡。惡血攻注等症。俱用大藍根葉搗汁調敷。加蜜亦可。湯潑火燒。皮膚破爛。麻油調敷。具此諸引。要在臨用之際。順合天時。洞窺病勢。察其寒熱溫涼。用之為妥。

徐曰。此即通行圍藥。

### 四虎散

四虎散內用南星。草烏。半夏。效通靈。再添狼毒并豬腦。搗貼癰疽腫即寧。治癰疽腫硬。厚如牛領之皮。不作膿腐者。



南星

草烏

半夏

狼毒各等

右爲細末。用豬腦同搗。徧敷瘡上。留正頂出氣。

徐曰。此治寒痰之敷藥。

真君妙貼散

真君妙貼散。神通。蕎麥硫黃白麵同。諸般異症皆堪效。常取收功掌握中。治癰疽諸毒。及異形異類頑硬大惡歹瘡。走散不作膿者。宜用此藥。不痛者卽痛。痛甚者卽止。

明淨硫黃爲末

蕎麥

白麵各四兩

共一處。用清水微拌。乾溼得宜。木箱內躡成麵片。單紙包裹。風中陰乾收用。臨時再研極細。用新汲水調敷。如皮破血流。溼爛疼苦等症。麻油調搽。天泡火丹。肺風酒刺。染布青汁調搽並效。

回陽玉龍膏

回陽玉龍膏。肉桂。白芷。軍薑。同一位。草烏。赤芍。與南星。熱酒調敷。功更倍。治背疽陰病。不腫高。不掀痛。不發熱。不作膿。及寒溼流注。冷痛痺風。諸溼脚氣。

手足頑麻。筋骨疼痛。及一切皮色不變。漫腫無頭。鶴膝風等。但無皮紅肌熱者。一概用之。俱有功效。

草烏三兩 炒

軍薑三兩 煨

赤芍炒

白芷

南星一兩 煨各

肉桂五錢

右製畢。共為細末。熱酒調敷。此藥有軍薑、肉桂、熱血生血。既生既熱。恐轉致壅而為害。故有草烏、南星。可以破惡氣。祛風毒。活死肌。除骨痛。消結塊。回陽氣。又有赤芍、白芷。足以散滯血。住痛苦。加以酒行藥性。攻通氣血。雖十分冷症。未有不愈者。誠為寒灰之焰。枯木之春。大抵病冷則肌肉陰爛。不知痛癢。其有痛者。又多附骨之痛。設若不除。則寒根透髓。尋常之藥。固莫能及矣。

### 冲和膏

冲和膏內紫荊皮。獨活、菖蒲、赤芍宜。白芷配成五行妙。諸般外症總堪醫。治癰疽發背。陰陽不和。冷熱不明者。

紫荊皮五兩 炒

獨活三兩 炒

赤芍二兩 炒

白芷一兩

石菖蒲一兩 錢

右爲細末。葱湯熱酒俱可調敷。紫荊皮乃木之精。能破氣逐血消腫。獨活土之精。動蕩凝滯血脈。散骨中冷痛。去麻痺溼。石菖蒲水之精。善破堅硬。生血止痛。破風消腫。白芷金之精。能去風生肌定痛。赤芍火之精。能生血活血。散瘀除痛。蓋血生則肌肉不死。血動則經絡流通。故肌活不致爛痛。經通不致壅腫。此爲散風行氣活血消腫祛冷軟堅之良藥也。其中五行相配。用者再無不效。又流毒骨疽冷症尤效。

徐曰。此風痰之圍藥。

又曰。此方古本皆有之。皆極推重。外科不可少也。

### 鐵桶膏

鐵桶膏中有麝香。膽礬輕粉鬱金鑲。明礬芡倍并銅綠。調醋箍瘡法最良。治發背將潰已潰時。根脚走散不收束者。用此箍之。

銅 綠 五錢

明 礬 四錢

膽 礬 三錢

五倍子 微炒

白 芡 五錢

輕 粉

鬱 金 各二錢

麝 香 三分

右爲極細末。用陳米醋一碗。杓內慢火熬至一小杯。候起金色黃泡爲度。待溫。

用藥末一錢。攪入膏內。每用頓溫。用新筆塗膏瘡根上。以綿紙蓋之。瘡根自生。縐紋漸收漸緊。再不開大。

徐曰。此收束之要藥。凡散漫之毒皆可用。

### 煮拔筒方

煮拔筒方。羌紫蘇。生甘。蘄艾。石菖蒲。鬚葱。白芷。兼獨活。箇拔瘡膿。看有無。治發背已成。將潰時。膿毒不得外發。必致內攻。乃生煩躁。重如負石。非此法拔提。毒氣難出也。

羌活

獨活

紫蘇

蘄艾

鮮菖蒲

甘草

白芷

連鬚葱

各五錢

三兩

預用口徑一寸二三分新鮮嫩竹一段。長七寸。一頭留節。用刀剗去外青。留內白一半。約厚一分許。靠節鑽一小孔。以杉木條塞緊。將前藥放入筒內。筒口用葱塞之。將筒橫放鍋內。以物壓。勿得浮起。用清水十大碗。渰筒。煮數滾。約內藥濃熟為度。候用。再用披針於瘡頂上一寸內。品字放開三孔。將藥筒連湯用大瓷鉢盛貯。至病者榻前。將筒藥倒出。急用筒口乘熱對瘡合上。以手捺緊。其筒



自然吸住。約待片時。藥筒已溫。拔去塞孔木條。其筒自脫。將器倒出筒中物色。看是何樣。如有膿血相黏。鮮明紅黃之色。一二杯許。乃是活瘡。治必終愈。如拔出物色。純是敗血。氣穢紫黑。稀水而無膿意。相黏者。此氣血內敗。肌肉不活。必是死瘡。強治亦無功矣。此法家傳。屢經有驗。如陽瘡。易潰。易膿之症。不必用此。以傷氣血。惟陰瘡。十五日前後。堅硬不潰。不膿者。用之。此法有回天之效。醫家不可缺也。

徐曰。此方亦有用處。

又曰。此破毒之法。袋膿瘡亦可用。

### 豬蹄湯

豬蹄湯內。羌甘草。赤芍。黃芩。白芷。歸。加上露蜂房。更妙。諸瘡一洗。換新肌。治癰疽諸毒。已潰流膿時。用此湯洗。消毒氣。去惡肉。回死肌。潤瘡口。又能散風消腫。腐盡則已。

羌活

甘草

赤芍

黃芩

白芷

當歸

蜂房各等分

右爲粗末。看疽瘡大小。用藥多少。先將穢豬前蹄一隻。用白水六碗。煮蹄軟爲度。將汁濾清。吹去汁上油花。用藥一兩投於汁中。再用微火煎十數沸。密絹濾去藥渣。候湯半熱。將軟絹蘸湯淋於瘡上。輕手浥去疼膿腐肉。諸惡物隨湯而下。洗訖。以絹帛浥乾。照前總論次第。如式用藥。

徐曰。洗方不可少。

梔案蜂房一味。徐圈。穢豬即今之閹豬。

### 又洗藥方

洗藥方中歸獨活。生甘白芷與葱頭。癰疽腐盡頻淋洗。長肉生肌頓失愁。

當歸

獨活

白芷

甘

草

錢各二

葱頭五箇

用水三碗。煎至藥爛。濾清。以絹帛蘸湯。浥淨瘡上。隨搽貼紅黑二膏蓋之。洗時切忌風寒爲要。治背瘡輕易者。以此代豬蹄湯用。亦效。

徐曰。前方好。

### 加味太乙膏

太乙膏中槐柳枝。元丹魏芍血餘宜。大黃木鼈芷輕粉。乳沒當歸地桂奇。治發背癰疽。及一切惡瘡。跌撲傷損。溼痰流毒。風溼風溫。徧身筋骨走注作痛。內傷風鬱。心腹胸背攻刺作疼。腿脚酸軟。腰膝無力。湯潑火燒。刀傷棒毒。五損內癰。七傷外症。俱貼患處。又男子遺精。婦人白帶。俱貼臍下。臟毒腸癰。亦可丸服。諸般瘡癰。血氣癰痒。諸藥不止痛痒者。並效。

肉桂

白芷

當歸

元參

赤芍

生地

大黃

土木鼈各二兩

真阿魏二錢

輕粉四錢

槐枝

柳枝各一段

血餘一兩

乳香淨末五錢

沒藥淨末三錢

右十味。併槐柳枝。用真麻油足秤五斤。將藥浸入油內。春五夏三。秋七冬十。候日數已畢。入潔淨大鍋內。慢火熬至藥枯。浮起為度。住火片時。用布袋濾淨藥渣。將油秤準足數。將鍋刷淨。復用細舊絹將油濾入鍋內。要清淨為美。將血餘投下。慢火熬至血餘浮起。以柳槐挑看。似膏溶化之象。方算熬熟。淨油一斤。將飛過黃丹六兩五錢。徐徐投入。火加大些。夏秋亢熱。每油一斤。加丹五錢。不

住手攪。候鍋內先發青烟。後至白烟疊疊旋起。氣味香馥者。其膏已成。即便住火。將膏滴入水內。須軟硬得中。如老加熟油。若嫩加炒丹。每各少許。漸漸加火。務要冬夏老嫩得宜爲佳。候烟盡。掇下鍋來。方下阿魏。切成薄片。散於膏面上。化盡。次下乳。沒。輕粉攪勻。傾入水內。以柳棍攪成一塊。再換冷水浸片時。乘溫。每膏半斤。扯拔百轉成塊。又換冷水投浸。用時每取小塊。銅杓內烊化。隨便攤貼至妙。

徐曰。此通治之要方。

又曰。此通行之方。然更有佳者。

楣案諸書膏藥方甚多。惟全生集分貼陰毒陽毒二膏甚佳。而陽和膏尤不可缺。蓋陰毒多寒凝。非得溫暖之膏。不能轉陰爲陽也。今並附錄於後。

### 洞天鮮草膏

專貼陽毒。夏天熱癰尤妙。

壯年頭髮一斤 牛蒡子

甘菊

蒼耳以上俱用新鮮根葉各一斤

金銀藤

馬鞭草



仙人對坐草以上亦用新鮮者各一斤

白芷

甘草

五靈脂

當歸各半斤

先用菜油三斤。將頭髮入鍋熬枯。去渣聽用。再以菜油十斤。同牛蒡等各鮮草熬枯。瀝出。再入白芷等藥熬枯。出渣。用絹濾淨。并入髮油內。共秤準斤兩。每油一斤。用當日炒透桃丹七兩。徐徐投入。隨熬隨攪。熬至滴水成珠。以兩指取膏為丸。而丸不黏指為度。掇下鍋來。候稍溫。傾入水中。扯拔數十次。即可攤貼。陽和解凝膏

專貼陰毒。凡腦疽背疽乳疽癰瘰。及一切爛潰陰疽。俱以此貼。如紅癰勿貼。

新鮮牛蒡子根葉梗三斤

活白鳳仙梗四兩 川附

桂枝

大黃

當歸

肉桂

官桂

草烏

川烏

地龍

殭蠶

赤芍

白芷

白藜

白芨各二兩

川芎四兩

續斷

防風

荊芥

五靈脂

木香

香櫟

陳皮各一兩

乳香研細末

沒藥各二兩

麝香研細末

用菜油十斤。先將牛蒡白鳳仙熬枯去渣。次日除乳香沒藥蘇合油麝香外。餘藥俱陸續入鍋煎枯。去渣濾淨。秤準斤兩。每油一斤加炒透桃丹七兩。熬至滴水成珠不黏指為度。掇下鍋來。將乳香沒藥蘇合油麝香入膏攪和。半月後攤貼。此膏兼可治瘰癧。貼在背脊第三節骨上。

梟案全生集言膏藥不可以草麻子煎入。倘貼孕婦下身瘡癰。即小產。產後尚不悟膏藥之故而再貼。則致命。附記於此。

### 生肌玉紅膏

生肌玉紅膏更奇。芷草歸身輕粉施。血竭白蠟同紫草。麻油熬好貼生肌。此膏專治癰疽發背。諸般潰爛棒毒等瘡。用在已潰流膿時。先用甘草湯。甚者用豬蹄藥湯淋洗患上。軟絹浥淨。用抵脚挑膏於掌中捺化。徧捺新腐肉上。外以太一膏蓋之。大瘡早晚洗換二次。兼服大補脾胃暖藥。腐肉易脫。新肉即生。瘡口自斂。此乃外科收斂藥中之神藥也。

白芷五錢

甘草二錢

歸身二兩

血竭

輕粉各四錢

白蠟二錢

紫草二錢

麻油一斤

先用當歸、甘草、紫草、白芷四味入油內浸三日。大杓內慢火熬煎微枯色。細絹濾清。將油復入杓內煎滾。下整血竭化盡。次下白蠟微火化之。用茶鍾四枚預頓水中。將膏分傾四茶鍾內。候片刻。方下研極細輕粉。每鍾一錢。攪勻。候至一伏時。取起。不得加減。致取不效。

徐曰。此膏即藥油也。乃去腐生肌之總方。其調入末隨症加減。

### 化腐紫霞膏

化腐紫霞膏甚奇。草仁、巴豆與螺螄。金砒、血竭同樟腦。銅鐵敷之也。化糜治發背已成。瘀肉不腐。及不作膿者。又諸瘡內有膿而外不穿潰者。俱用此膏。不腐爛者自腐。不穿潰者自破。其功甚於烏金膏及碧霞錠子。

輕粉

草麻仁研各三錢

血竭二錢

巴豆研白仁五錢

樟腦一錢

金頂砒五分

螺螄肉用肉晒乾為末二錢

右各為末。共碾一處。瓷罐收貯。臨用時。旋用麻油調搽頑硬肉上。以綿紙蓋之。或膏貼亦可。至頑者不過二次。即軟腐為膿。點諸瘡頂亦破。

徐白。此藥易合而可久藏。點藥之最便者。去頑肉不可少。  
楣案巴豆。金頂砒。螺螄肉三味徐圈。  
又案點藥及去頑肉。以白降丹為最妙。呼膿拔毒。去腐生肌。及初起內消。亦有靈妙。此書惟有玉紅膏。及末卷白昇藥。殊為未備。今采取各方。附錄於後。

### 白降丹

|   |     |       |    |
|---|-----|-------|----|
| 水 | 銀   | 淨火硝   | 白  |
|   | 四錢  | 天加三四錢 | 礬  |
| 硃 | 砂   | 雄     | 砂  |
|   | 五錢  | 精     | 四錢 |
|   | 另錢三 | 分另錢三  | 另錢 |
| 白 | 砒   | 食     | 阜  |
|   | 另錢  | 鹽     | 礬  |
|   |     | 三錢    | 七錢 |

右藥研至不見水銀星為度。盛於陽城罐內。用煇炭微火鎔化。火急則水銀上升。走鑪。熬至罐內無白煙起。以竹枝撥之。無藥屑撥起。用木杵槌實。則藥吸於罐底。謂之結胎。胎成。將空罐合上。用綿紙條潤以墨水。置於縫間。鹽泥封固。烤乾。如有裂縫。添鹽泥密固之。再用宜興鉢頭盛水。上放大黃沙盆。中開一孔。將有藥之罐在上。空罐在下。入沙盆孔中。水平罐底。然後盆內鋪以淨灰。輕輕按

平。不可動搖。恐傷封口。即要走鑪。鋪畢。取燒紅栗炭。攢圍藥罐。用扇微扇。煉一炷香。謂之文火。再略重扇。煉一炷香。謂之武火。炭隨少隨添。勿令間斷。而見罐底。再煉一炷。即退火。俟盆灰冷定。去灰及封口土。開看下罐內所有白霜。即謂之丹。瓷瓶收貯聽用。

梟案兩罐鹽泥封固。須用鐵條四根夾住。鐵絲纏縛方不脫。

一、治腫瘍膿成不穿。用津唾調少許點毒頂。以膏蓋之。即穿。或用麵糊以竹片拌和爲條。切作脂麻大。放膏中對腫頭貼之。不用指拌者。新降甚烈。恐沾指疼痛起泡也。

一、治潰瘍毒根堅硬如石。用以消化。

一、用作點藥。如病者怕疼。可用生半夏對攪。再加冰片少許。能令肉麻不痛。名夏冰對配丹。或用蟾酥少許攪入。亦可不疼。

一、肌薄骨露無肉之處。及經脈交會之所。神氣之所注。氣血之所聚。潰後元氣有傷。不能收斂。須藉溫補濇斂收功者。此丹不可概施。恐拔傷元氣。

一、初降性烈。尋常之症。只用後開九一丹爲妥。如腐肉厚韌。不化不脫。或三七。



或對攙。或一九。斟酌用之。年久烈性已退。方可專用。然四圍好肉。亦須用生肌之藥護之。

### 九一丹

生石膏 九分

白降丹 一分

右共研極細。聽用。年久降丹烈性已退。八二七三攙和均可。

一、治腫瘍結核。將丹薄薄勻糝膏上。數箇即消。不可太多。多則有傷皮膚。

一、治潰瘍。糝膏上貼之。提膿拔毒。毒盡生肌。比昇丹功效數倍。惟臙骨正面及踝骨與凡肌薄無肉之處。不能化膿。但有稠水者。忌用此丹。緣提拔甚猛。誤用反疼甚。則流血。宜用後開頭二三瓶糝藥為妥。

此丹用綿紙撚作藥線。潤以麵糊。將丹拌上。插入膿管。能退管收功。

### 頭瓶糝

丁香 一錢

血竭 三錢

白芷 三錢

兒茶 五錢

草烏 五錢

山奈 五錢

甘松 五錢

華撥 一兩

乳香 一錢

沒藥 一錢

右各研極細末。再秤準。共研極勻。瓷瓶收貯。勿令泄氣。腫瘍初起。糝膏上貼之。未成者消。已成者潰。

二瓶糝

延胡索 五錢

牙 皂 一錢

麝 香 三分

丁 香 一錢

右藥製法同上。糝潰瘍膏藥中。能呼膿拔毒止痛。凡肌薄無肉之地。必用此藥。切不可用九一丹。

三瓶糝

硃 砂 一錢研極細水飛淨 爐 甘 石 一錢以黃連五分煎汁煨淬研極細水飛淨

川 連 一錢

生龍骨 五錢 冰 片 一分

右藥製法同上。糝膏貼之。能生肌長肉。或即薄糝新肌上。緣有深潭處。恐藥不能到也。凡糝藥總以極細為主。粗則嵌入嫩肉。亦能作疼。不可不知。

珍珠散

珍 珠 一錢人乳浸三日夏天須每日換 血 竭 五分  
兒 茶 五分 石 膏 煨 一錢 爐 甘 石 三錢製法與上

赤石脂煨一錢

陳年絲吐頭五分煨

冰片一分

右藥製法同上。諸毒膿腐已盡。用此糝上。即能生肌長肉。平口收功。神效無比。但珍珠價貴。恐醫者不能備。只用上三瓶糝藥。亦遠勝於昇丹也。

### 陰毒內消散

麝香二錢

輕粉三錢

丁香一錢

牙皂二錢

樟冰四錢

腰黃三錢

良薑二錢

肉桂一錢

川烏三錢

甲片三錢

白胡椒一錢

乳香去油二錢

沒藥去油二錢

阿魏三錢瓦炒去油

右藥製法同上。陰毒初起。糝膏上貼之。即消。已成即潰。惟疔毒癰瘡等毒。及孕婦忌貼。以上二方蔣君光濟得之於其舅家。相鄉曹氏云。祕之已數世。施送極驗。

### 陽毒內消散

麝香二錢

冰片二錢

白芨四錢

薑黃四錢

南星四錢

甲片四錢

樟冰四錢

輕粉三錢

膽礬三錢

銅綠四錢

漂青黛二錢

右藥製法同上。陽毒初起。糝膏上貼之。二方皆功專於消。已破者勿糝。以上三十二方。凡腫瘍初起。及已成時選用。新附十八方

### 潰瘍治法

膿熱不潰。瘡不掀熱。食少便澀者。脾虛也。補托溫中。膿清或多。瘡口散大。不生肌者。裏虛欲變症。峻補之。此三字徐勣批也。須清毒。腐肉雖脫。新肉生遲。如棗色者。肉冷肌寒。宜大溫氣血。潰後食少。心煩不睡。發熱作渴者。脾弱陰虛。宜補中益氣。身涼脈細。倦怠懶言。食不知味者。脾弱也。醒脾助胃。風寒襲於瘡口。皮白綻而不收斂者。外照而內溫補。潰後面黃肌瘦。膿水清稀。瘡色淡白者。當香燥助脾。脈大無力。細瀋微沈。自汗身涼者。氣血俱虛。峻補之。出血或膿多。五心煩熱。躁甚不眠者。亡陽也。急補之。瘡口已合。經犯房勞。或值急暴。復崩潰者。仍助氣血。

### 潰瘍主治方

#### 十全大補湯

十全大補參耆芍。肉桂川芎熟地黃。歸朮茯苓甘草炙。棗薑加之號全方。  
治潰瘍發熱。或惡寒。或作痛。或膿多。或清。或自汗盜汗。及偏身流注癰癰便毒。  
諸瘡。久不作膿。或膿成不潰。潰而不斂。若氣血不足之人。結腫未成膿者。宜加  
陳皮、香附、半夏、連翹服之自消。

人參

黃耆

白芍

肉桂

川芎

熟地

當歸

白朮

茯苓

錢各一

甘草

炙五分

水二茶鍾。薑三片。棗二枚。煎八分。食前服。

徐曰。此方必毒火盡除而後可全用。

### 八珍湯

八珍湯擅理陰陽。芍芍當歸熟地黃。參苓白朮兼甘草。何愁虛弱不康強。  
治潰瘍諸症。調和榮衛。順理陰陽。滋養氣血。進飲食。和表裏。退虛熱。為氣血俱  
虛之大藥。

川芎

白芍

當歸

熟地



人參

白朮

茯苓各一錢

甘草炙五分

水二茶鍾。薑三片。棗二枚。煎八分。食前服。

補中益氣湯

補中益氣用陳皮。當歸。升麻。參朮。耆。甘草。柴胡。薑。棗。引。元虛不足。得和宜。治瘡瘍元氣不足。四肢倦怠。口乾發熱。飲食無味。或飲食失節。或勞倦身熱。脈洪大而無力。或頭痛而惡寒。或聲高而喘。身熱而煩。

黃耆五錢

甘草炙

人參

當歸

白朮各一錢

升麻

柴胡

陳皮各三分

水二茶鍾。薑三片。棗二枚。煎一鍾。空心熱服。

徐曰。此治陽陷之方。然升。柴亦當酌用。

楣案補中益氣湯。並無麥冬。五味二品。而此書刻本或有或無。當是後人所加。徐於前卷屢言此二品不可用。而此但言升。柴當酌用。是徐本亦無此二品。故刪去。

人參養榮湯

人參養榮參朮歸。陳皮白芍桂心耆。甘草地黃併五味。茯苓遠志棗薑宜。治潰瘍發熱惡寒。或四肢倦怠。肌肉消瘦。面色萎黃。吸吸短氣。飲食無味。不

白芍五錢

人參

陳皮

黃耆

桂心

當歸

白朮

甘草各一錢

熟地黃

五味子

茯苓各八分

遠志五分

薑三片。棗二枚。水二茶鍾。煎八分。食遠服。

徐曰。此方陰陽兩虛而不收口者。最宜。

### 人參黃耆湯

人參黃耆湯更奇。麥冬二朮草陳皮。黃蘗歸身五味子。升麻神麴棗薑隨。治潰瘍虛熱不睡少食。或穢氣所觸作痛者。

黃耆

人參

白朮

麥冬

歸身

蒼朮

甘草

陳皮

升麻

神麴各五分

黃蘗酒拌炒三分

五味子炒五分

水二茶鍾。薑三片。棗二枚。煎八分。食遠服。

徐曰。藥味亦雜。

內補黃耆湯

內補黃耆湯。桂芍。歸苓。熟地。草門冬。川芎。遠志。人參等。棗薑加上有奇功。治癰疽發背諸瘡。已破後虛弱無力。體倦懶言。精神短少。飲食無味。自汗口乾。脈濇不睡。

黃耆

人參

茯苓

川芎

歸身

白芍

熟地

肉桂

麥冬

遠志

甘草

五分

水二茶鍾。薑三片。棗二枚。煎一鍾。食遠服。

徐曰。此等方與十全大補等方大同小異。不必復記。

托裏清中湯

托裏清中湯。茯苓。朮。冬。五味。梗。人參。棗。薑。半夏。陳皮。草。專治瘡瘍咳嗽清。治癰疽脾胃虛弱。咳嗽痰氣不清。飲食少思者。

人參

白朮

桔梗

陳皮

茯苓錢各一

麥冬

五味子

甘草各五分

水二茶鍾。薑三片。棗二枚。煎八分。食遠服。

徐曰。不必存。

### 托裏和中湯

托裏和中湯。半夏。白朮。參。苓。功不亞。陳皮。甘草。木香。宜。煨薑。效值千金價。治癰疽中氣虛弱。飲食少思。腫不消。潰不斂者。

半夏

白朮

人參

茯苓

陳皮

煨薑錢各一

木香

甘草各五分

水二茶鍾。薑三片。棗二枚。煎八分。食遠服。

徐曰。此暖胃之方。可治痢瀉。

### 托裏建中湯

托裏建中附子強。參。苓。白朮。與炮薑。還兼半夏同甘草。補氣回陽。此最良。

治癰疽元氣素虛。或因寒涼傷脾損胃。飲食少思。凡瘡無味。或作嘔泄瀉等症。急服以建中氣。

人參

白朮

茯苓各二錢

半夏

炮薑各一錢

甘草五分

熟附子八分

水二茶鍾。煨薑三片。棗二枚。煎八分。不拘時服。

徐曰。亦重前。

托裏溫中湯

托裏溫中益智良。木香白朮與乾薑。參苓陳朮羌附夏。甘草丁香功倍強。治癰疽陽弱陰寒。脈虛身冷。或瘡為寒變。反致不疼。或膿水清稀。心下痞滿。腸鳴腹痛。大便微溏。食則氣短嘔逆。不得安臥。時發昏憤者。

白朮

茯苓

木香

丁香各五分

半夏

陳皮

羌活

益智仁

乾薑炮

人參

白朮

甘草各一錢

附子二錢



水二茶鍾。薑三片。棗一枚。煎八分。不拘時服。方與舊不同。予製此嘗治癰疽陰症及雜症。陽氣脫陷。與寒氣逼陽於外。發熱煩躁。口乾作渴。投之津液頓生。煩熱頓退。其應如響。

徐曰。亦前方義。而藥加重。

### 聖愈湯

聖愈湯憑熟地耆。川芎生地與當歸。人參一品同煎服。膿甚心煩此可醫。治潰瘍膿水出多。氣血虛極。脈細空而無力。以致心煩不安。眠睡不寧。或五心煩躁等症。

熟地

生地

川芎

人

參各五錢

歸身

黃耆各一錢

作一劑。水二茶鍾。煎八分。食遠服。

徐曰。此方無意義。

相案古方聖愈湯卽四物加參耆。此去白芍而兼用生熟地。宜徐氏以爲無意義。

保元大成湯

保元大成廣木香。參苓歸朮最爲良。耆陳附草砂仁芍。五味山萸同棗薑。治潰瘍元氣素虛。精神怯弱。或膿水出多。神無所主。以致睡臥皆倦。六脈虛細。足冷身涼。便澹或秘。胸膈或寬或不寬。舌雖潤而少津。口雖食而無味。瘡弦不緊。肉色微紅。總由不足。大補堪施。

人參

白朮

黃耆蜜水拌炒 茯苓

白芍

陳皮

歸身 甘草炙

附子

山萸肉

五味子各一錢 木香

砂仁各五分

水二茶鍾。煨薑三片去皮。大棗三枚。煎八分。食遠服。服至精神回。手足煖。脾胃醒。肉色紅爲度。以上數症。乃元氣虛脫。已欲變壞之病。非此不同也。

徐曰。亦重前。

獨參湯

人參一味。獨稱強。濟困扶危。立大綱。氣血兩亡。併自汗。脈虛寒熱。用皆良。

治潰瘍膿水出多。氣血虛極。或惡寒。或發熱。或自汗冷汗。或手足指甲青冷。或身涼脈細。

人參二兩切片

作一劑。水二碗。棗十枚。煎一碗。徐徐服之。若煎至稠厚。即為膏矣。作三次。用好溫酒化服亦可。

徐曰。此暫用急救之方。千不得一者。

### 香砂六君子湯

古有香砂六君湯。參苓白朮與藿香。砂仁半夏陳皮等。甘草同煎加棗薑。治潰瘍脾胃虛弱。惡心嘔吐。或飲食不思等症。

人參

白朮

茯苓

陳皮

半夏錢各一

甘草

藿香

砂仁各五分

薑三片。棗二枚。水二茶鍾。煎八分。食遠服。

徐曰。此方穩切。凡脾胃之方皆本此。此乃祖方也。

### 清震湯

清震湯中益智仁。參苓柿蒂澤甘陳。棗薑附子同香附。半夏加增效似神。  
治潰瘍脾胃虛弱。或誤傷生冷。或氣惱勞役。或入房夢遺。致火邪乘入中脘。乃  
生呃逆。

益智仁

陳皮

半夏

茯苓

人參

甘草

香附各一錢

柿蒂二十箇

澤瀉三分

熟附子手足冷者用一錢

薑三片。棗二枚。燈心二十根。水二茶鍾。煎八分。不拘時服。如身熱口乾便燥火  
呃者。加黃連五分。  
徐曰。亦重前。

醒脾益胃湯

醒脾湯用朴山查。二朮二苓參麥芽。澤瀉陳皮山藥夏。木香蘇子並堪加。  
治潰瘍脾胃虛弱。過傷飲食生冷。以致胸膈不寬。四肢面目浮腫。及小水不利  
等症。

人參

陳皮

茯苓

半夏

山藥

白朮各一錢

蒼朮

厚朴

澤瀉

麥芽

木香

山查

蘇子

豬苓各五分

老黃米炒黃一錢

水二茶鍾。薑三片。燈心二十根。煎八分。食前服。

徐曰。此燥脾而兼利水之方。

### 托裏定痛散

托裏定痛散當歸。乳沒川芎白芍隨。粟殼桂皮併熟地。瘡瘍疼痛此堪醫。

治癰疽潰後血虛疼痛不可忍者。服之甚效。

歸身

熟地黃

乳香

沒藥

川芎

白芍

肉桂各一錢

粟殼泡去筋膜炒二錢

水二茶鍾。煎八分。隨病上下食前後服之。

徐曰。此方能止痛。

梔案熟地黃。徐改生地黃。

### 歸脾湯



歸脾湯用朮參耆歸草茯苓遠志隨。酸棗木香龍眼肉。煎加薑棗益心脾。

白朮

茯苓

黃耆

棗仁

龍眼肉各一錢

木香

人參

甘草各五分

當歸一錢

遠志五分

薑一片。棗二枚。水煎。食遠服。

梟案此方失載治何症。讀內科書自知。

神應異功散

異功散中丁木香。參苓桂附可回陽。陳皮半夏當歸朴。肉蔻還加朮棗薑。治潰瘍陰盛陽虛。發熱作渴。手足並冷。脈虛無力。大便自利。至飲沸湯而不知其熱者。

木香

官桂

當歸

人參

茯苓

陳皮

白朮各一錢

半夏

丁香

肉豆蔻

附子

厚朴各五分

水二茶鍾。薑五片。棗三枚。煎八分。不拘時服。此方癰疽陰症及雜症陽氣脫陷。

與寒氣逼陽於外。發熱煩躁。口乾作渴。投以薑、桂、附子之類。津液頓生。煩熱頓退。其應如響。

徐曰。此亦溫脾之藥。亦重出。

### 參朮膏

參朮膏中參朮地。分煎合用。酌其中。補脾補氣兼補血。息症虛危可漸充。治癰疽發背等症。大膿後氣血大虛。急宜用此。

上好人參

半斤切片用水五大碗砂鍋內慢火熬至三碗將渣再煎汁一碗共用水密絹濾清復熬稠厚瓷碗內收貯聽用

雲片白朮

六兩 懷慶熟地同六兩俱熬

以上三膏各熬完畢。各用瓷碗盛之。頓入水中。待冷取起。蓋勿洩氣。如患者精神短少。懶於言動。短氣自汗者。以人參膏三匙。白朮膏二匙。地黃膏一匙。用無灰好酒一杯。頓熱化服。如脾氣虛弱。飲食減少。或食不知味。或已食不化者。用白朮膏三匙。人參膏三匙。地黃膏一匙。好熱酒化服。如患者腰膝酸軟。腿脚無力。皮膚手足羸澀枯槁者。用地黃膏三匙。人參白朮膏各二匙化服。如氣血脾胃相等無偏勝者。三膏每各二匙。熱酒化服。此膏用於清晨併臨睡時。各進一

次。自然精神強健。氣血頓生。新肉易生。瘡口易合。任瘡危險。勢大膿多。可保終無變症。夏天炎熱。恐膏易變。分作二次熬用亦好。愈後能服。鬚髮變黑。返老還童。以上諸方。功難及此。

徐曰。此方純用蠻補氣血。毫無意義。

### 八仙糕

八仙糕設卻為何。養胃健脾止瀉多。山藥參苓蓮芡實。白糖米粉蜜調和。治癰疽脾胃虛弱。精神短少。飲食無味。食不作飢。及平常無病久病。但脾虛食少嘔泄者。並妙。

人參

山藥

茯苓

芡實

蓮肉各六兩

糯米三升

粳米七升

白糖霜二斤半

白蜜一斤

右將人參等五味。各為細末。又將糯米亦為粉。與上藥末和勻。將白糖和蜜湯中頓化。隨將粉藥乘熱和勻。攤鋪籠內。切成條糕蒸熟。火上烘乾。瓷器密貯。每日清早。用白湯泡用數條。或乾用亦可。但覺飢時。隨用數條甚便。服至百日。

輕身耐老。壯助元陽。培養脾胃。妙難盡述。

徐曰。此服食之方。不足治病。

### 胃愛丸

胃愛丸中參朮苓。紫蘇山藥豆蔻陳。建蓮甘草蜜丸就。胃弱脾虛效似神。  
治潰瘍脾胃虛弱。飲食諸味不喜。用過開胃進食之藥不效者。此脾崩之象。宜服之。食進為吉。

雲片白朮

一兩鮮白者米泔浸去鹽。懷慶山藥男乳拌溼候潤透晒微焙。

上白茯苓

一兩切一分厚用砂仁二錢共扶苓合碗內飯上蒸熟只用扶苓。

清河人參

一兩製畢晒乾共為細末。

陳皮

用陳老米先炒黃色方入同炒微燥勿焦六錢。

小紫蘇

蜜拌透晒乾微蒸片時連梗葉切片五錢。

白豆蔻三錢

蓮肉

去皮心敲碎五錢。

甘草

炙三錢。

右共為細末。用老米二合。微焙碾粉。泡荷葉湯打糊。丸梧子大。每服八十丸。清米湯不拘時服。

徐曰。此和平養胃之方。

二神丸

二神丸用破故紙。肉果去油兩相使。薑棗煎水候水乾。棗丸吞服寒瀉止。  
治癰疽脾胃虛弱。飲食不消。大便澹泄。

破故紙

四兩微炒香

肉

果

肥大者二兩。麵裹煨切片。鹽去油。

用大棗四十九枚。老生薑四兩。切片水浸。棗薑煮至水乾為度。取棗肉同二藥淨末為丸。如梧子大。每服七十丸。清米湯空心送下。並治尋常腎虛脾泄俱效。  
徐曰。此治寒滑瀉痢之症。

加減八味丸

八味丸中五味宜。地黃山藥桂丹皮。茯苓澤瀉山萸肉。止渴生津兼治脾。  
治癰疽已發未發。口乾作渴。舌乾黃硬者。

茯苓

山藥

丹皮

澤瀉

山萸肉

五兩

熟地黃

搗膏酒煮八兩

肉

桂

五味子

右共為末。煉蜜丸如梧子大。每服二錢。空心服。鹽湯送下。尋常酒服亦可。此又滲溼潤燥藥也。



以上二十五方。治癰疽已潰。至於收斂。正病雜病變症壞症。俱在其中選用。毋得錯亂。大抵潰後氣血根本。無有不虧傷者。補怯扶羸。理勞續損。皆不出於前方。此外無法也。

楣案未有紅鉛造化丹。徐批不入藥。用筆勾去。余故不錄。爲著書者消一罪孽。實存二十四方。

徐曰。以上所錄潰瘍諸方。皆內科溫補之法。乃大症潰後。精血大虧。自宜溫補。但瘡口未全愈。必有兼外科之症。或膿清不厚。或寒熱未止。或火毒未清。或胃口未和。或新肉未生。或毒痰內積。種種兼症。若一味峻補。與外科不相照顧。則餘毒未清。反能增病。必須審度其虛。是病氣未除。抑全屬虛寒。然後擇取對症之藥。幾味成方。如不問外症之有無。而一概以全方治。則其中必有不對症之藥。反能有害。是不但不知內科。并外科之理亦不知也。薛立齋之用內科方盡如此。不值一笑也。

楣案腫瘍方中如意金黃散。尋常用一次。不過數分。而原書所開各藥至四十斤之多。卽其門如市之瘍醫。亦須一二年方能用完。不知末藥最怕泄氣。

卽瓷罐密藏。擱久香氣必大減。用便不靈。醫者當以應付之繁簡。爲合藥之多少。寧少無多。勿使擱久而成朽藥。余將此方分兩減至一斤。恐人疑其與原書不符。故附記卷末。至真君妙貼散二十斤。亦嫌其多。今亦酌減。又案凡合丸散。須各藥各研。稱準淨末。合和再研。最爲要著。緣末藥總須賸渣。藥有粗細。卽渣有多少。有一兩僅得淨末四五錢者。亦有得七八錢至九錢外者。共研去渣。則與原方銖兩配合不符。倘內有要藥。去渣一半。誤事多矣。

外科正宗

卷二

癰疽圖形

癰疽總三十圖

婦人四圖

嬰兒二圖

共三十六圖

外科正宗 卷三 癰疽圖形

|      |      |      |
|------|------|------|
| 明    | 清    | 清    |
| 崇川   | 海寧   | 吳江   |
| 陳實功著 | 許辛木訂 | 徐靈胎評 |
|      |      | 曹炳章校 |

蓮子發形如蓮子頭多突起腫高潰膿者生平塌陰陷者死



徐曰凡瘡毒大者必多頭最重圍藥


蜂窠發形如蜂窠頭含螺子片片腐爛孔孔流膿紅活者生黑陷者死



楣案紅活者生黑陷者死二句徐圈凡癰疽生死盡於此八字不獨蜂窠發然也



井疽心火妄動所發掀赤高腫者生堅硬紫黑者死



玉枕疽膀胱溼熱凝滯而成紅腫者生紫陷者死



對心發心火沸騰溼熱凝之腫高腐潰者生軟陷紫黑者死


天疽陽火熾盛所發紅赤高腫者生紫黑平陷者死



徐曰此即對口惟略偏耳

相案天疽在左耳後一寸三分觀後第二十三圖可見此圖似誤


楣案馬刀生缺盆之上由胸腋而至脅此圖在玉枕疽部位殊誤



附骨疽初起大腿筋骨作痛久則漫腫出膿膿稠者生氣敗者死


外科正宗 卷三 癰疽圖形

對口太陽蘊熱結集而成高腫易潰





失榮症生於耳前後及項間初如痰核久則堅硬漸大如石破後無膿  
惟流血水堅硬不消腫痛異常乃百死一生之症





耳後發有頭高腫者生無膿軟陷者死

形如粟米色如紅棗生此百人百不救



脫疽

徐曰此生於足大指

外科正宗 卷三 癰疽圖形

脾肚癰乃飲食炙煖厚味釀成紅紫高腫潰爛者生紫黑平塌陰陷者死




人面瘡屢積業冤一朝得此先宜修省後方醫治



徐曰各處可生





高腫爲癰沈潰爲疽有膿者生無膿者死



楣案發於兩眉棱骨及兩眉中間印堂皆名鳳眉疽此圖在額上部位誤  
又案蠹瘡各本誤作馬刀瘡



胃口疽發在心胸之旁陽者有頭陰者無頭乃飲食炙燂所致









瘡疽起脣上有頭腦起寒熱交作胃經積熱所致



流注起於寒熱不調氣血凝滯而生




徐曰串者彼處又生也












發在耳後一寸三分致命之處左為天疽右為銳毒








結毒硬腫腐爛臭穢者是也










棉花瘡卽楊梅瘡是也





乳岩中空如岩穴邊腫若泛蓮真死候也





乳癰紅腫發熱疼痛是也



乳疽堅硬腐爛者是也





赤遊丹紅如雲形者是也

走馬疳牙根黑  
腐臭爛者是也



癰疽諸名歌

背之左右謂疽癰。手膀肩背亦相同。肺疽居右癰居左。蜂癰左右近喉嚨。耳後右爲銳毒看。天疽左耳後相逢。左右兩肩名搭手。井疽正發在中心。楣案癰疽分陰陽不分左右流注牽藤六七成。發於心上止臍平。脅疽生在脅臑下。陰疽大體近箕門穿踝疽穿股拐下。脚氣原來脚底生。左爲便毒右魚口。鶴膝風從膝眼成。肩下臍癰腋下疽。喉嚨上下氣癰醫。當脈兌疽君可記。三寸相離穿骨基。紅絲疔從手上起。蛾子喉風口內隨。腎疽當腎生左右。三里穴發附陰疽。離臍四寸爲赫癰。再高三寸號幽癰。腸癰還從臍突起。胸疽乳上心肺中。合谷一疔名虎口。蛇頭魚肚指頭逢。腦後一疽名玉枕。莫作如常一樣同。肩疽樂疽居右手。石榴離肘上三分。左元陰右襠疽發。咬骨陰包穴上生。淵疽腎上腿附骨。佛頂疽生腦頂門。人世毒瘡當切記。庶幾患者可全生。顴骨爲疔脣上疽。鬢邊所發亦疽醫。眉中鳳眉防侵腦。黑疔耳內不爲奇。鼻内生疔當速療。透腦原來髮際基。眉毛癰疽是大毒。頰疔魚眼近腮齊。

馬刀瘰癧氣癭瘡。一氣生來在頸項。龍泉虎毒脣上下。對口原來髮下藏。牙根脣上癰須記。牙下生之疽一行。頂牙縫突爲疔治。切莫看成小小瘡。心肝脾肺腎癰疽。當看胸中穴道醫。更有黃頭并白泡。發無定處速如飛。左爲坐馬。右下馬。尾骨頭尖。鶴口疑。此物殺人能致命。火急攻醫切莫遲。婦人之乳有數種。高腫爲癰。堅硬疽。還有乳岩。真惡症。腫如頑石。破如墟。鈕釦之風生頸項。裙帶風瘡。脚下居。又有溼賺瘡等疾。總名爛腿。蔓難圖。嬰兒走馬爛牙疳。黑腐沿開。臭不堪。赤游丹毒。渾身到。鵝口瘡。苔滿口。漫風瘡。奶癖多搔癢。血灌膿。窠痛欠安。還有心脾胎熱症。口疳重舌。一般看。

### 腦疽論

夫腦疽者。俗稱對口是也。所發不同。其源有二。得於溼熱交蒸。從外感受者輕。五臟蘊結。從內發外者重。溼熱之爲病。由於天行氣候。寒暑不調。節序溫涼。陰陽失度。體虛者易於侵襲。項後雖屬督脈。又主太陽寒水。司行之道。一經侵襲。氣血必凝。凝則必腫。此從外感受者。其患初起有頭。多生正穴。三四日間。多作掀痛。始生

寒熱。口和不乾。色紅根活。瘡勢漸高。形不散大。時止時疼。易膿易腐。飲食知味。起坐如常。外勢雖可畏。而無七惡相干。此屬陽症。故雖不治可愈。其由五臟蘊結而成者。其源又有五。蓋心主血。故心緒煩擾。煽動不寧。以致火旺而沸騰。行於項間。與寒水交滯而爲腫一也。肝統筋。故惱怒傷肝。項乃三陽統筋之所。肝傷則血脈不潮。筋無榮養。凝結爲腫。故項緊急強痛。不能轉側。其患未潰前肉色紫暗。堅硬漫腫。破流血水。木痛無膿。此皆肝氣受傷二也。脾主肌肉。故思慮傷脾。脾氣日損。又或膏粱損胃。胃汁乾枯。以致中脘痞塞。氣不運行。逆於肉裏。乃生壅腫。其患外皮雖腐。而內堅不潰。口燥舌乾。飲食不進。根脚走散。膿穢色敗。此皆脾氣受傷三也。肺主皮毛。故憂鬱傷肺。肺傷則毛竅閉塞。腠理不通。氣不舒暢。縱橫經絡。結而爲腫。其形瘡多平陷。色淡不華。皮腐脂流。形如湯潑。氣羸短促。鼻煤鼻掀。漉漉生痰。殷殷發嗽。此皆肺氣受傷四也。腎主骨髓。故恣慾傷腎。腎傷則真陰之氣敗矣。真陰一敗。相火自生。此火最能自升自降。或動或靜。煎熬臟腑。消燂津液。更變形容。改換聲音。瘡形紫黑。脈數乖度。煩躁口乾。隨飲隨渴。此皆腎氣受傷五也。凡治此症。必內分虛實。外辨陰陽。體順天時。察其病理。七日以前。瘡勢未成者。當通竅。



以汗發之。徐字七日已後。病勢已成。治當兼補以托之。則毒不內攻。外無變症。如藥攻利太過。元氣受傷。毒多難出。又敷圍涼藥。氣血冰凝。則肌肉多死。反難腐潰。予嘗治此。及諸發背。初起未成者。用拔針當頂點入。知痛處。出其惡血。通其瘡竅。隨插蟾酥條直至瘡底。自未成者以下三十餘月服此必死之法誤盡著外用膏蓋。內服萬靈丹。或蟾酥丸。發其大汗。日必至陽脫不救解散內蘊之毒。次日患上或腫或不腫。或痛或不痛。仍插仍貼。徐字直至患項腫高。根脚突起。四圍裂縫有膿。方住插藥。輕淺者。九日後吐出病根。堅硬不化之物。毒甚者。不能頓然脫落。亦可漸腐成膿。為轉重就輕之良法。此句徐勣批曰轉外用玉紅膏。長肉。內服補托收斂之藥。不久自愈。如陽症輕淺者。候自腐潰。不用前法針刺。如不腫不疼。灸亦不痛。陰症尤當速用。不必遲延。此為移深居淺之大法也。

徐曰。此篇泛論。乃通套之談。凡瘡皆如此。非獨腦也。其刺法則殺人之術矣。凡未成者之症。見血必危。此等議論。貽誤後人。死有餘辜。

## 腦疽看法

初起頂高根活。色紅皮薄。作疼掀熱。腫不開散者順。已成無論偏正。瘡形獻起。疼痛發熱。易膿易腐者順。已潰膿稠。肉色紅活。瘀腐易脫。掀腫漸消。痛減者順。潰後腐脫。新肉便生。瘡口漸斂。結痂作癢者順。初生一點黃泡。或似疔瘡。不腫不疼。自不知覺者逆。已成不發高腫。亦不掀痛。瘡頂軟陷。根脚平散者逆。已潰膿清。肉色紫黑。外皮不腐。內生臭穢。不食者逆。腐肉雖盡。新肉不生。瘡口散大。軟陷無神色敗者逆。

徐曰。此等看法。諸腫皆同。知其大意可耳。不必重出也。

### 腦疽治法

初起有頭。或無頭。大痛。或不痛。俱隔蒜灸。此句徐勸批頭不可灸兼服解毒之藥。已成堅硬。發熱掀痛。口乾便秘者。邪在內也。宜泄之。堅腫不痛。發熱惡寒。頭疼。四肢拘急者。兼發表攻裏。腫硬日深。形色紫黑。外皮不腐。內膿不潰。宜行拔法。項強。頭面掀熱。口燥惡心嘔吐者。邪在上也。宜清之。掀熱腫痛。紅色光亮。疼苦有時。內膿脹痛者。急開之。將潰不潰。微熱微紅。不作腐潰者。脾胃虛也。宜補之。潰後腐肉不脫。膿水

清稀。腫痛仍作者。當大養氣血。大便多溏。小便短濇。自汗食少。脈細身涼。當溫中健脾。

徐曰。法亦大同小異。

### 腦疽治驗

一男子生項疽十餘日。其勢頗甚。根連左右耳項並腫。紅赤掀熱。脈浮而數。先用黃連消毒散二服。徐曰。苦寒禁膳。以退大勢。根脚稍定。用托裏消毒散數服。尚不腐潰。診其脈浮無力。詢知年過五旬。久艱嗣息。房中婢妾多人。思慮勞慾太過。損傷元氣故也。瘡勢又大。故服前藥止能起發。不能培養為膿。更用十全大補湯加桔梗、白芷、倍人參、白朮。以上各三錢。徐上。外用桑木灸法。以上四。早晚二次。又塗紫霞膏數日。病者頭面俱腫。雙目合縫。徐曰。此熱藥火灸之害。形狀可畏。然後腐潰。膿出日至數升。如此半月。因前藥尚不勝病。添出煩躁不寧。五心煩熱。以上八字。徐批曰。亦藥害之。飲食漸少等症。此乃膿水出多。氣血走泄。致成虛火假症。隨用聖愈湯一服。不應。此二字。徐勒。又進一服。加熟附子二錢。熟附子。徐勒。方應。前症悉退。換用人參養

榮湯加麥冬、五味。五味參朮倍至三錢。調理月餘。腦骨腐肉連髮片片脫下。除此熱藥之故。狀極狼狽。觀者無不驚訝。腐潰深大。尙恐藥補不及。每日粥食中用人參三錢。同煮食之。以接補脾元。方得元氣漸醒。調理四月而愈。後一年生子。

徐曰。自己用藥大誤。以至幾死。直至毒隨腐盡。然後蠻補得活。醫者反誇己功。病家亦信其有回天之力。謬種相傳。害人不淺。此等醫案。可以垂戒。而愚者反奉爲師法。殺人寧有量哉。

又曰。此篇乃其殺人供狀。其人不死。乃天幸耳。

一監生項瘡初起。瘡頭偏於右半。余謂不可輕視。必用艾灸爲上。徐曰。不隔蒜灸至十五壯。知痛乃住。彼視爲小恙。不服藥。又四日。頸腫項強。紅紫木痛。徐曰。火一便秘。脈實有力。以內疎黃連湯加元明粉二錢。通其大便。次用消毒救苦湯二服。腫勢仍甚。此內毒升發。不可再消。換服托裏消毒散。延至二十日。因病者肥甚。肉緊不能腐潰。余欲行針開放。此四字堅執不肯。豈知變症一出。煩悶昏憤。人事不省。始用拔針。左右二邊併項之中各開一竅。左右下十二字內有膿腐處。翦割寸許頑肉。以上六字徐勒批曰。自有腐肉之藥。何必放出膿血碗餘。



內服健脾胃養氣血托膿補虛之藥。膿似泉流不歇。以上四藥與食中共參六七錢。服至腐肉脫盡。新肉已生。又至四十日外。始漸甦知人事。前此竟不知也。徐曰已此症設禁用刀針不加峻補。豈得生乎。幸其子在庠識道理。信從余言。徐曰腐爛未百日而愈。

一男子患項瘡五六日。來就余視。頭便黃色。根亦平散。余曰。此當急治。彼不悅而去。請他醫視之。曰。小恙也。因即用其藥。又至五日外。瘡勢堅硬。根脚開大。毒氣已過兩肩。流注前項。胸乳皆腫。嘔吐惡心。寒熱不食。始復請余治。已非藥力可及。乃用葱艾湯洗淨他醫之藥。連煮藥筒拔提二次。徐曰亦不可輕拔出瘀血碗餘。隨用銀針斜斜插入。透通患底數處。以蟾酥條插入孔內。解毒爲膿。總以膏蓋。走散處則以真君妙貼散敷之。其毒漸漸收歸後項原處。又服內托降火化痰之藥。三四日。大勢已退。內膿已通。換服十全大補湯。凡堅而不化者照之。腐而不痛者取之。新肉生遲者培之。將近三月。始得完口平復。

一女人年過六旬。係宦族。素稟怯弱。項間患疽。初起頭便如粟。所謂裏可容穀也。喜其形體不肥。徐曰學外科雖發必易腐潰。先隔蒜灸之。徐曰亦次用蟾酥餅

貼灸上。四邊以吸毒散敷之。使根脚不散。內服托裏消毒散數服。瘡勢堅硬。疼苦不止。余曰。到某日方止。今瘡不腐潰。脈細數無力。此內虛不能解毒為膿。以疼為要。豈可得止。徐曰。凡瘡不疼者。為惡症。疼則當止。次換益氣養榮湯加角針、白芷三服。腫勢漸起。外用桑木灸法。腫漸軟。膿出不多。前方去角針、白芷加香附。倍用參耆。又數服。方得膿潰。痛仍不止。徐曰。無止痛藥所致。余曰。再三日後可止。至期腐肉將脫小半。臨午用乳香定痛散一服。午後痛頓止。得安睡。其家喜悅。余曰。此在用藥適當其時。惟信余言。則無失耳。後當某日腐盡。某日肌平。某日完口。其家以墨記之。果如期不爽。此法要在眼力精巧。徐曰。未見得害。人則有之耳。量病難易。新腐遲速。用藥當否。乃能決期日耳。

一婦壯年患項瘡三日。徑對前口。其家以肥人生此為憂。余曰。項高脚活不妨。彼欲內消。余曰。藥消則不能。針消則可。徐曰。用藥無害。針則有法。用拔針當頂針入六七分。至軟肉方住。以上十五字。徐勒。隨去瘀血。徐曰。未破之毒。總不宜見。血見則生死不可必矣。以蟾酥條插入孔內。得大汗。徐曰。亦不宜。次日瘡出微膿。漸消。徐曰。此係淺毒。故能愈。否則已不救矣。猶恐內毒未盡。又用消毒清熱之藥數服。不出十日而安。徐曰。僥倖得生。乃症本輕耳。



一男子耳後生疽十餘日。自謂小恙。不治。將近半月。根脚漸大。瘡頭惟流血水。稀惡汗穢。四邊紫黑。徐曰實是惡候不治軟陷無膿。面慘鼻掀。手冷氣促。脈散大無根。余曰。

此內敗症也。辭不用藥。另延他醫治之。曰無妨。病者恨余不治。每見親友必厲聲自言不死。余曰。後五日必死。果然。凡見此敗症。雖山岳之軀。無不傾倒。

一婦人患正對口四五日。自灸廿餘壯。此五字竟不知痛。灸疤焦黑平塌。以上四字

脈微數而無力。此內虛症也。若假藥力。則致誤事。徐曰如何藥能用披針當瘡

頂刺入寸許。徐曰豈可深不痛。亦無血出。此毒滯而未發。用蟾酥條插入針孔。

每日一次。膏蓋其上下。七日後周圍裂縫出膿。內服純補之藥。至十四日。落出

瘡根一塊。如指大。長厚寸餘。徐曰此乃針傷之惡肉也方以玉紅膏生肌。又半月。其口已平。

糝以珍珠散。生皮而愈。此症設不用針工。專假藥力攻托。雖不至死。豈能速愈。

徐曰專駁用藥豈非奇談足見此醫凡有用藥之處俱無效也

一婦人四旬肥甚。批二字徐勒患項瘡五六日。肉腫瘡不腫。批五字徐勒堅硬色紫。根

脚散平。兼口燥心煩。六脈洪大。此太過症也。後必無膿。辭以不治。另延他醫。有

言外托者。有言內消者。有言年壯不妨。有言脈大易治。紛紛不定。仍各用藥。又

七八日。胸項俱腫。木悶堅硬。徐曰此症未必不治。衆藥亂投。變此壞症。仍請余決之。余曰。此必不治。初起肉腫瘡不腫一也。根脚平散。真氣內敗。不能收束毒氣二也。口燥心煩。邪火內淫三也。形色紫暗。血死毒滯。不作腐潰四也。六脈洪大。瘡毒大盛。正氣受克。無以抵當。終變軟陷。邪毒內攻五也。徐曰此皆不治之症。人人能言者。二十七日朝前後必死。果然。

### 腦疽主治方

#### 黃連救苦湯

黃連救苦葛升銀。柴芍芎歸翹梗芩。羌活防風共甘草。腦疽煎服可安寧。  
治腦疽發鬢發頤。及天行時毒初起。憎寒壯熱。頭面耳項俱腫。服之未成者自消。已成者自潰。

|    |    |    |    |
|----|----|----|----|
| 黃連 | 升麻 | 葛根 | 柴胡 |
| 赤芍 | 川芎 | 歸尾 | 連翹 |
| 桔梗 | 黃芩 | 羌活 | 防風 |

金銀花

甘草節錢各一

水二碗。煎八分。臨服入酒一杯。食後服。

徐曰。此爲寒散之劑。藥味重複渾雜。不成章法。

又曰。升提苦寒之藥。宜審用。在上之病。並非必用升。柴、桔、梗。凡消火驅風之品。皆能愈上焦之疾。初起禁用苦寒。凡腫皆然。卽升燥之品亦禁用。恐反提火上升也。總以辛涼滋潤爲主。則火散而毒自解也。又曰。丹皮、犀角、羚羊角、枳殼、天蟲、元參、土貝、生地、蒼耳。俱可擇用。別本有槐楣案以上諸條。徐氏蓋泛論治法。觀凡腫皆然一語可見。腦疽有偏正陰陽之別。不獨苦寒當禁。卽涼劑亦當審其非陰毒乃可用。

### 解毒天漿散

解毒天漿石決明。僵蠶山甲防風銀。甘草黃連花粉乳。翹羌歸尾大黃行。  
治腦疽積毒日深。堅腫木硬。口燥舌乾。惡心煩渴。六脈沈實有力。大便閉結不通者。

石決明生研

僵蠶

穿山甲土炒

防風

連翹

羌活

乳香

甘草

金銀花

黃連

歸尾錢各一

大黃三錢

天花粉

新鮮未曬者四兩石臼內搗爛投水一碗攪勻絞去渣用

右花粉淨汁一碗半同藥煎至八分入酒一杯空心熱服行過三次方用飲食。

忌食煎炒發物。

徐曰此為寒下之劑亦雜而無法。天花粉乃陰寒之藥何得多用此惡方也。又曰堅腫木硬豈可用寒涼。

內托千金散

內托千金散芍耆。白芷芎歸防桔隨。銀草參甘花粉桂。痛加乳沒不須疑。治腦疽發背諸毒惡瘡已成不消者服之易潰。

白芍

黃耆

川芎

當歸

防風

桔梗

天花粉

金銀花

人參

錢各一

肉桂

白芷

甘草各五

乳香

沒藥二味痛甚加入

右水二碗。煎八分。臨服入酒一小杯。食遠服。

徐曰。方味亦雜。

又曰。上焦之病。不得輕用肉桂。

### 回毒銀花散

回毒銀花散最奇。癰疽陰毒總堪醫。借問君家何等藥。銀花甘草協黃耆。

治腦疽及諸陰瘡不起。色變紫黑者。急服之。

金銀花

連枝葉二兩

黃耆

生切四兩

甘草

一兩切

用紹酒二十兩。同藥入小口砂罐內密封。重湯內煮三炷香爲度。取起濾清服之。蓋暖患上。其瘡漸漸高腫。此轉陰爲陽吉矣。後用托藥潰膿。如服後不痛不起。瘡頭流出黑水。此真陰症。不治。

徐曰。此藥酒方也。血寒之症。及冬日陰毒。亦可備用。

### 梅花五氣丹

梅花五氣丹輕粉。乳沒辰砂麝片酥。加上雄黃併血竭。托毒護心不可無。

治腦疽發背諸般疔腫初起。寒熱交作。筋骨疼痛。有似傷風。惡心嘔吐。但未成

膿者。

梅花冰片 五分

當門麝香 五分

輕粉

辰砂 各六分

乳香

沒藥

血竭

明雄黃 錢各一

真蟾酥 預於端午前尋之至午日取  
酥二錢用頭胎男乳調膏

右前藥各研極細。對準分數。於端午日辰時製度。候至午時。將上藥九味和入蟾酥膏內。向日丸之。如茄子大。一時內晒乾。用川椒二十七粒。燈心二十七段。同藥收於瓷罐內。養之以蠟封口。不泄藥氣為妙。凡遇惡瘡大毒。開器取出一枚。先用美饌食飽。次用無根水漱淨口內。再含水一口。少頃待溫。用葱白五寸。同水嚼爛。嚥下。隨將藥餅安放舌下。睡於暖處。以被覆蓋。藥化苦水。徐徐嚥之。瘡勢大者。二三餅亦可。藥盡其汗。即到如淋。諸病若失。如冬月天寒難汗。嚥後將葱白湯催之。亦妙。凡治無有不效。如暗疔人所不知覺。及知覺而失治者。毒氣入裏。人便昏沈。一中便倒。不能依法服藥。急用連鬚葱白七個。煎酒一盃。研藥五餅灌下。藥氣到心。其功如湯潑雪。患者即便甦醒。此為外科第一奇方也。徐曰。此俗所謂梅花點舌丹也。為托毒護心之藥。



小保安湯

小保安湯歸藿苓。黃耆半夏麥冬陳。人參甘桔兼芎朮。薑棗同煎效若神。  
治腦疽諸發已潰流膿。服之庶不更變。

當歸

茯苓

川芎

黃耆

麥冬

陳皮

桔梗

人參

白朮各一錢

半夏

甘草

藿香各五分

薑三片。棗二枚。水二茶鍾。煎八分。食遠服。

徐曰。此法重出。

大保安湯

大保安湯朮附歸。參苓芎芍桂丹皮。黃耆山藥門冬草。五味山萸熟地宜。  
治腦項諸發。癰疽惡瘡。大毒已潰之後。膿水出多。氣血虛弱。精神短少。飲食少思。坐臥不寧。煩躁不眠。晝則安靜。夜則發熱。及虛陽煩渴等症。

白朮

當歸

人參

茯苓

川芎

白芍

山萸肉

黃耆

山藥

丹皮

熟地黃

五味子

各一錢

肉桂

甘草

麥冬

熟附子

各五分

煨薑三片。大棗二枚。蓮肉七粒。水煎。食前後服。

徐曰。此亦蠻補之方。無意義。

陽春酒

一盞陽春酒孰知。天冬杞朮地黃宜。人參柏子當歸遠。百補方中此最奇。

治腦疽諸發已潰。流膿腐盡時。脾胃虛弱。肌肉生遲。或氣血原不足。以致肉色淡白。不能長發。收斂宜服此酒。生長肌肉。強健脾胃。美悅顏色。滋潤皮膚。凡大瘡後飲此。不惟卻病。亦且延壽。

人參

切片

白朮

熟地黃

各五錢

歸身

切片

天門冬

枸杞子

各三錢

柏子仁

遠志

各二錢五分

右。上藥用絹袋寬貯。以無灰好酒五斤。磁罐內浸至一伏時。每早午晚各飲一杯。熱服。如夏月天炎易壞。不堪久服。將藥分作五分。每次用酒一斤。隨便浸服。亦效。如酒將完。藥尚有味。再添酒浸飲一次。已後藥淡無味。不必再浸。

徐曰。亦是通治之方。無意義。

### 桑木灸法

治諸瘡毒堅而不潰。潰而不腐。新肉不生。疼痛不止。用新桑木長七寸。劈指大。一頭燃着。向患上灸之。火盡再換。每次灸木五六條。肉腐爲度。

徐曰。此神燈照之變法。

### 神妙拔根方

此五字  
徐X

治腦疽發背陰症初起。不腫高。不掀熱。灸不疼。其病將來難治。必致壞人。十日以前。用拔針當頂插入。知痛處方止。隨用蟾酥條插至孔底。用拔針以下十字徐勒每日二條膏蓋。三日後。加添插藥。其根高腫作疼。加添以下十字徐勒外用神燈照法。助陰爲陽。插照七日。其瘡裂縫流膿。至十三日。其根自脫。如日多根深蒂固。不能脫者。拔針取之。內用玉紅膏。不脫者自脫。不斂者自斂。此法百人百活。再無不愈者。徐曰。用此法者。我目中已見殺數十人矣。卽真陰症亦不宜用。況陰症千不得一。非平塌卽爲陰症也。

又曰。凡瘡未成者。一見血。則毒走肌傷。輕者變重。重者必死。況又插入藥條。

以致痛極腐爛。斷無消理。此等惡法。害人不淺。然此原云陰症當用此法。乃近人無知。不論陰症陽症。輕病重病。皆用此法。殺人無算。間有愈者。皆痛苦哀號。死裏逃生。乃皆奉爲金科玉律。舉世皆然。無人救正。豈不傷心。

楣案徐氏痛駁拔法。垂戒切至。學外科者。當奉爲金科玉律。至謂真陰症千不得一。非平塌卽爲陰症。此二句須仔細體會。修煉家言分陰未絕則不仙。分陽未絕則不死。癰疽亦然。疽雖陰毒。亦須內有陽氣。方可施補托之法。俾令高腫潰膿。真陰症陽氣已燔。乃必死之症。故曰千不得一。非謂患疽者皆屬陽症也。合非平塌卽爲陰症。句觀之。可見平塌多陰症。特恐人一見平塌。便認爲陰症。以致誤治。故爲揭出耳。原徐氏本意。蓋甚言拔法之不可用。惟可施諸真陰症。而真陰症千不得一。則此法當廢而不用也。

又案腦疽之偏者。陰毒居多。初起惟犀黃丸能消之。已成平塌不疼。神思昏倦。非陽和湯不可。潰後宜貼陽和解凝膏。但犀黃丸價貴。貧人無力服。陽和湯熟地黃分兩極重。醫者不敢用。病者不敢服耳。然服此二藥而愈者。余所見非一人。故附著之。其有平塌而非陰症。如徐氏所云者。則在乎醫之臨時。

識症矣。

腦疽應用方

隔蒜灸法

拔筒法

琥珀蠟礬丸

太乙膏

真君妙貼散

護心散方俱見腫瘍門

蟾酥丸

蟾酥條俱見疔瘡門

十全大補湯

人參養榮湯

乳香定痛散

聖愈湯方俱見瘡瘍門

相案隔蒜灸法。蟾酥條。徐勒。琥珀蠟礬丸。真君妙貼散。護心散。乳香定痛散。

徐圈。

外科正宗卷三 腦疽主治方

五八



徐評外科正宗

明 崇川 陳實功 著  
清 海寧 許辛木 訂  
清 吳江 徐靈胎 評  
鄞縣 曹炳章 校

卷四

發背論

發背有五。一曰陽毒。先因風熱。或患熱毒消渴。或先患傷寒。餘毒蓄積於背脊膂之間。不拘椎數。但從兩夾脊起。滿背掀熱赤紫。或紅色如燄。膿毒難成。成後痛不除。數日之間。忽然平塌。昧者誤謂腫消。殊不知此是內攻肉陷。不可復藥矣。此二句徐圈批曰。此乃始時高腫。以後忽平。故爲二曰陰毒。乃氣冷而作。初如黍米。隱隱而痛。險惡若本不起發。雖屬虛症。反可施治。五七日後。始覺攻腫。膿毒深沈。遲緩未透。急宜直應前心。頭目昏重。寒熱如瘧。

以補氣湯藥內托。此句外以抽膿藥貼之。三曰服金石燒煉藥毒。初起如丹痧之狀。熱熱漸開。如湯火所傷。面色如硃。心膈煩躁。多渴嗜冷。此句其瘡難起。起則驚人。尤甚於陰陽二毒。但根柢分明。須以解金石毒湯散急治其內。方保無虞。四曰酒食毒。乃平時或飢或困。飽食即睡。或多食酒食。冷熱黏滑肥鮮油膩之類。積於臟腑。兼之不慎。幃幕恣意當風。脾臟氣虛。不能承受。乃毒發於背。徐曰此所謂大疔者。不問椎數。初起頭如小彈子。後大如拳。其堅如石。痛連四肢。加之拘急。口苦舌乾。腹急便澀。十數日後。頭面手足浮腫。臟腑滑泄。急痛如利。是其候也。初腫時。急用收腫發穴潰膿湯藥。內實臟腑。外泄膿水。治之遲緩。潰腐愈甚。傷骨爛筋。復感外邪。而致內敗。死矣。五曰冒山嵐瘴氣毒。其人素歷瘴鄉。觸冒嵐瘴。蓄諸臟腑。久而不發。至氣血衰弱。及斲喪虧損之時。而後發露。初起腫色青黑。形如靴皮。附筋徹骨。頑如木石。引手加深。方覺痛處。至五七日。毒氣浮淺。腫高。色變青白。有如拳打之狀。寒戰似瘧。頭痛口歪。又若有風。手足厥逆。眼黑睛小白多。此因內有邪氣相搏。急宜破清血三五升。方有黃白膿出。然其皮猶腫痛不止。直至青白之色退盡。方愈。此宜急急追趕膿毒出外。方為無害。否則未有不瀕於危者也。

楣案發背乃大症。而原本無總論。但有治驗各條。列於卷二腫瘍治法之後。而統名之曰癰疽治驗。殊爲闕略失次。今取徐批瘍科選粹中發背論。補於治驗之前。并載徐批。而移在腦疽之後。庶幾以類相從。其方藥原本不別出。散見於腫潰瘍諸方及腦疽門。並非專治背疽之方。故仍其舊。

### 發背治驗

一男子年五十餘。背心生疽十三日矣。湯水不入。煩悶不語。背堅硬如負石。皮色亦紫。瘡勢雖重。喜其根脚交會明白。毒尙結局於此。未經入內。須行拔法。使毒氣外發。不致內攻。隨煮藥筒提拔二次。去惡血碗許。徐曰最忌出血又脈實便閉。用內疎黃連湯。及豬膽導法。徐曰必大便通利二次。使內外毒氣皆得通泄。夜臥即安。背重失其大半。次用托裏排膿之藥。外以桑木灸法。腫硬漸腐。膿毒漸出。換服十全大補湯加麥冬、五味數服。腐肉自脫。飲食漸進。瘡口漸合。調理兩月餘而愈。

一老婦年近七旬。背瘡已過半月。形勢可畏。其家已置不治。整備後事。適余往看

童稚瘡症。見而問之。咸言待斃旦夕。余強請觀。半背皆腫。瘡雖不高。亦不內陷。以手按之。外實而內腐。老年內虛。膿毒中隔。不得外發故也。雖飲食不進。且喜根脚兩無混雜。臟腑各無敗色。治之可生。其家堅執不信。且言籤龜命卜。俱斷必死。余歎曰。再三四日不治。內膜穿潰。此命死於無辜矣。次日。余自往謂曰。余非相強。實見其可生。不忍聽其死耳。藥金分毫不取。愈後任從酬謝。何如其家首肯。乃先用葱艾湯淋洗。外面俱是不腐頑肉。隨用披針利剪。取去正中二寸頑肉。放通膿管。以手輕重之間。捺淨內蓄膿血。約有三碗。旁觀無不失色。膿血稍盡。仍換前湯洗淨。用膏封貼。內用回元大成湯二服。徐曰。膿已出。可用。以接補真氣。後用人參養榮湯倍參。朮加香附。早以八味丸。八味丸。徐勒。八仙鮫相兼調理。使其脾健食進。腐脫肌生。此婦亦謹慎調理。並未更變。不出百日。瘡愈身健。始信余言不謬也。

一監生年過五旬。素有渴症。體又極肥。生背疽約有尺許。至十二朝後。請治。視其形勢微腫。色淡微紅。根脚半收半散。此陰陽相等之症也。肥人內虛。瘡勢又大。非補托。瘡必難起。毒必易陷。誠恐緩不及事。便以托裏散固其內。候至十五日。



外用拔針小小從頂放通三孔。緣勢大不可過放。走泄元氣。致膿難成。但令有路可出而已。內用參耆內托散。倍加人參黃耆各三錢。服至二十日。大膿將發。日至升許。早以參朮膏。午用十全湯。加參耆各四錢。麥冬五味子各一錢。徐五日味子不通所以毒氣收住而難愈也。服至月餘。肉腐通潰。膿似湧泉。間用聖愈湯。兼之八仙鯁調理。保助脾胃。增進飲食。尙恐前藥不能勝病。加熟附一錢。脾健膿稠。色黃而正。四十日外。瘡勢方得微退。時值仲夏酷熱。病者生煩。誤飲冷水二碗。瘡隨下陷。不痛無膿。身涼脈細。腹痛足冷。變爲陰症。非辛熱不能回陽。急用十二味異功散。倍人參熟附各三錢。不應。徐日用人參則換用生附人參各五錢。錢徐批五早晚二服。方得身溫脈起。瘡高復痛。又二服。膿似前流。徐曰此藥力出至一月約有百餘碗。竟不減少。外皮紅退。亦不腐爛。徐曰此乃補毒之故。大凡非反對之耳。此肥人外實內虛。故皮不腐而內潰也。又用玉紅膏。搽於綿花片上。推入瘡內。膏蓋之內腐漸脫。漸出。又十日後。出大腐一塊。約有六兩。自後腫消。身便膿少。肌生。百日外。方得平復。人參服過五斤外。人參五斤附子亦用十兩餘。此句方得全安。此症設用解毒傷脾宣利等藥。徐曰原不可不用辛熱峻補。豈有生

理。

一鄉官年踰七旬。背瘡已經八日。形雖微腫。色淡不紅。勢若龜形。根漫不聳。乃老年氣血衰弱之故。診其脈帶微數而有力。此根本未撥。雖老可治。隨用排膿內托散。加阜刺以潰膿托裏。服至十三日後。瘡漸高腫。色亦漸赤。但不能潰膿。此食少脾弱。未能培養之故也。又用十全大補湯數服。徐曰。總不膿始漸出。不能快利。乃內膜中隔不通故也。不可畏其老而致誤事。隨用拔針。徐曰。當頭取開寸許。捺通膿管。膿果隨出。以猪蹄湯洗淨膏蓋。復用照藥。每日一次。外肉亦腐爲膿。病者形色枯槁。更用人參養榮湯倍加參。徐曰。蠶托裏腐肉將脫者取之。新肉欲生者培之。但老年氣血衰。不能速效。又加服參朮膏。早晚二次。新肉方生。飲食頓倍。調理七十餘日而安。

一庠生年六十餘。患背疽已十日外。其形堅硬。色亦深紫。頭發甚多。含若螺子。豎長尺餘。根橫半背。喜其高腫光亮。發熱掀痛。脈洪數有力。此膏粱醇酒溼熱交蒸之故。雖重不妨隨用照藥三條。相繼照畢。其內含螺子。盡欲吐出。即用抵脚括去。流出惡血鍾許。徐曰。總不傷。葱湯洗淨。捺上腐藥。用紙蓋貼。周圍根脚。以吸



毒散敷之。收其毒氣。使不開大。次日。仍照仍敷。三日後。外肉漸腐。內服托藥。培助脾胃。解毒爲膿。早服八味丸。徐曰。不切。以滋腎水。亂道。換洗蹄湯。仍將膏貼。候至腐盡。其深寸餘。隨用紅膏。日漸生長。但此公好飲。雖病不戒。兩月後。新肉雖平。嬌嫩不能結皮完口。復將浮嫩之肉盡行剪去。以上十字。徐批曰。此等法。出於何典。其人不死。幸也。膏貼數日。肉平。復糝珍珠散數次。方結皮。蓋八十日而安。

一老年人患疽半月。其瘡貫脊。徧背皆腫。上至肩膊。下至腰脅。腫若瓜形。頭計數百。其家以爲不治。余診其脈。微洪而不鼓。瘡形腫掀外發。飲食知味。年雖老而根本尙有餘也。先用托裏消毒散二服。其勢稍定。外用桑木灸法。助其腐潰。根以鐵桶膏箍之。更服排膿內托散。正膿漸出。但老年氣血不充。外肉不易就腐。視其肉色變而不腐者。用針鉤利剪徐徐剪去。約四寸餘長。見紅肉。便用膏塗。新肉已生。將半時。值隆冬。其家自行開看。房中不著炭火。兼蓋護未暖。致被寒侵。瘡色淡白。膿亦清稀。飲食減少。氣體不舒。幸其瘡本屬陽症。隨用濃葱湯乘暖淋洗。將紅膏烘化。搽上。外用膏貼。以熟綿軟絹覆疊數層。綳蓋甚密。內用神功托裏散。早晚連進二服。次早復看。其瘡自回陽矣。徐曰。不覺愈。用以後遵法調。

理。百日而安。

一老人年過六旬。患背疽十二日矣。其形半腫半紅。微疼微熱。發於背心之下。腎俞之上。高低平等。廣開八寸。根脚泛腫。色若水噴。徐曰。色若水噴。最爲壞症。頂軟無神。似腐非腐。脈浮而大。重按則虛。余曰。此瘡易於腫潰。而難於收斂。不可治也。其家笑而不信。復請里中老醫視之。見病者起居平和。言語清利。舉動如常。飲食有味。以爲五善俱具。安若泰山。其家亦喜。隨用其藥。日漸有功。膿潰腫退。徐曰。此腐盡肌生。余謂其親族曰。此病必死於收口至錢大時也。衆皆不信。果至口如錢大時。變症一出。不四朝而死。始以余言爲神。

一男子六旬有二。發右搭手。余用艾灸。形勢漸高腫。堅硬不痛。半月後。尙未潰膿。日生煩悶。恐其毒陷。先用針通。隨行拔法。拔出惡血鍾許。此六字。徐勒。稍得輕便。日搽化腐之藥膏。蓋三日後。瘡漸腐潰。至二十日出正膿。壞肉漸脫。新肉漸生。外治之法盡矣。其家與一內科醫甚密。請其開方。不遵外科補托之法。補托二字。徐勒。失於峻補。此四字。徐勒。又曰。峻補必兼托。每日人參不過二錢。余曰。不及。當用五錢。兼熟附二錢。不然必變。其家與內科醫俱不信。後果肉色淡白。瘡口散大。膿

水清稀。飲食減少。敗症具矣。雖強投溫中健脾大補之藥。終至形體消削。膿水臭穢。延至六十日。瀝盡氣血而亡。悔已無及。凡大瘡每日膿出一碗。用參必至三錢。以此爲則。此人日出膿三碗。用參二錢。謂之大損小補。安得不死。又外科乃破漏之病。最能走泄真氣。如損補兩不相敵。無以抵當。多致不救。徐曰此誠法亦此人不信補而自取敗亡。惜哉。徐曰參固可用若貧人亦有變通之法

一男子年近六旬。其孫患瘡。邀余往視。彼坐於堂。時值仲夏。余見其背生熱癰。凡二十餘。內有一瘡甚小。余謂曰。此非癰比。其毒甚大。一發卽不可治。彼笑而答曰。固無恙也。及送至門。余又謂曰。可急請他醫視之。彼仍不信。至十日。形勢稍發。命里中一醫視之。曰癰也。又十日。形勢內陷。敗症齊出。始信前言。央親友邀余往視。彼臥於堂。帛覆瘡上。余登堂未數步卽退。親友問故。余曰。敗氣滿前。死期速矣。何必再視。急備後事。更七日死。果如期不爽。

## 疔瘡論

夫疔瘡者。乃外科迅速之病也。有朝發夕死。隨發隨死。有三日五日而不死。一月

半月而終死。此在於毒中之淺深。各隨臟腑而見症。有曰火焰疔。其患多生脣口。手掌指節間。初生一點紅黃小泡。抓動癢痛非常。左右肢體麻木。重則寒熱交作。頭暈眼花。心煩發躁。言語昏憤。此出於心經之病也。有曰紫燕疔。其患多生手足腰脇筋骨之間。初生便作紫泡。次日破流血水。三日後串筋爛骨。疼痛苦楚。重則眼紅目眯。指甲純青。舌強神昏。睡語驚惕。此出於肝經之病也。有曰黃鼓疔。初生黃泡。光亮明潤。四邊紅色纏繞。多生口角腮顴眼胞上下。及太陽正面之處。發之便作麻癢。繃急硬強。重則惡心嘔吐。肢體木痛。寒熱交作。煩渴乾噦。此出於脾經之病也。有曰白刃疔。初生白泡。頂硬根突。破流脂水。驟然癢痛。易腐易陷。重則腮損咽焦。毛聳肌熱。咳吐膿痰。鼻掀氣急。此出於肺經之病也。有曰黑靨疔。其患多生耳竅胸腹腰腎偏僻軟肉之間。初生黑斑紫泡。毒串皮膚。漸攻肌肉。頑硬如釘。痛徹骨髓。重則手足青紫。驚悸沈困。軟陷孔深。目睛透露。此出於腎經之病也。以上五疔。內應五臟。又紅絲疔。起於手掌指節間。初起形似小瘡。漸發紅絲上攻手膊。令人多作寒熱。甚者惡心嘔吐。遲治則紅絲至心。常能壞人。用針於紅絲盡處挑斷出血。此十字一尋至初起瘡上挑破。俱用蟾酥條插入膏蓋。點按毒藥為妙。批曰內



服汗藥散之自愈。凡治此症。貴在乎早。此句初起即治者。十全十活。稍遲者。十全五六失治者。十全一二。初起項以上者。三陽受毒。必用披針刺入瘡心四五分。晷  
必用金針爲挑斷。令出惡血。隨用回疔丹。或蟾酥條。插入孔內。膏蓋之。如項  
以下者。三陰受毒。即當艾灸。此句灸之不痛。亦須針刺。插藥方效。隨後俱用蟾酥  
丸。冬月。萬靈丹發其大汗。汗二字。徐勒批曰。發毒方得解。不致稽留毒氣。致生變症。  
今人治法。不論陰陽表裏。部位上下。凡見是瘡。便加艾灸。殊不知頭乃諸陽之首。  
亢陽熱極所致。其形雖小。其惡甚大。再加艾灸。火益其勢。逼毒內攻。反爲倒陷。走  
黃之症作矣。既作之後。頭面耳項。俱能發腫。形如尸胖。七惡頓起。治雖有法。百中  
難保一二。外又有疔名數種。形狀紛紛。有舊說未及重錄。  
徐曰。此篇皆是古人舊說。不可不知。但疔不可灸。以其全屬火也。  
楣案。徐言疔不可灸。全生集言。疔藥不可用酒。皆古人未發之論。凡藥不忌酒  
煎。而疔獨忌之者。疔善走黃也。

## 疔瘡看法

初起如疥。形如粉刺。或小泡。或疙瘩。結腫不散者順。瘡腫不作寒熱。亦不惡心。飲食有味。手足溫暖者順。瘡腫肉不腫。四圍白色。多痛少癢。作膿者順。已潰出膿。瘡仍高腫。肉色鮮明。根內紅活。漸平者順。初起似疔非疔。軟慢灰色。四邊瘡根平塌。漫腫者凶。未發前先作寒熱如瘧。惡心不食。後出瘡如蚊跡蚤斑。或青紫黑泡。軟陷無根。腐爛深孔。氣羸足冷者逆。瘡形似魚臍。頂凹灰白。軟漫相兼。脈細身冷者多逆。肉腫瘡不腫。根脚走散。瘡頂空腐。血水氣穢者死。凡疔項以上針刺不疼。項以下灸之不痛。俱死。已經走散。頭面耳項俱腫。煩躁脈細。痰動喘急者死。日久原瘡無跡。走散之處。仍復作膿。脈數脣焦。終死。病雖險惡。歲運順者可活。瘡雖微險。歲運逆者當危。

徐曰。大段與諸症同。

梟案徐批有附錄繡波公一條云。疔瘡全看部位。如部位不佳者。甚爲難治。余觀其毒將走之症。用針破其四圍。插入拔疔之藥。其浮腫處。用針鑱之。出其惡血。此法甚妙。

又案他書載疔形闊如韭菜。長可寸餘。肉色紫黑者。忌行針刺。



## 疔瘡治法

初生在項以上者。必先針刺。徐曰亦以去惡血。庶毒不內攻。在項以下者。必先艾  
灸。此四字以殺其勢。庶不侵良肉。發熱惡寒。身體拘急。六脈緊數。邪在表也。宜汗  
散之。身體發熱。口燥咽乾。脈實有力。二便秘澀者。宜下之。針刺之後。瘡不作腐。邊  
腫不消。仍加插藥。徐二字內用補托。初起誤灸。致毒走黃。不住者。急當隨走處砭去  
惡血。徐四字發熱乾嘔。心煩作渴。悶亂神昏。當解毒清心。托裏護膜。此二句潰後氣  
血受傷。神怯食少。睡臥不寧。宜助脾胃。斂神氣。將愈後。氣血漸復。飲食當進。仍作  
渴者。急滋養腎水。徐曰宜更清

## 疔瘡治驗

一監生右顴下生疔三日。形如魚目。麻癢不常。此肺經受毒也。用針刺入四五分。  
此句徐勸其硬如骨有聲。隨用蟾酥條插至三日。猶不腐化。徐曰肉已變此堅  
頑結聚之病也。非此藥所能勝。徐曰為換用三品一條槍。插至七日。徐以上批

好肉俱須痛。外用紙封蓋。至十一日。脫出疔根一塊。約有指許。徐曰皆好肉以極矣可惡長肉玉紅膏搽之。先服托裏消毒散。加金銀花二錢。白芷五分。脫後用八珍湯。加天花粉、麥門冬、黃耆、陳皮各一錢。調理月餘。肉已平。用珍珠散糝上。結皮而愈。

徐曰。此等治法。真所謂將好肉做瘡。弄成大症。以見己功。恐醫者亦未必知其害人也。其傳授如此耳。

一監生中年縱欲。自服補腎助陽之藥。以致腎水受傷。以上四字徐不能上制心火。左顧生一泡。先紫後黑。麻木不知痛癢。黑屬腎經。其毒不淺。幸四邊尙未走散。即用針刺。此二字以冰蠶散厚糊作條。插入患孔。以上八字徐勒批曰用紙封。勿令泄氣。朝服加減八味丸。以滋腎水。此八味丸徐勒批曰榮湯接補真氣。晚用琥珀蠟礬丸。護心解毒。至十一日外。疔根與藥結成一塊。以上八字徐勒批曰好肉遇惡藥皆爲死肌。依期脫落。乃用生肌斂口補助調理脾胃之藥。二十日而愈。後因不慎保養。幾及三年。復成勞瘵而歿。徐曰病根乃在自然致死一婦年近四旬。與夫不相得。懷抱鬱鬱。季夏腮發一疔。六日後方延余治。毒已走

散。頭目脣項俱腫。形色紫赤。余曰。肉腫瘡不腫。業已走黃。不治之症。徐曰。非亦必死之症。幸而下治。耳聾。婦流涕歎曰。一家皆絕也。余問其故。婦曰。吾夫不肖。有一女二子。尙未婚嫁。我死而托命於夫。必致流蕩。故我死則家絕矣。余聞其言。不忍棄而不治。但瘡勢既大。非藥力可回。因先僱一貧人。與飯喫飽。再飲火酒數杯。隨用針刺腫上十餘處。以上七字。徐勒令其吸出惡血數碗。方以上四字。徐勒批曰。自有散毒之何必如此。理溫湯洗淨。用蟾酥錠磨濃塗之。四圍敷金黃散。早晚二次。內以護心散。蠟礬丸。清心護裏。兼服降火化痰開鬱安神之藥。餘腫稍退。又六日。其夫言何以不死。婦聞暴怒。腫甚於前。復用針刺約十餘處。出血三四碗。以上三字。徐勒批曰。出血多不得加香附貝母。數日後。針口漸膿。餘腫漸消。其瘡頭乃得高腫。仍用蟾酥條插化腐潰。徐勒批曰。外用生肌斂口之藥。內服開鬱和中養血健脾之劑。百日外方愈。此瘡勉強治之得生。其後二子一女俱婚配。夫先故。婦今六十五歲矣。一婦二十二歲。右耳垂向前一寸生疔。二日。請余視之。約有豆大。頂陷經白刃疔也。又根脚綿軟。毒不結聚。爲陷伏陰症。未及針刺。徐曰。若亦

何恙也。余直告曰。疔瘡。彼冷笑不信。余因辭不用藥。復請他醫視之。曰。不過風熱。疔瘡耳。用消風散藥二服。毒氣全收。昏憤喘急而死。一少婦顴下生疔。疔瘡作癢。予欲針之。批曰。針字徐勒。其家不信。自用灸法。次日四邊漸腫。瘡漸陷。批曰。灸之害如此。又三日。頭面大腫。復請余視。灸處已結黑靨。乾陷無膿。此毒氣內陷。外肉已死。又面目浮腫。光亮發熱。形狀不堪。此正氣衰而邪氣實也。治必不效。其家悔之無及。後半月而死。

### 疔瘡主治方

#### 蟾酥丸

蟾酥丸用有奇功。乳沒砂礬輕粉同。銅綠蟾酥寒水石。蝸牛原麝共蜈蚣。治疔瘡發背腦疽乳癰附骨臀腿等疽。一切惡症。歹瘡。不痛。或麻木。或嘔吐。病重者。必多昏憤。此藥服之。不起發者。即發。不痛者。即痛。痛甚者。即止。昏憤者。即甦。嘔吐者。即解。未成者。即消。已成者。即潰。真有同生之功。乃惡症中至寶丹也。

蟾酥酒化

輕粉五分

枯礬

寒水石煨

銅綠 乳香 沒藥 膽礬  
麝香各一錢 雄黃二錢 蝸牛二箇 砂礞三錢

以上各爲末稱準。於端午日午時。在淨室中。先將蝸牛研爛。再同蟾酥和研稠黏。方入各藥。共搗極勻。丸如綠豆大。每服三丸。用葱白五寸。患者自嚼爛。吐於男左女右手心。包藥在內。用無灰熱酒一茶鍾送下。被蓋。約人行五六里許。出汗爲效。甚者再進一服。修合時。婦人雞犬等忌見。

徐曰。此護心定痛之方。有狗寶丸。此等方可不合。相案蟾酥。膽礬。蝸牛三味。徐圜方中無蜈蚣。而歌訣有之。

### 黃連解毒湯

黃連解毒湯。黃連。黃柏。黃芩。山梔。兼連翹。甘草。牛蒡子。口乾內熱。即時搗。治疔毒入心。內熱口乾。煩悶恍惚。脈實者。

黃連 黃芩 黃柏 山梔  
連翹 甘草 牛蒡子各等分

水二茶鍾。燈心二十根。煎八分。不拘時服。



徐曰。一味寒涼。亦宜酌用。

榴案全生集有奪命湯。為疔毒主方。余初疑其家傳祖方。後得鈔本仙傳治疔方有之。乃知其古方也。方用羌活、獨活、防風、青皮、黃連、赤芍藥、細辛、甘草、蟬蛻、殭蠶、草河車、澤蘭、金銀花各等分。鈔本防風、青皮分兩稍重。云初起急服此方。能內消也。余曾見將走黃者服之亦效。

### 立馬回疔丹

立馬回疔丹。輕粉、蟾、硃、砂、金、麝、白丁香。雄乳、硃、砂、金、頂等。化疔恰似雪投湯。治疔瘡初起。已用針刺後。又或誤灸失治。以致疔毒走散不住。乃走黃險惡症也。急用此插。

蟾 酥酒化

硃 砂

輕 粉

白丁香各一錢

蜈蚣一條

雄 黃

硃 砂各二錢

乳 香六分

麝 香一分

金頂硃五分製法詳末卷

共為細末。糊成麥子大。凡遇疔瘡針破。用此一粒插入孔內。膏蓋之。追出膿血。疔根為效。



徐曰。疔有毒肉。必用此拔出。降藥亦能拔疔。

又曰。總屬剛燥之藥。不宜輕用。

又曰。蟾酥乃點頭必用之藥。

又曰。代針丹有血竭、硼砂、冰片。

### 疔毒復生湯

疔毒復生湯。牡蠣。乳沒。山梔。與木通。花粉。連翹。黃皐刺。銀花。牛蒡。骨皮。同。治疔毒走黃。頭面發腫。毒氣內攻。煩悶欲死者。

牡蠣

山梔

金銀花

木通

連翹

牛蒡子

乳香

沒藥

角刺

花粉

大黃

地骨皮各八分

水酒各一茶鍾。煎一半。食遠服。不能飲食。水煎。臨服入酒一杯和服。亦效。脈實便秘者。加朴硝。

徐曰。此表裏兩解之方。實火宜用。

### 七星劍

疔瘡最怕七星劍。野菊河車與蒂丁。蒼耳麻黃稀莧草。如入半枝蓮有靈。治十三種疔瘡初起。憎寒作熱。惡心嘔吐。肢體麻木。痛癢非常。心煩作躁。甚者昏憤。急宜服之。

野菊 嫩頭

蒼耳頭

稀莧草

半枝蓮

蒂丁香

麻黃 一錢

草河車 二錢

用好酒一斤。煎至一碗。濾澄熱服。被蓋出汗為度。冬月無鮮草。宜預採陰乾。臨時煎服之。亦效。徐曰。此所謂草頭方也。

### 鉛粉散

鉛粉散治冷疔瘡。黃丹松脂及麝香。輕粉黑鉛澄黑粉。諸般陰爛可回陽。治冷疔生於脚上。初起紫白泡。疼痛徹骨。漸至腐爛。深孔紫黑。血水氣穢。經久不瘥。用此大效。

黑鉛 此四兩鐵杓化開。傾入水中。取起再化。如  
黃丹 飛砂 五錢 麝香 一分 輕粉 五分

松脂 一錢

共研。先用葱湯洗淨。麻油調塗瘡口。油紙蓋外。  
徐曰。此治溼毒之症。下體臃瘡最宜。

### 化疔內消散

化疔內消散。山甲。知母。天花粉。皂角。甘草。白芨。乳。河車。半夏。銀花。赤芍藥。  
治疔瘡初起。或已針已灸之後。服之能令內消。

皂角針

金銀花

知母

貝母

天花粉

穿山甲

白芨

乳香

赤芍

半夏

甘草

草河車各一錢

水酒各一茶鍾。煎一半。量病上下食前後服之。

徐曰。亦通治之方。重出。

梔案。天花粉。徐勒。

### 束毒金箍散

束毒金箍散。白芨。白芨。白芷。生大黃。黃柏。鬱金。輕豆粉。敷圍諸毒不開張。  
治疔瘡針刺之後。餘毒走散作腫。宜此藥箍之。

鬱金蟬肚者

白芨

白蘞

白芷

大黃各四兩

黃柏二兩

輕粉五錢

綠豆粉一兩

共爲細末。酸米漿調箍四邊。夏熱甚者。蜜水調。

徐曰。卽圍藥意義。

解毒大青湯

解毒大青湯。知母。元參。麥冬。生石膏。人黃。人糞。麻。梔。桔。大黃。木通。二便調。治疔瘡誤灸。逼毒入裏。致生煩躁。謔語不定者。

元參

桔梗

知母

大青葉

升麻

石膏

山梔

人中黃

麥門冬

木通各一錢

大黃便秘加

燒人糞

水二茶鍾。淡竹葉。燈心。各二十件。食遠服。

楣案人中黃。燒人糞。徐俱批不入藥。陸君以恬謂人糞入藥。具載他書。功效甚著。王君士雄謂不入藥者。不入煎劑也。以其穢惡耳。如遇火盛毒重之證。改用陳年糞清。澄澈無穢氣者。頗有殊功。醫者不可不知也。

消疔簡便方

消疔簡便藥二般。葱白七莖和白礬。每服三錢溫酒下。如湯潑雪勝靈丹。治疔瘡及諸惡毒初起。但未成膿者。

白礬末三錢 葱 白七莖

右二味同搗極爛。分作七塊。每塊用熱酒一杯送下。服畢用厚被蓋之。再喫葱白湯一鍾。少頃汗出如淋。從容去其覆物。其痛苦脫。此雖味澀難服。其效更妙。凡居鄉村之處。倘有緊病不及請醫。只傳此方服之。活人甚衆。誠爲良便方也。

太乙紫金丹

太乙紫金丹麝香。茨菇文蛤共雄黃。硃砂大戟千金子。百症諸瘡應手良。解諸毒療諸瘡。利關竅通治百病。此藥真能起死回生。製之濟人。奇效不可盡述。凡居家出入興大工動大兵。及閩廣雲貴仕宦者。不可無之。

山茨菇洗去毛皮二兩文蛤一名五倍子

麝香揀淨毛皮乾

千金子一名續隨子仁

紅芽大戟杭州紫大戟爲上江南次之

利損傷元氣弱人服之有致吐血慎之勿用取杭

硃砂極細末三錢

雄黃鮮紅大塊者研細末三錢

以上之藥。各擇精品於淨室中製畢。候端午七夕重陽。或天月德天醫黃道上吉之辰。凡入室合藥之人。三日前俱宜齋沐。更換新潔衣帽。臨日方入室中。淨手薰香。預立藥王牌位。主人率衆焚香拜禱。事畢。各將前藥七味。復戥稱準。入於大乳鉢內。再研數百轉。方入細石臼中。漸加糯米濃飲調和。軟硬得中。方用杵搗千餘下。至極光潤爲度。每錠一錢。每服一錠。病勢重者。連服二錠。以取通利。後用溫粥補之。修合時。除合藥潔淨之人。餘皆忌見。此藥惟在精誠潔淨爲效。治一切飲食藥毒。蠱毒瘴氣。惡菌河豚中毒。及自死牛馬豬羊六畜等類之肉。人誤食之。必昏亂卒倒。或生異形之症。並用水磨灌服。或吐或嘔。其人必甦。南方山巒瘴氣。烟霧癘疫。最能傷人。感之纔覺。意思不快。惡寒惡熱。欲嘔不嘔。卽磨一錠服之。得吐利便愈。癰疽發背。對口疔瘡。天蛇無名瘡毒。蛀節紅絲等疔。及楊梅瘡。諸風癰癤。新久痔瘡。並用無灰淡酒磨服。外用水磨搽瘡上。日夜數次。覺癢而消。陰陽二毒。傷寒心悶。狂言亂語。胸膈塞滯。邪毒未出。瘟疫煩亂。發狂。喉閉。喉風。俱用薄荷湯待冷磨服。赤白痢疾。肚腹瀉泄。急痛霍亂絞腸痧。



及諸痰喘。並用薑湯磨服。男子婦人急中顛邪。渴叫奔走。鬼交鬼胎。鬼氣鬼魘。失心狂亂。羊兒猪顛等風。俱用石菖蒲煎湯磨服。中風中氣。口眼歪斜。牙關緊急。言語蹇澀。筋脈攣縮。骨節風腫。遍身疼痛。行步艱辛。諸風諸癰。並用酒磨頓熱服下。自縊溺死。驚死壓死。鬼魅迷死。但心頭微溫未冷者。俱用生薑續斷酒煎磨服。一切惡蛇。瘋犬。毒蠍。溪澗諸惡等蟲傷人。隨即發腫。攻注偏身。甚者毒氣入裏。昏悶響叫。命在須臾。俱用酒磨灌下。再喫葱湯一碗。被蓋出汗立甦。新久瘧疾。臨發時。東流水煎桃柳枝湯磨服。小兒急慢驚風。五疳五痢。脾病黃腫。癰瘰瘡瘤。牙關緊閉。並用薄荷浸水磨濃。加蜜服之。仍搽腫上。年歲幼者。每錠分作數服。牙痛。酒磨塗痛上。仍含少許。良久嚥下。小兒父母遺毒。生下百日內。皮塌爛斑。穀道眼眶損爛者。俱用清水磨塗。打撲損傷。松節。無灰酒研服。年深月近。頭脹頭疼。太陽痛極。偏頭風。及時瘡愈後。毒氣攻注腦門作脹者。俱用葱酒研服一錠。仍磨塗太陽穴上。婦女經水不通。紅花湯下。凡遇天行疫症。延街及巷相傳。遍染者。用桃根湯磨濃。搭入鼻孔。次服少許。任入病家。再不傳染。又治傳尸勞瘵。諸藥不能禁忌。一方士指教服此。每早磨服一錠。至三次後。逐下。

惡物尸蟲異形怪類。後得脫然。以此相傳。活人不計其數。一女子久患勞瘵。爲屍蟲所噬。磨服一錠。片時吐下小蟲十餘條。後煎蘇合香丸。其病頓失。調理月餘而愈。真濟世衛生之寶藥也。

徐曰。此諸毒邪氣內外要方。無病不治。

又曰。此祕藥中之第一方也。用藥之奇。不可思議。

### 人參清神湯

人參清神湯。朮耆。歸苓。甘草。麥冬。宜。柴陳。遠志。黃連等。功效還同。地骨皮。治疔瘡潰膿後。餘毒未盡。五心煩躁。精神恍惚不寧。言語睡臥不清。服之降火清心。保扶元氣。

人參

黃耆

當歸

白朮

麥冬

陳皮

茯苓

地骨皮

遠志

甘草

柴胡

黃連

水二茶鍾。糯米一撮。煎八分。食遠服。

徐曰。此愈後調養方。毒未盡者不可服。

內托安神散

內托安神散。朮耆。茯神。酸棗。志陳皮。麥冬。五味。菖蒲。草。加上人元參更宜。治疔瘡針後。已出膿時。元氣虛弱。睡臨驚悸。心志不寧。或毒未盡。流入心竅。致多健忘。亦宜服。

人參

茯神

黃耆

白朮

麥冬

元參

陳皮各一錢

酸棗仁

遠志

甘草

石菖蒲

五味子各等分

水二茶鍾。煎八分。臨服入硃砂末三分和勻。食遠服。徐曰。與前方相同。可刪。

疔瘡應用方

蟾酥條

即前蟾酥丸作時捏餅用之

琥珀蠟礬丸

玉紅膏

如意金黃散

托裏消毒散

護心散見腫門

八珍湯

益氣養榮湯

加減八味丸

人參養榮湯

珍珠散見下疳門

冰蠟散見癰門

## 脫疽論

夫脫疽者。外腐而內壞也。此因平昔厚味膏粱。薰蒸臟腑。丹石補藥。消燂腎水。房勞過度。氣竭精傷。兼用房術之藥。或噙舌下。化水直至丹田。或納臍中。使熱徑投內腎。爲丸掌握。作香鼻嗅。或抹陰鼎。或擦陽器。圖使堅硬。希求常濟。多致陽精煽惑。淫火猖狂。徐曰。下愚往往有之。其蘊蓄於臟腑者。終成燥熱火症。其毒積於骨髓者。終爲疽毒陰瘡。巧人行拙。誰防禍起蕭牆。智者多愚。自謂喜從天降。直至骨枯髓涸。臟敗腑亡。方悔解脫無方。罹殃有故。凡患此者。多生於手足。手足乃五臟枝幹。瘡之初生。形如粟米。頭便一點黃泡。其皮如煮熟紅棗。黑氣侵漫。傳遍五指。上至脚面。其疼如湯潑火燃。其形則骨枯筋縮。其穢異香難解。其命仙方難活。故謂血死心敗。筋死肝敗。肉死脾敗。皮死肺敗。骨死腎敗。此五敗者。雖有靈丹。喪命而已。生此疾者。死生付於度外。孫真人曰。在肉則割。在指則切。卽此病也。治之於早。乘其未及延散時。用頭髮十餘根。纏患指本節盡處。繞紮十餘轉。漸漸緊之。毋使毒氣攻延良肉。隨用蟾酥餅放原起粟米頭上。加艾灸至肉枯瘡死爲度。徐曰。灸而後割。不至痛極。血湧。

亦良次日。本指盡黑。方用利刀尋至本節縫中。將患指徐順取下。血流不住。用如聖金刀散止之。餘腫以妙貼散敷之。次日倘有黑氣未盡。單用蟾酥錠研末。摻之。膏蓋。黑氣自退。患上生膿。照常法用玉紅膏等藥生肉護骨完口。此爲吉兆。內服滋腎水。養氣血。健脾安神之劑。若內外無變症。十中可保其三四矣。若割取之後。黑色仍漫。痛腫尤甚。敗惡無膿。口乾舌硬。精神不爽。食不知味者。終死。凡治此。不可一己專任。必與高明衆議。聽患者願割與否。因此症首尾吉凶難定。故不可輕易醫治。又有似是而實非者。詳註在後。宜參觀之。

徐曰。此症十死八九。卽治之得法。亦難輕許其活。此論卻是一篇勸戒文。不獨生脫疽者然也。

### 脫疽看法

起瘡不渴。口潤舌和。性志尋常。無妄暴急。循禮爲吉。初出形如麻子。掀熱作痛。一指皆腫。根脚收束者吉。已成頭便作腐。肉不紫黑。疼痛有時。膿出腫消者吉。已潰先膿後腐。肉色紅活。毒不走散。氣不腥穢者吉。未瘡先渴。喜冷無度。昏睡舌乾。小



便頻數。陽痿者逆。初起形如粟米。肉便紫色。不腫刺疼。黑氣延散者逆。已成瘡形。枯癰。肉黑皮焦。痛如刀剌。毒傳好指者逆。已潰肉枯筋腐。血水臭汗。疼苦應心。零竹徹骨者逆。

### 脫疽治法

脫疽多生足指。少生手指。初起水窠黃泡者。卽灸之。初生如粟。裏可容穀。皮色紫赤。不作掀腫。髮紮仍灸。已灸之後。瘡受火氣。發泡作膿。外藥箍之。內兼補托。毒勢已成。瘡形稍陷。但紫色未攻脚面者。評議割取。旣割之後。血水淋漓。疼痛不減。和氣血。補脾胃。已成飲食減少。身體倦怠。便數口乾。滋津液。壯腎水。破後氣血受傷。脾胃虛弱。自汗盜汗。惡心乾嘔。睡臥不寧。日晡發熱。疼痛若楚。煩悶譫妄。俱宜大補氣血。富貴及膏粱素饕餮色慾。每於房術縱恣日久。禁行割法。

徐曰。看法與諸症同。治法前已說明。重出不必。

### 脫疽治驗



一男子年近五旬。右足小指初生如粟米形。漸成白泡。三日始痛。請治。頭已腐爛。一指紫腫。此脫疽也。用艾火明灸十三壯。始大痛。乃止。又用針刺灸頂。貼蟾酥餅。膏蓋其餘紫腫。用拔針擊刺七八處。發泄毒血。用蟾酥錠磨濃塗之。腫外以真君妙貼散敷護良肉。使不外侵。時病者脈數。身發寒熱。惡心體倦。先用人參敗毒散。字人參二解其表症。次用黃連內疎湯。通其大便。而惡心煩熱亦止。又用托裏消毒散。加金銀花、牛膝數服。早用八味丸。晚用蠟礬丸。相兼服之。隨又針刺。徐曰針刺本不必泄其毒氣。解毒爲膿。腫方不散。後用十全大補湯加山萸、五味。此四字麥冬等藥。調理月餘而愈。此疽若不針灸。發泄毒氣。專假藥力敷圍。再加峻藥攻利。必傷元氣。豈能保乎。

徐曰。此症並非脫疽。乃溼毒也。慘解毒清火藥即愈。因誤治遂成大症。

一客商右足次指生一紫泡。癢痛異常。次日指甲俱紫欲黑。余曰。此乃肝腎二經之毒。甲乃肝之餘氣。甲紫則肝受毒也。骨乃腎之餘。腎傷則骨黑。彼問何以致之。余曰。凡人勞疲筋力傷於肝。誤服熱藥傷於腎。此句徐圖旁人曰。情實有此。彼久客狎妓。常服興陽細丸。恣情取樂。已二年矣。余欲辭不治。彼哀告求生。冀

得還鄉。余令先取妓者頭髮十餘根。撚線纏紮患指盡處。隨將艾炷在紫色處排勻三炷。每灸七壯。各貼蟾酥餅膏蓋。過夜一指皆黑。量其筋骨皮肉俱死。用利刀順節取脫。患指是古法此乃冰冷惡物。預煎甘草湯浸洗良久。候疾血稍盡。以止血散糝之。次日灸處紫色不退。恐其上延。又以神燈法照之。候血散皮縐。合蟾酥丸料。多加海羊研爛敷之。早晚二次。腫不復作。紫色變紅。紅色潰膿。外用生肌止痛活血收斂之藥。又熬參朮地黃膏。朝服接補真元。午服健脾藥以固胃氣。晚用金液丹以解藥毒。如此調理三月而愈。或問用妓髮何也。余曰。以彼心愛之髮貼之。雖疼而不疼。徐曰神其妓又如在目前。此妙用也。

一婦中年肥胖。患渴三載。右手食指麻癢月餘。節間生一小泡。隨後本指漸腫。疼痛不堪。原泡處生黑斑。半指已變紫黑。此亢陽之極。乃成脫疽。脈洪大數。而有力。與肥人相反。如再黑色上延。壞人迅速。詢知此婦本富室。無嗣。口縱膏梁。冬熾爐炭。又多服種子熱藥。中年喪夫。家業為嗣子蕩盡。久懷憂鬱。後與寡母同棲。身耽寂寞。此先富後貧。所願不得。又為失榮症。辭不可治。再三哀懇。余乃遵孫真人治法。在肉則割。在指則切。先服人參養榮湯。隨用軟絹條尺許。纏裹黑

色盡處好肉節上。以漸收緊。次用利刀放準依節切下。將手浸甘草溫湯中片時。血出不多。疼亦不甚。余曰。切而不痛。此爲氣血筋骨俱死。此指雖脫。未可得愈。因以八味丸料。徐入味丸加入參、麥冬。大劑煎服。先救腎水。次扶脾胃。間用金液戊土丹以解藥毒。後三日。將纏裹處漸漸放鬆。以通血脈。搽貼紅黑二膏。生肉止痛。既而手背手掌日漸發腫。勢惡之甚。惟不黑色。此內毒已出之故。仍用神燈照法。兼以豬蹄湯淋洗。其腫處又出數頭。流去膿血無數。兩月外。方得腫稍退。膿稍減。又以參朮膏、人參養榮湯兼服。半年外始愈。而指失矣。

徐曰。此脫疽之類也。

一男僕冬月嚴寒。主使赤足履地。不敢移。血凍麻木。次日。十指俱紫。又數日。全變黑色。麻木不痛。請余視之。強用辛熱散寒活血熏洗等藥。不應。又延黑脚面骨節一段。甚疼。余曰。後必十指齊脫。其主疑爲脫疽。余曰。似是而非。尙可不妨。令常用桑木火灸之。取其溫暖活血。又能解散鬱毒。患處漸腐漸脫。自不走散。內服健脾養血之藥。外用紅黑二膏生肌。百日外愈。

徐曰。此凍極血凝之症。

一侍女年十二歲。貌頗美。主嫌脚大。用布任意纏緊。以線密縫。脹痛不堪。訴主不聽。半月後流出臭水。方解視之。雙足前半段盡皆黑腐。骨肉已死。余曰。已壞者不可復救。只救未壞者可也。先煮參粥食之。次煎葱湯。令主家僕婦將兩足浸入湯內淋洗。再換湯浸。但腐肉不痛者。逐一剪割。連續知痛者。以花蕊石散搽之。俾將壞者復生。已壞者得脫。內服補中益氣湯。外搽生肌玉紅膏。此與前案男僕雖俱得愈。俱廢疾終身。

一男子右足小指縫中初生一點黃粟泡。皮肉隨變紫色。陰疼不腫。有如刀刺。視其形色。真脫疽也。診其脈。又細數無力。此腎經敗症。詢知生平大飲。內有妻妾三人。精力已竭。縱治無功。遂起辭之。後延至脚面足底皆穿。疼痛不徹。飲食日少。氣血日衰。形體日削。一月後百苦而終。徐曰。此陰毒之症。多不治。

## 脫疽主治方

解毒濟生湯

解毒濟生湯。草芎。花粉。柴芩。歸。扶。冬。知。柏。二。花。兼。遠。志。犀。角。升。麻。牛。膝。同。  
治脫疽初起。惡寒體倦。發熱作渴。或腫或紫。或麻或痛。四肢倦怠。心志恍惚。不  
寧者。

川芎

當歸

黃柏

知母

天花粉

金銀花

麥冬

遠志

柴胡

黃芩

犀角

茯苓

神錢各一

甘草

紅花

升麻

手指加

牛膝

足指加各五分

水二茶鍾。煎八分。臨服入童便一杯。隨病上下服。

徐曰。藥味甚雜。不足法。

### 陰陽二氣丹

陰陽二氣。麥。天冬。冰。柏。元。參。青。黛。同。澤。瀉。辰。砂。礬。五。味。人。中。甘。草。有。殊。功。  
治脫疽久服丹石補藥。致虧腎水。多成口燥咽乾。至飲冰雪。不知其冷。此孤陽  
獨旺。宜服此解之。

天冬

麥冬

五味子

黃柏



人中白小兒溺者元

參泡去粗皮搗膏各一兩

青黛色嬌嫩者

甘草

枯礬

辰砂爲衣

澤瀉各三錢

冰片一錢

各爲細末。同元參二冬膏子。加煉蜜少許。再搗千餘下。軟硬得中。丸如桐子大。每服六十丸。童便、乳汁各一鍾。空心送下。安睡一時。其效如神。  
徐曰。此方無法。不可學。

清神散

清神散內牛硃砂。豆粉梅花冰片加。解毒更兼甘草節。諸瘡煩嘔自然瘥。治脫疽疔瘡發背毒積甚者。腠理發越不盡。煩躁悶亂。睡則譫言。嘔吐不食。

甘草節五錢

萊豆粉一兩

劈砂三錢

梅花片五分

牛黃三分

右爲細末。每服一錢。淡竹葉、燈心湯調服。

徐曰。此治熱毒犯心經之方。

雌雄霹靂火



雌雄霹靂火純陽。斬艾雙黃丁麝香。陰毒陰疽陰發背。用之一灸自回陽。  
治脫疽及一切發背。初起不疼痛者。

艾 茸二錢

丁 香

雄 黃

雌 黃各二

麝 香一錢

右四味共研極細。搓入艾中。作黃豆大丸。放於患上灸之。毋論痛癢。以肉焦爲度。如毒已經走散。就紅暈盡處排炷灸之。痛則至癢。癢則至痛爲妙。灸後仍用提疔麥子貼上膏蓋。次服蟾酥丸。及解毒濟生湯。轉回活色。有膿爲妙。

徐曰。陰症灸法。

### 金液戊土丹

金液戊土丹五味。牛黃神志冰麝香。砂雄硝石烏梅肉。石菖蒲與人中黃。治脫疽及疔瘡發背。先因縱食膏粱厚味法酒。又或丹石補藥。勉力入房。多致積毒臟腑。久則胃汁中乾。腎水枯竭。不能上制心火。以致消渴消中消腎。饒飲多乾。能食多瘦。九竅不通。驚悸健忘。見此諸症。後必發疽。多難治療。宜預服此。可轉重就輕。移深居淺。又解五金八石之毒藥也。

人中黃製法在末卷

烏梅肉

茯神

胡黃連

五味子各一兩

石菖蒲

辰砂

雄黃

遠志

硝石各三錢

牛黃

冰片各一錢

金箔二十張為衣

各為淨末。配準前數。共入乳鉢內。再研千轉。於端午七夕。或二至二分吉辰。在淨室中。先將烏梅地黃二膏搗極爛。和藥。漸加煉蜜少許。徐徐添搗。軟硬得中。每藥一兩。分作十丸。金箔為衣。每服一丸。用人乳童便共一大杯化藥。隨病上下。食前後服之。此藥最解膏粱金石藥毒。殺三尸。除勞熱。極有奇功。又治煩顛。安神志。辟瘴。辟瘟。及諸邪魅。謔語。失心喪志者。俱效。修合之時。服藥之際。俱忌婦人。僧尼。孝服。雞犬等見之。此藥用蠟封固收藏。不泄藥味。愈久愈效。

徐曰。此亦通治之方。此等前已有。

楣案全生集載脫疽治法。大人以陽和湯。小孩以小金丹。最很者以犀黃丸。皆可消之。如色紅者。即非脫疽。當作癰治。又案歌有麝香而方無之。方有胡黃連而歌無之。製法有地黃膏。而歌與方

皆遺之。

脫疽應用方

針刺法

神燈照法

托裏消毒散

參朮地黃膏

桑木灸法見腦門

蟾酥丸

太乙膏

豬蹄湯

人參養榮湯

人參敗毒散見時毒門

蟾酥餅見疔瘡門

真君妙貼散

玉紅膏見腫瘍門

補中益氣湯

如聖金刀散

蠟礬丸

內疎黃連湯

十全大補湯

加減八味丸見癰瘍門

花蕊石散見金瘡門

外科正宗卷四 脫疽主治方

徐評外科正宗

卷五

瘰癧論

夫瘰癧者。有風毒熱毒氣毒之異。又有瘰癧筋癰痰癰之殊。風毒者。外受風寒。伏於經絡。其患先寒後熱。結核浮腫。熱毒者。天時亢熱。暑中三陽。或內食膏粱厚味。釀結成患。色紅微熱。結核堅腫。氣毒者。四時殺厲之氣。感冒而成。其患耳項胸腋。驟成腫塊。令人寒熱頭眩。項強作痛。瘰癧者。累累如貫珠。連接三五枚。此不作寒熱。其患得於誤食蟲蟻鼠殘不潔之物。及宿茶陳水。或內有汗液。其患先小後大。

|      |      |         |
|------|------|---------|
| 明    | 清    | 清       |
| 崇川   | 海寧   | 吳江      |
| 陳實功著 | 許辛木訂 | 徐靈胎評    |
|      |      | 鄞縣 曹炳章校 |

初不覺疼。久方知痛。筋癰者。憂愁思慮。暴怒傷肝。蓋肝主筋。故令筋縮。結蓄成核。生於項側筋間。形如棋子。堅硬大小不一。或陷或凸。久則虛羸。多生寒熱。勞怒則甚。痰癰者。飲食冷熱不調。饑飽喜怒不常。多致脾氣不能傳運。遂成痰結。初起如梅如李。生及徧身。久則微紅。後必潰破。易於收斂。凡觀此症。分別施治。風毒者。散其風。除其溼。如防風解毒湯之類是也。熱毒者。清其脾。瀉其熱。連翹消毒飲之類是也。氣毒者。調其血。和其氣。藿香正氣散之類是也。瘰癧者。散其堅。和其血。散腫潰堅湯之類是也。筋癰者。清其肝。解其鬱。柴胡清肝湯之類是也。痰癰者。豁其痰。行其氣。芩連二陳湯之類是也。又有寡婦尼僧。鰥夫庶妾。志不得發。思不得遂。積想在心。過傷精力。此勞中所得者。往往有之。最爲難治。宜先養心血。次開鬱結。益腎安神。疎肝快膈。如歸脾湯。益氣養榮湯。俱加香附、青皮、山梔、貝母、木香之類是也。又男人不宜太陽青筋。潮熱咳嗽。自汗盜汗。女人又忌眼內紅絲。經閉骨蒸。五心煩熱。男婦有此。後必變爲癆瘵難治之症。體實者。初起可服散腫潰堅攻利之藥。得效者十中三四。有不察虛實。盡劑追伐。損傷元氣。致成壞病者。十有八九。此非患者之命。自由誤於醫人之手。予常治初起成核。服前藥未效者。用針刺核內。



深入三四分。用冰蠟散撚成條。插入核內。糊紙封上。待至二七後。核子自然落出。隨用紅黑二膏搽貼。內服補劑。不久便愈。常見有用斑蝥、牽牛、巴霜、大黃等藥追蝕。多致危亡。切宜戒之。

徐曰。此篇論甚詳備。

又曰。實症結痰。乃可用冰蠟散。此方本治此症之藥也。

梟案實症結痰用冰蠟散。不若用余所製消核膏為較妥。仍須內服子龍丸。即凝丹方見卷二消核膏方見後

## 瘰癧看法

初起核高腫痛。色紅軟活。微作寒熱。肩項不強者順。已成根不堅硬。內無小核叢生。脾健氣血不衰者順。已潰膿稠。肉色紅活。核腫漸消。肩項自便。漸斂者順。潰後易消易斂。氣體平和。胸膈寬利。飲食知味者順。未成形體消瘦。寒熱往來。結核頑硬。痰嗽相兼者險。已成核堅。連續如珠。大小不等。項強筋急。脈虛者險。已潰膿水清稀。肌肉消鑠。自汗盜汗。寒熱不睡者逆。潰後陰虛。煩躁作渴。大便泄。小便秘。男

子骨蒸。女人經閉。俱逆。

徐曰。看法與別症同。

### 瘰癧治法

初起腫痛。憎寒壯熱。四肢拘急。項強頭眩者。表散之。腫硬發熱。便利口乾。胸膈不利。惡心脈實者。宜利之。膏粱厚味。醇酒積熱。溼痰凝結而成者。宜化痰降火清中。憂思過度。鬱怒傷肝。筋縮結核者。宜養血開鬱。疎肝。房慾勞傷。陰虛晡熱。自汗咳嗽。形體消瘦者。滋腎健脾。失利亡名。懷抱鬱結。積想在心。所如不得。乖隔陰陽。虛熬歲月而得者。精血俱傷。先養正氣。次治標病。堅而不潰。腐而潰之。潰而不斂。補而斂之。皆活法也。

### 瘰癧治驗

一男人項核腫痛。拘急惡寒。用荆防敗毒散二劑。表症悉退。餘核不消。用散腫潰堅湯加川芎、香附、貝母十餘服。其核漸消。外以琥珀膏貼之。月餘而安。

一男子仲冬渡江。暴冒霧氣。又值驚恐。次日寒熱交作。頭面耳項俱腫。先用藿香正氣散二服。寒熱即止。面腫漸消。惟項間堅腫不退。紅掀作痛。此毒聚必欲作膿。仍用正氣散加芎歸。早刺數服。候膿熟針之。腫痛頓退。又用十全大補湯。脾健肌生完口。

徐曰。此風痰之毒。只宜內消。亦不必用十全大補湯。

一婦孀居六載。子幼未立。憂鬱成核。已半年。兼經水不調。寒熱交作。形體消瘦。脈亦弦數。此勞傷氣血。肝火妄動而成。所謂損者益之。不可用追蝕之藥。損而復損。先用逍遙散加香附、牡丹皮、貝母。和其血脈。疎其肝氣。寒熱盡退。次用益氣養榮湯。服至月餘。氣血漸復。經事漸調。元氣漸醒。外用火針。徐曰。不必。核上點破四孔。用黃線藥插入五六次。以上九字。徐勒候。至孔大。換用冰蠟散。搽核上封之。至十三日外。其核自落。外搽玉紅膏。生肌收斂。內服人參養榮湯。加香附、木香。三十餘劑。其口自完。此婦慎起居。忘七情。戒口味。盡調理。故可得愈。否則必不能矣。

一室女年十七。因父擇壻未遂。耽至二旬。懷抱鬱久。項生數核。堅硬如石。此肝經凝結筋縮之病也。兼經水斷絕。寒熱如瘧。咳嗽脈數。惟不顧紅。此陰虛火動。已

成勞瘵症也。非藥能愈。視其形狀。喜無敗色。余曰。欲治此病。當先治其心。父問曰。何藥治心。余曰。非藥也。易曰。天地絪縕。萬物化醇。男女構精。萬物化生。此天地男女生成化育之道也。斯病起於孤陰寡陽。不生不化。所謂逆理之病。由於女大失配。是謂當至而不至。漸成失度之候。此句其病不生而自生。故藥不能挽回。必得陰陽和而雨澤降。此句夫婦和而家道成。斯時方可用藥。其父始悟。隨即擇嫁。三月後。復請余視。前症稍定。先用逍遙散加香附、青皮、山梔、丹皮、貝母十餘劑。開鬱疎肝。寒熱漸止。次以人參養榮湯加丹皮、紅花。通其血脈。使心血易生。容顏稍澤。又用益氣養榮湯倍參、朮。徐曰。必培助脾胃。增進飲食。間用歸脾湯加麥冬、五味、遠志、沙參。收斂神氣。寬慰性情。又製參朮地黃膏。服至半年。精神頓復。經事亦通。惟核不能全退。用火針點破一核。火針點破四字。徐勒琥珀膏貼之。漸腐爲膿。又兩月而得收斂。尙有三核。亦漸針漸潰。漸斂。首尾純用補脾開鬱藥。調理一年。始得全愈。

徐曰。室女患此者。嫁後卽愈。十居五六。此人竟能知之。奇哉。

一男子年近三十。項生數核。面白神疲。皮粗脈數。此元氣受傷之症。先當補養氣



血。待根本壯實。再治其瘡。隨用養榮健脾藥十餘劑。未效。彼以爲緩。徐曰此等又爲方士所惑。冀圖內消。自服斑蝥巴麝之藥。徐曰自連瀉十數行。後致小便淋漓不已。更增虛熱。飲食減少。又復請視。形色已敗。辭而不治。又請內科強投扶助降火之藥。終不應而死。

一婦壯年性急。夫蕩不爲家。左項生核。半載。漸至雞卵大。堅硬如石。皮外紅絲纏繞。左右脈俱弦數。弦屬肝火妄動。數乃脾熱之甚。徐曰此本不治之症。以後半得法尙難收。先用梔子清肝湯平伐肝木。五服而脈始平。又用清肝解鬱湯數服。散其鬱結。次用益氣養榮湯調其氣血。間服散腫潰堅湯。軟其堅腫。外以琥珀膏貼之。調理百日。元氣乃復。堅硬已消八九。只存小核。彼以爲愈。止不服藥。後一載。因夫賭訟未勝。暴急驚恐。前腫復作。兩手脈細而多數。此陰血虧損。陽火乘之。非前有餘症也。又兼胸膈不利。飲食無味。經水先期過多。形容憔悴。不澤。此神傷於思慮。則肉脫。意傷於憂愁。則肢廢。魂傷於悲哀。則筋攣。魄傷於喜樂。則皮槁。志傷於暴怒。則腰脊不能俯仰。以上俱七情內損症也。法當滋養氣血。調和脾胃。益腎清心。開鬱散滯。庶保無虞。彼不肯信。仍欲服散腫潰堅之藥。

并灸腫處以圖內消。余辭不治。彼請客醫。仍服前藥。灸腫處。并灸肘尖。真氣虛而益虛。邪氣實而益實。反加發熱自汗。咳嗽項強。四肢不收。灸瘡無膿。血水不絕。腫亦熾盛。致成臟腑已損之候。又傳為氣急聲啞。痰血交出而歿。余嘗見病家及庸醫不辨虛實。妄行用藥。多致不救。所當猛省。

梟案中間引成語為文。其實此症無喜樂。

### 瘰癧主治方

#### 防風解毒湯

防風解毒湯。荆芥。半蒡。連翹。草石膏。薄荷。枳殼。芎蒼朮。知母。燈心。共可消。治風毒瘰癧。寒暑不調。勞傷痿襲。多致手足少陽分。耳項結腫。或外寒內熱。痰凝氣滯者。

|    |    |     |
|----|----|-----|
| 枳殼 | 連翹 | 防風  |
| 川芎 | 甘草 | 荆芥  |
| 蒼朮 | 石膏 | 桔梗  |
| 知母 | 薄荷 | 牛蒡子 |

各一錢



水二茶鍾。燈心二十根。煎八分。食後服。

徐曰。此風痰之方。

### 連翹消毒飲

連翹消毒飲。陳皮。甘桔。元參。芩。芍。歸。梔。葛。麝。干。花粉。等。紅花。還與大黃。隨治熱毒瘰癧。過食炙博醇酒膏粱。以致蘊熱腮項成核。或天行亢熱。溼痰作腫。不能轉側者。

連翹

陳皮

桔梗

元參

黃芩

赤芍

當歸

山梔

葛根

麝干

天花粉

紅花各一錢

甘草五分

大黃初起便燥者加之

水二茶鍾。煎八分。食後服。有痰者加竹茹一錢。

徐曰。此方通治之藥。

### 加味蘆香散

加味蘆香散。甘桔。青陳。柴蘇。半夏。及。朮。芩。白芷。附朴。芎。夏。枯草。效爲君說。

治氣毒瘰癧。外受風邪。內傷氣鬱。以致頸項作腫。肩膊強痛。四肢不舒。寒熱如瘧。及胸膈不利。

藿香

甘草

桔梗

青皮

陳皮

柴胡

紫蘇

半夏

白朮

茯苓

白芷

厚朴

川芎

香附

夏枯草

各等分

薑三片。棗二枚。水二茶鍾。煎八分。食遠服。

### 滋榮散堅湯

滋榮散堅四物湯。甘桔參苓海粉當。陳朮升麻香附貝。紅花昆布共煎嘗。

治一切瘰癧。憂抑所傷。氣血不足。形體瘦弱。潮熱咳嗽。堅硬腫痛。無分新久。但未穿潰者。並效。

川芎

當歸

白芍

生地

陳皮

茯苓

桔梗

白朮

香附各一錢

甘草

海粉

貝母

人參

昆布各五分

升麻

紅花各三分

水二茶鍾。薑三片。棗二枚。煎八分。食遠服。身熱加柴胡、黃芩。自汗盜汗去升、麻。倍人參、黃耆。飲食無味加藿香、砂仁。食而不化加山查、麥芽。胸膈痞悶加澤瀉、木香。咳嗽痰氣不清加杏仁、麥冬。口乾作渴加知母、五味子。睡臥不寧加黃柏、遠志、棗仁。驚悸健忘加茯神、石菖蒲。有汗惡寒加薄荷、半夏。無汗惡寒加茅朮、藿香。女人經事不調加延胡索、牡丹皮。腹脹不寬加厚朴、大腹皮。

徐曰。此等方藥味雖與瘰癧頗切。然雜亂無章。毫無主意。凡外科之方。往往如此。皆因習外科之人。不甚讀書。祇記某藥能治某病。因而湊合。互相傳習。所以全無法度。學外科者宜知之。

### 益氣養榮湯

益氣養榮湯尤者。參苓陳貝附歸宜。芎芍桔甘兼熟地。勞傷瘰癧大堪施。治抑鬱。抑鬱二字徐勒二或勞傷氣血。或四肢頸項筋縮。結成累累如貫珠者。謂之筋癰。此皆由思慮太過。神氣受傷。乃勞中所得也。其患或軟或硬。或赤或不赤。或痛或不痛。或日晡發熱。或潰而不斂者是。

人參

茯苓

陳皮

貝母

香附

當歸

川芎

黃耆

熟地

白芍

甘草

桔梗

白朮二錢

各一錢

各五分

薑三片。棗二枚。水二茶鍾。煎八分。食遠服。

徐曰。此潰後補劑。其藥亦不外諸味。

如胸膈痞悶。加枳殼、木香。飲食不甘。暫加厚朴、蒼朮。往來寒熱。加柴胡、地骨皮。膿潰作渴。倍參、耆、歸、朮。膿多或清。倍當歸、川芎。脇下痛或痞。加青皮、木香。肌肉生遲。加白朮、肉桂。痰多加半夏、橘紅。口乾加麥門冬、五味子。發熱加柴胡、黃芩。渴不止加知母、赤小豆。膿不止倍加人參、黃耆、當歸。潰後反痛加熟附子、沉香。虛煩不睡者。倍人參、熟地、遠志、棗仁。

### 芩連二陳湯

芩連二陳湯。半夏。枯草。連翹。花粉。苓。牛蒡。木香。兼甘。桔。消痰散核。效如神。治痰癰生於少陽部分。項側結核。外皮漫腫。色紅微熱。或至缺盆高骨上下發。

腫。形長堅硬作痛。名曰馬刀。初起並宜服此。已成氣弱者不宜。

黃芩

黃連

陳皮

茯苓

半夏

甘草

桔梗

天花粉

牛蒡子

連翹

木香

夏枯草

薑三片。水二茶鍾。煎八分。食後服。渣再煎。臨睡服。

徐曰。此方重前諸方。

### 散腫潰堅湯

散腫潰堅。芩芍歸。升柴。膽草。葛根。隨。知。翹。連。柏。三。棱。朮。昆。桔。甘。花。粉。莫。遺。

治癰瘻馬刀。堅硬如石。或在耳下。或至缺盆。或在肩上。或至脅下。皆手足少陽經症。又發於下頰。或至頰車。堅而不潰。或已破流膿。又屬足陽明症也。此方治有餘之症效多。不足之症效少。

黃芩八分

白芍

當歸

龍膽草

桔梗

知母

黃柏

天花粉

昆布各五

連翹

葛根

炙甘草

黃連

三

棧酒拌炒

莪

莖各三分

柴

胡四分

升麻三分

水二茶鍾煎八分。食後服。臨服入酒一小杯亦效。此藥可爲末。煉蜜爲丸。桐子大。每服八十丸。卽散腫潰堅丸。治症同前。臨睡食後俱白滾湯下。  
徐曰。此方亦重。

升麻散堅湯

升麻散堅湯。甘草。莪莖三棧。陳桔連。葛根。龍膽。夏枯粉。芎芩。歸翹。芩共煎。治瘰癧繞頸。或至頰車。屬足陽明。核深陷隱曲肉底。又屬足少陰。俱作腫塊堅硬。大小不一。

升麻

甘草

莪莖

三棧

陳皮

桔梗

黃連

龍膽草

葛根

川芎

白芍

夏枯草

連翹

黃芩

當歸各五分

天花粉有痰加

水二茶鍾煎八分。食後熱服。再用上藥加倍爲末。蜜丸綠豆大。每百丸。黃酒臨



睡服。頭不枕更妙。

徐曰。義重前方。

### 夏枯草湯

夏枯草湯歸朮陳。桔甘生地貝母苓。香附柴胡白芷芍。加上紅花效若神。  
治療癰馬刀。不問已潰未潰。或已潰日久成漏。形體消瘦。飲食不甘。寒熱如瘧。  
漸成勞瘵。並效。

夏枯草二錢

當歸三錢

白朮

茯苓

桔梗

陳皮

生地

柴胡

甘草

貝母

香附

白芍各一錢

白芷

紅花各三錢

先用夏枯草水三碗。煎至二碗。濾清。同藥煎至八分。食後服。將藥渣同前夏枯草渣共再煎六七分。臨臥時入酒半小鍾和服。宜食淡味物件。  
徐曰。此亦此症之主劑。

### 活血化堅湯

活血化堅湯。朴芷。芍歸。貝芎。角刺。是。蠶防。桔粉。陳皮。草。乳香。靈脂。銀花。使。治一切瘰癧。及癭瘤痰核。初起未潰膿者。

防風

赤芍

歸尾

天花粉

金銀花

貝母

川芎

角刺

桔梗各一錢

僵蠶

厚朴

五靈脂

陳皮

甘草

乳香

白芷梢各五分

水二茶鍾。煎八分。臨服用酒一小杯。食後服。徐曰。義重前方。不必存。

逍遙散

逍遙散。當歸。芍藥。茯苓。香附。共柴胡。丹皮。薄荷。甘草。朮。治婦人血虛。五心煩熱。肢體疼痛。頭目昏重。心忪煩赤。口燥咽乾。發熱盜汗。食少嗜臥。及血熱相搏。月水不調。臍腹作痛。寒熱如瘧。及治室女血弱。榮衛不調。痰嗽潮熱。肌體羸瘦。漸成骨蒸。

當歸

白芍

茯苓

白朮

柴胡各一錢

香附八分

丹皮七分

甘草六分

薄荷

黃芩有熱加各五分

水二茶鍾煎八分。食遠服。有寒加薑三片。棗二枚。

徐曰。此通治疎肝之方。

### 通治癰癧方

通治癰癧方。陳朮。柴桔。芎歸。芩。芍。翹。苓。芷。藿。香。夏。枯。草。甘草。半夏。附。功。饒。治癰癧。不分新久。表裏虛實。及諸痰結核。並效。

陳皮

白朮

柴胡

桔梗

川芎

當歸

白芍

連翹

茯苓

香附醋炒

夏枯草

黃芩各一錢

藿香

半夏

白芷

甘草各五分

薑三片。水二茶鍾煎八分。入酒一小杯。臨睡時服。

徐曰。諸方不出此。隨症加減可也。

### 芎歸養榮湯

芎歸養榮湯者。朮。參。芍。砂。仁。熟地黃。五味。茯神。丹。遠志。麥冬。甘草。共煎。嘗。治癰癤流注。及一切不足之症。不作膿。或不潰。或已潰不斂。或身體發熱惡寒。肌肉消瘦。飲食少思。睡臥不寧。盜汗自汗。驚悸恍惚。

歸身二錢

人參

黃耆

白朮

川芎

白芍

熟地錢各一

五味子

麥冬

遠志

甘草

茯苓各五分

牡丹皮

砂仁各三分

水二茶鍾。薑三片。棗二枚。煎八分。食遠服。

徐曰。重出。

### 冰蠅散

冰蠅散內用田螺。白砒將來紙麵糊。龍腦。硃砂。爲細末。總將津拌患頭塗。治癰癤日久。堅核不消。及服煎藥不效者。用此點落癰核。如馬刀根大面小。及失榮等症。忌用。

大田螺五枚去殼日中線穿晒乾

白砒一錢二錢 冰片一分

硃 砂二分

用晒乾螺肉切片。同煨熟白硃碾爲細末。加硃片再碾。小罐密收。凡用時。先用艾炷灸核上七壯。次後灸瘡起泡。以小針挑破。將前藥一二釐津唾調成餅。貼灸頂上。用綿紙以厚糊封貼核上勿動。七日後四邊裂縫。再七日。其核自落。換搽玉紅膏。內服補藥。兼助完口。此藥又治癰瘤患大蒂小。及諸般高突異形難狀者。

徐曰。點去惡肉。亦不可少。但不可輕試惡毒之肉。乃爲合宜。

### 紫霞膏

紫霞膏品不多般。銅綠松香一處攢。煎入麻油如紫漆。百般頑症貼當安。治療癰初起。未成者。貼之自消。已成未潰者。貼之自潰。已潰核存者。貼之自脫。及治諸色頑瘡。癰瘡。溼痰。溼氣。新久棒瘡。疼痛不已者。

明淨松香

淨末一斤

銅 綠

淨末二兩

用麻油四兩。銅鍋內先熬至滴水不散。方下松香熬化。次下銅綠。熬至白烟將盡。其膏已成。候片時。傾入瓷罐。用時湯內頓化。旋攤旋貼。

徐曰。方極和平。即千槌膏之祖方也。  
又曰。此方單重銅綠一味。方簡而意深。

琥珀膏

琥珀膏內桂防歸。松脂硃砂木鼈陪。丁木二香草麻子。木通白芷共相隨。  
治療癰。及腋下初如梅子。結腫硬強。漸若連珠。不消不潰。或潰後膿水不絕。經久不瘥。漸成漏症。

琥珀一兩

木通

桂心

當歸

白芷

防風

松脂

硃砂

木鼈肉

草麻仁錢各五

丁香

木香錢各二

麻油二斤

黃丹飛炒十兩

先用琥珀、丁香、桂心、硃砂、木香爲細末。其餘切片浸油內七日。入鍋內。慢火熬至羣藥焦黃爲度。絹濾淨油。徐下黃丹。以柳枝手攪。候至膏成。滴入水中。軟硬得中。掇下鍋來。以盆頓穩。攪至烟盡。方下末藥攪勻。瓷器盛之。臨時取少許攤貼。



大紅膏

大紅膏用竭銀硃。硝石樟冰相與俱。輕粉南星併石礬。乳香貓骨醋調塗。治癰瘰癧核結塊。不分新久。但未穿破者。

南星二兩

銀硃

血竭

硝石

樟腦各三錢

輕粉

乳香各二錢

貓頭骨煨一具

石灰一兩用大黃二錢切片同炒石灰紅色去大黃

右共爲細末。陳米醋熬稠。調藥敷核。三日一換。敷後皮嫩微損者。另換紫霞膏貼之。其核自消。

梔案銀硃、貓頭骨、石灰。徐圈。

火針法

火針之法獨稱雄。破核消痰立大功。燈草桐油相協力。當頭一點核無蹤。治癰瘰癧核生於項間。初起堅硬。或如梅李。結聚不散。宜用此法針之。指藥易消。用縫衣大針二條。將竹筴頭劈開。以針雙夾縫內。相離一分許。用線紮定。牛將桐油一盞。用燈草六七根。油內排勻點著。將針燒紅。用手指將核捏起。用針

當頂刺入四五分。核大者再針數孔亦妙。核內或痰或血。隨卽流出。候盡。以膏蓋之。次日針孔必漸作膿。輕者用黃線藥插之。核堅硬者用冰蠟散糊打成條。曬乾插之。外以糊紙二重封固。次日其核發腫作痛不妨。乃藥氣攻入於內。又至七日外。自然核外裂開大縫。再至七日其核自落。慈湯洗淨。換用玉紅膏搽入。外以膏蓋。內服益氣養榮湯。或十全大補湯加香附。兼戒勞動氣惱房事發物煎炒海腥等件。

徐曰。強實人方可用。

又曰。此方治獨脚頑癰或可用。

### 三品一條槍

三品一條槍最靈。明礬白信煨成精。加上乳雄爲線藥。疔疽癰漏盡堪平。

上品錠子去十八種痔。中品錠子去五漏翻花癰瘤氣核。下品錠子治瘰癧疔瘡發背腦疽等症。此爲古之三品錠子。但藥同而分兩不同。故治病有分別。今方名三品一條槍。隨症可用。藥品又簡易而不繁。此句徐勒凡同志者隨試而用之。

明礬二兩

白

砒五錢

雄

黃二錢

乳

香二錢

礬、礬二味共爲細末。入小罐內。加炭火煅紅。青烟已盡。旋起白烟。約片時。上下紅徹。住火。取罐頓地上。一宿取出。約有礬礬淨末一兩。加入雄黃、乳香。共研極細。厚糊調稠。搓成如線條陰乾。凡遇前症有孔者。插入孔內。無孔者。先用針放孔竅。早晚插藥二次。自有孔以下二字徐勒插至三日後。孔大者。每插十餘條。插至七日。孔大者以徐勒患孔藥條滿足。方住。以後所患四邊。自然裂開大縫。共至十四日。前後。其疔核癰癰痔漏諸管。自然落下。隨用湯洗。搽上玉紅膏。虛者兼服健脾之藥。

徐曰。此治惡毒頑瘡。間有可用。近日庸醫。不論何瘡。俱用此法。殺人無算。深爲可恨。製方之人。原只用以治不知痛痒之瘡。及死肌頑肉。誰知後世惡人。竟視爲必用之品。不得不歸咎於作俑者也。

楣案徐於此方之上加×。又字字旁×。垂戒深矣。

### 癰癰酒藥方

治年久癰癰結核。串至滿項。頑硬不穿破者。

鶴蟲草 半觔

忍冬藤 六兩

野蓬蒿 四兩

野菊花 四兩

五爪龍 三兩

馬鞭草 五錢

上藥切碎。用醇酒十五觔。將藥袋貯。懸於酒內。封好罐口。煮三炷香爲度。取起。水頓浸一伏時。初服盡醉出汗爲效。已後隨便飲之。盡酒一料。病愈不發。

徐曰。此所謂草頭方也。藜蘆之人。用之竟有愈者。若體虛之人。用之竟有大害。甚至於死。余見極多。所以患病之人。斷不可聽傳聞之方而輕試也。

楣案瘰癧一症。內治固無速效之方。外治亦鮮良藥。不獨火針三品一條槍不可用。卽所開琥珀膏。內有木鼈、葶麻仁、大紅膏、有輕粉、石灰。皆毒藥。貼之不能暗消。多致穿潰。全生集外治用化核膏。內治用控涎丹。全生集易名子龍丸余試其膏。蘊熱重者。或反至紅腫。蓋內有木鼈、壁虎、蜘蛛等。亦毒藥也。偶聞人述一名醫言。治疽當加入消痰藥。因悟各種結核。皆有痰氣。遂以控涎丹爲主。加入麻黃一味。煎膏施貼。甚效。故友湯秀嵩又加入數味。二十年來。求者甚衆。初起貼之卽消。年久者可不再大。以貼乳核。及各種結核。無不其應如響。因名爲消核膏。惟已潰者不可貼。宜換用陽和解凝膏。陽和膏已於卷二附

錄。今將消核膏錄後。

消核膏

製甘遂二兩

紅芽大戟二兩

白芥子八錢

麻黃四錢

生南星六錢

薑半夏六錢

僵蠶六錢

藤黃六錢

朴硝六錢

右用真麻油一斤。先投甘遂、南星、半夏熬枯，撈出。次下僵蠶。三下大戟、麻黃。四下白芥子。五下藤黃。逐次熬枯。先後撈出。六下朴硝。熬至不爆。用絹將油濾淨。再下鍋熬滾。徐徐投入炒透東丹。隨熬隨攪。下丹之多少。以膏之老嫩為度。夏宜稍老。冬宜稍嫩。膏成。趁熱傾入水盆中。扯拔數十次。以去火毒。即可攤貼。宜厚勿薄。此膏妙在不用毒烈之藥。雖好肉貼之無損。

梟案煎膏亦自有法。藥有堅脆。如一同投入。則脆者先枯。其勢欲燃。不得不一同撈出。然堅者實未熬透。是銖兩雖多。而藥味反少矣。此方甘遂、南星、半夏最堅。故先下。僵蠶次之。大戟、麻黃又次之。麻黃尤脆。大戟熬至半枯時下。麻黃更妙。白芥子爆油。故又次之。藤黃多液而少渣。故又次之。朴硝無質。故



最後下。凡煎他膏。亦當如此。

又案潰瘍諸膏。皆不可太嫩。以貼之。卽黏。揭之。易落爲度。攤時。不可過厚。嫩而過厚。揭時。非帶脫皮肉。卽黏住皮肉。凡尋常熱癰。本可無疤。而或生妒肉。或如蟾鏡者。皆膏藥之過也。獨消核膏。宜稍嫩。但令貼時。勿烱塌而已。攤須極厚。蓋此膏本以代敷藥。嫩而厚。則藥氣沈浸醲郁。而能深入。又皮肉如常。帶脫無慮。黏住可洗也。

又案諸書皆言藥油煎至滴水成珠。方下黃丹。余歷試。知其不然。油至滴水成珠。則已過老。攤之。如麵筋一般。無復黏性。不能再下黃丹矣。只須熬令濃黑。便可下丹。下丹最要耐性。不可貪多貪快。每次挑入少許。不住手攪。徐徐再加以老嫩適可爲度。如此熬法。又黑又亮又光。其所以黑之功。在久熬。亮之功。在多攪。光之功。在丹細。而藥油濾淨也。滴水成珠四字。卽下丹亦不可泥。大抵膏浮水面。以兩指取丸。不沾手。其膏已成。倘一滴便直下水底成珠。則膏已老矣。

又案瘰癧治法。諸書皆不甚相遠。惟全生集特異。初起小塊。皮色不異者。控



涎丹每服三分。淡薑湯送下。日服三次。至消乃止。小孩不能吞丸者。每日服小金丹一粒。服法詳卷二其已潰爛。間有成膿未潰者。亦有未成膿者。宜服犀黃丸。止其已潰之痛。鬆其成膿未潰之脹。消其未成膿之核。已成膿者。兼用咬頭膏穿之。日服溫補祛痰。通腠活血壯氣之劑。外貼陽和解凝膏。其延爛不堪至胸脇者。一日服洞天救苦丹。兩日服犀黃丸。凡九日。共服洞天丹三次。犀黃丸六次。皮色變白。孔內紅活。接服大棗丸。肌肉漸長。用生肌藥收功。其爛潰不堪。與內腑止隔一膜者。以山蓮散糝之。奇功立見。尙有爛至咽喉者。用量指灸法。因原書敘述欠明白。故不錄。其治驗兩案。附錄方後。以備醫者參究。

### 洞天救苦丹

蜂

窠

要露天有子者

雄鼠糞

兩頭尖者

青皮

棟樹子

立冬後采者佳

右藥瓦上各炙存性。各研細末。稱準等分。研和。每服三錢。陳酒送下。醉蓋取汗。大棗丸

山羊屎

大棗

右將山羊屎晒乾。入鍋炒炭存性悶熄。磨粉收藏。遇久爛不堪。將見內腑者。以大棗去皮核。先搗爛如泥。然後酌量入前粉。搗至成丸。每服四錢。仍以黑棗湯送下。

山蓮散

山羊屎

大活鯽魚一尾

麝香一錢

右將鯽魚破腹去雜。以山羊屎塞實魚腹。瓦上慢火炙乾存性研末。加入麝香再研。瓷瓶固貯。勿泄氣。

附錄全生集治驗兩案

楓鎮閔姓年十七。頸患瘰癧。爛成片。延至耳腋及腰。如手掌大者數處。瘦弱成怯。初以洞天救苦丹與服。毒水大流。十日後。以陽和湯醒消丸。每日早晚各服一次。又十日。項能舒轉。飲食日增。接服大棗丸。始終用荊芥湯洗。以山蓮散敷。外貼陽和膏。凡九十日收功。因未服子龍。小金二丸。毒根未除。後腋生惡核。服子龍丸而消。

王姓媳頸患瘰癧數箇。兩腋惡核三箇。又大腿患一毒。不作疼癢。百餘日後。漸大

如斗。按之如石。皮現青筋。常作抽痛。經歷數醫。皆謂是瘤。余曰。瘤乃軟者。世無石硬之瘤。此石疽也。問可治否。答曰。初起時皆可消。日久發大。上現筋紋。雖按之如石。然其根下已成膿矣。抽痛即有膿之證也。上現青筋者。內作黃漿可治。如上現小塊。高低如石巖者不治。三百日後。主大痛不潰而死。如現紅筋者。其內已通血。海不治。倘生斑點。即自潰之證。潰即放血。三日內斃。今所現青筋。醫令至軟為半功。潰後膿漿濃厚。可收全功。乃以活商陸搗塗。內服陽和湯。十日而抽痛止。十三劑裏外作癢。十六劑頂軟。十八劑周圍皆軟。其頸項之瘰癧。兩腋之惡核。盡行消散無蹤。止膿石疽。起立則內膿袋下。令服參一錢。再行開刀。因在筋絡之處。先以銀針刺穿。後以刀闊其口。以紙釘塞入孔內。次日兩次流水斗許。遂用大劑補托。千金內托散。刪去人參。倍增生耆。補案千金內托散用人參生黃耆防風官桂白芷厚朴川芎桔梗生甘草共九味生耆倍增須用一連進十劑。相安已極。適有伊戚。亦業外科者。令其耆草皆炙。不三日。四圍發腫。內作疼痛。復延余治。仍令服前方耆草不炙。又服二十餘劑。外用陽和膏。隨其根盤貼滿。獨留患孔。加以布細綁。人問因何用膏貼。又加細綁。答曰。凡屬陰疽。外皮活。內膜生。故開刀傷膜。膜爛則死。所出之膿。在皮裏膜外。中似空銜。又不能以

生肌藥放入。故內服溫補滋陰活血之劑。外貼活血溫暖膏藥。加以細綁。使其皮膜相連。易於膿盡。且又易於連接生肌耳。果綁後數日。內膿濃厚。前方加參。服兩月收功。

瘰癧應用方

玉紅膏

太乙膏見腫瘍門

柴胡清肝湯

梔子清肝湯見鬢疽門

荆防敗毒散見時毒門

十全大補湯

歸脾湯見潰瘍門

鬢疽論

夫鬢疽者。乃手少陽三焦相火妄動。又兼腎虧不能生水。或外受風熱所感。但此經多氣少血。肌肉相薄。凡有患最難腐潰。此皆起於情性急暴。房慾血虛火動。肝氣凝結而成。疽之初起。寒熱交作。頭眩痛徹太陽。甚則耳目連鬢通腫。治法不可妄用針灸。此句徐圖批曰。何必分陰陽表裏邪正虛實治之。庶不有誤。且如初見瘡時。多寒少熱。口乾作渴。好飲熱湯。六脈虛數無力。其患堅硬不掀痛。不潰無膿。

瘡根流散。此乃真氣虛而邪氣實也。治以托裏為主。消毒佐之。此二句如清肝養血湯。托裏消毒散之類是也。又如見症時。熱多寒少。頭眩作痛。口燥舌乾。渴欲飲冷。二便秘澀。六脈沈實有力。瘡亦掀腫疼痛。身體發熱。易腐易膿。根脚不開。此乃正氣實而邪氣虛也。治以消毒為主。托裏佐之。此二句如梔子清肝湯。鼠黏子湯之類是也。又有未見瘡時。先作渴症。或一年半載。然後發為鬚疽。其形色多紫黑。瘡多平陷。堅硬無膿。毒流耳項。又兼氣味不正。形容不澤。精神不明。飲食不進者。俱為不治。

徐曰。邪氣無虛之理。必實字之誤。經云。邪氣盛則實。正氣奪則虛。最為明曉。楣案正氣實而邪氣虛。蓋言正氣盛。邪不能勝耳。著書者筆下欠清。遂致辭不

### 鬚疽看法

口乾。無寒熱。飲食有味。舉止如常者順。已成瘡頭腫起。根脚不散。形色紅潰膿者順。已潰膿稠。色鮮紅活。腫消痛止。項便頭輕。口和者順。潰後瘀肉



易腐。新肉易生。瘡口易平。飲食有味者順。初起瘡頭如粟。頂軟不高。色紫根散。木痛食少者逆。已成瘡形紫黑。軟陷無膿。足冷身涼。便利脈虛者逆。已潰膿水清稀。氣息臭穢。壞肉不腐。新肉不生者逆。潰後飲食厭飡。身體發熱。口乾不眠。肉削皮粗者逆。

徐曰。此亦與諸症同法。

### 鬚疽治法

初起掀腫堅硬。內熱口乾。脈數有力。邪實也。當利之。已成憎寒壯熱。四肢拘急。脈浮者。邪在表也。宜散之。赤腫作痛。血凝滯也。宜散血清肝。色黯漫腫。宜升陽助胃。已潰堅腫不退。脈細而數。日晡發熱者。宜滋陰健脾。肝膽怒火上攻。心煩作躁。腮顴紅熱者。宜抑陰降火。已潰膿清。腫痛尤甚。虛煩食少者。宜養氣血。健脾胃。潰後氣血俱虛。身涼脈細。大便多溏者。宜峻補溫中。潰後不斂。新肉生遲。瘡口淡白膿水不止。宜健中補脾。

徐曰。亦與諸瘡同。



## 鬢疽治驗

一男子患此三日。掀腫寒熱。脈浮數。服荊防敗毒散一劑。表症悉退。腫痛不減。已欲作膿。服托裏消毒散。膿潰。又服益氣養榮湯。加麥冬、五味。漸斂而愈。

一男子患此五日。頂高根若錢大。形色紅活。此肝經溼熱為患。用麻子大艾灸七壯。徐曰：不服梔子清肝湯二劑。腫勢稍止。以蟾酥餅膏貼灸上。更用柴胡清肝湯。加白芷、黃耆、天花粉。數服。膿潰腫消。半月收斂。

徐曰：此極輕之症。

一男子渴疾三年。寒熱半月。自以為瘧。鬢間忽生一小瘡。三四日外。形如粟。瘡平堅硬。此四字色暗不澤。脈洪數而無力。此水竭火旺之症。終難潰斂。辭不敢治。另請他醫。以為易治。用針刺腫處。此五字去紫血鍾許。內服解毒藥。次日邊傍愈腫。醫謂腫高屬陽。易治。其家懽悅。又三日。腮項俱腫。此四字口噤不食。用針又刺腫上。此六字徐又速其死。本是日加昏憤。余曰：死將及矣。此症未病先作渴。腎水已竭。外形如粟。裏可容穀。形色紫黑。氣敗血衰。脈洪無力。元氣內敗。如此

豈有不死者。凡二十一日而歿。

一男子腫掀五六日。彼欲內消。外敷涼藥。涼藥內服大黃泄氣等劑。掀腫雖退。乃

生寒熱。惡心乾嘔。肩膊牽強。診之脈數無力。此內虛毒氣入裏。涼藥之過也。此

字徐密點東垣云。瘡疽之發。受之有內外之別。治之有寒溫之異。受之外者。法當托

裏以溫劑。反用寒藥攻利。損傷脾胃。多致內虛。使外毒乘虛入裏。受之內者。法

當疎利以寒劑。徐曰瘡癰總不宜寒反用溫劑托裏。使骨髓之毒。外徹皮毛。表

裏通潰。共為一瘡。助邪為毒。苦楚百倍。此入字徐密點輕則變重。重則死矣。前

症既出寒藥之過。投以托裏健中湯二服。嘔吐全止。又以十全大補湯加白芷

數服。而原瘡漸起。又以人參養榮湯間服。腐潰膿稠。兩月餘收功。

楣案徐批瘡癰總不宜寒。清涼疎表之品為妥。足與全生集相發明。

一婦人患此。腫硬掀痛。寒熱口乾。脈洪大有力。此表裏俱實也。投以防風通聖散

一劑。便行二次。前症稍退。又一劑。大行數次。大行二字徐勒熱退渴止。惟原瘡腫硬。用

銀針點破。插入蟾酥條。此五字內服托裏消毒散。漸潰膿而安。

楣案徐勒大行二字。蓋表裏俱實。稍泄其裏。以疏表毒則可。若大行。則慮裏

虛而表陷也。前言瘡癰總不宜寒。意亦如此。  
一男子患此三四日。頂高根活。且無表裏之症。此肝經溼熱爲患。用針挑破瘡頂。  
以蟾酥餅蓋貼。此十二字徐勣批曰用圍藥束內服加味逍遙散。加皂角針數  
劑。頭出微膿。根腫亦消。

### 鬚疽主治方

#### 柴胡清肝湯

柴胡清肝芎藭歸。黃芩梔子地黃隨。防風牛蒡天花粉。甘草連翹用亦宜。  
治鬚疽初起未成者。毋論陰陽表裏。俱可服之。

川芎

當歸

白芍

生地

柴胡

黃芩

山梔

天花粉

防風

牛蒡子

連翹

甘草節錢各一

水二茶鍾。煎八分。食遠服。

徐曰。此鬚疽主方。

梔案柴胡一味徐圈。

鼠黏子湯

鼠黏子湯。甘桔歸。赤芍連翹地骨皮。元參木通天花粉。防風大黃不可遺。治鬚疽初起。熱多寒少。頭眩作痛。口燥咽乾。渴常飲冷。二便秘澀。六脈沈實。有力。煩悶疼痛者。

鼠黏子

桔梗

當歸

甘草梢

赤芍

連翹

元參

地骨皮

天花粉

防風

木通

製大黃二錢

水二茶鍾。煎八分。食前服。

徐曰同前。

加味逍遙散

加味逍遙。白朮。芩。紅花丹芍柴胡陳。當歸梔貝天花粉。甘草羚羊效更神。治鬚疽七日以上。根盤深硬。色紫掀痛者。

白朮

茯苓

牡丹皮

白芍

柴胡

陳皮

當歸

天花粉

貝母各八分

甘草

山梔紅花

羚羊角各五分

水二茶鍾。淡竹葉二十片。煎八分。食後服。

徐曰。亦同前。

梔案。羯羊角。徐圈。

### 梔子清肝湯

梔子清肝湯。柴芍。牛蒡。石膏。芎當歸。黃連。甘草。丹皮等。火盛用之。效最奇。治少陽經虛。肝火風熱上攻。遂成鬚疽。痛連頸項。胸乳太陽等處。或寒熱晡甚。胸滿口苦舌乾。

牛蒡子

柴胡

川芎

白芍

石膏

當歸

山梔

丹皮各一錢

黃芩

黃連

甘草各五分

水二茶鍾。煎八分。食後服。

徐曰。此治火盛者。餘藥俱同前。

清肝解鬱湯

清肝解鬱湯。芍歸。苓朮。梔柴。貝母。隨。人參。半夏。丹皮。附。川芎。熟地。草。陳。宜。  
治暴怒傷肝。憂思鬱結。致肝火妄動。發為鬚疽。頭眩痛徹太陽。胸膈痞連兩脇。  
嘔酸水者。

當歸

白芍

茯苓

白朮

貝母

熟地

山梔錢各一

半夏

人參

柴胡

丹皮

陳皮

香附

川芎各六分

甘草四分

水二茶鍾。薑三片。煎八分。食遠服。

徐曰。方雜。

參苓內托散

參苓內托散。當歸。芍。苓。陳皮。白朮。隨。熟地。官桂。甘。山藥。附子。耆。丹。地。骨皮。  
治鬚疽已成。堅而不潰。潰而不斂。氣血俱虛。身涼脈細。飲食少思。口淡無味。及



形體消瘦者。

歸身

黃耆

川芎

白芍

陳皮

白朮

山藥

熟地

茯苓

人參各一錢

甘草

肉桂

熟附子

丹皮

地骨皮各五分

薑三片。棗二枚。水二茶鍾。煎八分。食遠服。

徐曰。此治虛寒之症。非治瘡。乃治本原也。亦須備用。

保安萬靈丹見腫瘍門

治鬚疽初起。憎寒壯熱。頭眩惡心。四肢拘急者。

鬚疽應用方

托裏消毒散見腫瘍門

荆防敗毒散見時毒門

蟾酥餅子見疔瘡門

人參養榮湯

托裏建中湯

益氣養榮湯

十全大補湯見潰瘍門

防風通聖散見時毒門

外科正宗卷五 髮疽主治方

徐評外科正宗

明 崇川 陳實功 著

清 海寧 許辛木 訂

清 吳江 徐靈胎 評

鄞縣 曹炳章 校

卷六

咽喉論

夫咽喉雖屬於肺。然症有虛火實火之分。緊喉慢喉之別。又咽爲心肺肝腎呼吸之門。飲食聲音吐納之道。關係一身。害人迅速。故曰走馬看咽喉。不待少頃也。虛火之症。色淡微腫。脈亦細微。小便清白。大便自利。此因思慮過多。中氣不足。脾氣不能中護。虛火易至上炎。其患先從咽。嗑乾燥。飲食妨礙。咳吐痰涎。呼吸不利。斑生苔蘚。壘若蝦皮。有如茅草。常刺喉中。又如硬物。嗑於咽下。嘔吐酸水。噦出甜涎。

甚則舌上白胎。脣生紫色。聲音雌啞。喘急多痰。以上皆是虛火。由元氣不足中來。不可誤投涼藥。此句上午痛者屬氣虛。補中益氣湯。此五字可用。徐勸批。加麥冬、五味子。此二字。徐勸批。八九牛蒡、元參。午後痛者屬陰虛。四物湯加黃柏、知母、桔梗、元參。如不敷。必加薑附。以為引導之用。此句。徐勸批。其人已入夢境矣。亦為佐治之法也。治徐勸實火之症。由於過飲醇酒。縱食膏粱。疊褥重衾。鋪飡辛烈。多致熱積於中。久則火動痰生。發為咽腫。甚者風痰上壅。咽門閉塞。少頃湯水不入。聲音不出。此為喉閉。即緊喉風是也。用藥不及事。先用針刺喉間。此句。徐勸批。發泄毒血。此句。徐勸批。見血者。隨用雞翎蘸桐油探吐稠痰。務使痰毒出盡。咽門得鬆。湯藥可入。語聲得出。乃止。內服清咽利膈湯。疎利餘毒。如牙關緊閉難入。必當先刺少商穴出血。此句。徐勸批。其閉自開。如針刺探吐無痰。聲如曳鋸。鼻掀痰喘。湯水不入。語聲不出者。真死候也。又有喉癰。喉痺。乳蛾。上腭癰等症。其患雖腫。而咽門半塞半開。其病雖凶。而喉道又寬。又腫。此皆標病。雖重無妨。當用金鎖匙吐出痰涎。利膈湯推動積熱。膿脹痛者。開之。損而痛者。益之。其患自安。凡喉閉不刺血。此句。徐勸批。喉風不倒痰。喉癰不放膿。喉痺。乳蛾。不針烙。此句。徐勸批。此皆非法。此句。徐勸批。又有痰火勞嗽。咳傷咽痛者。無

法可治。少商穴在手掌外側去爪甲角二分是

徐曰。此篇所論服藥針刺等法。皆殺人之利刃也。人多祖此施治。十死五六。又曰。此篇乃殺人秘訣。不知殺過多少傷哉。又曰。喉症多端。惟熱氣壅塞。喉腫不通。提痰無效。乃用金針刺出紫血。以洩其火。又喉癰成膿。塞住喉管。當用拔針瀉其膿。除此二者。皆不可針。針者十死八九。或有病輕而不死。亦必發作幾次。而後除根。并有變成喉痺而為弱症者。戒之戒之。

### 咽喉看法

初起紅色腫痛。語聲清朗。亦無表裏之症。相兼者輕。已成腫痛。咽喉半閉半開。咯吐痰涎。飲食稍進者順。咽喉腫閉。牙關緊急。言語不清。痰壅氣急。聲小者險。咽喉驟閉。痰涎壅塞。口噤不開。探吐不出。聲喘者死。時瘡之後。結毒咽間。腫痛腐爛。吐納不堪。聲啞者重。久嗽痰火虛陽上攻。咳傷咽痛。但見聲嘶面紅者死。

### 咽喉治法

初起腫痛。寒熱交作。頭眩拘急者。邪在表也。宜發散。初起腫痛發熱。脈有力而便秘者。邪在內也。宜下之。三字徐勒批曰在表之邪禁下在腫痛寒熱口乾作渴脈洪大而有力者。宜發表攻裏。咽喉腫痛。痰涎壅甚。面紅口乾。邪在上也。宜探吐。此句徐勒批曰自探喉閉。痰涎壅塞。氣急口噤難開。先刺少商。此句徐勒批曰後行吐法。已成脹痛。咽喉壅塞。湯水不入。膿已成也。此句徐勒批曰膿成不瀉乃多死。宜急針之。腫痛微紅。脈虛無力。午後痛者。屬陰虛。宜滋陰降火。徐曰亦不得用滋膩藥。腫痛色白。略吐多涎。上午痛者。屬陽虛。宜補中健脾。

### 咽喉治驗

一男子咽喉腫痛。發寒體倦。脈弦有力。此邪在表。以荊防敗毒散加牛蒡元參一劑。表症已退。腫痛未除。又以元參解毒湯二劑。腫痛減半。又二劑而安。

徐曰。此風火極輕之症。

一男子咽喉腫痛。痰涎壅盛。用金鎖匙先吐稠痰。清咽利膈湯推蕩積熱。腫痛稍減。惟色紅甚。此火熱也。又以黃連解毒湯加桔梗二劑。紅腫亦退而安。



一男子素飲火酒。一時咽喉腫閉。口噤舌強。痰涎壅塞。勢頗危急。用針先刺少商

二穴。此八字徐密點口噤方開。以雞翎蘸桐油探吐稠痰數碗。語聲方出。仍用針刺腫

上。此六字徐勒批出紫血鍾許。溫湯漱淨。冰硼散搽之。以涼膈散加芒硝、天花

粉利去積熱。又服連翹散二劑而安。

一婦人肥甚。暑熱。咽間腫痛。痰涎上壅。語聲不出。甚危。先用針刺毒血。此六字徐勒次

以金鎖匙吐出稠痰五六碗。服清咽利膈散。腫痛稍減。去硝、黃再服而安。

一男子勞甚。咽喉腫痛。自服清咽利膈藥不應。診之。脈細而虛。此勞傷虛火之症。

朝以補中益氣湯。此五字徐勒批加麥冬、五味子。此二味徐勒批日一。桔梗、元

參。晚以四物湯加黃柏、知母、炒黑乾薑。味徐勒加童便服之。不數日。腫痛消而

咽愈。

一婦人咽痛。微腫色白。吐嚥不利。診之。脈亦細數。此中氣不足。虛火假症也。用理

中湯二服。徐曰虛火上炎其疼頓止。又用補中益氣湯。徐曰與前湯大相加炒

黃柏、知母數服。患不復作。

一男子腫痛日甚。服清咽利膈藥不應。必欲作膿。用防風通聖散去硝、黃二服。喉

膿脹痛。下針便愈。此八字徐國批曰有膿可針

### 咽喉主治方

#### 清咽利膈湯

清咽利膈湯翹芩。甘桔荆防梔薄銀。大黃牛蒡黃連等。朴硝加上黑元參。  
治積熱咽喉腫痛。痰涎壅盛。及乳蛾喉痺喉癰重舌木舌。或胸膈不利。煩躁飲  
冷。大便秘結等症。

連翹

黃芩

甘草

桔梗

荆芥

防風

山梔

薄荷

金銀花

黃連

牛蒡子

元參錢各一

大黃

朴硝錢各二

水二鍾。煎八分。食遠服。

徐曰。此咽喉主方。但硝黃斷不可輕用。

#### 元參解毒湯

元參解毒湯。山梔。甘草。黃芩。桔梗。隨。葛根。生地。兼。荊芥。竹葉。燈心。加入。宜。治咽喉腫痛。已經吐下。飲食不利。及餘腫不消。

元參

山梔

甘草

黃芩

桔梗

葛根

生地

荊芥錢各一

水二鍾。淡竹葉。燈心各二十件。煎八分。食後服。徐曰。前方已有。

### 連翹散

連翹散內。葛根。芩。赤芍。山梔。桔梗。升。麥冬。牛蒡。同。甘草。木通。加上。效如神。治積飲停痰。蘊熱膈上。以致咽喉腫痛。胸膈不利。咳吐痰涎。舌乾口燥。無表裏症相兼者。

連翹

葛根

黃芩

赤芍

山梔

桔梗

升麻

麥冬

牛蒡子

甘草

木通各八分

水二鍾。竹葉二十片。煎八分。食遠服。

徐曰。即前方。

涼膈散

涼膈散中。荆芥。防。薄荷。粉。桔。梗。大黃。元參。石膏。牛蒡子。具母。山梔。功效良。治咽喉腫痛。痰涎壅甚。膈間有火。大便秘澀。

防風

荆芥

桔梗

山梔

元參

石膏

薄荷

黃連

花粉

牛蒡子

具母

大黃各等分

水二鍾。煎八分服。

徐曰。此治實火之方。

金鎖匙

金鎖匙中。用燄硝。殭蠶。冰片。雄黃。饒。加上礞砂。研細末。咽喉腫閉。即時消。治喉閉。纏喉風。痰涎壅塞。口噤不開。湯水不下。

燄硝一兩五錢

礞砂五錢

冰片一分

白殭蠶一錢

雄黃三錢

各研爲末。和勻。以竹筒吹患處。痰涎卽出。如痰雖出。腫痛仍不消。急針患處。去惡血。服前藥。

徐曰。此糝喉通治之方。但只宜糝。不宜吹。吹則風入喉中。必發噤而更腫。其方亦甚多。不得專恃此一方也。

### 理中湯

理中湯內藥四般。甘草乾薑白朮攪。加上人參水煎服。虛陽之火立時安。治中氣不足。虛火上攻。此句以致咽間乾燥作痛。吐嚔妨礙。及脾胃不健。食少作嘔。肚腹陰疼等症。

人參一錢

甘草

炙八分

乾薑

炒黑五分

白朮

二錢

水二鍾。煎八分。食遠服。

徐曰。用此方者。百不得一。

### 桐油餞

桐油餞。今桐油餞。治的喉風如神。見探吐頑痰。日照霜。回生起死。真堪羨。治喉風喉閉。其症先兩日胸隔氣急。呼吸短促。驀然咽喉腫痛。手足厥冷。氣閉

不通。頃刻不治。先用溫湯半碗。加入桐油三四匙攪勻。用雞翎蘸油。探入喉中。連探四五次。其痰湧出。再探再吐。以人甦醒聲高爲度。後服清咽利膈之藥。

徐曰。此治喉間痰塞不能嚥藥之方。

治喉烏龍散

烏龍散只二品藥。十八喉風總堪嚼。開關利膈效如神。虛火實火要斟酌。用豬牙皂角七條。去皮弦。爲粗末。水一鍾。煎五分。入人乳三匙。冷服。即時非吐即瀉。治咽喉腫痛。痰涎壅盛。喉風喉癰乳蛾等症並效。惟纏喉風牙關緊閉者。不可與。恐痰上出而口不開。此句徐論甚正。此斷議論甚正。壅塞無路而出故也。除此皆效。又久病咽痛忌用。此句徐論

徐曰。此治風痰之法。

神效吹喉散

神效吹喉散薄荷。殭蠶青黛朴硝和。白礬火硝黃連等。加上硼砂病自瘥。治纏喉風閉塞。及乳蛾喉痺重舌木舌等症。

薄荷

殭蠶

青黛

朴硝



白礬

火硝

黃連

礬

砂錢各五

上藥各爲細末。臘月初一日。取雄豬膽七八個。倒出膽汁。用小半和上藥拌勻。復灌膽殼。以線紮頭。膽外用青缸紙包裹。將地掘一坎。闊深一尺。上橫竹筴。懸挂坎中。以板鋪平。用泥密蓋。候至立春。日取出。挂風處陰乾。去膽皮青紙。瓷罐密收。每藥一兩。加冰片三分。同研極細。吹患處神效。

徐曰。此方宜合備用。

梔案。礬。青黛。火硝。礬砂四味。徐圈。

### 少陰甘桔湯

加味甘桔湯。黃芩。柴胡。羌活。元參。陳。川芎。升麻。併葱白。少陰喉痛卽安寧。治少陰咽痛。頭眩脈沈細。而身猶熱者。

桔梗二錢

甘草一錢

陳皮

川芎

黃芩

柴胡

元參各六

羌活

升麻各四

水二鍾。葱白一根。煎八分。不拘時服。

徐曰。此方本仲景而失其旨。

清音嚙化丸

清音嚙化丸。訶子。天麥歸苓黃柏參。阿膠。知母。生熟地。烏梅。人乳。犢牛。津。治肺氣受傷。聲音雌啞。或久嗽咳傷聲啞亦宜。

訶子

真阿膠

天冬鹽水拌炒

知母各五錢

麥冬去心

白茯苓

黃柏蜜炙

當歸

生地

熟地各一兩

人參三錢

烏梅肉十五枚

人乳

牛乳

梨汁各一碗共熬稠膏

將藥共爲細末。和入稠膏。加煉蜜搗成丸。如芡實大。每用一丸。仰臥嚙化。日用三丸。如改作小丸。每服一錢。訶子煎湯。或蘿蔔湯送下。亦可取效。

徐曰。雜亂。

治暴失音方

暴失音方。豬板油。再加白蜜兩相投。慢火煎至稠膏住。每日三匙。不用憂。雄豬板油一觔。入鍋先煉成油。濾去渣。入白蜜一觔。再煉少頃。絹濾淨。瓷器內

冷定成膏。不時挑服一茶匙。其音漸清。無疾時亦可常服潤肺。

徐曰。此潤喉之法。

### 噙化丸

噙化丸用白礬良。礪砂牙皂共雄黃。膽礬棗肉丸成就。吐嚔艱難第一方。治梅核氣。乃痰氣結於喉中。嚔之不下。吐之不吐。如毛草常刺作癢。新則吐酸妨礙。久成閉塞。

膽礬

礪砂

明礬

牙皂

雄黃

各等分爲末。紅棗煮爛。取肉爲丸。如芡實大。空心噙化一丸。溫黃酒一杯過口。內服蘇子降氣湯。

徐曰。此藥入口。卽大吐不止。作此等方者。以意爲之。並未自試也。此等極多。

### 蘇子降氣湯

蘇子降氣湯。厚朴。陳皮。半夏。共前胡。官桂。一錢。甘草半。生薑爲引。效堪圖。治虛陽上攻。氣不升降。致結患咽嗝。痰涎壅塞。

蘇子五錢

厚朴

陳皮

半夏

前胡

官桂各一錢

甘草五分

水二鍾。薑三片。煎八分。食遠服。

徐曰。此方絕非治咽喉之方。不可用。

### 冰硼散

冰硼散效實堪誇。五分冰片五硼砂。元明粉五硃砂六。通治咽喉病可瘥。

治咽喉口齒新久腫痛。及久嗽痰火咽啞作痛。

冰片五分

硃砂六分

元明粉製法詳末卷

硼砂各五分

共研極細末。吹搽患處。甚者日搽五六次。最效。

徐曰。此亦通治之方。

### 咽喉應用方

黃連解毒湯見疔瘡門

防風通聖散

荆防敗毒散見時毒門

四物湯

補中益氣湯見瘡門

### 時毒論

夫時毒者。天行時氣之病也。春當溫而反寒。夏宜熱而反涼。秋當涼而反熱。冬宜寒而反溫。此四時不正之氣。感於人而爲疾也。宜分別陰陽表裏寒熱虛實。施治。初起與風寒相類。惟頭面耳項發腫爲真。此九字徐圖其患寒熱交作。體強頭眩。脈浮緊數者。爲邪在表。以荊防敗毒散。或萬靈丹發汗以散之。如兩目鼻面漸次傳腫者。乃正陽明受病。其患掀腫發熱。便秘口乾。多熱少寒。脈數有力。爲邪在裏。五利大黃湯。四順清涼飲下之。又頭角兩耳前後結腫者。乃手少陽經受之。其患耳鳴筋痛。寒熱嘔吐。口苦咽乾。煩躁時甚。當以知母石膏湯。小柴胡湯和之。通用防風通聖散加牛蒡元參。解毒攻裏。勞役凶荒。沿門闔巷傳染者。普濟消毒飲。藿香正氣散以安之。表裏俱解。腫尙不消。宜砭去惡血。腫熱甚者。如意金黃散敷之。微熱不紅堅硬者。冲和膏選而用之。自後仍不消者。必欲作膿。宜托裏消毒散加白芷皂角針托之。已潰體倦食少者。補中益氣湯。膿穢脾虛。食而嘔吐者。香砂六君子湯。潰而不斂者。十全大補湯。又有毒中三陽。自項以上俱發腫者。光如水色。雙目合縫。脣似豬形。口角流涎。腫不消潰。聲音不出。飲食不入。咽喉腫閉。牙關難開。破流臭水。穢氣連綿不絕者。俱爲不治。

徐曰。此乃時行濕毒之氣。發於頭面。世所謂大頭症是也。以其能作膿出毒。故入外科。

### 時毒看法

初起寒熱交作。頭面一處作腫。紅赤發熱疼痛者輕。已成高腫發熱疼痛有時。語聲清朗。湯藥易入者輕。已潰膿稠。堅腫漸消。疼痛漸減。飲食漸進。身溫者吉。潰後膿水漸止。腫退肌寬。神彩精寧。睡臥安穩者順。初起多寒少熱。頭面耳項俱腫。光如水晶不熱者險。已成漫腫無頭。牙關緊閉。湯水不入。聲音不出者逆。已潰膿水清稀。氣味敗臭。腫痛不除。如尸發胖者死。潰後臭水淋漓。腫不知痛。手足多冷。常出謔言者死。

### 時毒治法

寒熱交作。頭眩體痛。六脈浮緊。邪在表也。宜汗散之。頭面赤腫作痛。口燥咽乾。大便秘實。邪在裏也。宜下之。外有寒熱。內亦口乾。脈弦有力。表裏俱實。宜發表攻裏。



表裏俱解。腫痛仍不消者。乃瘀血凝滯。宜砭去惡血。砭血之後。腫痛不消者。已欲作膿。宜托膿健脾。腫日甚而脹痛者。已有膿。急針之。更兼補托。調理脾胃。潰後腫痛不減。膿清腥穢。脾胃弱也。更宜溫中健脾。饑年時毒流行傳染者。忌用攻發。當和解。兼養正氣。

### 時毒治驗

一男子耳項腫痛發寒熱。脈浮數。以荆防敗毒散一劑。寒退熱存。又以連翹消毒飲一劑。便行三次。內熱頓退。餘腫不消。本方去大黃加川芎數劑而愈。

徐曰。輕症。

一男子先發寒熱。次日頭面俱腫。又二日口噤。湯水不入。診之。脈洪數而有力。此表裏俱實也。又咽喉妨礙。湯藥難下。先用針刺咽間。去惡血鍾許。此二句徐不死耳。幸耳者牙關稍開。用防風通聖散一劑。徐徐服之。便去三四次。腫上砭去惡血。以金黃散敷之。次日腫勢稍退。又用普濟消毒飲二劑。面腫漸消。惟兩耳下堅腫不退。此必作膿。又用托裏消毒散數服。候膿熟而針之。膿熟二字次用十全大

補湯。去肉桂加陳皮。十餘劑而斂。

一男子牙根腫痛。次傳腮項俱腫。頓生寒熱。此陽明溼熱上攻。用荆防敗毒散加

石膏一劑。

石膏一味徐勒批曰初起不得用寒藥

寒熱頓退。惟腮腫不消。以針刺牙根腫上。

此七字徐

密點批曰

牙根可針。出毒血。以冰硼散搽之。外敷真君妙貼散。內服牛蒡子湯。數劑而愈。

一男子冬月耳面赤腫。發熱口乾。脈洪實而便秘。此三陽蘊熱症也。必捨時從症治之。以五利大黃湯一劑。便行二次。赤腫稍退。內熱稍疎。又以升麻解毒湯二服。腫亦消而病愈。

一婦人冬月面腫咽痛。口噤難開。診之。脈洪數有力。又見房中暖氣如蒸。此爐火盛也。用黃連解毒湯加元參一劑。次日腫消咽利。又服二劑全愈。

徐曰。此偶觸火邪之輕症。

一男子勞甚。鬢間腫硬。肉色不變。余曰。勞傷氣血。溼痰毒滯之症。與外感時毒不同。又診脈細數而無力。為內傷損病。治當養氣血。調經脈。理勞續損。彼欲內消。自服仙方活命飲二劑。腫不見消。脾胃已損。又請一醫。乃行攻利。復損臟腑。此

字徐

數日後。飲食不進。便泄不止。

徐曰此必死之症

腫硬愈堅。痰涎愈甚。復請余視之。

余曰。今不可治。凡病有主末。治有權宜。此病初起。肉色不變者。血不足也。堅硬不熱者。脾胃弱也。脈細數而無力。正氣衰也。豈可用前有餘之藥。以攻不足之病。旋又強投溫中補劑。不應而死。

梟案此條當入鬢疽門。

### 時毒主治方

#### 荆防敗毒散

荆防敗毒散。桔梗。羌獨前柴芎人參。茯苓枳殼同甘草。寒甚加葱藥力行。治時毒初起。頭眩惡寒。腮項腫痛。脈浮者。

荆 芥

防 風

羌 活

獨 活

前 胡

柴 胡

川 芎

桔 梗

茯 苓

枳 殼各一錢

甘 草

人 參各五分

薑三片。水二鍾。煎八分。食遠服。寒甚加葱二枝。

徐曰。此為主方。惟人參不宜輕用。

五利大黃湯

五利大黃湯黃芩升麻梔子朴硝評。時毒掀腫大便秘。實熱用之即安寧。  
治時毒掀腫赤痛。煩渴便秘。脈實有力者。

大黃煨

黃芩

升

麻錢各二

芒硝

梔子各一錢五分

水二鍾。煎八分。空心服。未利者渣再煎服。

徐曰。此治陽明熱毒之方。大實熱者可用。

連翹消毒飲

連翹消毒飲芎歸赤芍牛蒡薄荷隨。黃芩花粉桔梗草。枳殼升麻並用宜。  
治時毒表裏二症俱罷。餘腫不消。疼痛不退者。

連翹

川芎

當歸

赤芍

牛蒡子

薄荷

黃芩

花粉

甘草

枳殼

桔梗錢各一

升麻五分

水二鍾。煎八分。食後服。便燥者。加酒製大黃。

徐曰。即前方意。

防風通聖散

防風通聖大黃芍。薄荷芎歸草朴硝。桔梗梔翹芩白朮。荆芥麻黃滑石膏。  
治時毒發寒發熱。煩躁口乾。表裏脈症俱實者。

防風

白芍

薄荷

川芎

桔梗

山梔

黃芩

白朮

當歸

連翹

荆芥

麻黃

滑石

石膏各一錢

甘草五分

芒硝一錢五分

大黃

酒炒一錢

水二鍾。煎八分。空心溫服。

徐曰。此乃治表裏俱熱之方。所謂兩解法也。須審定內外俱熱之症。乃可消  
息試用。

普濟消毒飲

普濟消毒飲芩連。元草參陳牛蒡攢。柴桔翹藍併馬勃。升麻殭蠶共水煎。

治時毒疫癘。初覺憎寒發熱。肢體沈重。次傳頭面作腫。或咽喉不利。舌乾口燥。煩渴不寧者。

黃芩

黃連各二錢

人參一錢

陳皮去白

元參

甘草

柴胡

桔梗各一錢五分

連翹

牛蒡子

馬勃

板藍根

升麻

僵蠶各五分

水二鍾。煎八分。食後服。如大便燥。加酒煨大黃一錢。或二錢。以利爲度。腫勢甚者。宜砭去惡血。

徐曰。此治陽明熱毒之方。亦治危急咽喉症。

又曰。此方甚雜。當對症選用。

梔案元參、牛蒡子、馬勃、板藍根、升麻、僵蠶。徐圈。王君謂方中升藥太多。用者極宜斟酌。

通氣散

通氣散內用延胡。羊躑躅花與藜蘆。川芎牙皂共爲末。撚於鼻內嚏沾濡。



治時毒掀腫疼痛。咽喉不利。語言不爽者。

延胡索一錢五分

川芎

牙皂各五

藜蘆三分

躑躅花二錢五分

共爲細末。用紙撚蘸藥少許於鼻內。取嚏爲效。

徐曰。備用可也。

托裏消毒散見腫門

治時毒表裏俱解。腫尙不退。欲作膿者。

牛蒡子湯

牛蒡子湯。首葛根。豆豉須用江西精。貫衆甘草各等分。煎嘗時毒可安寧。治時毒熱甚腫痛。脈數而無力者。

葛根

貫衆

甘草

江西豆豉

牛蒡子

半生半熟研各二錢

水二鍾。煎八分。食後服。

十全大補湯見續傷門

治時毒潰後。膿水清稀。形容消瘦。脾胃虛弱。飲食減少。虛熱不睡。自汗盜汗。及不收斂者。

時毒應用方

金黃散見腫瘍門

黃連解毒湯見疔瘡門

冰硼散見咽喉門

升麻解毒湯見楊梅瘡門

真君妙貼散見腫瘍門

癰瘤論

夫人生癰瘤之症。非陰陽正氣結腫。此句徐勒不通乃五臟瘀血濁氣痰滯所成。癰者陽也。徐曰癰瘡二症倒說了色紅而高突。或蒂小而下垂。瘡者陰也。徐曰此句當作癰者陰也色白而漫腫。徐曰瘡者亦有根大亦無癢痛。人所不覺。薛立齋分別甚詳。肝統筋。怒動肝火。血燥筋攣。曰筋瘤。心主血。暴急太甚。火旺逼血沸騰。復被外邪所搏而腫。曰血瘤。脾主肌肉。鬱結傷脾。肌肉消薄。上氣不行。逆於肉裏而為腫。曰肉瘤。肺主氣。勞傷元氣。腠理不密。外寒搏而為腫。曰氣瘤。腎主骨。恣慾傷腎。腎火鬱逼。骨無榮養而為腫。曰骨瘤。余謂筋瘤者。堅而色紫。纍纍青筋盤曲。甚者結若蚯蚓。治當

清肝解鬱。養血舒筋。清肝蘆薈丸是也。血瘤者。微紫微紅。軟硬間雜。皮膚隱隱纏若紅絲。擦破血流。禁之不住。治當養血涼血。抑火滋陰。安斂心神。調和血脈。芩連二母丸是也。肉瘤者。軟若縣。硬似鰻。皮色不變。不緊不寬。終年只似覆碗然。治當理脾寬中。疎通戊土。開鬱行痰。調理飲食。加味歸脾丸是也。氣瘤者。軟而不堅。皮色如故。或消或長。無熱無寒。治當清肺氣。調經脈。理勞傷。和榮衛。通氣散堅丸是也。骨瘤者。形色紫黑。堅硬如石。疔瘡高起。推之不移。昂昂堅貼於骨。治當補腎氣。養血行瘀。散腫破堅利竅。調元腎氣丸是也。此瘤之五名。治瘤之五法。徐曰諸癰物非服藥所能愈又立齋云。筋骨呈露曰筋癭。赤脈交結曰血癭。皮色不變曰肉癭。隨憂喜消長曰氣癭。堅硬不可移曰石癭。此癭之五名也。通治癭瘤初起。元氣實者。海藻玉壺湯。六軍丸。久而元氣虛者。琥珀黑龍丹。十全流氣飲。選服。自然縮小消磨。切不可輕用針刀掘破。此句徐出血不止。多致立危。久則膿血崩潰。滲漏不已。終致傷人。又一種粉瘤。作紅粉色。多生耳項前後。亦有生於下體者。全是痰氣凝結而成。宜拔針破去脂粉。此句徐以三品一條槍插入數次。此句徐以淨內膜自愈。又一種黑砂瘤。多生臀腿。腫突大小不一。以手攝起。內有黑色是也。亦用針刺。內出黑

砂有聲。此十字軟硬不一。又一種髮瘤。多生耳後髮下寸許。軟小高突。按之不痛。亦針之。粉髮齊出。又一種蛔蟲瘤。生於脇下。又一種蛆瘤。連生肩膊。以上數瘤。詳在後治驗中。非謬也。予觀古又有虱瘤焉。要皆五臟溼熱邪火濁氣瘀血所感而成。非正病也。

### 癰瘤看法

初起紅色光亮。微熱微痛。根脚浮淺。不堅實者輕。已成紅赤高腫。作熱掀痛。頂破皮穿。膿潰腫消者輕。已潰膿稠色鮮。根脚縮小。內肉漸生。外皮漸緊者順。潰後氣體平和。飲食如故。腫消痛止。口平收斂者順。初起肉色不變。寒熱漸生。根脚散漫。時或陰痛者險。已成堅硬如石。舉動牽強。咳嗽生痰。皮寒食少者逆。已潰無膿。惟流血水。腫不消。痛不止。脾氣衰弱者逆。破後血水不止。腫硬更增。敗腐不脫。吮氣惡心者死。

### 癰瘤治法

初起無表裏之症相兼。但結成形者。宜行散氣血。已成無痛無癢。或軟或硬。色白者。痰聚也。宜行痰順氣。已成色紅。堅硬漸大。微癢微疼者。宜補腎氣。活血散堅。形如茄蒂。瘤大下垂者。用藥點其蒂。茄落生肌收斂。已破流膿不止。瘤仍不消。宜健脾胃爲主。佐以化堅。已潰出血不常。瘤口開泛者。宜養血涼血。佐以清肝。潰後瘤腫漸消。脾弱不能收斂者。補腎氣。兼助脾胃。

### 癭瘤治驗

一男子臀瘤五年。形如覆瓢。按之隱隱黑色。此黑粉瘤也。以針破之。按出黑砂兼黑粉共約碗許。用三品一條槍插入患內。此九字徐勣批曰。宜用和平腐藥。十餘日。每次捺出黑膜。其瘤漸消。內服十全大補湯。健脾胃。養氣血。月餘而斂。

一男子腮上生瘤半年。形若覆桃。皮色不變。按之微紅。此粉瘤也。針破之。捺去脂粉。插前藥半月而愈。

一義烏兵士肩膊下連生小瘤五枚。三月後發。餘癢異狀。以手捫之。噲噲攻動如蝦。余謂此必有異蟲。以針破其一枚。先出紅水一匙。少頃。取出黑嘴粉紅蟲一



條。徐曰奇症形如蛆樣。長六七分。又破一枚亦然。其人漸覺昏暈。此泄氣之過也。餘瘤停針。服補中益氣湯數劑。用膏蓋已針者。又五六日。病者方健。漸次破之。仍用補藥十餘服而愈。

徐曰。確有此症。乃蟲瘤也。

一婦人及一女子。耳後髮際下一寸。各生一瘤。半年餘漸大。用針破之。先出脂粉。後出頭髮數根。徐曰奇症長約二尺餘。齊根剪斷。出血少許。俱用插藥數日。化出內膜而愈。以此觀之。知有髮瘤也。

一婦人腰間生一肉瘤。三年餘方漸微痛。一日潰後出小蛔三條。長約五寸。置溫湯中。游動半時方息。時病者形體衰弱。面黃肌瘦。朝以八味丸。徐曰八味丸午用人參養榮湯。徐曰人參養榮湯服至百日外。元氣漸醒。又百日其口方收。余意其蛔乃經絡氣血所化。

徐曰。此亦奇症。余見一人有蛔蟲數十條。肚皮內各處攻到。以藥敷之。則遞往他處。已愈其半。而此人一去竟不復來。不知其愈否。

一婦人氣衝穴生瘤。紅紫堅硬。乃血瘤也。心肝二脈俱已洪數。此心氣鬱結。肝氣



受傷之故。辭以不治。後請京師一醫治之。頭已穿潰。雖強投補托化堅涼血等劑。日潰日爛。終至不應。破經兩月。一日湧出紫血盆許而亡。人問其故。余曰。心脈洪數。心火旺也。肝脈弦數。肝氣傷也。火旺逼血妄行。肝傷不能藏血。破必出血不止。多致危亡。余所以預辭不治也。

徐曰。血瘤破後。往往不治。又曰。此症用大劑涼血補血之藥。亦有愈者。

### 癭瘤主治方

#### 清肝蘆薈丸

清肝蘆薈丸。芎芩。昆布。青連。阜地黃。海粉。當歸。甘草。節。筋。瘤。治宜用此方。治惱怒傷肝。致肝氣鬱結為瘤。堅硬色紫。纍纍青筋。結若蚯蚓。遇喜則安。遇怒則痛者。

|    |    |     |     |
|----|----|-----|-----|
| 川芎 | 當歸 | 白芍  | 生   |
| 青皮 | 蘆薈 | 昆布  | 海粉  |
|    |    | 各二兩 | 酒浸搗 |

甘草節

牙 阜

黃 連各五錢

右爲末。神麴糊爲丸。如梧桐子大。每服八十丸。白滾湯量病上下食前後服之。  
徐曰。方亦近理。但恐不能見效。  
梔案青皮、昆布、海粉、牙阜、徐圈。

芩連二母丸

芩連二母丸。芎芎。熟地。當歸。羚羊角。蒲黃。生地。與骨皮。甘草。柏葉爲丸服。  
治心火妄動。逼血沸騰。外受寒涼。結爲血瘤。微紫微紅。軟硬間雜。皮膚隱隱纏如紅絲。皮破血流。禁之不住者。

黃 連

黃 芩

知 母

貝 母

川 芎

當 歸

白 芍

生 地

熟 地

蒲 黃

羚羊角

地骨皮各等分

甘 草減半

右爲末。側柏葉煎湯。打寒食麵爲丸。如桐子大。每服七十丸。燈心湯送下。或作煎劑服之亦效。

徐曰。血瘤破後。用大補氣血之品。尙恐難效。此等丸藥那能取效。

### 順氣歸脾丸

順氣歸脾丸。貝母。烏附。香陳朮。茯神。棗仁。遠志。歸參等。木香。甘草。合歡根。治思慮傷脾。致脾氣鬱結。乃生肉瘤。軟如綿。腫似鰻。脾氣虛弱。日久漸大。或微疼或不疼者。

陳皮

貝母

香附

烏藥

當歸

白朮

茯神

黃耆

酸棗仁

遠志

人參

木香

甘草炙各三錢

右爲末。合歡樹根皮四兩煎湯。煮老米糊。丸如桐子大。每服六十丸。食遠白滾湯送下。

徐曰。肉瘤破。亦非此方所能治。

### 通氣散堅丸

通氣散堅丸。半夏。陳貝。芎歸。粉草。苓。香附。桔。菖。參。海藻。南星。枳。實。共黃芩。

治憂鬱傷肺。致氣濁而不清。聚結爲瘤。色白不赤。軟而不堅。由陰陽失度。隨喜怒消長者。

陳皮

半夏

茯苓

甘草

石菖蒲

枳實炒

人參

膽星

花粉

桔梗

川芎

當歸

貝母

香附

海藻

黃芩酒炒各等分

右爲末。荷葉煎湯泛爲丸。寒豆大。每服一錢。食遠。燈心二十根。薑三片。泡湯送下。

徐曰。此通治瘤之方。如欲用藥。亦不過如此耳。

### 調元腎氣丸

調元腎氣丸。參地。山藥。丹歸。萸澤。苓。麥冬。龍骨。香砂。柏。骨皮。知母。效如神。

治房慾勞傷。憂恐損腎。致腎氣弱而骨無榮養。遂生骨瘤。堅硬如石。形色或紫或不紫。推之不移。堅貼於骨。形體日漸衰瘦。氣血不榮。皮膚枯槁。甚者寒熱交作。飲食無味。舉動艱辛。脚膝無力。並宜服之。

生地酒煮搗膏四兩

黃肉

山藥

丹皮

茯苓各二兩

人參

歸身

澤瀉

麥冬搗膏

地骨皮

龍骨各一兩

木香

砂仁各三錢

黃柏鹽水炒

知母童便炒各五錢

右爲末。鹿角膠四兩。醇酒化稠。加蜜四兩。同煎滴水成珠。和藥爲丸。如桐子大。每服八十丸。空心溫酒送下。忌白蘿蔔火酒房事。

徐曰。此泛常補陰之方。非治瘤之法也。

### 海藻玉壺湯

海藻玉壺湯。貝陳。昆布芎歸連翹。青。半夏。獨活。甘草節。海帶。同煎。效有靈。治癭瘤初起。或腫或硬。或赤或不赤。但未破者。

海藻

貝母

陳皮

昆布

青皮

川芎

當歸

連翹

半夏

甘草節

獨活各一錢

海帶五分

水二鍾。煎八分。量病上下。食前後服之。凡服此門藥。先斷厚味大葷。次宜絕慾。

虛心爲妙。

徐曰。此亦癰瘤通治之方。

活血散癰湯

活血散癰湯。芍歸。青陳。芎半。地黃。隨。參苓。昆布。丹皮。草。紅花。肉桂。木香。陪。  
治癰瘤已成。日久漸大。無痛無癢。氣血虛弱者。

白芍

當歸

陳皮

川芎

半夏

熟地

人參

茯苓

丹皮

紅花

昆布

木香

甘草

青皮

肉桂

桂

水二鍾。煎八分。量病上下服。再飲酒一小杯。

徐曰。與前方意重。

六軍丸

六軍丸。內用蜈蚣。全蠍。僵蠶。蟬蛻。同。夜明砂。與穿山甲。諸種癰瘤。可見功。  
治癰瘤已成。未潰者。不論年月新久。並宜服之。



蜈蚣去頭足

蟬蛻

全蠍

僵蠶炒去絲

夜明砂

穿山甲

以上等分爲細末。神麴糊爲丸。粟米大。硃砂爲衣。每服三分。食遠酒下。忌大葷煎炒。日漸可消。

徐曰。此治結痰實症。不得概用。恐誤人。

### 枯瘤方

枯瘤方用白砒。硃砂。黃丹。輕粉。與斑蝥。乳香。沒藥。硃砂等。雄黃。田螺。米。粥。調。治瘤初起成形未破者。未破二字徐圖及根蒂小而不散者。不散二字徐圖

白砒

硃砂

黃丹

輕粉

雄黃

乳香

沒藥

硃砂各一錢

斑蝥二十箇

田螺去殼三枚晒乾切片

共研極細。糯米粥調和。捏作小棋子樣。曝乾。先灸瘤頂三炷。以藥餅貼之。上用黃柏末水調蓋敷藥餅。候十日外。其瘤自然枯落。次用斂口藥。

徐曰。此亦可修合備用。

楣案白砒、硃砂、斑蝥、田螺。徐圈。

又案蒂小而不散之瘤。有以蛛絲切之者。此本古方。吳廣文元禧言友人子牙縫生多肉。用此法而愈。是不獨可治瘤也。

### 秘傳斂瘤膏

秘傳斂瘤膏。血竭。輕粉。龍骨。海螵蛸。象皮。乳香。各等分。雞子熬油一處調。治癰瘤枯藥落後。用此搽貼。自然生肌完口。

血竭

輕粉

龍骨

海螵蛸

象皮

乳香各一錢

雞蛋黃十五枚熬油一錢熟用

以上各為細末。共再研和。入雞蛋油內攪勻。每日早晚甘草湯洗淨患上。雞翎蘸塗膏藥蓋貼。

徐曰。此方用處頗多。

### 琥珀黑龍丹

琥珀。黑龍丹。海帶。南星。血竭。五靈脂。海藻。木香。併京墨。麝香。加上更相宜。治五癰六瘤。不論新久。但未穿破者。

琥珀一兩

血竭二兩

京墨

五靈脂炒

海帶

海藻

南星薑汁拌炒各五錢

木香三錢

麝香一錢

以上各爲細末。和勻再研。煉蜜丸。一錢重。金箔爲衣。晒乾密收。每用一丸。熱酒一杯。量病上下食前後化服。如患在下部。服後隨用美膳壓之。徐曰。輕症初起者可用。

### 十全流氣飲

十全流氣飲。陳皮。赤茯苓。木香。烏藥。芎歸。芍。甘草。同煎。效最奇。治憂鬱傷肝。思慮傷脾。致脾氣不行。逆於肉裏。乃生氣癭肉瘤。皮色不變。日久漸大者。

陳皮

赤苓

烏藥

川芎

當歸

白芍各一錢

香附八分

青皮六分

甘草五分

木香三分

薑三片。棗二枚。水二鍾。煎八分。食遠服。

徐曰。此通治氣鬱之方。

楣案瘤中無粉砂等物。如肉瘤氣瘤血瘤之類。余所製消核膏。初起亦可貼。又秘方用甘遂大戟。芫花各四錢。研極細末。白酒調勻。圈在瘤根。留出其頂。另用生甘草二兩煎膏。圍在前藥之外。初起亦消。此方與消核膏同意。瘰癧應用方

三品一條槍

人參養榮湯

見癰門

補中益氣湯

八味丸

十全大補湯

見癰門

寒食麵

註末

### 肺癰論

夫肺癰者。金受火刑之症也。此句蓋肺為五臟華蓋。其位至高。其質至清。內主乎氣。中主聲音。外司皮毛。又兼主乎貴賤壽夭。金清而氣管深長者。其音自清。其韻自高。其聲自洪。此三者。主壽主貴。亦主通達。如金濁而氣管短細者。其音自焦。其韻自低。其聲自小。此三者。主夭主賤。亦主塞滯。故肺金獨旺於秋者。應其輕清之候也。倘有所尅。其病自生。患肺癰者。先因感受風寒。未經發越。停留肺中。初則毛

聳惡風。咳嗽聲重。胸膈隱痛。項強不能轉側。是其真候也。久則鼻流清涕。咳吐膿痰。黃色腥穢。甚則胸脇脹滿。呼吸不利。飲食減少。脈洪自汗。法當清金。甘桔湯主之。麥冬清肺飲調之。批麥冬禁服又久嗽勞傷。咳吐痰血。寒熱往來。形體消削。咯吐瘀膿。聲啞咽痛。其候傳為肺痿。如此者。百死一生。治宜知母茯苓湯主之。人參五味子湯調之。又有七情飢飽勞役損傷脾肺者。麥冬平肺飲主之。批麥冬禁服紫菀茸湯調之。又有房慾勞傷。丹石補藥消鑠腎水者。宜腎氣丸主之。金液戊土丹調之。又勞力內傷。迎風響叫。外寒侵入。未經解散。致生肺癰。初起脈浮微數。胸熱氣粗。寒熱往來。咳嗽生痰者。當以小青龍湯主之。麥冬清肺飲調之。麥冬通用金鯉湯。蠟礬丸。太乙膏。清金寧肺丸等。相間服之亦效。如手掌皮粗。六脈洪數。氣急顫紅。污膿白血。嘔噦澆水。鼻撮不澹。飲食者。俱為不治。此症以身涼脈細。膿血交流。痰色鮮明。飲食知味。膿血漸止者生。反此則死。

### 肺癰看法

初起脈浮虛細。身體不熱。咳嗽有痰。呼吸調勻者順。已成脈浮微數。咳吐膿痰。形

色鮮明。語聲清朗者吉。潰後咯吐膿痰。間吐鮮血。時發時止。飲食知味者順。吐膿漸漸稀少。胸脇不疼。面色微微帶黃。便調多穢者順。初起脈洪弦數。身熱多寒。胸疼氣喘。面紅多汗。損壽已成。咯吐膿痰。氣味淫臭。黃痰如膠黏固。脣反。終亡。咯吐再兼白血。氣急多煩。指甲紫而帶彎。終歸冥路。手掌反如枯樹。面豔顴紅。咽痛。音如鴨聲。鼻掀。終死。

### 肺癰治法

初起風寒相入。頭眩惡寒。咳嗽聲重者。宜解散風邪。汗出惡風。咳嗽氣急。鼻塞項強。胸膈隱痛。宜解表清肺。日間多寒。喜覆衣被。夜間發熱。多煩去被。宜滋陰養肺。口乾喘滿。咳嗽身熱。脈弦數者。宜降火抑陰。胸滿喘急。咳吐膿痰。身熱氣粗。不得安臥。宜平肺排膿。熱退身涼。脈來短濇。精神減少。自汗盜汗。宜補肺健脾。

徐曰。余平日因此證甚多。集唐人以來治肺癰之法。用甘涼之藥以清其火。滋潤之藥以養其血。滑降之藥以清其痰。芳香之藥以通其氣。更以珠黃之藥解其毒。金石之藥填其空。兼數法而行之。屢試必效。此條從河溪醫案采入



## 肺癰治驗

一義官仲冬時河道督工。不常迎風呼喚。致肺受傷。初起寒熱交作。咳嗽聲重。氣急生痰。請內科醫治。越治越重。乃請余視。脈浮而數。面光而澤。此肺癰也。視其痰。果有膿意。用桔梗湯二服。咳嗽稍止。復用排膿散四服。其膿漸多。惟胸膈疼痛不減。脈亦帶芤。此胸有瘀血也。用四順散加紅花、牡丹皮二服。吐出紫血碗許。膈痛漸止。又以金鯉湯兼人參、五味子間服。批人參五味子不可徐勒月餘而愈。

一男子久嗽不已。咳吐膿痰。面白神勞。胸中隱痛。脈浮微數。此屬肺氣不足。火尙有餘。用知母、茯苓湯數服。其膿漸少。又以清金寧肺丸服之而愈。

徐曰。未成肺癰。輕劑可愈。

一男子因勞傷咳嗽不止。至夜身熱尤甚。日久咯吐膿血。診之脈弦而數。此虛火假症也。先以童便日飲三四次。又服紫菀茸湯數劑。至夜身熱不發。又兼服金鯉湯。月餘漸瘳。蓋童便能退陰火。嘗治瘡瘍虛熱不退者。極效。

一男子鬱鬱不遂意。患嗽半年。時或咳吐膿血。且形體衰弱。飲食減少。脈亦微數。

聲漸將雌。惟面不紅。將成肺痿而尙可治。投以清金二母湯十餘服。咳吐減半。又以金鯉湯與人參五味子湯兼服。徐曰。如有風火服人參五味子必死。又早飲人乳。晚飲童便。各一鍾。調理百日外而安。

一男子生平好飲。口乾作渴。致肺壅熱成癰。咳吐膿痰。喘滿難臥。用葶藶散二服。而喘定易睡。又以紫菀茸湯和乾葛花粉十餘服。而膿痰漸少。隨後早以加減八味丸。此批。此五字。徐勒。午用清金寧肺丸。服之兩月而愈。

一男子五十餘歲。平素寵妾。膏粱無厭。咳嗽發熱。此二字。徐勒。吐痰腥臭。手掌枯澀。面隱微紅。痰中帶白血。脈亦細微而數。此肺癰所忌也。辭不治。他醫許其可生。強爲用藥。終不應而死。人或問故。余曰。手掌乾澀。血枯土傷。不能生金也。面色微紅。相火已動。痰有白血。正肺受傷。脈細而數。真氣虛敗。肺癰犯此。豈有不死。

### 肺癰主治方

#### 麥冬平肺飲

麥冬平肺飲。人參。赤芍。檳榔。赤茯苓。陳皮。甘桔。同成劑。肺癰咳嗽可回春。

治肺癰初起。用此方徐邪退後或初起豈可咳嗽氣急。胸中隱痛。嘔吐膿痰者。

人參

麥冬

赤芍

檳榔

赤苓

陳皮

桔梗各一

甘草五分

水二鍾。煎八分。食遠服。

### 元參清肺飲

元參清肺飲。柴陳。甘桔。檳榔。麥。茯苓。麥冬。骨皮。同薏苡。生薑。童便。效如神。

治肺癰咳吐膿痰。胸膈脹滿。上氣喘急發熱者。

元參八分

銀柴胡

陳皮

桔梗

茯苓

地骨皮

麥冬各一錢

薏苡仁二錢

人參

甘草各五分

檳榔三分

水二鍾。薑一片。徐曰。薑煎八分。臨服入童便一杯。食後服。

徐曰。此通治之方。然人參。麥冬。生薑。亦不宜輕用。

### 寧肺桔梗湯

寧肺桔梗湯。貝耆。歸。薑。枳殼。草。桑皮。防己。百合。葶。五味。米仁。知母。地骨皮。

治肺癰胸膈隱痛。兩脇腫滿。口燥咽乾。煩悶多渴。自汗盜汗。眠臥不得。時吐稠痰腥臭者。

桔梗

貝母

當歸

瓜蒌仁

黃耆

枳殼

甘草節

桑皮

防己

百合

米仁各八分

五味子

甜葶藶

地骨皮

知母各五分

水二鍾。薑三片。煎八分。不拘時服。咳甚。加百合。身熱。加柴胡。黃芩。大便不利。加蜜炙大黃一錢。小便澀滯。加燈心。木通。煩躁兼血。加白茅根。痛甚。加人參。白芷。徐曰。此亦通治之方。百合。五味。不可早用。

四順散

四順散內藥有五。桔梗。紫苑。貝母。同。甘草。杏仁。相協力。肺癰喘嗽。建奇功。治肺癰吐膿。五心煩熱。壅悶咳嗽。氣急不能安。

貝母

紫苑

桔梗各一錢五分

甘草

杏仁各七分

水二鍾。煎八分。食遠服。或爲末。白湯調服二錢。

### 清金寧肺丸

清金寧肺貝甘陳。地骨歸苓參桔苓。銀柴天麥芎連芎。五味白朮地熟生。  
治肺癰咳嗽日久。膿痰不盡。身熱虛羸。漸成勞瘵者。

陳皮

茯苓

桔梗

貝母

人參

黃芩各五

麥冬

地骨皮

銀柴胡

川芎

白芍

胡黃連各六錢

五味子

天門冬

生地酒浸

熟地搗膏

歸身

白朮各二

甘草二錢

右爲細末。煉蜜爲丸。如梧子大。每服七十九。食遠白滾湯送下。

徐曰。肺藏之痰。用蜜丸之藥。此不知用藥法度者。其方亦雜而無紀。

### 人參五味湯

人參五味湯。陳朮。耆桔。歸苓。枳地。黃桑皮。柴前地。骨草。肺癰虛乏可煎嘗。  
治氣血勞傷。咳膿或咯血。寒熱往來。羸瘦困乏。一切虛損之症。

人參

五味子

前胡

陳皮

白朮

桔梗

當歸

茯苓

熟地

甘草各一錢

黃耆

地骨皮

桑白皮

枳殼

柴胡各五分

水二鍾。薑三片。煎八分。食後服。

徐曰。雜亂無紀。後世習外科者。皆無本之學。此種方外科書極多。不足取也。  
楣案此方徐×

紫菀茸湯

紫菀茸湯。參犀角。冬花桑葉。草半夏。杏仁。百合。與阿膠。貝母。蒲黃。薑共下。  
治膏梁厚味。或煎炒法酒。飲食過度。致傷肺氣。咳嗽咽乾。吐痰唾血。喘急脇痛。  
不得安臥。

紫菀茸

犀角

炙甘草

人參各五分

桑葉用經霜者

款冬花

百合

杏仁

阿膠

貝母

半夏

蒲黃生各七分



水二鍾。薑三片。煎八分。入犀角末。食後服。

徐曰。咳血多而傷肺者。此方爲宜。血症中亦可採用。  
梔子。紫菀。茸。桑葉。款冬花。蒲黃。徐圜。

### 排膿散

排膿散內用黃耆。白芷。人參。五味。宜。每服三錢。蜜調下。肺癰痰氣效神奇。  
治肺癰已吐膿後。宜服此排膿穢。補肺氣。

黃耆

白芷

五味子

人

參各等

右爲細末。每服三錢。食後蜜湯調服。

徐曰太斂。

### 知母茯苓湯

知母。茯苓。湯。桔。芩。薄荷。五味。草。人參。柴。半。冬。花。芎。白。朮。阿膠。麥冬。補肺經。  
治肺痿喘嗽。咳吐痰涎。或自汗盜汗。往來寒熱。

茯苓

黃芩各一錢

知母

甘草

桔梗

薄荷

人參

五味子

柴胡

半夏

川芎

款冬花

白朮

阿膠

麥冬

各六分

水二鍾。薑三片。煎八分。加童便一杯。食後溫服。

徐曰。太雜不成方。

### 滌痰湯

滌痰湯內二陳先。麥冬枳實膽星煎。人參桔梗與黃連。竹茹加上病安痊。治心火剋肺金。久而不愈。傳為肺痿。咽嗑雌啞。胸膈痞悶。嘔吐痰涎。喘急難臥者。

陳皮

半夏

茯苓

甘草

麥冬

膽星

枳實

黃連

人參

桔梗

各五分

竹茹

一錢

水二鍾。煎八分。食後服。

### 寧肺丸

寧肺丸中二般藥。烏梅栗殼去筋膜。每服二錢功最效。肺癰肺痰同堪嚼。

日久嗽咯吐膿血。胸膈不利。咳嗽痰盛。坐臥不安。言語不出。甚則聲音雌啞者。

烏梅蜜拌蒸取肉  
入錢搗膏

鴛栗殼去膜蜜拌炒  
爲末一兩

徐曰。此等方非試過不得輕用。

### 清金二母湯

清金二母湯。芩桔。知骨蘇。柴朮。杏苓。瓜桑。五味。陳皮。麥。甘草。當歸。效共呈。  
治肺痿多嗽少痰。午後發熱。口乾煩躁不寧者。

知母

貝母

桔梗

茯苓

當歸

白朮

陳皮錢各一

桑皮

紫蘇

杏仁

柴胡

瓜蒌仁

黃芩

五味子

甘草

麥冬各五  
分

水二鍾。煎八分。入童便一杯。食後服。

徐曰。太雜。

### 梔子仁湯

梔子仁湯。大青葉。石膏。淡豉。共黃芩。杏仁。知母。赤芍藥。升麻。柴胡。甘草。行。

治肺痿發熱潮熱。或發狂亂。煩躁面赤咽痛者。

梔子仁

赤芍

大青葉

知母

各七分

黃芩

石膏

杏仁

升麻

各一錢

柴胡六分

甘草五分

淡豆豉百粒

水二鍾。煎八分。食遠服。

徐曰。此大寒之劑。必見熱毒症。乃可酌用。

加味理中湯

加味理中湯。半夏。茯苓。白朮。共陳皮。乾薑。細辛。併甘草。人參。五味。效同。催。治肺胃俱虛。咳嗽聲重。發熱不已。及兼脈浮數而無力者。

炙甘草

半夏

茯苓

乾薑

炮

白朮

陳皮

細辛

五味子

人參各五分

水二鍾。煎八分。食遠服。

徐曰。此等方。非治肺癰。乃治患肺癰之時。另見純寒欲脫之症耳。

金鯉湯

金鯉湯方破魚腹。惟將貝母糝之宜。再加童便重湯頓。服盡此魚病可醫。  
治肺癰已成未成。胸中隱痛。咯吐膿血者。

金色活鯉魚四尾約一兩重

貝母一錢

先將鯉魚連鱗剖去肚腸。勿經水氣。用貝母細末糝在魚腹內。線紮之。用上白童子小便半大碗。將魚浸童便內。重湯頓煮。魚眼突出為度。少頃取起。去鱗骨。取淨魚肉浸入童便內頓熱。肉與童便作二三次一日食盡。其功效甚捷。  
徐曰。此單方也。

葶藶散

葶藶散中薏苡仁。甘草桑皮同葛根。瓜蒌升麻桔梗等。肺癰服下可回春。  
治過食炙燂。或飲酒過度。致肺熱氣壅。喘急不臥。及肺癰濁吐腥臭。胸膈脹滿不食者。

桔梗

瓜蒌仁

升麻

米仁

桑皮

葛根各一錢

炙甘草五分

甜葶藶八分

徐曰。此清肺之方。亦不治肺癰。

### 腎氣丸

腎氣丸中澤瀉蒸。茱萸山藥白雲苓。丹皮熟地同春爛。丸服忻然心腎寧。  
治腎氣素虛。不交於心。津液不降。敗濁爲痰。致生欬逆。

乾山藥四兩

山茱萸去核四兩

澤瀉蒸

牡丹皮白者佳

白茯苓各三兩

熟地用生者八兩酒拌  
砂器蒸半日搗膏

右爲末。地黃煮爛杵膏。蜜丸如桐子大。每服七八十丸。空心用滾湯或鹽湯溫酒送下。

徐曰。有附、桂者。名腎氣丸。此名六味地黃丸。

又曰。此緩治之法。亦不甚切。

梟案全生集治肺疽法。似較有把握。大略謂此症吐膿多白。當稱肺疽。初起有兩脚骨疼痛者。或脚骨不痛。而舌下生如細豆一粒者。再心口之上微痛。咳嗽口乾咽燥。此皆肺中生毒之兆。即用生甘草、桔梗各三錢煎服。如覺稍安。肺疽無疑。投以犀黃丸。十服可全愈。此是預識預治。百無一死之法。世人



但見脚痛。便去醫脚。見嗽醫嗽。舌生細粒。使用刀刺。凡肺毒輕者。粒色必淡。毒愈亦消。重者色必紫黑。刀刺立危。惟犀黃丸治無不效。貧人無力服犀黃丸。以陳年醃芥菜滷。每晨取半杯。用滾豆腐漿和服。服後胸中定有一塊塞上塞下。塞至數次。方能連吐惡膿。日服至愈乃止。凡患此症者。終身戒食鴨蛋、白鰲、紅蘿蔔、石首魚、著甲魚。食則復發難生。服醃芥菜滷法亦見他書

### 肺癰應用方

金液戊土丹

見脫疽門

徐曰。千金葦莖湯爲肺癰主方。此反遺之。何也。今附錄於後。

### 千金葦莖湯

治欬有微熱。煩滿。胸中甲錯。此六字徐圖是爲肺癰。

葦莖二升

薏苡仁半升

桃仁五十枚

瓜瓣半升

右四味。以水一斗。先煮葦莖得五升。去渣。納諸藥。煮取二升。服一升。再服。當吐如膿。

外科正宗卷六 肺癰主治方

徐評外科正宗

明崇川陳實功著  
清海寧許辛木訂  
清吳江徐靈胎評  
鄞縣曹炳章校

卷七

流注論

夫流者行也。乃氣血之壯。自無停息之機。注者住也。因氣血之衰。是有凝滯之患。  
楣案流注者其毒流走而竄注也此解似非其形漫腫無頭。皮色不變。毋論穴道。隨處可生。凡得此者。  
多生於體虛之人。勤勞之輩。不慎調燮。夏秋露臥。縱意取涼。熱體當風。圖身快爽。  
或中風邪。發散未盡。或慾後陰虛。外寒所侵。又或惱怒傷肝。鬱結傷脾。榮氣不從。  
逆於肉裏。又或跌打損傷。瘀血凝滯。或產後惡露未盡。流宿經絡。皆成斯疾。既成

之後。當分表裏寒熱虛實。邪正新久而治之。初因風寒所中。表症發散未盡者。人參敗毒散散之。房慾之後。體虛寒氣外侵者。五積散加附子溫之。附子徐勒勞傷鬱怒。思慮傷脾而成者。歸脾湯加香附。青皮散之。跌撲傷損。瘀血凝滯而成者。復元活血湯逐之。產後惡露未盡。流注經絡而成者。木香流氣飲導之。此皆初起將成治法。一服至三四服皆可。外俱用琥珀膏敷貼。其中亦有可消者。十中五六。如服前藥不得內消者。法當大養氣血。徐曰尤當消痰。培助脾胃。溫暖經絡。通行關節。木香流氣飲。十全大補湯。俱加熟附子。熟附子徐勒。培助根本。如此則未成者自消。已成者自潰。已潰者自斂。而終無殘敗破漏不斂之症。如有膿。宜急開之。患者又當慎起居戒七情遠寒就溫。庶可保全。若誤用寒涼。剋伐內消等藥。終至不救者多矣。

徐曰。流注有虛痰實痰兩種。

又曰。流注一證。由風寒入膜所致。膜在皮中。旁通四達。初無定處。所以隨處作患。此真脈絡之病。故古人製大活絡丹以治之。其餘煎丸皆非正治。蘇州一小兒甫九歲。患流注。肩背腰脅十餘處。百端醫治無效。余曰。此惟大活絡丹能愈。服至三十餘丸。未破者消。已破者收口。更服補氣血之藥而愈。此條從洞溪醫案采入。

## 流注看法

初起漫腫。皮色光亮。微熱微疼。筋骨不牽強者順。已成身體微熱。飲食有味。疼痛有時。腫生紅色者順。已潰膿稠而黃。腫消痛止。身體輕便。起坐如常者順。潰後內肉易生。膿水易止。精神易復。膿口易合者順。初起身體發熱。脈細而數。皮色微腫。痛徹筋骨者險。已成飲食少思。口乾作渴。身體疼痛。四肢沉重者險。已潰膿水清稀。腫仍不消。虛熱不退。疼痛不減者逆。潰後膿穢不止。肌膚瘦削。飲食不食。發熱皮粗者死。

徐曰。看法亦與諸症同。

## 流注治法

初起風寒表散未盡。而後復生腫痛者。再宜和解之。表邪已盡。而後復生流注者。宜清熱消腫。行散氣血。暴怒所傷。抑鬱所致。胸膈痞悶。中氣不舒。宜順氣寬中。腫硬已成。而不得內消者。宜和氣血。更兼補助脾胃。跌撲閃肭。瘀血凝滯為患者。宜

調和氣血。通行經絡。寒邪所襲。筋攣骨痛。及偏身疼痛者。溫經絡。行氣血。產後敗血流注關節。致生腫痛者。當散敗瘀。養氣血。潰後膿水不止。而形衰食少者。宜滋氣血。峻補脾胃。

徐曰。亦與諸症同。

### 流注治驗

一男子風寒表散未盡。兩腮腫痛。微熱不退。用小柴胡湯加川芎、天花粉、徐勒桔梗、連翹二服。熱頓退。又以二陳湯加桔梗、黃芩、牛蒡子、連翹四服。十日而安。

徐曰。此乃風痰。非流注也。

一男子勞傷受寒。背生三腫。皮色不變。寒熱交作。至夜尤甚。先以萬靈丹洗浴發汗。寒熱頓退。惟腫硬不消。以琥珀膏敷之。三次。腫消痛止。漸平。

徐曰。此亦風痰所聚。

一婦人因怒脇下結腫。將近半年方痛。此肝氣鬱結之症。用木香流氣飲四服。其腫漸紅。蓋病久必欲作膿。不可內消。又以十全大補湯徐曰加木香、香附、青皮。



十餘服。腫漸高。又以本方加阜角刺。五服。其膿乃潰。清而且多。此元氣已經虧損所致。服人參養榮湯加熟附子。此味月餘。膿始稠少。本方倍參耆歸。而愈。兩月而愈。

一男子元氣素虛。因暴怒。膊生腫塊。疼痛牽強。寒熱往來。飲食日減。以補中益氣湯。此五字徐勒加香附、貝母。十餘服。寒熱漸止。又服益氣養榮湯。月餘而腫潰。間服八珍湯。外用香附餅日灸二次。徐日亦脾胃健而安。

一孀婦項間乳上各腫一塊。將近一年。漸大而痛。診之脈細數而無力。此思慮過傷之症。用歸脾湯加桔梗、香附。十餘服。腫漸高。以琥珀膏敷之。色漸紅。欲其作膿。以十全大補湯加桔梗、貝母服之。半月膿熟。針之。頭腐膿清。虛熱復作。食少不睡。仍以歸脾湯間逍遙散服之。三月而愈。

一男子平素怯弱。腰後微腫一塊。飲食少思。口乾發熱。此腎傷也。治當朝以附桂八味丸。以批上七字徐午用人參養榮湯。扶植根本為要。彼以口乾發熱為內有火。徐日既有此症。欲投清涼之劑。解之。徐日其死亦不以余辭不治。彼請內科治之。以退熱為主。正合其意。投藥三劑。腹痛作瀉。又以豬苓、澤瀉、厚朴。此三味

日大泄氣等藥投之。大熱發作。形體更變。復請余治。余曰。死期速矣。因虛致病。法當滋補。況腫在腰間。內腎受傷。口乾作渴。腎水枯竭。發熱不退。陰虛血少。今以有餘之藥。而療不足之症。豈有不死者哉。又半月而死。徐曰。以上所載六案。皆係痰毒。並非流注之病。流注者。纏綿不已。或五或七。或九。愈者愈。發者發。變態萬端。若初生一兩箇。旋即消潰。皆非真流注也。

### 流注主治方

#### 調和榮衛湯

調和榮衛湯。芎歸。獨活。甘草。耆。大茴。赤芍。白芷。併烏藥。牛膝。紅花。兼陳皮。治流注初起。氣血凝聚。結腫不散。已成未成。並服。

川芎

當歸

陳皮

獨活

錢各一

赤芍

白芷

烏藥

大茴香

黃耆名八分

甘草炙

紅花各五

牛膝下部

水二茶鍾。煎八分。入酒一杯。量病上下服。

徐曰。通治之方。但少痰藥。  
梔案大茴香一味徐勒批曰。此味不解。

### 木香流氣飲

木香流氣飲。芎歸。蘇桔。青陳。烏澤。枳殼。檳。苓。防。枳。實。膝。甘。半。芍。大腹皮。  
治流注癰癰。及鬱結為腫。或血氣凝滯。徧身走注作痛。或心胸痞悶。咽嗝不利。  
脇腹膨脹。嘔吐不食。上氣喘急。咳嗽痰盛。或四肢面目浮腫者。

川芎

當歸

紫蘇

桔梗

青皮

陳皮

烏藥

黃耆

枳實

茯苓

防風

半夏

白芍

錢各一

甘草

大腹皮

木香

檳榔

澤瀉

枳殼

各五

牛膝

下部加一錢

水三茶鍾。薑三片。棗一枚。煎八分。食遠服。

徐曰。此流注主方。藥味太雜。宜擇用。

梔案。青皮。烏藥。大腹皮。木香。檳榔。徐圈。

六鬱湯

六鬱湯內用川芎。半夏陳苓香附同。甘梔蒼朮砂仁等。濕痰流注即時通。治諸鬱結腫。及左右二搭相串。濕痰流注等症。

川芎

半夏

茯苓

香附

陳皮

山梔錢一

蒼朮

砂仁

甘草各五分

水二茶鍾。薑三片。煎服。

附子八物湯

附子八物湯芎芩。熟地人參朮茯苓。甘草肉桂當歸等。木香薑棗效如神。治房慾後陰虛受寒。致生腫塊。又或偏身腿脚疼痛。不能步履。

川芎

白芎

熟地

人參

白朮

茯苓

當歸

附子各一錢

肉桂五分

木香

甘草各三分

水二茶鍾。薑三片。棗一枚。煎八分。食遠服。

徐曰。此通治虛寒之方。非流注之方。凡立方總當兼顧本症一二。不可全不照應。

### 瘡科流氣飲

瘡科流氣飲芎歸。甘桔蘇櫟芍桂耆。防風枳殼香烏藥。白芷人參厚朴隨。治流注。及一切鬱怒凝滯氣血。作腫疼痛。或胸膈痞悶。或風寒濕毒搏於經絡。結成腫塊者。

當歸

甘草

紫蘇

人參

白芍

官桂

黃耆

防風

枳殼

烏藥

桔梗

厚朴

櫟榔

木香

川芎

白芷

水二茶鍾煎八分。食前服。

徐曰。此亦流注通治之方。與前義同。

### 通經導滯湯

通經導滯湯香附。赤芍芎歸熟地隨。陳丹枳蘇甘草節。牛膝紅花獨活宜。

治婦人產後敗血流注經絡結成腫塊疼痛者。

香附

赤芍

川芎

當歸

熟地

陳皮

紫蘇

牡丹皮

紅花

牛膝

枳殼

甘草節

獨活

各五分

水二茶鍾煎入分。入酒一小杯。食前服。

徐曰。亦與前方相同。皆重出。

### 香附餅

香附餅用香附末。酒和調成。患上安。熨斗將來乘熱熨。兼資火力散風寒。治風寒流注襲於經絡。結成腫痛。用香附爲末。酒和。量瘡大小做餅。覆患處。熱熨斗熨藥上。未成者自消。已成者自潰。風寒濕毒。宜薑汁作餅。

徐曰。外治良法。

### 醒脾湯

醒脾湯中參朮耆。黃連酸棗地骨皮。茯神遠志柴甘桔。木香香附龍眼宜。



治懷抱鬱結。思慮傷脾。致脾氣不行。逆於肉裏。乃生壅腫。疼痛不眠。心煩不安。神氣不清。

白朮

黃耆

人參

茯苓  
神錢各一

酸棗仁

地骨皮

遠志  
各七

柴胡

甘草

桔梗

黃連

木香

香附  
各五

龍眼肉  
七箇

水二茶鍾。薑三片。棗二枚。煎八分。不拘時服。

徐曰。即歸脾湯意。

### 調中大成湯

調中大成湯。朮附。苓歸。芍藥。藿參耆。砂仁。遠志。丹陳草。黑棗二枚。薑用煨。治流注潰後。膿水清稀。飲食減少。不能生肌收斂。

白朮

茯苓

歸身

白芍

陳皮

山藥

牡丹皮

黃耆  
各一錢

人參  
二錢

藿香

砂仁

遠志

甘草各五分

附子

肉桂各八分

水二茶鍾。煨薑三片。棗二枚。煎八分。食遠服。

徐曰。此病後調養方。

### 黃耆六一湯

黃耆六一湯。參草三味同煎。功不小。流注膿多。併作湯。更兼煩躁。煎嘗好。

治流注潰後。膿水出多。口乾作渴。煩躁不寧。

黃耆六錢半生 甘草半錢五分炙 人參一錢

水二茶鍾。煎八分。食遠服。

### 散血葛根湯

散血葛根湯。半夏芎防羌葛芷升麻。甘草細辛。併蘇葉。桔梗香附。與紅花。

治跌撲損傷。瘀血凝滯。結成流注。身發寒熱者。

乾葛

半夏

川芎

防風

羌活

升麻

桔梗各八分

白芷

甘草

細辛

蘇葉

香附

紅花各六分

水二茶鍾。葱白三枚。薑三片。煎八分。不拘時服。

徐曰。如果敗血。當更加血分藥。此方尙未到。

### 先天大造丸

先天大造丸。歸杞。朮地參。苓菟蓂黃。烏茅巴骨。故紙膝。車志。青鹽。棗二香。治風寒濕毒。襲於經絡。初起皮色不變。漫腫無頭。或陰虛外寒侵入。初起筋骨疼痛。日久遂腫。潰後膿水清稀。久而不愈。漸成漏症者。

紫河車一具。黃耆。搗膏。

熟地黃四兩。酒。黃耆。搗膏。

歸身

茯苓

人參

枸杞

菟絲子

肉蓯蓉酒洗。搗膏。

黃精

白朮

何首烏

去皮。用黑豆同蒸。搗膏。

川牛膝

骨碎補去白。微炒。

仙茅

浸去赤汁。蒸熟。去皮。搗膏。各二兩。

川巴戟去骨。

破故紙炒。

遠志

去心。炒。各一兩。

木香

青鹽各五錢。

丁香三錢。

黑棗肉二兩。

右爲細末。煉蜜丸。如桐子大。每服七十丸。空心溫酒送下。此方非獨流注成漏。

者可用。又補一切氣血虛羸。勞傷內損。及男婦久無嗣息。並有奇功。

徐曰。此通治補藥。病後調養法。

又曰。此虛人潰後補藥。初起禁用。

### 琥珀膏

琥珀膏中用大黃。南星。白芷。鬱金香。同蒜搗稠敷患處。提毒之法。此爲良。治一切皮色不變。漫腫無頭。氣血凝滯。結成流毒。毋論身體上下。年久新久。但未成膿者。

大黃二兩

鬱金

南星

白芷各一兩

共爲細末。用大蒜頭去殼搗爛。入上藥再搗稠。入酒一二匙調勻。徧敷腫上。紙蓋。或即熱痛。或不痛。俱待藥乾便效。次日又有起泡。又有不起泡者。如有泡起。挑去泡中黃水。膏貼之自效。

徐曰。此弔毒法。亦有必當用之法。

又曰。此提毒之法。毒淺者自消。凡一切無頭腫痛之症俱效。梔案余所製消核膏。流注初起。貼之可消。

附錄大活絡丹

治一切中風癱瘓。痿痺痰厥。拘攣疼痛。癰疽流注。跌撲損傷。小兒驚癇。婦人停經。

|                    |                   |                   |                     |
|--------------------|-------------------|-------------------|---------------------|
| 白花蛇                | 烏梢蛇               | 威靈仙               | 兩頭尖                 |
| <small>俱酒</small>  |                   |                   |                     |
| 草烏                 | 天麻                | 全蠍                | 首烏                  |
| <small>煨</small>   | <small>煨</small>  | <small>去毒</small> | <small>黑豆水浸</small> |
| 龜板                 | 麻黃                | 貫仲                | 炙草                  |
| <small>炙</small>   |                   |                   |                     |
| 羌活                 | 官桂                | 藿香                | 烏藥                  |
|                    |                   |                   |                     |
| 黃連                 | 熟地                | 大黃                | 木香                  |
|                    |                   | <small>蒸</small>  |                     |
| 沉香                 | 細辛                | 赤芍                | 沒藥                  |
| <small>各二兩</small> |                   |                   | <small>去油</small>   |
| 丁香                 | 乳香                | 僵蠶                | 天南星                 |
|                    | <small>去油</small> |                   | <small>薑製</small>   |
| 青皮                 | 骨碎補               | 白芷                | 安息香                 |
|                    |                   |                   | <small>酒熬</small>   |
| 黑附子                | 黃芩                | 香附                | 元參                  |
| <small>製</small>   | <small>蒸</small>  | <small>酒浸</small> |                     |
| 白朮                 | 防風                | 葛根                | 虎脰骨                 |
| <small>各一兩</small> | <small>二兩</small> |                   | <small>炙</small>    |
| 當歸                 | 血竭                | 地龍                | 犀角                  |
| <small>各半</small>  | <small>七錢</small> | <small>炙</small>  |                     |

麝香

松脂各五錢

牛黃

片腦各一錢半

人參三兩

右藥各研稱準。合和再研。蜜丸如桂圓核大。金箔爲衣。陳酒送下。須用白蠟爲匱收藏。以免泄氣。

徐曰。頑痰惡風。熱毒瘀血。入於經絡。非此不能透達。乃治肢體大症必備之藥。他書活絡丹祇用地龍。乳香等四五味。乃治藜蘿人實邪之方。不可用。流注應用方

十全大補湯

人參養榮湯

補中益氣湯

歸脾湯

益氣養榮湯

八珍湯俱見傷門

萬靈丹見腫瘍門

小柴胡湯

二陳湯俱見瘰癧門

### 乳癰乳岩論

夫乳病者。乳房爲陽明胃經所司。乳頭爲厥陰肝經所屬。乳子之母。不能調養。以致胃汁濁而壅滯爲膿。又有憂鬱傷肝。肝氣滯而結腫。初起必煩渴嘔吐。寒熱交



作腫痛甚者。宜牛蒡子湯主之。厚味飲食。暴怒肝火妄動。結腫者。宜橘葉散散之。又憂鬱傷肝。思慮傷脾。積想在心。所願不得。致經絡痞澀。聚結成核。初如豆大。漸若圍棋子。半年一年。二載三載。不疼不癢。漸漸而大。始生疼痛。痛則無解。日後腫如堆栗。或如覆碗。紫色氣穢。漸漸潰爛。深者如岩穴。凸者若泛蓮。疼痛連心。出血則臭。其時五臟俱衰。四大不救。名曰乳岩。凡犯此者。百人必百死。知覺若早。姑用清肝解鬱湯。或益氣養榮湯。患者再加清心靜養。無罣無礙。服藥調理。尚可苟延歲月。若中年已後。無夫之婦得此。其死尤速。故曰。夫乃婦之天也。惟初生核時。急用艾灸核頂。待次日起泡挑破。用拔針針入四分。此句徐勣批曰。必更用冰蠟散。條插入核內。此四字糊紙封蓋。至十三日。其核自落。用玉紅膏生肌斂口。再當保養。庶不再發。又男子乳癰。與婦人微異。女損肝胃。男損肝腎。蓋怒火房慾過度。以致肝虛血燥。腎虛精怯。血脈不得上行。肝筋無以榮養。遂結腫痛。治當八珍湯加山梔、牡丹皮。八珍湯徐勣口乾作渴者。加減八味丸。八味丸徐勣腎氣素虛者。腎氣丸已潰作膿者。十全大補湯。懷孕之婦乳疾。曰內吹。因胎氣旺而上衝。致陽明乳房作腫。宜石膏散清之。此句徐勣批曰。不可用寒。亦可消散。遲則遷延日久。將產出膿。乳汁亦從膿竅。

流出。其口難完。有此者純用補托生肌。其口亦易完矣。

徐曰。乳病有數種。種種各別。須知之。

又曰。乳腫不同。俱係陽明結氣結痰。各有專方。一概瞎藥。皆有損無益也。

### 乳癰乳岩看法

初起紅赤腫痛。身微寒熱。無頭眩。無口乾。微疼者順。已成掀腫發熱。疼痛有時。一囊結腫。不侵別囊者輕。已潰膿黃而稠。腫消疼痛漸止。四邊作癢生肌者順。潰後膿水自止。腫痛自消。新肉易生。膿口易合者順。初起一乳通腫。木通不紅。寒熱心煩。嘔吐不食者逆。已成不熱不紅。堅硬如石。口乾不眠。胸痞食少者逆。已潰無膿。正頭腐爛。腫勢愈高。痛勢愈盛。流血者死。潰後肉色紫黑。痛苦連心。吮氣日深。形體日削者死。

徐曰。乳癰與乳岩。各有看法。此乃乳癰看法也。

### 乳癰乳岩治法

初起發熱惡寒。頭眩體倦。六脈浮數。邪在表。宜散之。發熱無寒。惡心嘔吐。口乾作渴。胸膈不利者。宜清之。憂鬱傷肝。思慮傷脾。結腫堅硬微痛者。宜疎肝行氣。已成掀腫發熱。疼痛有時。已欲作腫者。宜托裏消毒。膿已成而脹痛者。宜急開之。脾胃虛弱。宜更兼補托。潰而不斂。膿水清稀。腫不消。疼不止。宜大補氣血。結核不知疼痛。久而漸大。破後惟流污水。宜養血清肝。

徐曰。此亦是乳癰治法。乳岩無治法。不過使之遷延歲月。不致痛苦惡具而已。

### 乳癰乳岩治驗

一婦人因怒。左乳腫痛。寒熱交作。服人參敗毒散一劑。人參敗毒散徐勒批曰不切。表症已退。又用牛蒡子湯二服。腫消漸安。

一婦人憂思過度。久鬱成癆。左乳結核如桃。徐曰此核此半年。似痛非痛。咳嗽生痰。身發潮熱。診之脈微數而無力。此真氣雖弱。而邪火尙未有餘。如用藥合理。尙堪調治。先用逍遙散加香附、貝母十餘服。而咳嗽漸止。寒熱間作。又用八珍湯加香附、牡丹皮、柴胡、遠志十餘服。身熱去其八九。又服益氣養榮湯加青皮、木香。

兩月餘。胸膈得利。噯氣得舒。飲食漸進。肌膚漸澤。外腫以阿魏化痞膏貼之。半年餘而消。

一婦人右乳疼痛。腫如覆碗。診之。脈數有力。此有餘症。欲作膿也。用托裏消毒散。數服而脹痛針之。出膿碗許。又用十全大補湯加香附。十餘服而安。

徐曰。此是乳癰實症。如乳子之時有此。乃是外吹也。

一婦人暴怒。左乳結腫疼痛。自服仙方活命飲二劑。疼痛稍止。結腫不消。仍服清涼敗毒之劑。清涼二字徐勒腫痛更作。形體日弱。診之。脈浮數而無力。此真氣虛而邪氣實也。非補不可。用益氣養榮湯四五服。其腫始高。寒熱亦退。又十餘服而膿潰。兼服十全大補湯。兩月而痊。此症非純補。豈能得愈。純補二字徐勒批

一男子年過五旬。因妻喪子不成立。憂鬱傷肝。左乳結腫。半年痛甚作腐。肝脈弦數。先用小柴胡湯加青皮、山梔、遠志、貝母。數服而肝脈稍平。又用八珍湯。仍加前藥。十餘服。其腫漸腐爲膿。更服益氣養榮湯。庶保收斂。彼爲內醫所惑。謂鬱怒傷肝。肝經有火。不必用補。更服降火流氣寬中等劑。致食少便秘。發熱作渴。復請余治。肝脈復弦。口乾作渴。邪火內淫。飲食減少。脾土受傷。便秘發熱。陰血



竭而爲燥爲熱。已上俱內損症也。辭不治。後月餘果死。

徐曰。此卽男子乳岩。本屬難治。

一婦人左乳結核。三年方覺腫痛。診之。脈緊數而有力。此陽有餘而陰不足也。況結腫如石。皮肉紫色不澤。乃真乳岩症。辭不治。又一婦左乳結腫。或小或大。或軟或硬。俱不作痛。至半年餘。腫如覆碗。堅硬木痛。近乳頭纍纍偏生。疔瘡時痛。時癢。診之。脈弦而數。腫色慘黑不澤。此氣血已死。亦辭不治。又一婦已潰。腫如泛蓮。流血不禁。亦辭之。後果俱死。

徐曰。此段所述。皆真乳岩。無愈理。

楣案余所製消核膏。凡乳核初起。無內症。貼之。無不消者。但除根甚難耳。因循不治。變爲乳岩。則難治。乳岩潰後。宜貼陽和解凝膏。近見刻本經驗良方。載以鴉片灰作糝藥。亦有得愈者。附記于此。

又案全生集乳岩治法。初起用犀黃丸。每服三錢。酒送十服。全愈。或以陽和湯加土貝五錢煎服。數日可消。倘誤以膏貼藥敷。楣案貼余消核膏無弊。說見癰癰門後。定主日漸腫大。內作一抽之痛。已覺遲治。倘皮色變異。難以挽回。勉以陽和膏日

服。或以犀黃丸日服。或二藥每日早晚輪服。服至自潰而痛者。外用大蟾六隻。分作三日。每日早晚。取蟾破腹連雜。蟾身刺孔。貼於患口。內服千金托裏散。方見瘰癧中三日後。接服犀黃丸。可救十中三四。潰後不痛而癢極者。無一毫挽回。大忌開刀。開則翻花最慘。萬無一活。男女皆有此症。

### 乳癰主治方

#### 牛蒡子湯

牛蒡子湯。瓜蒌仁。銀花。山梔。甘草。陳。黃芩。連翹。柴花粉。青皮。牛蒡。皂角。針。治乳癰結腫疼痛。毋論新久。但未成膿者。

陳皮

牛蒡子

山梔

金銀花

甘草

瓜蒌仁

黃芩

天花粉

連翹

角

針各二錢

柴胡

青

皮各五分

水二茶鍾。煎八分。入酒一杯和勻。食遠服。徐曰。此乳症通治方。



梔案瓜萋仁、青皮。徐圜。

橘葉散

橘葉散內用柴陳。川芎。山梔。青皮。芩。石膏。連翹。一錢等。橘葉廿片。草五分。治婦人有孕胎熱爲內吹。有兒喫乳名外吹。致乳結成腫痛。寒熱交作。甚者惡心嘔吐。

柴胡

陳皮

川芎

山梔

青皮

石膏

黃芩

連翹  
錢各一

甘草五分

橘葉  
片二十

水二茶鍾煎八分。食遠服。

徐曰亦通治方。

梔案橘葉。徐圜。

清肝解鬱湯

清肝解鬱湯。白芍。桔半。芎。歸。貝。志。陳。青皮。生地。併蘇葉。通草。香附。梔。茯神。治一切憂鬱氣滯。乳結腫硬。不疼不癢。久漸作疼。或胸膈不利。肢體倦怠。面色

萎黃。飲食減少。

陳皮

白芍

川芎

當歸

生地

半夏

香附各八分

青皮

遠志

茯神

貝母

蘇葉

桔梗各六分

甘草

山梔

木通各四分

水二茶鍾。薑三片。煎八分。食遠服。

徐曰。與前法重。

### 鹿角散

鹿角散用角三寸。炭火煨之令微紅。研服三錢酒調下。乳癰新起散無蹤。治乳癰新起。結腫疼痛。憎寒發熱。但未成者俱效。鹿角尖三寸。用炭火煨稍紅。存性碾末。每服三錢。食後熱酒一茶鍾調服。甚者再用一服必消。

徐曰。此單方。

### 回乳四物湯

回乳四物湯四物。芎歸地芍不可缺。加上麥芽能散乳。自然腫脹消無跡。

治產婦無兒喫乳。致乳汁腫脹堅硬。疼痛難忍。

川芎

當歸

白芍

熟地各二錢

麥

芽二兩  
爲粗末

水二茶鍾。煎八分。食遠服。用脚布束緊兩乳。以手按揉。其腫自然消散。甚者再用一服。

徐曰。此治乳脹消乳之法。宜再加豬苓、澤瀉、茯苓等以利其水。  
梔案熟地徐改生地。麥芽一味徐圈。

### 灸乳腫妙方

灸乳腫痛方法高。惱怒勞傷氣不調。將碗覆於患上灸。諸般腫痛寂然消。  
治氣惱勞傷。或寒熱不調。乳內忽生腫痛。用碗一隻。內用粗燈草四根。十字排勻。碗內燈草頭各露寸許。再用平山粗紙裁成一寸五分闊紙條。用水溼紙貼蓋碗內燈草上。紙與碗口相齊。將碗覆於腫乳上。留燈草頭在外。將艾大圓於碗足底內點火灸之。艾盡再添。灸至碗口流出水氣。內痛覺止方住。甚者次日再灸一次。必消。

保安萬靈丹

見腫瘍門

治乳癰初起。發熱惡寒。頭眩肢體作痛者。

益氣養榮湯

見瘰癧門

治鬱怒傷肝。七情內結。以致乳中生核。不疼不癢。日久方痛。甚者胸膈不利。吞酸嘔吐。頭目昏眩。四肢倦怠。或已破潰。膿水清稀。不能收斂。飲食減少。口淡無味。自汗盜汗。肢體羸瘦者。

治乳使用方

治乳蒲公英最良。酒煎熱服。即眠牀。葱湯一盞。催微汗。腫痛全消。身便康。

治乳癰初起。腫痛未成膿者。用蒲公英。春秋間開黃花似菊者。取連根帶葉二兩。搗爛。用好酒半斤。同煎數沸。存渣敷腫上。其酒熱服。被蓋睡一時許。再用連鬚葱白湯一茶鍾。催之。得微汗而散。此方鄉村偏僻無藥之所。用之極妙。亦且簡便。

徐曰。此單方。

下乳天漿散

下乳天漿四物同。茯苓花粉麥門冬。王不留行併山甲。漏蘆甘草與木通。治乳母元氣虛弱。乳汁微少。或生兒日久乳少。

川芎

當歸

白芍

熟地

茯苓

天花粉

甘草

王不留行炒

麥門冬

漏蘆

穿山甲炒

通草錢各一

用健豬前蹄一隻煮爛。取汁二碗。同藥煎至碗半。二次頓熱。食遠服之。以熱木梳梳其乳房。其汁如泉湧而來。

徐曰。此催乳法。

楣案王不留行、漏蘆、穿山甲、通草、及健豬前蹄。徐俱圈。

### 木香餅

木香餅用生地黃。二物和勻。患上裝。氣滯腫疼。併閃肭。用之一熨。自無殃。治一切氣滯。結腫成核。或痛或閃肭。風寒所傷。

木香五錢

生地黃一兩

右木香爲末。同地黃和勻。量患處大小。作餅貼上。以熱熨斗熨之。堅硬木痛者。

間日熨之。

徐曰。外治良法。

乳癰應用方

十全大補湯

八珍湯

見續傷門

逍遙散

冰蠟散

小柴胡湯

見癰瘍門

托裏消毒散

見腫瘍門

阿魏化痞膏

見痞疾門

附骨疽論

附鶴膝風

夫附骨疽者。乃陰寒入骨之病也。人之氣血壯實。雖遇寒冷而邪不入骨。凡人者。皆由體虛之人。夏秋露臥。寒溼內襲。或房慾之後。蓋覆單薄。寒氣乘虛入裏。遂成斯疾。初起則寒熱交作。稍似風邪。隨後臀腿筋骨作痛。不熱不紅。疼至徹骨。甚者曲伸不能轉側。日久陰變為陽。寒化為熱。熱甚而腐肉為膿。此疽已成也。凡治此症。初起寒熱作痛時。便用五積散加牛膝、紅花。發汗散寒。通行經絡。或萬靈丹發汗亦可。次以大方風湯行經活血。滲溼補虛。又有生於尻臀部位。漫腫作疼者。日徐



此非真。宜內托羌活湯。腿內近膝股漫腫木痛者。內托耆柴湯。腿外側者。內托酒  
骨。煎湯。初起通用人參敗毒散。人參加木瓜牛膝蘇木紅花。虛者十全大補湯。加羌  
活。防己。牛膝。已成欲作膿者。附子八珍湯。膿成脹痛者。即針之。膿稠而黃。體實者。  
十全大補湯。膿清色白。體虛者。保元大成湯。食少體倦者。香砂六君子湯。脾虛寒  
熱者。補中益氣湯。以此調理可也。又有風溼相乘之症。初起寒熱交作。次傳腿腫  
作痛。其形光亮微紅發熱。按之如泥。不即起者。宜當歸拈痛湯。或茯苓佐經湯。間  
服萬靈丹和之。以上之症。皆由元氣不足中來。不可誤用損脾泄氣敗毒等藥。外  
禁寒涼等法。如誤用之。必致氣血冰凝。內肉瘀腐。日久化為污水敗膿。流而不禁。  
終死。又有房慾勞傷。寒熱互變。氣血乖違。經脈橫解。受病日深。以成斯疾者。此徐日  
症之其患大。腿漸漸腫如冬瓜。上過胯腹。下至足底。牽連漫腫。皮色不紅。日久潰  
膿。色白腥穢。腫仍不消。痛仍不減。元氣日衰。身體縮小。脣舌乾焦。二便枯秘。諸藥  
不效。飲食不進。終為不治。又有鶴膝風。乃足三陰虧損之症。徐日初起寒熱交  
作時。亦宜五積散加牛膝。紅花。或萬靈丹發汗。俱可。如汗後腫痛仍不消滅。此陰  
寒深伏。以大方風湯溫暖經絡。重者兼灸膝眼二穴。數以琥珀膏。亦可漸漸取效。

如以上之法俱不效者。終成痼疾。不必強藥消之。只宜先天大造丸。史國公藥酒。終年常服。亦可轉重就輕。徐圖步履也。

### 附骨疽看法

初起身微寒熱。飲食如常。結腫微紅。疼不附骨者順。已成舉動自便。結腫成囊。疼痛有時。膿易成者吉。已潰膿稠。腫消痛減。身體輕便。睡穩不熱者吉。潰後元氣易復。飲食易進。內肉易實。膿水易乾者吉。初起身發寒熱。漫腫色白。肢體牽強。疼痛附骨者險。已成舉動不便。通腿漫腫。不熱不紅。不作膿者險。已潰膿水清稀。氣穢腥臭。腫痛不消。形體日削者死。潰後脾胃虛弱。飲食無味。口渴不止。脣白皮枯者死。

徐曰。看法亦與諸症同。

### 附骨疽治法

初起發熱惡寒。身體拘急。腿脚腫痛。脈浮緊者。散之。已成腿脚腫痛。皮色不變。上

下通腫者。散寒溫經絡。寒熱作腫。色白光亮。按之如泥不起者。宜健脾滲溼。身體無熱惡寒。脈遲而澀。腿腫不熱者。養血溫經絡。暑中三陰。脈洪而數。腿脚掀腫。口乾便燥者。宜下之。已潰膿水清稀。飲食減少。形體消瘦者。補中健脾胃。潰後腫痛不減。膿水不止。虛熱不退者。溫中養氣血。愈後筋骨牽強。屈伸不便者。宜滋養氣血。通利關節。

徐曰。亦與諸症同法。

### 附骨疽治驗

一男子中寒。發散未盡。大腿腫痛。脈浮數而無力。此風寒未盡。內虛故也。用五積散去麻黃加牛膝二服。疼痛稍減。又用內托黃耆酒煎湯四服。全腫俱消。惟腿外側結腫一塊不退。此瘀血凝滯。欲作膿也。用托裏藥。候膿熟針之。更服十全大補湯而斂。

徐曰。此腿癰也。非骨疽。

一男子勞碌。遇寒每發腿痛。發則寒熱嘔吐。胸痞不食。此因氣惱飲食不節。脾胃

受傷。故不能運化。痰滯中脘。溼熱動而下注爲脚氣。投以開結導引丸二服。行去停痰。又用半夏佐經湯數服。嘔止膈利。更服附子六物湯數劑。消而不發。

徐曰。此寒溼也。

一老人年六旬。過慾腎虛。致筋攣痺縮。脚膝無力。不能步履。外貼追風逐溼膏。內服三因勝駿丸而愈。

一男子右腿腫痛兩月餘。余曰。膿成已久。何不開之。彼曰。二老醫同治。俱稱內消無膿。再請二老決之。俱曰無膿。但病者昏沈不醒。命在危篤。余強開之。出膿盆許。以獨參湯連進二服而甦。後以十全大補湯調理。百日外而安。

徐曰。此亦腿癰。

一男子房事後受陰寒。大腿無形作痛。至夜尤甚。不能步履。醫以散寒除溼消痰止痛藥治之。其疼益增。余診其脈。細澁而無力。此氣血不足。寒氣所乘之故。投以大防風湯二劑。疼痛頓減。又四劑而痊。

徐曰。此亦寒溼。

一男子暑月慾後當風睡臥。寒氣襲於左腿。遂致腫痛。寒熱交作。胸痞不食。以保

安萬靈丹。葱湯化服。洗浴發汗。以散骨髓寒毒。後以大防風湯去羌活。加紅花。破故紙。溫暖腎經。通行經絡。腫痛漸消。血脈漸和。又以三因勝駿丸間服。調理兩月而愈。

徐曰。此外感風寒也。

一監生慾後受寒。致成腿痛。余以暖腎氣。溫經絡。散寒邪藥治之。彼以爲緩。請內醫投表散之劑。外邪散而內虛。又以小柴胡湯等藥調理。小柴胡湯徐勒致虛熱發作。口燥咽乾。煩渴不已。又以知母石膏湯清其上。防風木瓜威靈仙等劑攻其下。此三字徐勒。致病愈劇。仍請余治。其時患腿愈腫。其形縮小。楣案既云愈腫。又余斷以必死。此症原屬腎經受寒。非附子破故紙不能通達關節。非羌活防風牛膝不能通行閉滯。非人參白朮炙甘草不能使脾氣行達四肢。非川芎當歸白芍熟地紅花不能養血活血。凡病從虛而入者。先補其虛。後攻其病。以批上八字徐則邪何出。今此症不加溫補而發散解肌。以正風寒有餘之法治之。不死何待。後果死。

徐曰。以上說症。皆非附骨疽。名實相背。



### 附骨疽主治方

#### 五積散

五積芎歸朴桂心。蒼半麻陳芍茯苓。枳殼乾薑併桔梗。白芷甘草共薑行。  
治風寒溼毒客於經絡。致筋攣骨痛。或腰脚酸疼。或偏身拘急。或發熱惡寒頭  
痛者。

蒼 朮二錢

陳 皮

桔 梗

川 芎

當 歸

白 芍各一錢

麻 黃

枳 殼

桂 心

乾 薑

厚 朴各六分

白 芷

半 夏

甘 草

茯 苓各四分

水二茶鍾。薑三片。煎八分。不拘時服。頭痛惡寒者。加連鬚葱頭三根。蓋汗為效。

下部加木瓜、牛膝。

徐曰。此方雜亂不切。

內托羌活湯



內托羌活黃柏蒼。桂翹藁朮陳耆防。紅花甘草當歸尾。通治下體用此方。  
治尻臀患癰。堅硬腫痛。兩尺脈緊數。按之無力。

羌活

黃柏

防風

歸尾

藁本

肉桂

黃耆

連翹

甘草

蒼朮

陳皮

紅花

水酒各一茶鍾。煎八分。食前服。

徐曰。此下體通治之方。

### 當歸拈痛湯

當歸拈痛湯二朮。羌活防芩澤瀉芩。升麻茵陳草柏葛。二參知母要調勻。  
治溼熱下注。腿脚生瘡。赤腫作痛。或腰脚酸痛。或下肢偏身重痛。或下部頑麻  
作癢。或成血風。

羌活

當歸

防風

茵陳

蒼朮

苦參

升麻

白朮

葛根

甘草

黃芩

知母

澤瀉

猪苓

人參各五

黃柏三分

水二茶鍾煎八分。食前服。

徐曰。此治溼毒之方。可擇而用之。

內托黃耆湯

內托黃耆湯。黃柏。當歸。生地。羌活。柴胡。肉桂。木瓜。同。連翹一味還煎入。治溼熱。腿內近膝股患癰。或附骨癰。初起腫痛。此太陽厥陰之分也。脈細而弦。按之洪緩有力。

黃耆鹽水拌炒

當歸

柴胡

木瓜

連翹各一錢

羌活

肉桂

生地

黃柏各五分

水酒各一茶鍾。煎一半。空心服。

徐曰。與前法相近。

梔子。木瓜。羌活。肉桂。三味。徐圈。

內托酒煎湯

內托酒煎湯桂耆。柴胡連翹黃柏歸。甘草升麻牛蒡子。水酒同煎治溼宜。  
治寒溼發於腿外側。少陽經分患癰。或附骨癰堅硬漫腫作痛。或流至足陽明  
經作腫。

黃耆

當歸各二錢

柴胡五錢

連翹

肉桂

升麻

牛蒡子各一錢

黃柏

甘草各五分

水酒各一茶鍾。煎一半。食前服。

徐曰。意重前。

### 茯苓佐經湯

茯苓佐經湯半夏。二朮陳皮草葛根。藿香澤瀉柴胡等。木瓜厚朴共薑行。  
治足少陽經爲四氣所乘。以致腰腿發熱疼痛。頭目昏眩。嘔吐不食。胸膈不利。  
心煩熱悶等症。

茯苓

陳皮

半夏

白朮

蒼朮各一錢

藿香

澤瀉

甘草

葛根

柴胡

厚朴

木瓜各五分

水二茶鍾。薑三片。煎八分。食前服。

徐曰。義重前方。

附子六物湯

附子六物湯。甘草。桂枝。白朮。防己。苓。加薑三片。水煎服。何慮太陰足腫疼。治四氣流注於足。太陰經骨節煩痛。四肢拘急。自汗短氣。小便不利。手足或時浮腫。

附子

甘草各一錢

防己

白朮

茯苓各八分

桂枝五分

水二茶鍾。薑三片。煎八分。食遠服。

徐曰。此治寒溼之方。

麻黃佐經湯

麻黃佐經湯。葛根。羌活。二防。蒼朮。苓。桂。辛。甘草。各減半。更加薑棗。效如神。治風寒暑溼流注。足太陽經。腰足攣痺。關節重痛。憎寒發熱。無汗惡寒。或自汗。

惡風頭痛等症。

麻黃

葛根

羌活

防風

蒼朮

茯苓

防己各一錢

桂心

細辛

甘草各五分

水二茶鍾。薑三片。棗二枚。煎八分。食前服。

徐曰。此亦治寒溼之方。義重前。

梟案。蒼朮。桂心。細辛。徐圈。

### 小續命湯

小續命湯。芎白朮。防風。防己。共人參。附子。麻黃。桂枝。芍。薑汁。甘草。兼黃芩。治寒溼之氣。中於三陽。致身不熱。所患煩疼。或脚轉筋。或腫或不腫。或膝腿頑痺。或時緩縱不隨。或偏身百節攣痛。或小腸疝氣攻衝。

川芎

白朮

防風

人參

防己

附子生用

麻黃有汗去之

桂心

黃芩

白芍各一錢

甘草五分

水二茶鍾。煎八分。入薑汁一匙和勻。食前服。又暑中三陰。所患必熱。去附子。減桂枝一半。

徐曰。此散風寒溼之總方。諸方之祖也。

### 大防風湯

大防風湯。朮附歸。參芍川芎杜仲耆。羌活牛膝併甘草。熟地還加薑引宜。治三陰之氣不足。風邪乘之。兩膝作痛。久則膝愈大而腿愈細。因名曰鶴膝風。乃敗症也。非此方不能治。又治附骨疽皮色不變。大腿通腫。疼痛無奈。及痢後脚痛。緩弱不能行。或腿膝腫痛。

人參二錢

防風

白朮

附子

當歸

白芍

川芎

杜仲

黃耆

羌活

牛膝

甘草

熟地各一錢

水二茶鍾。薑三片。煎八分。食前服。

徐曰。與前方亦相近。



檳蘇散

檳蘇散內用木瓜。香附陳皮大腹加。羌活木香薑作引。何愁風溼脚酸麻。治風溼流注。脚腫酸痛。或麻痺不仁。嘔吐不食。

檳榔

紫蘇

木瓜

香附

陳皮

大腹皮錢各一

木香三分

羌活五分

水二茶鍾。薑三片。葱白三莖。煎一鍾。空心服。

徐曰。此方專治脚氣。

梔案檳榔。紫蘇。木瓜。大腹皮。木香。徐圈。

獨活寄生湯

獨活寄生湯。茯苓。芎歸。防芍。細辛。參。秦艽。杜仲。兼牛膝。熟地。甘草。并桂心。治肝腎虛弱。風溼內攻。足脛緩縱。或膝痺攣重。

獨活二錢

茯苓

川芎

當歸

防風

白芍

細辛

人參

桂心

杜仲

秦艽

牛膝

熟地

桑寄生真者各一錢

甘草五分

水二茶鍾。薑三片。煎八分。食前服。

徐曰。此亦公共之方。

又曰。此治下焦風寒溼痰雜犯之方。雖藥味不純。而於義無害。  
楣案熟地徐改生地。

### 神應養真丹

神應養真丹。木瓜。當歸。羌芍。共。天麻。川芎。熟地。菟絲子。蜜丸。酒服。效堪誇。  
治厥陰經為四氣所襲。脚膝無力。左癱右瘓。半身不遂。手足頑麻。言語蹇澀。氣血凝滯。徧身疼痛者。

當歸

川芎

白芍

天麻

羌活

熟地搗膏

木瓜

菟絲子各等分

右為細末。入地黃膏。加蜜丸。如桐子大。每服百丸。空心溫酒鹽湯任下。  
徐曰。此緩治之方。亦無甚妙義。

### 三因勝駿丸

三因勝駿乳麝香。歸麻二木。棗羌防。戟甘沒。薛檳蒼蠍。故紙菴蓉熟地黃。治元氣不足。真氣虛弱。及諸虛被寒溼氣侵襲。手足拳攣。脚指連脚面拘急。走注疼痛。筋脈不伸。行步不隨。常服益真氣。壯筋骨。黑髭鬚。滑皮膚。一切足弱鶴膝風症並治。

附子一枚要一兩以外者製

當歸明天麻

牛膝酸棗仁

熟地搗膏防風各三兩

木瓜四兩全蠍淨身一兩

麝香一錢乳香

沒藥木香

羌活甘草炙各五錢

檳榔草薢

肉苁蓉破故紙

巴戟去心蒼朮各一兩

右爲細末。煉蜜丸。桐子大。每服七十丸。空心淡鹽湯溫酒任下。病近者七日。年

深者半月見效。

徐曰。此緩治之法。作丸方不外此。

### 健步丸

健步丸中用川烏。苦參羌活澤柴胡。生甘滑石兼花粉。防己防風桂酒糊。治生平好飲燒酒。傷於脾肺。膝中無力。伸不能屈。屈不能伸。膝脊腿脚沉重。行步艱難者。

苦參酒洗

防己酒浸

羌活

柴胡

滑石炒

花粉

甘草各五分

防風

肉桂各三錢

澤瀉一兩五錢

川烏泡二錢

右爲細末。酒糊爲丸。如桐子大。每服三十丸。空心溫酒送下。

徐曰。義重前。

大腹子散

大腹子散。蘇木瓜。羌荆赤芍木通加。獨活桑皮枳殼。甘草青皮效可誇。治風毒脚氣上攻。寒熱交作。肢節煩疼。心神壅悶。

大腹子

紫蘇

木瓜

羌活

荆芥

赤芍

木通

獨活

桑白皮

青皮各五分

枳殼一錢

甘草二分

水一茶鍾。薑五片。葱白三莖。煎八分。空心服。

徐曰。此亦治脚氣之方。重前義。

楣案煎藥加薑。方書皆言幾片。而不言銖兩。蓋以此物非取諸藥肆。窮僻小戶。不皆有戩也。然薑有大小。片有厚薄。味又極辛。能掩諸藥。三片已覺其多。此方各藥銖兩甚輕。而薑至五片。是薑爲政矣。余願後之著方書者。酌改銖兩爲妥。不獨此方然也。

### 加味敗毒散

加味敗毒散。人參。羌獨前。柴芎。枳桔。甘草。蒼朮。風溼方中此最靈。治足三陽經溼熱毒氣。流注脚踝。掀赤腫痛。寒熱如瘧。自汗惡風。或無汗惡寒。或惡聞飲食者。

人參

羌活

獨活

前胡

柴胡

川芎

桔梗

茯苓

枳殼

甘草

木瓜

蒼朮

各八分

水二茶鍾。薑三片。煎八分。食前服。便秘加炒大黃。

徐曰。此治風溼之方。

### 千里健步散

千里健步散有功。細辛。白芷。共防風。草。為加上研為末。瞬息長安路可通。治遠行兩脚腫痛。若用之。輕便可行千里。甚妙。

細辛

防風

白芷

草為

右等分為末。糝在鞋底內。如底乾。即以水微溼過。糝藥著脚。行走自不費力。再不作腫。

徐曰。此風溼外治之方。

### 雷火神鍼

雷火神鍼功最奇。風寒溼毒總相宜。紙筒丁麝和蘄艾。急用鍼之不可遲。治風寒溼毒襲於經絡為患。漫腫無頭。皮色不變。筋骨疼痛。起坐艱難。不得安臥者。

蘄艾三錢

丁香五分

麝香二分

丁麝研末。與蘄艾揉和。先將夾紙作筒。如指粗大。以艾藥灌入筒內。疊實。臨用



以蕭山紙七層平放患上。將筒點著一頭。隔紙捺實針之。待不痛。方起針。病甚者再針一次。七日後火瘡大發。自取功效矣。  
徐曰。外治用處甚多。然藥味亦尙多。此未全。

### 追風逐溼膏

逐溼膏中羌獨活。川草二烏辛芷朮。稀桂麻藤星夏歸。大黃甘草同熬入。治風寒暑溼所傷。致骨節疼痛。筋攣不能步履。或麻木溼痺等症。

稀莢草

麻黃

川烏

草烏

海風藤

半夏

南星

羌活

草麻子切碎

桂枝各三兩

獨活

細辛

當歸

白芷

蒼朮

大黃各一兩

以上藥各切片。用葱汁薑汁各二碗拌藥。先浸一宿。次日用香油半觔。湄案諸數觔之多。而香油止半觔。半字必誤。先將藥入鍋內。慢火煎至葱薑二汁將乾不爆時。方下油與藥相煎。渣枯爲度。細絹濾清。每油一觔。配飛過炒丹十兩爲準。將前油入鍋內煎滾。至滴水成珠不散。方下黃丹。徐徐攪入。其膏已成。再下碾淨松香淨末一

勛四兩。同熬化。取下鍋來。將盆頓穩。再下乳香、木香、胡椒、輕粉各末二兩。白芥子細末四兩。漸入攪勻。傾入鉢內盛貯。用時熱湯頓化。綾緞攤貼。七日後諸病可痊。百發百中。

徐曰。膏藥方勝此者甚多。不足取。

梔案油已煎至滴水成珠。而每油一觔。下炒丹十兩。則不待再熬而已堅。不可攤。再下松香一觔四兩。及各藥末十二兩。其堅如石矣。此蓋著書者忘卻熬膏時分兩。隨筆填註也。

附骨疽應用方

保安萬靈丹

見腫門

十全大補湯

見續門

小柴胡湯

見癰門

徐評外科正宗

明 崇川 陳實功 著

清 海寧 許辛木 訂

清 吳江 徐靈胎 評

鄞縣 曹炳章 校

卷八

腸癰論

夫腸癰者。皆溼熱瘀血流入小腸而成也。又由來有三。男子暴急奔走。以致腸胃傳送不能舒利。敗血濁氣壅遏而成者。一也。婦人產後體虛多臥。未經起坐。又或坐草艱難。用力太過。育後失逐。敗瘀以致停積腸胃而成者。二也。飢飽勞傷。擔負重物。致傷脾胃。又或醉飽房勞。過傷精力。或生冷並進。以致氣血乖違。溼動痰生。腸胃痞塞。運化不通。氣血凝滯而成者。三也。總之初起外症發熱惡寒。脈芤而數。

皮毛錯縱。腹急漸腫。按之急痛。大便墜重。小便澀滯。若淋。甚者臍突腹脹。轉側水聲。此等並見。則內癰已成也。初起未成時。小腹殷殷作痛。儼似奔豚。小便淋瀝者。當大黃湯下之。瘀血去盡自安。體虛脈細。不敢下者。活血散瘀湯和利之。已成腹中疼痛。脹滿不食。便淋刺痛者。薏苡仁湯主之。腹濡而痛。小便急脹。時時下膿者。毒未解也。用牡丹皮湯治之。如膿從臍出。腹脹不除。飲食減少。面白神勞。此皆氣血俱虛。宜八珍湯加牡丹皮、肉桂、黃耆、五味子。斂而補之。徐勒五味子。如日久因循。不識此症。誤作脹病治之。徐日庸醫以致毒攻內臟。腸胃受傷。或致陰器攻爛。腐爛黑斑。色敗無膿。每流污水。腹連陰痛。煩躁不止。身熱口乾。衾幃多臭。臥房難進者。俱為不治。宜斟酌之。

腸癰看法

初起小腹疼痛。小便不利。六脈微緩。不作寒熱者輕。已成小腹腫而堅硬。小便數而不利。六脈洪數者險。已潰時時下膿。裏急後重。日夜無度。疼痛不減者重。潰後膿腥臭穢。或流敗水濁瘀。虛熱更增。不食者死。

## 腸癰治法

初起小腹疼痛。或軟或硬。脈芤數者。瘀血也。宜下之。小腹作痛有塊。大便秘澀。小便如淋者。宜和而利之。已潰時時下膿。腹痛不止。飲食無味者。宜托而補之。產婦惡露不盡。流注小腸作痛。脈數者。宜和而導之。腹脹日久。臍高突出。轉側響如水聲。膿內蓄。急針之。此徐日實見如

## 腸癰治驗

一男子小腹脹痛。裏急後重。時時下膿。醫作痢疾治之愈重。醫字余診其脈芤而數。此小腸癰也。投以薏苡仁湯一服。下膿升許。即不後重。更用牡丹皮散六服而安。

一幼婦產後月餘。腹中漸痛。腫脹如蠱。內醫紛紛認為蠱病。又月餘。沈重昏憤。已棄不治。適其家童稚患瘡。請余往視。偶言及此。余自請診之。人雖昏憤不甦。而脈細數有力。余曰。此內癰也。尚可治。其家不信。余曰。請視其腹。一決生死何如。



視之則腫皮緊急光亮。臍下大熱。辨上十字徐密點批曰余曰。確係內癰。治之萬無一失。其家乃善。因命先備淨桶。用滾湯半桶蓋之聽用。先以薏苡仁湯薏苡仁湯徐密點加酒炒大黃二錢。徐徐灌服。此二句待腹中覺痛扶起患者坐桶上熱氣薰蒸。此四字其膿下如湧泉。連湯與膿約共滿桶。病者即甦。更服八珍湯加牡丹皮、五味子。調理月餘而安。

一婦人小腹腫痛。小便如淋。診之脈緩而芤。此得之行經時誤食生冷。又兼惱怒。肝火急迫瘀血而成內癰。膿尚未成也。以大黃湯下之。瘀血出盡而安。

一婦人小產瘀血未盡。勞動太早。小腹內外腫痛月餘。大便秘燥。小便澀滯。口燥咽乾。煩悶不睡。內醫調理其病日重。余偶往診之。脈數實而有力。謂曰。此腸癰已成也。用薏苡仁湯加大黃一服。下膿數碗。脹痛頓退。外腫堅硬不散。仍作掀痛。此餘膿尙欲外泄也。投以十全大補湯三服。十全大補湯徐勒批曰變方膿脹痛而針之。更服八珍湯加牡丹皮、五味子。五味子徐月餘而斂。

一婦人腹脹如鼓。臍突寸許。小水澀滯。轉側腹有水聲。此內膿已成。用針刺臍上突頂。出膿盆許。服牡丹皮散五六劑。其膿漸少。朝以八味丸。暮以八珍湯加澤



瀉、牡丹皮、黃耆、破故紙。此一味服之月餘而愈。

### 腸癰主治方

大黃湯

大黃湯中用朴硝。丹皮白芥共和調。加上桃仁水煎服。腸癰腹痛自然消。治腸癰小腹堅硬如掌而熱。按之則痛。肉色如故。或掀赤微腫。小便頻數。汗出憎寒。脈緊實而有力。日淺末成膿者。

大黃炒

朴硝各一錢

牡丹皮

白芥子

桃仁去皮尖各二錢

水二茶鍾。煎八分。食前或空心溫服。

徐曰。此實症主方。

活血散瘀湯

活血散瘀湯。赤芍。檳榔。蘇木。與芎歸。瓜蒌。枳殼。桃仁等。大黃加上粉丹皮。治產後惡露不盡。或經後瘀血作痛。或暴急奔走。或男子杖後瘀血流注腸胃。

作痛。漸成內癰。及腹痛大便燥者。

川芎

歸尾

赤芍

蘇木

牡丹皮

枳殼

瓜蒌仁去殼

桃仁去皮尖  
各一錢

檳榔六分

大黃酒炒  
二錢

水二茶鍾。煎八分。空心服。渣再煎服。

徐曰。即前方義。

### 牡丹皮散

丹皮散內用參歸。薏苡茯苓共黃耆。甘草白芷川芎芍。桃仁官桂木香宜。治腸癰腹濡而痛。以手重按則止。或時時下膿。

人參

牡丹皮

白芍

茯苓

黃耆

薏苡仁

桃仁

白芷

當歸

川芎各一錢

甘草

官桂各五分

木香三分

水二茶鍾。煎八分。食前服。

徐曰。即前方義。

又曰。王不留行、冬瓜子、全瓜蒌、枳殼、穿山甲、廣膠、槐米、番木鱉、阜莢、蠟子。俱可參用。

### 七賢散

七賢散內淮山藥、萸肉、丹皮、熟地黃、茯苓、參耆合成七。薑棗同煎。理內傷。治腸癰潰後疼痛。淋瀝不已。或精神減少。飲食無味。面色萎黃。四肢無力。自汗盜汗。睡臥不寧。

茯苓

山藥

牡丹皮

山茱萸

熟地

人參

各一錢

黃耆二錢

水二茶鍾。煨薑三片。大棗二枚。煎八分。食前服。

徐曰。不切病。

### 失笑散

失笑散用五靈脂。加上蒲黃一味。宜醋調末服。或丸服。瘀血諸痛。均堪醫。治產後心腹絞痛欲死。或血迷心竅。不省人事。及尋常腹內瘀血。或積血作痛。

又婦人血氣爲病作痛之聖藥也。及治男子諸疝疼痛不已者。

五靈脂

蒲

黃俱炒等分

右爲細末。每服三錢。醋一合。調稠熬數滾。入水一茶鍾。煎七分。食前連藥服。如用醋爲丸。每服二錢。淡醋湯下。治前症亦妙。

徐曰。此非治腸癰之方。乃治婦人瘀血作痛之方也。

又曰。此消瘀血之要方。

梔案此二味徐俱圈。

### 排膿散

排膿散內用黃耆。川芎。山甲與當歸。銀花。白芷。瓜蔓等。防風加上效神奇。治腸癰小腹脹痛。脈滑數。裏急後重。時時下膿。

黃耆

當歸

金銀花

白芷

穿山甲

防風

川芎

瓜蔓仁各一錢

水二茶鍾。煎八分。食前服。或爲末。每服二三錢。食遠蜜湯調下。亦可。徐曰。此通利膿水之法。

瓜蒌子湯

瓜蒌子湯。薏苡仁。桃仁。丹皮。相共行。產後惡露併瘀血。腸胃停滯。用此清。治產後惡露不盡。或經後瘀血停滯。腸胃作痛。縱非是癰。服之亦效。

薏苡仁 四錢

桃 仁

牡丹皮

瓜蒌仁 各一錢

水二鍾。煎八分。食前併空心服。

徐曰。後有薏苡仁湯。不必存此。

薏苡仁湯

薏苡仁湯。功力奇。腸癰腹痛。總堪醫。桃仁。加上瓜蒌子。更兼白芍。與丹皮。治腸癰腹中疼痛。或脹滿不食。小便澀滯。婦人產後多有此病。縱非癰。服之尤效。

薏苡仁

瓜蒌仁 各三錢

牡丹皮

桃 仁 各二錢  
去皮尖

白 芍 一錢

水二茶鍾。煎八分。空心服。

徐曰。此腸癰主方。與前方相同。

腸癰應用方

八珍湯

十全大補湯

八味丸俱見續  
瘍門

臟毒論

夫臟毒者。醇酒厚味。勤勞辛苦。蘊毒流注肛門。結成腫塊。其病有內外之別。虛實之殊。發於外者。多實多熱。脈數有力。肛門突腫。大便秘結。肚腹不寬。小水不利。甚者肛門肉泛如箍。孔頭緊閉。此爲外發。屬陽易治。宜四順清涼飲。內消沃雪湯。通利大小二便。痛甚者。珍珠散。人中白散。搽之。膿脹痛者。針之。發於內者。屬陰虛。溼熱滲入肛門。內臟結腫。刺痛如錐。小便淋瀝。大便虛秘。咳嗽生痰。脈數虛細。寒熱往來。遇夜尤甚。此爲內發。屬陰難治。宜四物湯加黃柏、知母、天花粉、甘草。兼以六味地黃丸調治。候內臟膿出則安。又有生平情性暴急。縱食膏粱。或兼補術。蘊毒結於臟腑。火熱流注肛門。結而爲腫。其患痛連小腹。肛門墜腫。二便乖違。或瀉或秘。肛門內蝕。串爛經絡。汙水流通大孔。飲食不食。作渴之甚。犯此未有見其生者。又有虛勞久嗽。痰火結腫。肛門如粟者。破必成漏。瀝盡氣血必亡。徐曰亦非不治之症調養氣血



無此二症乃內傷之故。非藥可療。不必強治也。

### 臟毒看法

初起腫痛。紅色光亮。疼痛有時。肛門不墜。便和者順。已成掀赤腫痛。發熱不渴。小便不數。展轉自便者順。已潰膿稠。色鮮不臭。掀腫漸消。疼痛漸減。能食者順。潰後膿水漸止。新肉易生。不疼多癢。瘡口易乾者順。初起堅硬漫腫。內臟閉痛。小便頻數。大便秘結者險。已成疼痛日甚。腫連小腹。肛門閉緊。下氣不通者重。已潰臭水淋漓。疼痛不減。腫仍不消。身熱脣焦者逆。

徐曰。看法同別症。

### 臟毒治法

初起寒熱交作。大便墜痛。脈浮數者。宜用輕劑解散。已成內熱口乾。大便秘結。脈沈實而有力者。當下之。肛門腫痛。常欲便而下墜作痛者。導滯熱。兼瀉邪火。肛門掀腫疼痛。小便澀滯。小腹急脹者。清肝利小水。出膿腥臭。疼痛不減。身熱者。養血

健脾胃。更兼滲溼。膿水清稀。脾胃虛弱。不能收斂者。滋腎氣。急補脾胃。  
徐曰。亦同別症。

臟毒治驗

一男子肛門腫突紅紫。痛甚。投以內消沃雪湯二服。大便數次。疼痛稍減。腫突處以珍珠散清蜜調搽。早晚二次。其腫漸消。更以涼血地黃湯服之。全愈。

徐曰。此大腸偶成熱火之輕症。

一婦人產後用力太過。肛門墜腫。疼痛之甚。先以枳殼、紫蘇煎湯熏洗。後以珍珠散加冰片、豬脊髓調搽。內以四物湯加升麻、蒼朮、丹皮、枳殼服之而消。

徐曰。產後脫肛與肛癰不同治。

一男子夏月好飲火酒。熱毒流入肛門。結腫堅硬。形色紫黑。墜痛便秘。用黃連解毒湯加大黃、枳殼二劑。便通。疼痛稍止。又用四物湯合前湯數劑。其腫漸消。惟存粟大堅腫不散。以臟連丸服至月餘而愈。

一婦人肛門腫突堅硬痛極。用攻利解毒藥。俱不應。以神燈照法照之。早晚二次。

其疼方減。以蟾酥錠磨濃塗之。堅硬漸腐爲膿。仍服內消沃雪湯二劑。便通。疼苦減其大半。內服四物湯加黃柏、知母、厚朴、蒼朮。外以珍珠散加冰片、豬髓調搽。月餘而平。

一男子素有內痔。便血常欲脫肛。一朝肛門墜重不收。腫痛突起。光亮紫色。此溼熱流注結腫。故難收入。內服黃連除溼湯一劑。外用珍珠散加冰片、清蜜調塗。腫痛漸減。後以補中益氣湯加生地、黃連、蒼朮、花粉、丹皮。服至數劑。漸平。

徐曰。果係內痔。愈則復發。不除根也。

一監生素性急暴。每縱膏粱。積毒流於大腸。內如針刺。外肛不腫。常欲後重。便則秘結。診之。脈空數而無力。此真氣不足。邪火有餘。內臟虧損症也。辭以不治。請他醫用藥。月餘。肛門內腐。敗水無禁。復請余視。余曰。決不可療。脈來虛數。邪勝正也。手掌不澤。脾氣敗也。至夜發熱。陰虛火旺。敗水無禁。幽門已壞。面若塗脂。此四字徐勸批。元氣走散。鼻如煙煤。肺氣將絕。口乾舌燥。腎水已竭。豈有不死之理。他醫仍強用解毒滋陰藥。不效而死。

徐曰。此症從元氣虛竭而生。乃外科之內症。治法變化無窮。果能得法。尙可

得生尋常醫者非所能也。

### 臟毒主治方

#### 黃連除溼湯

黃連除溼湯。芩朴。蒼朮。歸朮。枳殼。翹。防風。甘草。硝黃等。臟毒懸癰。此可消。治臟毒初起。溼熱流注肛門。結腫疼痛。小水不利。大便秘結。身熱口乾。脈數有力。或裏急後重。

黃連

黃芩

川芎

當歸

防風

蒼朮

厚朴

枳殼

連翹

甘草

大黃

朴硝

錢各二

水二茶鍾。煎八分。空心服。

徐曰。此臟毒之主方。惟大黃。朴硝。不宜輕用。

#### 涼血地黃湯

涼血地黃湯。連芎。生地。芎歸。朮。地榆。茯苓。花粉。山梔草。加上人參可治虛。

治臟毒已成未成。或腫或不腫。肛門疼痛。大便墜重。或泄或秘。常時便血。頭暈眼花。腰膝無力者。

川芎

當歸

白芍

生地

白朮

茯苓各一錢

黃連

地榆

人參

山梔

天花粉

甘草各五分

水二茶鍾。煎八分。食前服。

徐曰。此方頗穩。

又曰。此治虛症爲宜。然不甚切。

楣案徐於此方後另疏枳殼、槐米、大黃、槐角、土貝、秦艽、桃仁、白芷、瓜子九味。蓋如前牡丹皮散例。以備參用者。

### 內托黃耆散

內托黃耆散。芍歸。川芎。山甲。共陳皮。角針。白朮。檳榔等。臟毒將成。此藥醫。治臟毒已成。紅色光亮。已欲作膿。不必內消。宜服此藥潰膿。

川芎

當歸

陳皮

白朮

黃耆

白芍

穿山甲

皂角針各一

檳榔三分

水二茶鍾。煎八分。食前服。

徐曰。此托膿之方。

梔案穿山甲。皂角針。檳榔。徐圈。

黃連解毒湯見腫瘍門

治平生好飲。縱食膏粱。積熱流入大腸。致肛門結成腫痛。疼刺如鑽。堅硬如石。

金液戊土膏見脫疽門

治口腹習於奢侈。情性慣於急暴。烈火猖狂。思不如願。水已枯竭。火不發泄。旺

而又鬱。鬱而又旺。以致肛門結腫。毒攻內臟。痛如芒刺。熾如火炕。臭水淋漓。生

命難望。宜服此藥。

珍珠散見下疳門

治肛門腫泛如箍。紅紫急脹。堅硬痛極。本方加冰片研極細。豬脊髓調塗。早晚

日用二次。



臟毒應用方

六味地黃丸

見肺癰門

四順清涼飲

見湯火燒門

內消沃雪湯

神燈照法

蟾酥錠

俱見腫瘍門

四物湯

補中益氣湯

俱見瘡瘍門

人中白散

珍珠散

俱見下疳門

臟連丸

見痔瘡門

痔瘡論

夫痔者。乃素積溼熱。過食炙煇。或因久坐而血脈下行。又因七情而過傷生冷。以及擔輕負重。竭力遠行。氣血縱橫。經絡交錯。又或酒色過度。腸胃受傷。以致濁氣瘀血。流注肛門。俱能發痔。不論老幼男婦皆然。有生於肛門之內。有突於肛外之旁。大者若蓮花。蜂巢。翻花。鷄冠。菱角。珊瑚等狀。小者如櫻珠。鼠尾。牛奶。鷄心。核桃。蜆肉之形。毒深者其形異而頑惡。毒淺者其形正而平常。久則崩潰成漏。新則墜重刺疼。甚者糞從孔出。血從竅流。氣血日有所傷。形容漸有所削。若不早治。終至傷人。尋常多用針刀砭礪線壘等治法。此句徐勣批曰誤治患者受之苦楚。聞此

因循。都不醫治。予療此症。藥味數品。從火煅煉。性卽純和。百試百驗。凡療內痔者。先用通利藥。蕩滌臟腑。然後用喚痔散。塗入肛門。徐曰此亦良法但亦須善用非親傳恐無大效片時內痔自然泛出。卽用葱湯洗淨。搽枯痔散。早午晚每日三次。每次溫湯洗淨。搽藥。輕者七日。重者十一日。其痔自然枯黑乾硬。痔邊裂縫流膿。停止枯藥。換用起痔湯。日洗一次。待痔落之後。換搽生肌散。或鳳雛膏等藥。生肌斂口。虛者兼服補藥。其口半月可完。外痔用消毒散煎洗。隨用枯痔散照內痔搽法用之。完口百日入房乃吉。至於穿腸久漏者。此則另有二方。亦具於後。患者服之。不用針刀挂線。效如拾芥。

### 痔瘡看法

初起形如牛奶。不腫不紅。無掀無痛。行走不覺者輕。已成腫痛有時。遇勞而發。或軟或硬。頭出黃水者輕。久如鷄冠、蜂窠、蓮花、翻花等狀。流膿出血不止者重。久漏竅通臀腿。膿水淋漓。疼痛不已。糞從孔出者逆。

### 痔瘡治法

初起及已成。漸漸大而便澀作痛者。宜潤燥及滋陰。肛門下墜。大便出血。時或疼痛。堅硬者。宜清火滲溼。紫色疼痛。大便虛秘。兼作癢者。涼血祛風。疎利溼熱。腫痛堅硬。後重墜刺。便出難者。外宜熏洗。內當宣利。內痔出血。登廁脫肛而難上收者。當健脾升舉中氣。便前便後下血。面色萎黃。心忪耳鳴者。宜養血健脾。諸痔欲斷其根。必須枯藥。四字徐圖欲完其竅。必杜房勞。乃愈。

### 痔瘡治驗

一男子患痔六年。每遇酒色勞役。痔則發腫。堅硬疼痛。十餘日方得稍可。彼欲斷其根。以枯痔散敷上。至七日外。其痔漸黑裂縫。至十六日。痔枯脫落。孔若雞心。以生肌散逐日用之。內服養血健脾藥而愈。

一男子患痔。掀腫作痛。大便結燥。脈數有力。投以內疏黃連湯二服。便行痛止。又服四物湯加芩連枳殼花粉。數劑而腫消。更服臟連丸一料。而不復發。

徐曰。此輕病也。

一男子患痔。遇勞則發腫作痛。外以枳殼湯熏洗。內服防風秦艽湯數劑。腫痛俱

減。令彼煎湯常洗。每日五六次。又與六味地黃丸加黃柏、知母。服之不發。

一男子好飲多慾。內痔虛墜下血。服四物湯加芩、連、升麻、葛根數服。虛墜乃止。又服當歸郁李仁湯二劑。痔腫亦消。更服臟連丸月餘。便血亦止。兼節酒色。遂不發。大抵醉飽入房。經脈橫解。精氣一泄。脈絡必虛。酒食之毒。乘虛流結。或淫極強固精氣。以致敗精濁血。遂傳大腸。又或飲食厚味。燥溼流注。俱成斯疾。所患病者。燥氣也。為病者。溼氣也。初宜瀉火和血。潤燥疏風。久宜養血滋陰。健脾滲溼。自愈。若不節酒色。不慎起居。不戒口味。破必成漏。久則穿腸串臀。穢從孔出。臭水淋漓。雖不傷生。每苦瘀污。可為歎息。

一男子患痔十餘年。頭已穿潰。未至通腸。每發疼痛。以三品一條槍插至七日。此字徐勸批曰此法不如枯痔為妥痔變黑色。瘡邊漸漸裂縫。至十五日脫落。以鳳雛膏搽至半月。口斂而平。

一男子怯弱。內痔便血。面色萎黃。自服涼血止血藥不應。診之脾脈虛而無力。此中氣不足。不能統血。服補中益氣湯十餘劑。精神頓倍。便血亦止。又以加味四君子湯。兼前湯間服月餘。不發。大抵此症所致之由不同。當究其因治之。如元

氣有餘。形黑氣盛。先糞而後紫血。更兼脈實有力者。此屬有餘。用涼血止血藥自效。至若形體瘦弱。面色萎黃。先鮮血而後糞。更兼脈虛無力者。此屬不足。豈可反用涼藥止之。致傷脾胃。此人脈症。若不溫中健脾。升舉中氣。則其血不得歸原。安能取效。

### 痔瘡主治方

#### 防風秦艽湯

防風秦艽湯。芍歸。榆芎。赤苓。兼山。梔。地黃。槐角。檳。翹。枳。白芷。甘草。蒼朮。宜。治痔瘡不論新久。肛門便血。墜重作疼者。

防風

秦艽

當歸

川芎

生地

白芍

赤茯苓

連翹

檳榔

甘草

梔子

地榆

枳殼

槐角

白芷

蒼朮

水二茶鍾。煎八分。食前服。便秘者。加大黃二錢。



徐曰。服藥不外此方。但久痔非煎藥所能治。  
楣案地榆、枳殼、槐角。徐圈。

提肛散

提肛散內用芎歸。人參白朮生黃耆。升柴芩連併白芷。還有甘草和陳皮。  
治氣虛肛門下墜。及脫肛便血。脾胃虛弱等症。

川芎

歸身

白朮

人參

黃耆

陳皮

甘草

升麻

柴胡

黃芩

黃連

白芷

水二茶鍾。煎八分。食遠服。

徐曰。亦有用處。

加味四君子湯

加味四君子湯。參苓甘草黃耆炙。篇豆還同薑棗煎。痔漏脾虛均可啜。  
治痔瘡痔漏。下血不止。面色萎黃。心忪耳鳴。脚弱氣乏。及一切脾虛口淡。食不知味。又治中氣虛不能攝血。致便血不禁者。



人參

白朮

茯苓

白扁豆

黃耆炙

甘草炙各一錢

水二茶鍾。薑一片。棗二枚。煎八分。食前服。

徐曰。不切病。

### 當歸郁李湯

當歸郁李湯。生地。大黃。澤瀉。共秦艽。麻仁。枳實。併蒼朮。皂角。相兼功最饒。治痔大便結燥。大腸下墜出血。苦痛不能忍者。

當歸

郁李仁

澤瀉

生地

大黃

枳實

蒼朮

秦艽各一錢

火麻仁

研一分

皂角一錢

水二茶鍾。煎八分。空心服。

### 芎歸湯

芎歸湯。內川芎。歸。失血虛羸服最宜。婦人產後虛煩熱。眩暈盜汗。並堪施。治便血。或失血過多。兼婦人產後血虛煩熱。頭眩昏暈盜汗等症。

川芎三錢 當歸酒拌五錢

水二茶鍾煎八分。食前服。自汗手足冷者。加入參二錢。  
徐曰。不切病。

三黃二地湯

三黃二地湯。蒼朮。厚朴。陳皮。白朮。歸身。人參。防風。兼甘草。地榆。澤瀉。共為梅。

生地 熟地各二錢半 蒼朮 厚朴

陳皮 黃連 黃柏 黃芩

歸身 白朮 人參各一錢 甘草

防風 澤瀉 地榆各六分 烏梅二錢

水二茶鍾煎八分。食前服。

徐曰。此方乃痔血通治之藥。荷葉蒂。粟殼亦可採入。  
梔子。黃連。地榆。烏梅。徐圈。

粟殼散

粟殼散內用歸耆。二地升蒼黃柏宜。參苓厚朴陳皮草。荷蒂秦艽地骨皮。治諸痔作疼。及腸風下血。諸藥不止者。

粟殼溫湯泡去內穢去蒂切絲蜜水拌炒二錢

當歸

陳皮

秦艽

黃耆

生地

熟地各一錢

黃柏

黃芩

人參

蒼朮

厚朴

升麻各六分

荷葉蒂七箇

甘草五分

地骨皮二錢

水二茶鍾。煎八分。食前服。或為細末。每服二錢。空心溫酒調服。

徐曰。與前相同。

### 洗痔枳殼湯

洗痔枳殼湯。枳殼。癩蝦蟆草二味足。用此煎湯洗痔瘡。無論新久俱消縮。

治痔瘡腫痛。肛門下墜。無論新久。洗之腫自消。

枳殼二兩

癩蝦蟆草一名荔枝草。四季常有。面青背白。麻紋。葉者是。二兩。

河水三大碗。同上二味煎數滾。先熏後洗。良久。再將湯煎熱熏洗。甚者三次即

消。洗淨當搽後藥。

徐曰。外治之法。

### 五倍子散

五倍子散。蝦蟆草。加上輕粉。冰片好。痔瘡腫痛及墜疼。用之糝上跡如掃。治諸痔舉發堅硬。疼痛難忍。或臟毒肛門泛出。腫硬不收。五倍子大者。敲一小孔。用陰乾。癩蝦蟆草揉碎。填塞五倍子內。用紙塞孔。濕紙包煨。片時許取出。待冷去紙。碾爲細末。每一錢。加輕粉三錢。冰片五釐。共研極細。待前湯洗後。用此乾搽痔上。卽睡勿動。其腫痛卽除。凡外痔用二方搽洗。亦可除根。永不再發。極效極效。

徐曰。亦外治之法。

### 田螺水

田螺水。用田螺一。冰片加之水自生。脫肛諸痔久難愈。將來一掃效如神。治痔瘡堅硬作痛。及脫肛腫泛不收者。以大田螺一枚。用大冰片五釐。研末。用尖刀挑起螺蓋。將冰片入內。平放片時。待螺滲出漿水。用雞翎蘸搽患上。勤勤

掃之。其腫痛自然消散。

徐曰。熱痔用此外治。

### 喚痔散

喚痔散煨刺蝟皮。草烏鹽麝搗如泥。枯礬冰片同研末。津唾調搽痔出齊。凡醫內痔不得出。用此藥填入肛門。其痔即出。

草烏生用一錢

刺蝟皮一錢燒存性

枯礬五錢

食鹽炒三錢

麝香五分

冰片二分

右碾細末。先用溫湯洗淨肛門。隨用津唾調藥三錢。填入肛門。片時痔即當出。去藥上護痔膏。

徐曰。以後四方連用。

### 護痔膏

護痔膏中用白芨。黃連石膏共研末。冰麝還須加一分。雞蛋清調功最烈。用喚痔散痔出之後。先用此藥圍護四邊好肉。此六字徐圖

白芨

石膏

黃連各二錢

冰片

麝香各一分

共研細末。雞蛋清調成膏。護在四邊好肉。方上枯痔散。

### 枯痔散

枯痔散內用白礬。蟾酥。輕粉。白砒。參。再加童子天靈蓋。枯痔方中效不凡。凡痔瘡泛出。即用此藥塗之。年淺者五七日。年深者八九日。待痔乾黑後。不用此藥。每日用落痔湯洗之。

白礬二兩

蟾酥二錢

輕粉四錢

砒霜頂砒一兩徐日金

天靈蓋此物徐批曰此藥傷天和不可用去之換他藥

共研極細末。入小新鐵鍋內。上用粗瓷碗密蓋。鹽泥封固。炭火煨至二炷京香。待冷取開。將藥研末。搽痔上。每日辰午申三時。用溫湯洗淨。上藥三次。上至七八日。其痔枯黑堅硬。住藥裂縫。待其自落。換洗起痔湯。徐曰。天靈蓋斷不可用。其方甚多。選用可也。

### 起痔湯

起痔湯中芩柏連。大黃。荆芥。苦參。兼。防風。甘草。山梔等。朴硝。槐角共相煎。



治諸痔上枯藥之後。黑色堅硬裂縫。宜此藥洗。

黃連

黃柏

黃芩

大黃

防風

荊芥

梔子

槐角

苦參

甘草

朴硝

已上藥分作三次。用水煎洗。待痔落之後。換搽生肌散。

生肌散

生肌散乳香沒藥。海螵蛸龍骨黃丹。赤石脂輕粉熊膽。珍珠麝竭冰片須參。

治痔上枯藥之後脫落。孔竅不收者。宜用此參。

乳香

沒藥

海螵蛸

黃丹

赤石脂

龍骨

血竭

熊膽

輕粉

冰片

麝香

珍珠

共研極細末。瓷罐收貯。早晚日搽二次。蓋膏。漸斂而平。

徐曰。此生肌法。更有佳者。

洗痔腫痛方

洗痔腫痛方法高。苦楝魚腥草朴硝。還有瓦花馬齒莧。煎湯熏洗痔疼消。

魚腥草

苦楝根

朴硝

馬齒莧

瓦松花

各一兩

水五大碗。煎三碗。先熏後洗。諸痔腫痛可消。

徐曰。此外治法。

梔案魚腥草徐圈。

人中白散

見牙疳門

治諸痔腫痛堅硬墜重脫肛等症。先用溫湯洗淨。隨後搽藥。即臥勿動。其腫痛漸減。

三品一條槍

見瘰癧門此方徐X

治十八種痔漏。用藥線插入痔孔內。早晚二次。初時每次插藥三條。四日後。每次插藥五六條。至七八日。藥力滿足。痔變紫黑。方住插藥。候痔四邊裂縫流膿。至十四日期滿痔落。用甘草湯洗淨。換搽鳳雛膏。或玉紅膏。俱可生肌收斂。虛弱者。兼服養血健脾之藥。

徐曰。此不可用。近世惡醫殺人無數。又曰。用以枯痔。已令人大痛無聲。況治他癰。無不哀號求死。毒入攻心。

### 生肌鳳雛膏

生肌雞卵鳳雛膏。輕粉乳香龍骨調。血竭同熬。傾入盞。雞毛塗上。效堪操。用雞蛋煮熟去白。用黃十餘個。銅杓內熬油。傾入盞內。約油三錢。加輕粉細末一錢。乳香、血竭、龍骨末各五分。共入油內和勻。每日早午晚雞翎蘸塗孔內。膏蓋避風。深者半月可以完口。

徐曰。此膏用處極多。

### 煮線方

煮線方中用壁錢。芫花二味共相煎。白絲扣線投湯內。諸痔癰瘤用此痊。

治諸痔反五癰六瘤。凡蒂小而頭面大者。此八字用此線纏繫其根。

芫花五錢 壁錢二錢

用白色細扣線三錢。同上二味。用水一碗。盛貯小瓷罐內。慢火煮至湯乾為度。取線陰乾。凡遇前患。用線一根。患大者二根。雙扣繫於根蒂。兩頭留線。日漸緊。

之。自然紫黑冰冷不熱。輕者七日。重者十五日。後必枯落。後用珍珠散收口。至妙。

徐曰。凡氣血不到惡症可用。否則恐有害。

### 臟連丸

臟連丸內用黃連。灌入公猪大臟煎。同搗爲丸。溫酒服。自然諸痔不纏絲。治痔無論新久。但舉發便血作痛。肛門墜重者。黃連淨末八兩。用公猪大臟盡頭一段。長一尺二寸。溫湯洗淨。將黃連末灌入臟內。兩頭以線紮緊。用生酒二斤半。砂鍋內煮酒將乾爲度。取起臟藥。共搗如泥。如藥爛。再晒一時許。復搗。丸如桐子大。每服七十丸。空心溫酒送下。久服除根。

徐曰。實火可用。

### 胡連追毒丸

胡連追毒丸甚奇。痔漏通腸。此可醫。麝香刺蝟皮丸服。排盡瘀膿。換好肌。治痔漏不拘遠年近日。有漏通腸。污從孔出者。先用此丸追盡膿毒。此四字服後丸藥。自然取效。最穩。

胡黃連一兩切片麝

香二分

刺蝟皮二兩炙切片

軟飯爲丸。麻子大。每服一錢。食前酒下。服藥後膿水反多是藥力到也。勿懼。

徐曰。一方有山甲槐米。

梟案胡黃連刺蝟皮二味。徐圈。

### 黃連閉管丸

胡連閉管藥四般。不用針刀不苦難。決明山甲槐花等。併入胡連煉蜜丸。

胡黃連淨末一兩

穿山甲麻油內煮黃色

石決明煨

槐花微炒各末五錢

煉蜜丸如麻子大。每服一錢。空心清米湯送下。早晚日進二服。至重者四十日而愈。此方不用針刀挂線。不受苦楚。誠起痼疾之良方也。如漏之四邊有硬肉突起者。加蠶繭二十個炒末。和入藥中。凡徧身諸漏亦效。

梟案石決明徐圈。

### 痔瘡應用方

內疎黃連湯見腫瘍門

補中益氣湯

四物湯俱見續瘍門

六味地黃丸

見肺癰門

## 下疳論

下疳者。邪淫慾火鬱滯而成。其來有三。一由男子慾念萌動。陽物興舉。淫火猖狂。而未經發泄。以致敗精濁血。流滯中途。結而爲腫。初起必小便澀淋作痛。次流黃濁。敗精。陽物漸損。甚則腫痛腐爛。法當疎利肝腎。邪火如入正散。清肝導滯。湯之類是也。二由婦人陰器瘀精濁氣未淨。便與交媾。以致淫精傳襲而生。初起皮腫光亮。甚如水晶。皮破流水。腫痛日生。癢麻時發。治當解毒消風。龍膽瀉肝湯兼平胃散合而用之。三由房術熱藥塗抹玉莖。洗擦陰器。興助陽火。煽動陰精。僥倖不衰。久頓不泄。以致火鬱未發而成。初起陽物癢痛。堅硬紫色。疙瘩漸生。腐爛漸作。血水淋漓。不時興舉。治當瀉火解毒。如黃連解毒湯。蘆薈丸之類是也。外治之法。皆以銀粉散、珍珠散、人中白散選用。又有先發時瘡。誤用熏條擦藥。結毒於此者。詳註結毒門。

## 下疳看法



初起不紅不腫。睡不舉陽。玉莖微損。小水自利者輕。已成微熱微腫。皮色光亮。小便赤色。更兼白濁者平。已損肉色紅活。掀無堅腫。小便不疼。大便不秘者順。初起小便淋漓。次損陽物。堅硬作疼。腐爛漸開者險。已成腐潰內攻。傷損玉莖。色紫無膿。疼如針刺者重。

## 下疳治法

初起腫痛發熱。小水澀滯。肝經濕熱也。宜瀉肝滲濕。腫痛堅硬。掀發寒熱。口燥咽乾。大便秘者。通利二便。玉莖腫痛。小便如淋。自汗盜汗。時或尿血者。清心滋腎。莖竅作癢。時出白濁。發熱口乾。津液少者。益腎清心。潰後腫痛。小便赤澀。日則安靜。夜則疼甚者。滋陰瀉火。潰爛不已。腫硬又作。疼痛日深。穢氣不同者。清肝解毒。徐曰。與諸症同。

## 下疳治驗

一童子十五歲。玉莖腫痛。外皮浮腫。粗大一倍。他醫治之以解毒清肝等藥。愈腫

愈痛。予用瀉火清熱滲濕等劑。亦不見效。診其脈細數而無力。知爲中氣不足。脾經濕水乘虛流注。停聚不散。當行從治法也。用四物湯合平胃散加木香、熟附子、人參各五分。一服腫痛頓退。四五服而全消。

徐曰。二方合一。不通已極。其有效者。藥未嘗與病相反。亦能奏功。但無法度。爲可笑耳。譬如烹炮食物。魚肉菜飯并作一碗。豈成庖人乎。然食之亦能飽也。惟不可食之物。雖烹炮得法。亦能害人。

一男子腫痛發寒熱。用荆防敗毒散二服而退。又服龍膽瀉肝湯。腫痛亦減。更服四物湯加黃柏、知母而消。

徐曰。此小疾不足立案。此類甚多。俱可刪。

一男子年四十。色慾過度。小便澀痛。出如白漿。結煉成塊。此腎傷濕熱爲患。朝以八味丸。徐入味丸午用八珍湯加山萸、牡丹皮、黃柏、知母服之。徐得日入珍湯內月餘而澀腫退。小便漸清。但竅中常有滑精。不時滲出。久致腰彎脚膝無力。偶用

三因勝駿丸。服至月餘。前症悉愈。

一男子莖頭腐爛。小水澀痛。外糝珍珠散。內服木通湯四劑。澀痛漸止。更服四物

湯加黃柏、花粉而痊。

徐曰。此似下疳初起。

一男子初婚。玉莖傷損。出血疼甚。先以葱湯浸洗良久。隨用珍珠散加冰片糝之。腐皮漸乾。痛亦漸止。內服四物湯加木通、山梔。四劑而愈。

一男子皮腫光亮。發熱疼甚。外敷如意金黃散。內服龍膽瀉肝湯加大黃。便痛稍愈。去大黃再服而消。

徐曰。以上諸條。並非真下疳症。真下疳當用靈妙糝藥。

## 下疳主治方

### 清肝導滯湯

清肝導滯湯。瞿麥。滑石。甘草。併扁蓄。大便若祕加大黃。燈心爲引。空心服。

治肝經濕熱。玉莖腫痛。小水澀滯作疼者。

扁蓄 四錢  
瞿麥 一錢  
滑石 二錢  
甘草 一錢  
大黃 二錢 便祕加

水二茶鍾。燈心二十根。煎八分。空心服。

徐曰。此利水之方。即入正散少三味。可刪。

又曰。凡大黃同滑石共服。則專走小便。而不作瀉。

### 龍膽瀉肝湯

龍膽瀉肝湯。木通。地黃。澤瀉。車前子。濕用黃連。秘大黃。芩。梔。翹。草。當歸。尾。治肝經濕熱。玉莖患瘡。或便毒懸癰。小便赤澀。或久潰爛不愈。又治陰囊腫痛。紅熱甚者。

龍膽草

連翹

生地黃

澤瀉各一錢

車前子

木通

歸尾

山梔

甘草

黃連

黃芩各五分

大黃一錢便加

水二茶鍾。煎八分。食前服。

徐曰。凡瀉下焦濕火之藥。不外諸味。但與下疳不甚切。

梔。案。龍膽草。澤瀉。山梔。黃連。大黃。徐。圈。

### 清肝滲濕湯

清肝滲濕二朮功。苓朴昆陳粉木通。山梔澤瀉川芎等。木香甘草當歸同。治陰囊玉莖濕腫如猪肚。小水不利。墜重作痛。

蒼朮

白朮

茯苓

山梔

厚朴

澤瀉

陳皮

木通

天花粉

昆布各一錢

甘草五分

木香三分

川芎

當歸各六分

作熱紅色。加黃連龍膽草。各七分水二茶鍾。煎八分。空心服。

徐曰。此泛治方。

### 清心蓮子飲

清心蓮子飲黃耆。赤茯苓人參地骨皮。黃芩甘草併澤瀉。麥冬加上水煎宜。治心經蘊熱。小便赤澀。玉莖腫痛。或莖竅作疼。及上盛下虛。心火炎上。口苦咽乾。煩躁作渴。或虛陽口乾。小便白濁。夜則安靜。晝則發熱者。

石蓮肉

黃耆

黃芩

赤茯苓

人參各一錢

炙甘草

澤瀉

麥門冬

地骨皮各五分

水二茶鍾。煎八分。空心併食前服。

徐曰。此通治清心火之方。亦與下疳不切。

### 八正散

八正散中用木通。車前瞿麥大黃同。扁蓄山梔併滑石。加之甘草有殊功。治肝經積熱。小便淋閉不通。及一切淋病。

大黃

車前子

瞿麥

扁蓄

山梔

木通

甘草各一錢

滑石二錢

水二茶鍾。煎八分。食前服。

徐曰。此利水主方。亦非治下疳藥。

### 解毒木通湯

解毒木通湯。柏連。膽草。山梔。蘆薈。全。瞿麥。滑石。知母草。還用燈心作引。煎。治男婦房術熱藥所傷。致玉莖陰戶癢痛。小水澀滯。白濁滑精。至夜陽物興舉。



不得眠者。

木通

黃連

龍膽草

瞿麥

滑石

山梔

黃柏

知母各一錢

蘆薈

甘草各五分

水二茶鍾。燈心二十根。煎八分。食前服。

徐曰。同前意。

### 蘆薈丸

蘆薈丸中用二連。蕪荑。鶴虱。共雷丸。青皮。麝香。同等。餅糊丸。服病安痊。

治下疳潰爛作痛。又治婦人陰蝕瘡作癢。及小兒肝積發熱。口鼻生瘡。牙齦蝕爛等症。

胡黃連

黃連

蘆薈

白蕪荑

青皮

白雷丸

鶴虱各一錢

麝香一錢

木香三錢

右爲末。蒸餅糊丸。如麻子大。每服一錢。空心清米湯送下。

徐曰。此殺蟲之方也。內有濕熱生蟲者宜服。  
梔子、胡黃連、蘆薈、白蕪荑、白雷丸、鶴虱草。徐圈。

### 銀粉散

銀粉散用錫化開。硃砂研末攪成堆。去砂留錫更投汞。杭粉、輕粉隨後攪。  
治下疳。毋論新久。但腐爛作痛。及楊梅瘡熏後結毒。玉莖腐爛。或陽物半傷。半  
全者。好錫六錢。化開。下硃砂末二錢。攪炒砂枯。去砂留錫。再化開。投水銀一兩。  
和勻。傾出聽用。杭粉一兩。研細。鋪夾紙上。捲成一條。一頭點火煨至紙盡爲度。  
吹去灰。用粉與汞錫同煎。加真輕粉一兩。共成一家。研細。凡遇前患。先用甘草  
湯淋洗。浥乾。隨用此藥。上止痛生肌。收斂極妙。  
徐曰。此殺蟲收濕。糝藥。或加寒水石、硼砂。

### 珍珠散

珍珠散效實堪誇。輕粉還兼釭子花。諸腫諸瘡諸痛腐。用之一糝自然瘥。  
治下疳。皮損腐爛。痛極難忍。及諸瘡新肉已滿。不能生皮。又湯潑火燒。皮損肉  
爛。疼痛不止者。

青釭花五分如無用頭刀旋花輕虛色

珍珠一錢不論大

研上入豆腐內煮數滾至極細無聲方用

真輕粉一兩

右三味共研千轉細如飛麵方入罐收。凡下疳初起皮損。搽之即愈。腐爛疼痛者。甘草湯洗淨。猪脊髓調搽。如諸瘡不生皮者。用此乾糝。即可生皮。又婦人陰蝕痛。或新嫁內傷痛甚者。亦可搽此。極效。湯潑火燒痛甚者。用玉紅膏調搽之。徐曰。輕淡之品。

### 疳瘡簡便方

用油透羅緞舊帽沿燒灰。杭粉瓦上煨黃色。各等分。共研極細。瓷罐收貯。先用紅棗十五枚。甘草三錢。煎湯溫洗患上。浥乾搽藥。即效。

太乙膏見腫瘍門

治玉莖皮損。疼痛不止者。用此貼之。其疼即止。

### 下疳應用方

四物湯

八味丸此方徐勒

八珍湯俱見續瘍門

三因勝駿丸見附骨疽門

### 魚口便毒論

夫魚便者。左爲魚口。右爲便毒。總皆精血交錯。兩胯合縫之間結腫是也。小腹之下。陰毛之傍結腫。名曰橫痃。又名外疝是也。得之入房忍精。強固不洩。或慾念已萌。停而不遂。以致精血走動凝滯。結而爲腫。治當散滯行瘀。通利大小二便。九龍丹。山甲內消散是也。七日已後服之。根本堅固。恐其作膿。宜用火針法刺之。亦妙。已出膿者。服十全大補湯。庶易收斂。遲則恐生別症難愈。

### 魚口便毒看法

初起結腫不紅微熱。行走利便。無寒熱交作者輕。已成紅赤腫痛。發熱掀疼。舉動艱辛。至夜尤甚者順。已潰膿稠。肉色紅活。腫消痛止。新肉易生。作癢者順。初起結腫堅硬如石。牽強刺疼。起坐不便。寒熱者重。已潰腐爛。腫痛不減。膿水清稀。孔深口大不斂者險。

### 魚口便毒治法

初起漫漫結腫疼痛。兩胯牽強。身發寒熱。宜散表邪。已成堅硬。發熱疼痛。內熱口

乾。大小便秘。宜通利之。發散疎利之後。腫痛仍作。欲作膿。宜用托裏消毒散。掀腫發熱。疼痛日久。急脹若甚。內膿已成。宜急開之。已潰之後。膿水不乾。新肉生遲。不斂。宜健脾胃。補氣血。

徐曰。看法治法。與諸症同。

### 魚口便毒治驗

一男子左胯腫痛。身發寒熱。脈弦而數。用人參敗毒散一劑。表症悉退。次用山甲內消散二劑而痊。

徐曰。此初起輕症。

一男子橫痃腫痛堅硬。二便澀滯。以九龍丹一服。通利大便。腫痛稍減。間日又用一服。二便通利而消。

一男子患此十餘日。形勢已成。腫痛日甚。因公事急欲出而不能行。以火針法針之。出紫血鍾許。外用膏貼。拔出微膿。服托裏消毒散而可行。且速愈。

徐曰。此是實症。

一男子潰而口大不斂。此先時泄藥之過也。用十全大補湯加澤瀉、丹皮。十餘劑。外搽玉紅膏。月餘而斂。

一男子先出疳瘡。久而不愈。後發橫痃。十餘日始覺腫痛。余欲托裏潰膿以泄毒氣。彼欲內消。自服槐花酒、蜈蚣、全蠍等藥。蜈蚣、全蠍徐勣腫未得消。元氣已損。轉致筋骨疼痛。舉動艱辛。仍請余治。形體瘦弱。脈虛而數。此真氣受傷。邪氣隨入。雖宜補養。必發時瘡乃愈。彼不之信。仍服敗毒消風等藥。元氣愈虛。飲食不進。筋骨疼甚。徹夜不睡。又復請治。先用補中益氣湯。補中益氣湯徐勣倍參耆。六服。元氣稍醒。惟疼不大減。此內虛瘡毒下陷之故。朝服六味丸。午用十全大補湯。十餘服。偏身方發紅點。此瘡毒欲出。仍服前藥。紅點漸高。始成瘡形。瘡毒一出。疼痛頓減。元氣漸復。更服八珍湯。八珍湯徐勣加米仁、銀花、土茯苓。服至半年。方得漸愈。彼悔執方治病之誤。始信因病用方之妙。

徐曰。一味蠻補。自然難愈。

又曰。凡外症用補中益氣、八味、六味、十全大補諸內科之方。其藥味全與外科無涉者。皆薛立齋之惡習也。此老全不知醫。而竊當時之盛名。死有餘辜。



# 魚口便毒主治方

## 山甲內消散

山甲內消散。大黃。當歸。用梢。蠶。用殭。黑牽牛。與甘草節。土鼈。太寒。須熟商。治魚口便毒。騎馬癰橫。疔等症。初起未成膿者。

當歸梢

甘草節

大黃各三錢

穿山甲炒三片

殭蠶

黑牽牛各一錢

土木鼈三箇。徐日此味太寒。不可輕用。

水酒各一碗。煎八分。空心服。渣再煎服。大便行三四次。方喫稀粥。淡味飲食妙。

徐曰。此便毒之主方。但藥味太烈。宜酌用。

又曰。此症堅硬難消。故用藥宜重。

梔子。大黃。穿山甲。黑牽牛。土木鼈。徐圈。

## 九龍丹

九龍丹。用茶。血竭。巴豆。木香。兼乳沒。生蜜。為丸。酒下之。便毒橫疔。滅無跡。治魚口便毒。騎馬癰橫。疔。初起未成膿者。

兒茶

血竭

乳香

沒藥

木香

巴豆

油不去

右各等分。爲末。生蜜調成一塊。瓷盒盛之。旋丸寒豆大。每服九丸。空心熱酒一杯送下。行四五次。方喫稀粥。腫甚者。間日再用一服自消。

徐曰。巴豆必當去油。亦不宜輕用。

### 紅花散瘀湯

紅花散瘀湯。蘇木。翹。貝。殭蠶。乳。決明。歸尾。大黃。角針等。牽牛。山甲。酒煎行。治入房忍精強固不泄。以致瘀精濁血凝結兩胯。或小腹之旁。結成腫痛。小水澀滯者。

當歸尾

阜角針

紅花

蘇木

殭蠶

連翹

石決明

穿山甲

乳香

土貝

各一錢

大黃

牽牛

二錢

水酒各一碗。煎八分。空心服。行五六次。方喫稀粥補之。

徐曰。義同前。

1  
楣案阜角針、蘇木、石決明、乳香、土貝、徐圈。

黃耆內托散

黃耆內托散芎歸。白朮銀花澤瀉隨。花粉角針與甘草。魚口便毒此能醫。

治魚口便毒橫痃等症。已成不得內消者。

川芎

當歸

黃耆

各二錢

金銀花

天花粉

阜角針

甘草

澤瀉

各五錢

水二茶鍾煎八分。食前服。

徐曰。法重出。

楣案全生集載橫痃生於小腹兩旁大腿界中。形如腰子。皮色不異。硬如結核。按之微痛。五月初旬。取新鮮角刺數斤搗爛。入鍋煮湯。湯濃瀝出。易水再煮二三度。出渣。將汁共歸一鍋。慢火煎至成膏。日取二錢。同糯米煮粥。日食可消。如無新鮮角刺。取乾者六錢為末。布袋同糯米煮粥。食亦可。或以控涎丹三分。淡薑湯日送三次。全愈乃止。大忌開刀。開則刀口無膿。唯出白膩漿。

三百日內死。自潰者亦然。

玉紅膏

見潰瘍門

治魚口便毒橫痃。腐潰口不合者。用此搽之。

火針法

火針之法。勝服藥。針蘸桐油火上灼。刺入瘡根膿血行。腫消痛止。成歡樂。治魚口便毒橫痃等症。用行藥不得內消者。用粗線針二條。將竹筴一頭劈開。將針離分半許。夾在筋頭內。以線紮緊。用桐油燈盞內貯之。燈草五根。排入油內點著。將針蘸油燒紅。向患頂重手刺入五六分。隨出或血或膿。以膏蓋貼。即得輕便。以後漸愈。虛者兼服十全大補湯完口。

徐曰。血寒氣壯人方可用。膏粱虛弱人不宜。

楣案血寒疑是血實之誤。然所見鈔本皆作寒。今仍之。

魚口便毒應用方

托裏消毒散

見腫瘍門

十全大補湯

補中益氣湯

八珍湯

俱見潰瘍門

六味地黃丸

見肺癰門

徐評外科正宗

|      |      |      |
|------|------|------|
| 明    | 清    | 清    |
| 崇川   | 海寧   | 吳江   |
| 陳實功著 | 許辛木訂 | 徐靈胎評 |
|      |      | 鄞縣   |
|      |      | 曹炳章校 |

卷九

囊癰論

夫囊癰者。乃陰虛溼熱流注於囊。結而為腫。至潰後舉丸懸挂者。猶不傷人。以其毒從外發。治當補陰清利濕熱。取效者十有八九。近時人誤用疝家熱藥。多致熱甚為膿。徐曰此二慮難收斂。初宜龍膽瀉肝湯。龍膽徐勸批稍久滋陰內托散。外敷如意金黃散。俱可內消。又一種水疝。皮色光亮。無熱無紅。腫痛有時。內有聚水。宜用針從便處引去水氣則安。此句徐圈批曰如腫痛日久。內膿已成。脹痛者可

即針之。內服十全大補湯。加山茱萸、牡丹皮、澤瀉治之。間以六味地黃丸服之亦愈。

### 囊癰看法

初起不紅微腫。腎子引痛。不作寒熱。起坐自便者輕。已成紅腫發熱。形色光亮。疼痛有時。飲食有味者順。已潰膿稠腫消痛止。新肉漸生。不痛作癢收斂者吉。潰後腐爛。囊皮脫落。甚者辜丸突出。能食不痛者順。初起堅硬紫色。日夜痛甚。小便不利。大便秘泄者重。已成堅而不潰。頭腐無膿。疼痛無時。常流血水者重。潰後膿口開張。腫痛不減。身發寒熱。睡臥不寧者重。

### 囊癰治法

初起寒熱交作。腎子腫痛。疼連小腹者。宜發散寒邪。已成紅腫發熱。口乾掀痛。小水不利。大便秘者。利之。已潰疼痛不減。膿水清稀。朝寒暮熱者。宜滋陰內托。潰後不能收斂。日晡發熱。飲食減少者。宜養血健脾。潰後辜丸懸挂。不能收斂者。當外



用生肌。內加補托。

### 囊癰治驗

一男子風寒未經發散。寒中腎囊。作腫痛甚。以萬靈丹洗浴發汗。寒邪頓退。又服四物湯加澤瀉、蒼朮、山梔、天花粉。外敷如意金黃散。數次而痊。

徐曰。此輕邪不成癰。

一男子囊腫甚大。脹疼不熱。按之軟而即起。此濕水流注。聚而不散。以拔針導去黃水碗許。服導水消腎丸。月餘而消。又以木香補腎丸服之不發。

徐曰。此濕腫之症。

一男子患此十餘日。腫甚脹痛。內膿已成。針之出膿碗許。服十全大補湯加澤瀉、丹皮。十餘劑而收斂。

一老年人素有疝氣。因怒傷肝。舉發疼痛。自服盤葱散熱藥。腫痛益甚。腎囊半邊堅硬。皮損紫黑。此欲腐爛見辜丸候也。余語之不信。尙欲內消。請他醫治之。內服龍膽瀉肝湯。外敷四黃散寒涼等藥。堅硬果腐。飲食少進。虛熱不睡。痛甚昏

憤。又復請治。余曰。此症初起似疝。實非疝也。凡疝小腹作疼。牽引腎子。多寒少熱。好飲熱湯。此症乃腦怒傷肝。陰虛濕熱爲患。其囊紅腫發熱。小便赤澀。內熱口乾。墜重作痛。是爲囊癰之候。初宜清利濕熱。此六字而反用疝家熱藥。已成宜補陰。而又用瀉肝涼劑。老年氣血既虧。攻補機關又誤。安得不殆。當養氣血固根本爲主。而佐以安神定痛之藥。接補元氣。死生在進退之間。尙可轉也。內服八珍湯加麥冬、五味子、遠志、丹皮。外以甘草湯淋潰腐處。將已壞黑肉盡行剪落。其辜丸已露。數日後。因得補藥之力。前症漸退。飲食漸進。外腐已盡。腎子已突出大半。搽以玉紅膏。外用膏蓋。肌長漸收。調理半年外始安。

徐曰。若治之得法。一月必愈。

一男子腫痛十餘日。堅硬無膿。囊頭紫色作爛。此欲外腐。以蟾酥錠爲末。糝上膏蓋。二日腐肉脫下。搽玉紅膏。以太乙膏掩之。內服補陰滋腎藥而愈。

一男子慾後受寒。致陰囊牽引小腹作痛。惡寒發熱。診之脈緊數而無力。服五積散一劑。寒熱乃退。痛亦稍止。更用八珍湯加肉桂、丹皮、澤瀉。數服而愈。肉桂徐勒

囊癰主治方

清肝滲濕湯

清肝滲濕湯歸地。芎芩柴通澤瀉芩。山梔膽草天花粉。燈心甘草效如神。

治囊癰肝經濕熱結腫。小水不利。發熱掀痛者。

川芎

當歸

白芎

生地

柴胡

龍膽草

山梔

天花粉

黃芩各一錢

澤瀉

木通

甘草各五分

水二茶鍾。燈心二十根。煎八分。食前服。

徐曰。不外此方。

滋陰內托散

滋陰內托散芎歸。白芎還兼熟地耆。角針澤瀉併山甲。囊癰日久服相宜。

治囊癰已成。腫痛發熱。服之有膿即可穿潰。

當歸

川芎

白芎

熟地

黃耆各一錢半

阜角針

澤瀉

穿山甲各五分

水二茶鍾。煎八分。食前服。

徐曰。通治此症之方。

### 導水消腎丸

導水消腎丸。茅朮。木通。肉桂。炒牽牛。更入木香。共研末。囊癰丸服不須憂。治內傷生冷。外受風寒。以致寒濕侵入囊中。小者如升。大者若斗。皮膚頑厚。陽物短縮。小水不利。不痛多冷。俗稱沙疔是也。宜服此藥。引導水氣。日久漸消。不為廢疾。此方常驗。

茅山蒼朮一斤米泔水浸切片炒黃

木通半斤

肉桂一兩刮去粗皮

牽牛二兩微炒 木香一兩

共為細末。陳米粉打糊。丸如桐子大。每服百丸。空心。白滾湯。清米湯任下。忌生冷麵食。此囊雖夏月炎天。亦以衣被覆之為妙。

徐曰。此方不可輕服。

### 灸偏墜法

偏墜灸法最為靈。候取天晴。仰臥身。木腎盡頭為灸穴。灸之七壯。自然平。候取天晴。不犯人神。曰。患者平身。仰臥。取木腎子根下硬根盡處。以墨點記。用

安豆大艾炷。三年之內灸七壯。年久者灸九壯十一壯為止。內服木香補腎丸。戒食生冷。兼忌房事百日為妙。

### 木香補腎丸

木香補腎丸地精。棗膝蛇菰兔志苓。丁茴二香歸杞戟。青鹽杜仲與人參。治偏墜。一名木腎。不疼不癢。漸漸而大。最為頑疾。有妨行動。多致不便。灸後宜用此。可內消。此藥功效。不獨治疝。中年後宜服之。益壽延年。黑髮壯筋。填髓明目。聰耳補腎。助元陽。調飲食。其功不可盡述。婦人服之。顏如童女。肌膚瑩潔如玉。又精寒血冷。久無嗣息者。服之更妙。

懷慶生地四兩酒煮兔絲子

肉苁蓉

黃精

黑棗肉打爛

牛膝

蛇牀子微炒

茯苓

遠志各一兩三錢

歸身二兩四錢

丁香五錢

大茴香

木香各六錢

枸杞子一兩五錢

巴戟

杜仲各一兩

青鹽五錢

人參五錢

右為細末。煉蜜丸如梧桐子大。每服六七十丸。空心溫酒送下。又諸疝不常舉。

發者服之亦宜。

徐曰。此治腎經氣分之方。穩妥無弊。最可師法。  
梔子、肉蓯蓉、蛇牀子、遠志、丁香、大茴香、木香、巴戟。徐圈。

如意金黃散

見腫瘍門

治囊癰初起。紅赤腫痛。發熱墜重者。用葱湯同蜜調敷。夏月濕熱紅甚者。溫茶湯同蜜調敷妙。

囊癰應用方

萬靈丹

蟾酥錠

太乙膏

玉紅膏

俱見腫瘍門

十全大補湯

四物湯

俱見腫瘍門

五積散

見附骨疽門

龍膽瀉肝湯

見下疳門

懸癰論

夫懸癰者。乃三陰虧損。濕熱結聚而成。此穴在於穀道之前。陰器之後。謂之海底穴。初生狀如蓮子。少癢多痛。日久漸如桃李。赤腫掀痛。欲潰為膿。破後輕則成漏。重則瀝盡氣血。變為癆瘵不起者多矣。初起時。元氣壯實。宜用九龍丹瀉去病根。



稍虛者。內消沃雪湯利去溼熱。十中亦有三四可消。如十餘日後。腫勢已成。不得內消。宜托裏消毒散加山甲。皂角刺。服之自破。如腫高光亮。膿熟不破頭者。用針急破之。穢膿一出。其患易安。如膿出之後。朝以六味地黃丸。午以十全大補湯加牡丹皮。澤瀉。溫補滋陰。又有厚味膏粱之人。氣體壯實者。初服龍膽瀉肝湯。潰服滋陰八物湯。以清蘊熱。體瘦房勞。氣血虛弱者。初服八珍湯加澤瀉。炙甘草。潰後十全大補湯加牡丹皮。熟附子。脾弱者。補中益氣湯以滋化源。日久成漏者。國老膏化湯吞服蠟礬丸。國老膏以下徐國老方前諸方皆得此首尾誤服寒涼。損胃傷脾。冰凝氣血。以致患孔漸開。穢膿不止者。定成虛羸癆瘵。終為難愈。

### 懸癰看法

初起如松子。漸大若梅李。紅赤腫痛光亮發熱者輕。已成高腫作痛。根脚不散。皮薄易破。膿成脹痛者輕。已潰膿稠而黃。氣味不臭。掀腫易消。痛止作癢者順。初起色紫堅硬。根脚漫腫。痛連臀膝。二便不利者重。已成腫如黃瓜。紫斑腐爛。穢水無膿。痛甚氣臭者逆。已潰穢膿不絕。瘡口開張。肉不紅活。虛熱食少者逆。

### 懸癰治法

初起寒熱如瘧。喜覆衣被。口乾好飲熱湯。宜發散已成。掀熱作痛。內熱口乾喜冷。大便秘澀者。微利之。日久內膿已成。不破。頭面脹痛者。急針之。法當補托。潰後膿水清稀。虛熱不退。腫痛不消者。宜滋陰健脾。瘡口不斂。飲食減少。餘腫不消。新肉不生者。峻補脾胃。

徐曰。看法治法亦與諸症同。

### 懸癰治驗

一男子結腫四日。作癢微痛。用九龍丹一服。利五六次。其腫漸消。又用四物湯加花粉、黃柏、知母而愈。

徐曰。此輕症。

一男子患此十餘日。掀腫作痛。至晚發熱尤甚。又兼小水不利。服龍膽瀉肝湯三劑。小水稍通。微痛不止。此欲作膿。用托裏消毒散加穿山甲、皂角刺、澤瀉。二服

而膿出。又服十全大補湯。月餘而斂。  
一男子患此。腫甚脹痛。此內膿已成。針之。出臭膿碗許。疼痛頓減。服十全大補湯十餘劑。而飲食漸進。掀痛亦消。惟瘡口潰甚難合。間用炙甘草吞蠟蜜丸。外以附子餅灸之。調理三月而愈。  
一男子素有痰火。久服降下之藥。以致結腫疼痛。脈細而數。此陰虛濕熱流注而成。潰後必難收斂。辭不治。後果出臭膿不禁。日漸開大。發熱不止。飲食不進。強投溫中健脾補托氣血藥。終不效而死。

### 懸癰主治方

#### 滋陰八物湯

滋陰八物湯生地。赤芍丹皮花粉歸。甘草川芎澤瀉等。引用燈心實症宜。治懸癰初起。狀如蓮子。紅赤掀腫。悠悠作痛者。

川芎

當歸

赤芍

生地

牡丹皮

天花粉

甘草節錢各一

澤瀉五分

大黃便祕加一錢蜜炒

水二茶鍾。燈心二十根。煎八分。食前服。

徐曰。此治實症爲宜。

### 炙粉草膏

炙粉草膏藥二般。甘草頻將水炙乾。歸身同熬膏日服。懸癰腫痛自平安。

治懸癰已成。服藥不得內消者。服之。未成者卽消。已成者卽潰。既潰者卽斂。此治懸癰良藥也。大粉草四兩。用長流水浸透。炭火上炙乾。再浸再炙。如此三度。徐曰。愈多。切片。甘草三兩。當歸身三兩。水三碗。慢火煎至稠膏。去渣再煎。稠厚爲度。每日三錢。無灰好熱酒一大杯化膏。空心服之最妙。

徐曰。和平良劑。凡下體之疾皆治。

### 還元保真湯

還元保真湯四物。參苓丹皮併白朮。甘草黃耆枸杞同。附子肉桂澤瀉入。治懸癰已潰。瘡口開張。膿水淋漓。不能收斂者。

當歸

川芎

白芍

熟地

白朮

茯苓

人參

黃耆各一錢

牡丹皮

枸杞子各八分

甘草炙

熟附子各五分

肉桂

澤瀉各二分

水二茶鍾。煨薑三片。大棗三枚。煎八分。食前服。

徐曰。此補劑通用之方。附桂何得輕用。

### 滋陰九寶飲

滋陰九寶飲。芍歸。白芍。黃連。生地。隨。花粉。知母。併黃柏。大黃。實火服之宜。

治懸癰。厚味膏梁。蘊熱結腫。小水澀滯。大便秘結。內熱口乾。煩渴飲冷。及六脈

沈實有力者。

川芎

當歸

白芍

生地

黃連

天花粉

知母

黃柏

大黃蜜水拌炒二錢

水二茶鍾。煎八分。空心服。

徐曰。此寒下之劑。非初起有實火者不可用。

楣案懸癰破後。往往成漏。不強治。亦不遽傷生。余見一友患此二十餘年。後因他病而歿。全生集載初起未成膿時。用生甘草。熟大黃各三錢。酒煎空心服一劑即愈。余昔有一僕將隨同北上。先行之三日。忽患此。一夜大如蒲萄。投以此方。果一劑而消。此僕甫二十餘歲。甚壯實。當是濕熱結聚所致。故奏效如神。虛人須斟酌。

懸癰應用方

托裏消毒散

見腫瘍門

腎氣丸

見肺癰門

十全大補湯

八珍湯

補中益氣湯

四物湯

俱見腫瘍門

內消沃雪湯

蠟礬丸

見腫瘍門

九龍丹

見魚口門

龍膽瀉肝湯

見下疳門

附子餅

見附骨疽門

腎癰論

腎癰生於小腹之後。位遠僻奧。氣亦罕到。血亦少來。凡生此者。濕熱凝滯結聚而成。毒必外發。庶不內攻。初起毒從五臟蘊積者。患必有頭。紅熱墜重如石。內必口乾發熱。宜內消沃雪湯通利積熱。外以膏貼瘡頂。四邊以如意金黃散敷之。拔出



瘰癧紫血。內兼托藥自愈。常有內服敗毒寒劑。外敷涼藥。氣血冰凝。毒氣不得外發。反致內攻。其瘡頭軟陷無膿。根脚平散不痛。內熱口乾。煩躁譫語。痰喘氣粗。恍惚不寧者。俱爲不治。此症從毒積於內。自裏至表者。十有八九。而從風寒暑濕。自外至裏者。百中一二。旣出而復入裏者。終爲死候。

徐曰。治此疾與凡治下體之毒同。但須略加溫托之品。

### 腎癰看法

初起有頭。紅赤腫痛。頂高發熱。根脚高聳者爲易治。已成掀熱發腫。疼痛有時。皮薄光亮。色紅易膿者順。已潰膿稠而黃色如豬腦。腫消痛止。起坐自便者順。初起粟米形。或黃泡一點。平塌作癢。根脚散漫者重。已成色紫堅硬。臀腿俱腫。小便澀滯。日久無膿者險。潰後無稠膿。頂空根軟塌。手按不知疼。神昏無治法。

### 腎癰治法

初起惡寒體倦。喜覆衣被。脈浮緊而在表者。微散之。已成內熱口乾。好飲冷物。小

水澀而大便秘者。通之。頂高色赤。掀痛發熱。疼痛有時者。宜托裏更兼解毒。腫已高而作疼。膿已熟而不破。脹痛難忍。宜卽針之。潰後堅硬不消。膿水不止。飲食無味者。宜補虛健脾。

徐曰。看法治法亦與諸症同。

### 腎癰治驗

一男子患此四五日。始覺疼痛。至晚作寒。六脈浮而帶數。服人參敗毒散二劑。寒熱頓退。疼痛稍止。彼有公事。急欲出門。乃用針點入癰頂五六分。流去紫血。徐曰。針不宜太早。用蟾酥條插入膏蓋。條亦不必服。活血散瘀湯二劑。紫血既去。便可行動。更服托裏藥五六劑而安。

一男子患此六七日。掀痛發熱。口乾便燥。用托裏消毒散。加花粉、大黃二服。便通渴止。仍用前湯加角針、山甲。數服而膿潰。又服十全大補湯半月而斂。

一男子患此。堅硬不潰。此先用涼藥之過也。用十全大補湯加角針、蒼朮、丹皮四劑。堅硬漸軟。又服透膿散二劑。膿熟針之。仍用前湯倍參、耆、歸、朮。月餘而斂。

一男子暑月患此。自以為內毒。用老鴉藤搗爛敷之。每日續飲涼水十餘碗。自取其死。如此三日。瘡毒內陷。平塌冰冷。口噤不言。六脈虛細如絲。辭不可治。至夜而死。又一人冬月患此。外用四黃散涼水調敷。內服敗毒涼藥。毒亦內陷。煩躁口乾。鼻掀氣急。瘡頭平塌。原有一孔。無水無膿。亦辭不治。他醫皆言無事。余曰。臀居小腹之後。肌肉頑厚。毒既到此。必須內托為膿。潰後最易收斂。今內外俱用涼藥。毒既內入。豈能再出。衆醫強投內消解毒定躁除煩之藥。半月而死。

### 臀癰主治方

#### 活血散瘀湯

活血散瘀湯枳殼。蘇木紅花角歸芎。大黃雖用便通撤。翹粉芩乳芍防風。  
治臀癰初起。紅赤腫痛墜重如石。及大便秘澀。

|    |    |       |      |
|----|----|-------|------|
| 川芎 | 當歸 | 防風    | 赤芍   |
| 蘇木 | 連翹 | 天花粉   | 皂角針  |
| 紅花 | 黃芩 | 枳殼各一錢 | 大黃二錢 |

水二茶鍾。煎八分。食前服。便通者。去大黃。加乳香。

徐曰。實症可用。藥亦太雜。

黃耆內托散

黃耆內托散。黃耆。山甲。芎歸。皂角刺。金銀花。與甘草節。臀癰已成服之。潰。治臀癰已成。服前藥勢定者。欲其潰膿。宜服此。

黃耆二兩

當歸

川芎

金銀花

皂角刺

穿山甲

甘草各一錢

水二茶鍾。煎八分。入酒一杯。食前服。

徐曰。此臀癰之主方。

臀癰應用方

內消沃雪湯

如意金黃散

人參敗毒散

托裏消毒散

透膿散俱見腫瘍門

蟾酥條見疔瘡門

十全大補湯見潰瘍門

楊梅瘡論

夫楊梅瘡者。以其形似楊梅。又名時瘡。因時氣乖變。邪氣湊襲。又名棉花瘡。徐曰。棉花總由濕熱邪火所化。但氣化傳染者輕。精化慾染者重。氣化乃脾肺受毒。其患先從上部見之。皮膚作癢。筋骨不疼。其形小而且乾。精化乃肝腎受毒。其患先從下部見之。筋骨多疼。小水澀淋。其形大而且硬。如氣化者。毒在皮膚。未經入裏。宜服萬靈丹。洗浴發汗。解散皮膚之毒。精化者。毒在骨髓。未透肌膚。宜服九龍丹。通利大小二便。以消骨中之毒。甚者二服皆可。行散之後。體實者。升麻解毒湯。體弱者。歸靈內托散。服至筋骨不疼。瘡根淡白。此二句徐圖批曰。此症總以毒盡為度。不可欲速。內毒已解。方用點藥。輕者半年。重則一載始愈。如患者欲速。妄用熏條擦藥。哈吸等法。必貽後患。宜熟思之。

### 楊梅瘡看法

初起無頭疼。筋骨不作痛。小水無澀淋。瘡乾細者輕。已生頭面稀少。口角無瘡。項下胸背雖多。穀道無者輕。初生瘡發下疳。次生魚口。筋骨疼痛。瘡發非祥。瘡生紅紫堅硬。手足偏生。形如湯潑泡狀。害非輕淺。

### 楊梅瘡治法

初起先澀淋。次筋骨作疼。後發瘡者。宜攻利。生後外無疳瘡。內無筋骨作痛。時氣所感者。微散之。瘡由交媾不潔。先生下疳。小水澀滯不通者。當行導利。上部作癢。瘡多。宜消風清熱。下部作疼癢甚。宜瀉濕爲先。紅紫毒盛。瘡高。宜涼血解毒。淡白毒輕。瘡薄。宜攻補兼行。手足皮膚枯槁。鵝掌風生。柏葉二礬煎湯熏洗。卽好。頭髮眉毛脫。油風何須說。神應養真丹。早服稀疎脫。點點楊花癬。片片癩風瘡。宜服換肌丸。效應如同掃。

### 楊梅瘡治驗

一男子患此兩月餘。自服敗毒涼劑不應。筋骨疼痛。此表裏寒涼。毒沈難出。必以辛熱發之。此六字不可用萬靈丹葱酒煎服。仍洗浴蓋之。先出冷汗如雨。次出熱汗。疼痛減其大半。以歸靈湯服至月餘。瘡勢始定。更服萆薢湯。兼補中益氣湯。又兩月餘始全愈。



一男子小便白濁作痛。次出疳瘡。發腫作爛。筋骨微痛。余曰。將發時瘡。彼不之信。

請他醫以熏藥照之。

熏藥徐

瘡似稍愈。而筋骨更疼。頭脹欲破。又復請治。紅點滿

面。此火氣鬱遏難出。先用黃連解毒湯二服。瀉其火毒。次以蟾酥丸發汗。使其

毒透出肌表。紅點漸漸成瘡。筋骨頭疼亦漸減。更以加味遺糧湯服至兩月。瘡

始出盡。骨疼方止。又兼服解毒天漿散至百日。其瘡始退。又百日而平。

一女人因丈夫生瘡傳染。筋骨極疼。遇晚寒甚。服人參敗毒散四劑。

人參徐勒批

如此毒氣在內。其寒乃退。疼尚不止。又以萬靈丹發汗二次。方出點如豆大。頭

面及背肉無餘隙。此毒盛也。用防風通聖散二劑。通利大小二便。去硝黃加阜

角針。金銀花。又十餘劑。其瘡小者如錢。大者若杯。氣穢作爛。起坐不堪。外以石

珍散糝爛處令結疤。又爛又糝。內服加味遺糧湯兩月餘。瘡始漸乾。輕者收斂

脫痂。重者半年方愈。

一庠生患此月餘。欲求速愈。余曰。此非他恙可比。若速愈。必遺毒於後日。辭不敢

治。更醫對曰。半月全愈。後亦無患。聞言大喜。用水銀。膽礬等藥。

此七字徐勒

搽

擦手足二心。半月果愈。隨後骨疼。諸藥不應。半年後。內毒方出。爛疼不堪。徧腿

連串並無一空。又二年。腿脚曲而不直。廢疾終身。又兼耳聾。全不聞聲。又一人嫖妓生瘡。筋骨疼痛。余曰。升發方可。彼欲內消。他醫謂用丸藥七圓可治。每用一圓。置炭上燃著。以口吸煙。此句至三圓。鼻流鮮血。至夜而死。又一妓者患此。欲其速愈。以照藥熏之。三日後吐鮮血數盆亦死。此皆欲速。自取危亡。

### 楊梅瘡主治方

#### 加味遺糧湯

加味遺糧湯。木瓜。芎歸。防。苡。朮。銀。花。靈。仙。鮮。阜。通。甘。草。人。參。一。味。氣。虛。加。  
治楊梅瘡初起。筋骨疼痛。及已成數月。延綿不已。并楊梅風毒。誤服輕粉。癱瘓骨疼。不能動履。

川 芎

當 歸

防 風

薏苡仁

木 瓜

金銀花

木 通

白蘚皮

蒼 朮

威靈仙錢各一

甘 草五分

阜莢子五箇切

仙遺糧二兩即俗藥土茯苓是也

人 參瘡久氣虛者加此味徐勒批曰不必

水二碗。煎八分。量病上下食前後服。腿脚之下。加牛膝一錢。病淺者一月可退。病深者百日可痊。忌牛肉燒酒海腥煎炒。此瘡發時。多先起於下疳。此句預服此方。可以止其不發梅瘡也。

徐曰。此梅瘡主方。

楣案薏苡仁、金銀花、白蘚皮、威靈仙、阜莢子、仙遺糧。徐圜。

### 解毒天漿散

解毒天漿散。角針。二防蘚皮、膝風藤、芎歸翹、粉銀花草、瓜蛻、米仁、土茯苓。  
治楊梅瘡。不問新久。徧身潰爛。及筋骨作疼者。

天花粉二錢

防風

防己

阜角針

白蘚皮

連翹

川芎

當歸

海風藤

木瓜

金銀花

蟬蛻

米仁

各一錢

甘草五分

土茯苓二兩

牛膝

下部加一錢

水二碗。煎八分。臨服入酒一杯。量病上下服之。

徐曰。與前方相同。

升麻解毒湯

升麻解毒湯三味。升麻角針土茯苓。加味臨時更斟酌。麻油攪服要和勻。治楊梅瘡筋骨疼痛。久而不愈。及治遠年近日流注結毒。皮肉破爛。咽喉損破者。用升麻。新鮮阜角針各四錢。上白土茯苓一觔。項以上加白芷。咽內加桔梗。胸腹加白芍。肩背加羌活。下部加牛膝。各一錢。用水八碗。煎至四碗。作四次一日服盡。每次頓熱。加麻油三茶匙和勻。量病上下食前後服之。瘡甚者。不過十服。

徐曰。此治初起輕病。

歸靈湯

歸靈湯中四物宜。瓜防牛膝白薜皮。米仁參朮銀花粉。草芷靈仙土茯苓。治楊梅瘡不問新久。但元氣虛弱者。宜服此藥。

|     |     |    |     |
|-----|-----|----|-----|
| 川芎  | 當歸  | 白芍 | 熟地  |
| 米仁  | 木瓜  | 防己 | 天花粉 |
| 金銀花 | 白薜皮 | 人參 | 白朮  |
|     |     |    | 各二錢 |

甘草五分

威靈仙六分

牛膝下部加五分

土茯苓二兩

水三碗。煎二碗。二次量病上下食前後服之。渣再煎八分服。

徐曰亦重出。

### 防風必效散

防風必效散。防荆。槐蒼翹藤。薜芷銀。角針木。通甘。番白。瓜粉。大黃。土茯苓。

治楊梅瘡溼熱太盛。瘡高稠密。元氣素實者。

防風

防己

荆芥

白薜皮

連翹

槐花

蒼朮

皂角針

海風藤

木通

白芷

花粉

木瓜

金銀花

番白草錢各一

甘草五分

土茯苓四兩

大黃初起加三錢

水三碗。煎二碗。二次服。渣再煎一碗。服後飲酒一大杯。即靜睡一時許。更妙。

徐曰。意重前。惟大黃一味。毒甚者可採用。

### 金蟾脫甲酒

治楊梅瘡不拘新久輕重皆效。好酒五斤。用大蝦蟆一隻。浸酒封瓶口。煮香二枝。取起。待次日。隨量之大小。以醉爲度。冬夏蓋暖出汗爲效。存酒次日只服量之一半。酒盡瘡愈。又治楊梅結毒。筋骨疼痛。諸藥不效者。更妙。服酒七日後。不可見風爲要。忌口及房事百日絕根矣。

徐曰。此等單方。必試而後可用。

翠雲散

翠雲散中用銅綠。膽礬輕粉。石膏加。乾用膽調濕末。梅瘡一點便生疤。治楊梅瘡已服內藥。根脚不紅。瘡勢已退者。

銅綠

膽礬

各錢五

輕粉

石

膏

煨各一兩

共研極細。瓷罐收貯。溼瘡乾。糝乾瘡。公豬膽汁調點。三日點三次。其瘡自乾而愈。

徐曰。此收溼方。但極痛。亦各有所宜。非必效也。

梔案銅綠徐圈

又點藥方



點藥方中用杏仁。雄黃輕粉共研勻。豬膽汁調瘡上點。何愁結毒更相侵。  
杏仁四十九粒雄黃一錢輕粉三錢  
先將杏仁搗細。加雄黃輕粉細末。再研勻。豬膽調點。  
徐曰。此方頗穩。亦有不效者。

### 鵝黃散

鵝黃散用真輕粉。石膏黃柏要稱準。等分爲末。摻爛瘡。楊梅腐痛最安穩。  
治楊梅瘡潰爛成片。膿穢多而疼甚者。

石膏煨

輕粉

黃柏炒

以上各等分。爲極細末。乾摻爛處。即可生疤。再爛再摻。毒盡乃愈。此解毒止痛收乾之效藥也。

### 楊梅瘡應用方

萬靈丹

黃連解毒湯

俱見腫瘍門

人參敗毒散

防風通聖散

俱見時毒門

蟾酥丸

見疔瘡門

補中益氣湯

見潰瘍門

九龍丹

見魚口門

神應養真丹

見鶴膝風門

祛風換肌散

見風痺門

柏葉二礬湯

見鶴掌風門

### 結毒論

結毒者。熏火收過瘡毒。而沈於骨髓。又有未經熏擦。見苗未久。服藥不多。內毒未盡。使用點藥收斂。鬱遏毒氣者。亦能致之。發則先從筋骨疼痛。此四字自後漸漸腫起。發無定處。隨便可生。發在關節中。此三字則損筋傷骨。縱愈曲直不便。發於口鼻。則崩梁缺脣。雖痊破形更相。發於咽喉者。咽喉更變聲音。發在手足者。手足妨於行走。原來情關一錯。禍起百端。此二句苦楚一生。毒遺數代。初起筋骨冷痛。金蟾脫甲酒發汗自愈。虛弱者。芎歸二朮湯。頭疼欲破者。天麻餅子。併吹鼻碧雲散。年餘流串筋骨不愈者。五寶散。虛弱潰爛。疼痛不斂者。十全大補湯。同土茯苓煎服。初起筋骨痛甚者。雷火針法。此四字已潰腐爛者。解毒紫金膏。依法施治。年遠毒盛者。玄武丹兼外搽靈藥。年近毒淺者。只在百日。自然可愈。毋得再熏。此句為禍傷人耳。看法治法。本論已詳。不復重出。

### 結毒治驗

一男子因熏藥之過。六年後兩腿骨痛。半年始腫。以雷火針。雷火針徐勒腫小者一處。腫大者三處。七日後作膿腐潰。內服仙遺糧湯。兩月餘疼漸止。腫亦漸消。又兩月方得腐盡肌生。更服十全大補湯。三月而斂。

一男子玉莖患此半年。陽物已損七八。遇一方士以熏藥照之。熏藥流血不止。人似鬼形。余曰。毒發已傷元氣。再熏一次一逼。血得熱而妄行。此有限之物也。去至盆計。恐其難保。先以四物湯兼黃連解毒湯合服二劑。其血乃止。更用八珍湯加麥冬五味子。五味子徐勒黃柏知母十餘服。元氣乃定。外以甘草湯浴洗。銀粉散搽之。如此月餘。氣血漸醒。紅肉漸生。陽物復長大半。仍用前湯加土茯苓二兩煎服。約四月餘乃愈。

一男子患此頭疼欲破。至夜尤甚。苦楚不堪。自以解毒藥治之。不應。診之寸關脈細數而無力。此虛陽之火上攻。以補中益氣湯。補中益氣湯徐勒。批曰。加土茯苓一兩。服至三劑。其疼漸止。又十餘劑全愈。

一男子患此。自膝以下腐爛無空。伏枕半年。內服芎歸二朮湯。外以甘草、白芷、歸尾、葱白煎洗。三日一度。以解毒紫金膏搽之。如此三月餘。漸愈。惟不能步履。以

史國公酒藥。史國公酒藥徐勒批曰不切。加土茯苓一斤浸煮服。至半年。始能步履。又一料。行步如常。

一婦人患此。頭疼腕痛。診之。脈滑而絃。此痰毒相兼之病也。以天麻餅子服之。半月而頭疼愈。又用二陳兼四物。加紅花。升麻。黃芩。服至月餘。全愈。

一男子頭額腐爛。外搽解毒紫金膏。內服萆薢湯。兩月餘而斂。又一人小腿患此。年餘。亦用前藥而愈。

一婦人咽間損壞半年。湯藥難下。幾死。內服結毒紫金丹。外吹結毒靈藥。一月內全愈。又一女人手膊頭背腫痛。六七年不潰。徐曰太久必藥誤。諸藥不應。亦服前藥而安。

一男子咽喉腐爛。余令內服遺糧湯。外用解毒生肌藥。彼以爲緩。用熏藥照之。熏藥口爛幾死。大便純下黑血。徧身浮腫。飲食不進。肌破三月而死。

### 結毒主治方

仙遺糧湯

仙遺糧湯。荆芷防。銀花花粉。葛芎當。蕤薏靈仙。梔膝草。芩連翹。共水煎。嘗。  
治楊梅結毒。初起筋骨疼痛。已破肌肉潰爛者。

仙遺糧

防風

荆芥

川芎

當歸

天花粉

金銀花

白蒺藜

薏苡仁

威靈仙各一錢

山梔

黃連

連翹

乾葛

白芷

甘草

黃芩各六分

牛膝下部加五分

水三碗。煎二碗。量病上下。食前後服。渣再煎一碗。服後飲酒一杯。忌牛肉火酒房事等件。更妙。

徐曰。治諸毒不外此方。

芎歸二朮湯

芎歸二朮湯。防朴。獨活。參苓。薏苡仁。木瓜。阜刺豬精肉。草甲。銀通土。茯苓。  
治楊梅結毒已成未成。筋骨疼痛。步履艱辛。及潰後腐肉臭敗。不能生肌收斂者。

白朮

蒼朮

川芎

當歸

人參

茯苓

薏苡仁

皂角針

厚朴

防風

木瓜

木通

穿山甲炒

獨活錢各一

金銀花二錢

甘草

精豬肉二兩

土茯苓四兩

水三碗。煎一半。量病上下服之。渣再煎服。

徐曰。此即前方之意。而雜亂無紀。惟豬肉一味。引藥至肌肉。前人亦有此法。

### 消風脫甲散

消風脫甲散。紅花。番白靈仙。梔子。薄藤。銀皂刺。翹通。蒼朮。草芥加。

治楊梅結毒。筋骨疼痛。腐爛作臭。氣血壯實者。

番白草

紅花

甘草

威靈仙

山梔

蟬蛻

連翹

皂角針

大楓子肉

薄荷

海風藤

金銀花

冬瓜皮

木通

蒼朮錢各一

土茯苓四兩



水三碗。煎二碗。二次服。用好酒一大杯過口。渣再煎服。

徐曰。此亦通治之方。

榴案番白草、威靈仙、蟬蛻、大楓子、海風藤、冬瓜皮、蒼朮。徐圜。

### 熏洗結毒方

熏洗結毒藥二般。蒼朮、川椒共水煎。任是腐瘡疼徹骨。此湯一洗即安痊。蒼朮一兩。點紅川椒三錢。水五碗。煎至四碗。入罐內。將瘡對罐口。以熱氣熏之。半熱。傾藥盆內。淋洗瘡上。以潔淨布浥乾。搽後解毒紫金膏。

徐曰。此外治法。

### 解毒紫金膏

解毒紫金膏須記。取功奏效真容易。細礬紅與淨松香。去腐生新方法異。治楊梅結毒。腐爛作臭。膿水淋漓。諸藥不效者。細塊礬紅、明淨松香各一斤。共碾極細末。麻油調稠。先將瘡上用前湯熏洗潔淨。搽上此藥。油紙蓋上。以軟布條緊紮。毋令血行。三日一換。如無前湯熏洗。只煎葱艾甘草等湯。俱可洗換。又治諸毒頑腫等瘡神效。愈後忌發物煎炒。

徐曰。此方和平而有法。

神仙碧玉膏

神仙碧玉膏樟腦。輕粉杭粉功不小。乳香沒藥白蠟兼。豬油調搽腐爛好。  
治結毒潰爛臭穢。疼痛不斂。及風濕等瘡。五字徐圈

輕粉一兩

杭粉二兩

白蠟五錢

乳香

沒藥三錢

樟腦二錢

用公豬淨熟油五兩。同白蠟熬化。傾入碗內。入上藥和勻。水內頓一時取起。臨用抵脚挑膏手心中捺化。攤油紙上。用葱湯洗淨瘡。對準貼之。

五寶散

五寶散內用硃砂。乳珀冰珠飛麵加。土苓煎湯調末服。十服之後自然瘥。

治結毒筋骨疼痛。口鼻腐爛。諸藥不效者。

滴乳石

如乳頭下垂者。方真四錢

琥珀

珍珠

硃砂各二錢

冰片一錢

右各研極細。對準共為一處。再研數百轉。瓷罐密收。用藥二錢。加飛羅麵八錢。

再研和勻。每用土茯苓一斤。水八碗。煎至五碗。濾清。作五次。每次加五寶散一分和勻。量病上下服。一日服完。十服自愈。如鼻子腐爛。每日土茯苓內加辛夷三錢煎服。引藥上下。忌食海腥煎炒房事等件。

徐曰。此末藥之主方。用此加減乃妙。

又曰。滴乳石有水火二製法。冰片用五分足矣。

### 結毒紫金丹

結毒紫金丹。龜板。決明。硃砂。一處碾。飯丸。酒下。每一錢。功力勝於五寶遠。治遠年近日楊梅結毒。筋骨疼痛。日久腐爛。臭敗不堪聞者。或咽喉唇鼻破壞。諸藥不效者。

龜板放炭火上炙焦用新安酒漿濃筆蘸漿

石決明用九孔大者煨紅童便內

一錢次之硃砂明末二錢者各

共再碾極細。爛米飯爲丸。麻子大。每服一錢。量病上下。食前後。筋骨疼痛。酒下。腐爛者。土茯苓湯下。至重者四十日而愈。此功力勝於五寶散。徐曰。一方有甘草。

結毒靈藥方

結毒靈藥方。水銀。硃砂。雄黃。硫黃。精。加上杭粉。共研末。糝於腐處。效如神。

治楊梅結毒腐爛作臭。或咽喉唇鼻腐壞日甚者。

水銀一兩

硃砂

雄黃

硫黃各三錢

共碾細入陽城罐內。鐵盞蓋口。以鐵絲兜緊。用泥封口。留出盞面。火煉三炷香為度。不住用水擦盞內。勿令乾。火畢。次日取出。盞底靈藥約有一兩五六錢。治尋常腐爛之症。靈藥五錢。輕粉五錢。和勻碾細。小罐盛貯。紗封罐口。臨用甘草湯洗淨瘡上。將罐倒懸。紗眼內篩藥糝之。用後單油膏藥蓋貼。一日一換。自效。男子婦人咽爛者。靈藥一錢。加人中白二分。研細吹之。日用三次。內服不二散。其疼即止。隨可飲食。

徐曰。此乃昇藥。恐防遏毒。毒清而腐不止。可用。

硫黃不二散

硫黃不二散最奇。靛花硫黃研如泥。咽內結毒疼且爛。飲食難下。服此宜。治楊梅結毒發於咽內。腐爛疼痛。湯水難入者。

硫黃一錢

硫花五分

共爲細末。涼水一大酒杯調服。其疼卽止。飲食可用。

徐曰。此等方亦必試而後用。

### 鉛同散

鉛同散用鉛半斤。煑之百徧水內沈。鉛盡取灰入硫末。以治結毒用意深。

治楊梅結毒。筋骨疼痛。朝輕夜重。喜熱手按揉者。用鉛半斤。銅杓內化開。傾入

水內。四字將鉛取起再化再傾。如此百徧。此二句鉛盡爲度。候半日。待水澄清。

傾去。用鉢底內沈下鉛灰。傾在三重紙上。下用灰收乾水氣。取起晒乾。與硫黃

等分。研細罐收。每服一錢。溫酒調服。至重者不過三次卽效。

徐曰。此方甚穩而有深意。

### 單油膏

單油膏藥用麻油。杭粉將來漸漸投。熬至成膏。傾水內。護肌護肉不須憂。

貼結毒藥上。用麻油二斤。熬至滴水成珠。續下炒黃杭粉十三兩。攪勻成膏。

傾水內片時。取起攤用。

梔案余遇人來索膏藥。不言陰毒陽毒。則以妙空膏付之。其膏亦只用麻油。加入漂淨鉛粉、黃丹二味。膏成傾入水內。扯拔數十次。即可取用。

草薺湯

草薺湯蒲朮柏蒼靈仙龜板草紅當麻烏羌防參椒等。結毒筋疼皆可嘗。治結毒筋骨疼痛。頭脹欲破。及已潰腐爛者。

川草薺二錢

苦參

防風

生首烏各五錢

威靈仙

當歸

白芷

蒼朮

胡麻

石菖蒲

黃柏各六分

羌活

川椒各四分

龜板一錢五分

紅花二分

甘草五分

水二茶鍾。煎八分。臨服入酒一杯。量病上下服之。

徐曰。此治下體毒通用之方。意重前。

梔案川草薺、苦參、黃柏、龜板。徐圈。生首烏、威靈仙、川椒。徐△。

碧雲散

吹鼻碧雲散川芎。鵝兒不食草相同。再將青黛研爲末。吹入鼻內有殊功。



治結毒入於顛頂。以致頭脹痛如破者。

鵝不食草一兩 川芎一兩 青黛一錢

共為細末。患者口噤涼水。以蘆筒吹藥疼之左右鼻內。取嚏為效。

徐曰。此藥治法不可不知。

### 結毒應用方

十全大補湯

補中益氣湯

四物湯

八珍湯

俱見瘡門

金蟾脫甲酒

見梅瘡門

天麻餅子

見頭痛門

雷火神針

見附骨門

史國公藥酒

見風濕門

二陳湯

見瘰癧門

黃連解毒湯

見疔瘡門

銀粉散

見下疳門

### 多骨疽論

多骨疽者。由瘡潰久不收口。此句氣血不能運行。骨無榮養所致。細骨由毒氣結聚化成。大骨由受胎時精血交錯而結。此句徐勣批曰。腎主骨。宜服腎氣丸。十全大補湯。此二方徐勣批曰。蠻藥。先補脾腎。次用艾附餅灸之。令溫煖腐毒。徐曰此別有方法朽骨自

然脫盡。生肌斂口而愈。

徐曰。外科全書云。患腫潰久。不時出細骨。用生桐油調密陀僧如膏。絹攤貼之。妙。

### 多骨疽治驗

一男子。上腭腫痛。徐曰。患者月餘。治以散風清熱藥。又兩月。破流血水。百日外。方出細骨。大小三十餘塊。用十全大補湯。併吹生肌散。兩月餘而斂。中有一小孔。簪脚大。通鼻透氣。致難全斂。為愈而不愈也。

一男子。左手上膊結腫。年餘方出爛斑。破流稀膿。又半年。方出多骨一條。如鵝膊骨。長約四寸。內服養血健脾藥。外搽玉紅膏。膏蓋。又月餘而斂。

一男子。小腿正面。腫骨腫痛二年。諸藥不應。後破出骨一塊。肌肉腐爛。元氣虛弱。用十全大補湯。加山茱萸、牛膝、木瓜。服至兩月餘不斂。每日以神燈照法。將火氣助之。又出朽骨一塊。上有蛙眼數十。遂將二骨炭火煨紅為末。入生肌藥中。用之而斂。或問用骨何也。余曰。此骨原稟氣血結成。故用之復還元氣也。

一女人口左上牙根突腫如栗。堅硬如石。不痛。服藥不效。後三年始痛。破流臭膿。漸出多骨。形如小鼈。腫仍不退。稍久。又出小骨二塊。枯色礮礮。其腫方退。內服四君子湯。徐如加升麻、陳皮。外用甘草煎湯漱口。日搽生肌散。三次而收斂。

### 多骨疽主治方

#### 固本養榮湯

固本養榮湯四物。人參、山藥、丹皮、山萸、白朮、兼甘草。肉桂、黃耆、五味。宜治骨疽已成。骨不吐出。或既出不能收斂。由氣血虛。脾胃弱也。宜服此。骨不出者。自出。不收斂者。自斂。

川芎

當歸

白芍

熟地

白朮

山藥

人參

牡丹皮

山萸肉

黃耆

甘草

肉桂

五味子

各五分

水二茶鍾。薑三片。棗二枚。煎八分。食前服。

徐曰。此方全不切病。

又曰。骨不出者自出。不收敛者自敛。此方必無此效。

又曰。治此疽亦與治漏瘡相同。

### 生肌散

生肌散內用二石。輕粉。血竭。兼黃丹。龍骨。乳香。及樟腦。乾糝。患處口自完。治腐骨脫出。肌肉生腫。不能收敛。

石膏

輕粉

赤石脂各一錢

黃丹飛二錢

龍骨

血竭

乳香

樟腦各三錢

右爲細末。先用甘草、當歸、白芷各一錢。煎湯洗淨患處。用此乾糝。軟油紙蓋紮。二日一洗一換。

徐曰。此大概生肌之品。不獨此症可用。

### 多骨疽應用方

神燈照法

玉紅膏俱見腫瘍門

十全大補湯

四君子湯俱見腫瘍門

腎氣丸見肺癰門

## 陰瘡論

婦人陰瘡。乃七情鬱火傷損肝脾。濕熱下注所致。其形不一。總由邪火所化也。陰中有挺出一條如蛇形尺許。墜重流水溺澀者。乃脾氣下陷。肝火從之。宜朝服補中益氣湯。晚服龍膽瀉肝湯。外塗雄黃藜蘆散。其患漸收。陰中突出如菌子。如雞冠。四邊腫痛者。乃肝鬱脾虛所致。先以補中益氣湯加山梔、茯苓、青皮。清肝補脾。兼升中氣。更以歸脾湯加山梔、川芎、茯苓、香附、陳皮。調理陰戶。忽然腫突作痛。因勞傷血分。濕火下流。宜四物湯加丹皮、澤瀉、花粉、柴胡治之。陰中生蟲。蠹如小蛆者。乃心氣鬱而邪火所化。宜四物加黃連、膽草、木通、石菖蒲。以通散心竅。鬱滯外以銀杏散納入陰中。陰器外生疣瘡。內生細蟲。作癢不可忍者。此蟲入食臟腑。即死。令入多發寒熱。與癆瘵相似。婦人畏羞。都不肯說。因循日久。面黃肌瘦。身發寒熱。咳嗽生痰。往往不治。如有此症。急與逍遙散吞蘆薈丸。早晚二服。外用銀杏散綿裹塞入陰中。殺蟲止癢。半月漸愈。陰戶開而不閉者。憂思過也。宜逍遙散歸脾湯。俱加柴胡、山梔、白芍、丹皮間服。交接出血者。肝虛有火。不能藏血。四物湯加膽

草、黃芩、山梔、柴胡。新交房事傷而腫痛者。珍珠散猪脊髓調搽。又婦人久居寡室。淫火妄而又鬱。鬱而又妄。邪火久注。多致陰中作癢生蟲。此蟲食人內藏。陰中腐爛。攻刺疼痛。臭水淋漓。口乾發熱。形削不食。有此症者。非藥能愈。終歸於死。又名失合症也。

徐曰。此段所論應用諸方。皆浮泛不切。全無法度。雖有小益。總非切病之治。此等風氣。自薛立齋開之。以後遂不可挽回矣。此醫術之一變也。

### 陰瘡治驗

一婦人陰器腫痛。小水澀滯。遇晚寒熱交作。此肝經濕熱爲患。服龍膽瀉肝湯二劑。小水通利。又以四物湯兼小柴胡加天花粉、木通、炒山梔服之而愈。

徐曰。此濕熱輕病。

一婦人發熱月餘。忽陰中突出如鷄冠一片。此肝鬱脾虛所致。內服補中益氣湯加青皮、山梔、柴胡、黃芩。外以甘草、白芷、蒼朮、紫蘇煎湯每日熏洗。十餘日。其患漸小。仍用前湯倍參朮。月餘而安。



一婦人陰中作癢。遇夜五心煩熱。作渴不睡。此思慮太過。致心腎不交。內服四物湯加龍膽草、山梔、黃連、知母。外以銀杏散納入陰中。三日其癢漸止。朝服八味丸。午服歸脾湯加銀柴胡、茵陳。月餘而愈。

一婦人陰器半邊腫痛。身發寒熱。口乾便秘。脈實有力。服內疏黃連湯三劑。大便通利。口乾乃止。惟腫痛尤甚。此溼毒結聚欲爲膿也。用四物湯加角針、澤瀉、二服。膿熟脹痛。又用透膿散一服。出臭膿鍾許。疼痛頓止。服八珍湯加丹皮、澤瀉。十餘劑而安。

一婦人肝經風濕下流。陰器浮腫癢甚。抓出血不痛。內服消風散加苦參、膽草、澤瀉、木通、山梔。外以蛇牀子湯熏洗。搽擦銀杏散。十餘日癢止腫消而愈。

一婦人孀居十餘載。陰器作癢生蟲。含忍不說。後陰器蝕爛。已食內臟。人形消瘦。發熱作渴。脈洪浮數。方請醫治。詢問癢痛日久。陰器黑腐。小水不禁。此內臟已壞。不可用藥。彼苦求治。余曰。癢者蟲也。痛者損也。用鯽魚數枚。糝以香料炙熟。以絲綿薄裹。納入陰中夾之。良久取出。紅蟲長者一寸。短者五六分。細如絲線。約有二十餘條。置溫水中。搖擺片時方死。其家歡悅。以爲可治。余曰。不然。再取

再有。生化無窮。強投養血清肝藥。終不應而死。  
徐曰。此名蠱病。

陰瘡主治方

清肝滲溼湯

清肝滲濕湯。龍膽。四物。川芎。地芍。歸。木通。滑石。防風。草。澤瀉。翹。連。柴。蒼。梔。  
治肝經鬱滯。邪火流行。致陰腫痛。或風熱作癢。

川芎

當歸

白芍

生地

山梔

黃連

連翹

龍膽草各一錢

銀柴胡

澤瀉

木通各六分

滑石二錢

蘆薈五分

甘草三分

防風八分

水二茶鍾。淡竹葉。燈心各二十件。煎八分。食前服。

徐曰。此病主方。

又曰。蘆薈一味太苦。不宜用。恐傷胃。

梔子龍膽草、木通、滑石。徐圜。

涼營瀉火湯

涼營瀉火湯。芩連。四物。山梔。知母。全。柴胡。木通。茵陳。草。麥冬。龍膽。大黃。煎。治婦人懷抱憂鬱。致生內熱。小水澀滯。大便秘結。及陰中火鬱作痛。亦如澀淋。宜此瀉之。

川芎

當歸

白芍

生地

黃芩

黃連

山梔

木通

柴胡

茵陳

龍膽草

知母

麥冬

甘草

大黃

酒炒

水二茶鍾。煎八分。空心服。便利去大黃。

徐曰。法同前。惟增大黃耳。

銀杏散

銀杏散。內用杏仁。輕粉。雄黃。與水銀。棗肉。爲丸。綿裹塞。陰中作癢。效如神。治婦人濕熱下注。陰中作癢。及內外生瘡。

杏仁去皮

輕粉

水銀鉛製

雄黃錢各一

右各爲細末。共和一處。每用五分。棗肉一枚和丸。用絲綿包裹。留一綿條撚線在外。用塌癢湯煎洗。藥裏安入陰內。留線在外。如小便。取出再入。一日一換。重者只四五枚痊愈。仍兼服前藥。

徐曰。此外治主方。

梔案杏仁、輕粉、水銀。徐圈。

### 塌癢湯

塌癢湯中用歸尾、靈仙、狼毒蛇牀子、苦參、鶴蝨水同煎。一洗能令搔癢止。治症同上。以此熏洗之。

苦參

威靈仙

蛇牀子

當歸尾

狼毒各五

鶴蝨草一兩

用河水十碗。煎數滾。濾清貯盆內。乘熱先熏。待溫後洗。臨洗和入公豬膽汁二三枚。更妙。

徐曰。此洗藥主方。

梔案苦參、威靈仙、蛇牀子、狼毒、鶴蝩草。徐圜。

### 雄黃藜蘆散

雄黃藜蘆散。輕粉、冰片共相投。芎歸湯洗方搽藥。蛇菌雞冠自不留。

治婦人陰中突出如蛇。或似雞冠菌樣者。

雄黃一錢

葱管藜蘆二錢碾細末

輕粉

鱧

頭各一錢

冰片二分

已上各研極細末。和勻再研。瓷罐收貯。先用芎歸湯煎洗。隨後搽藥。早晚二次。其患漸收。

徐曰。此搽藥主方。

梔案葱管藜蘆、鱧頭。徐圜。

### 芎歸湯

芎歸湯洗陰中癢。蛇菌雞冠同此方。白芷、甘草與龍膽。併入芎歸水煮將。

川芎

當歸

白芷

甘草

龍膽草

右各等分。每用五錢。煎湯浴洗患上。隨後搽藥。  
徐曰。重前意。此方尤平淡。

陰瘡應用方

內疏黃連湯

透膿散俱見腫瘍門

補中益氣湯

八珍湯

歸脾湯

四物湯

八味丸俱見續傷門

逍遙散

小柴胡湯俱見瘰癧門

蘆薈丸

龍膽瀉肝湯

珍珠散俱見下疳門

消風散

蛇牀子湯見腎囊風門



評徐外科正宗

|    |     |     |   |
|----|-----|-----|---|
| 明  | 崇川  | 陳實功 | 著 |
| 清  | 海寧  | 許辛木 | 訂 |
| 清  | 吳江  | 徐靈胎 | 評 |
| 鄞縣 | 曹炳章 | 校   |   |

卷十

傷寒發頤

傷寒發頤。亦名汗毒。此因原受風寒。用藥發散未盡。日久傳化爲熱不散。以致項之前後結腫疼痛。初起身熱口渴者。用柴胡葛根湯清熱解腫。患上紅色熱甚者。如意金黃散敷之。初起身涼不渴者。牛蒡甘桔湯散之。患上微熱不紅疼痛者。沖和膏和之。腫深不退欲作膿者。宜托裏消毒散。已潰氣血虛弱食少者。宜補中益氣湯。以此治之。未成者消。已成者潰。已潰者斂。用之最穩。

徐曰。此段所用之藥俱切病。此症宜辛涼疎散。最忌大寒。

柴胡葛根湯

柴胡葛根湯。花粉。甘草。連翹。牛蒡子。石膏。升麻。併桔梗。傷寒頤毒用之靈。治頤毒表散未盡。身熱不解。紅腫堅硬作痛者。

柴胡

天花粉

乾葛

黃芩

桔梗

連翹

牛蒡子

石膏各一錢

甘草五分

升麻三分

水二茶鍾。煎八分。不拘時服。

徐曰。此症主方。惟石膏、花粉爲寒凝之品。初起禁用。

牛蒡甘桔湯

牛蒡甘桔湯。赤芍。花粉。黃連。蘇木。陳皮。加上川芎。食遠服。傷寒頤毒卽時平。治頤毒表邪已盡。耳項結腫。微熱不紅。疼痛者。

牛蒡子

桔梗

陳皮

天花粉

黃連

川芎

赤芍

甘草

蘇木各一錢

水二茶鍾煎八分。食後服。

徐曰。即前方意。

傷寒發頤應用方

如意金黃散

托裏消毒散

冲和膏俱見腫瘍門

補中益氣湯見潰瘍門

## 痼發

痼發乃天時不正之氣所感而發。非毒內作也。此患多生於手足掌心。或腰腿臂下伸縮之處。漫腫無頭。憎寒發熱。四肢沈重。煩渴為甚。以上六句徐初起宜服萬靈丹發汗解表。腫仍不消者。必欲作膿。托裏消毒散兼蠟蟾丸間服。以後俱照潰瘍法治。

徐曰。此症人多不識。各人自造一說。用藥亦各人各樣。雜藥亂投。往往致死。而人總不知也。

又曰。此等最難識。乃濕熱之症。即所謂無名腫毒也。以消痰利濕為主。癰發應用方

萬靈丹

托裏消毒散

蠟礬丸俱見腫瘍門

癰疽

癰疽一名蛇瘡。川廣烟瘴地面有之。初出先作紅點。次變黑色。腐爛筋骨。小者如粟如豆。大者如梅如李。發無定處。初用蟾酥餅膏貼。寒熱交作者。黍米寸金丹。或飛龍奪命丹亦可。紅腫遊走不定者。真君妙貼散加雄黃敷之。自然截住。破後脾胃虛弱。食少乾嘔者。補中益氣湯加黃連、麥冬。補而不應。腫高疼甚。惟出清水穢汁者。不治。

徐曰。此症江浙所無。

癰疽應用方

飛龍奪命丹即蟾酥丸加金頭蜈蚣二條

黍米寸金丹

真君妙貼散見腫瘍門

補中益氣湯見腫瘍門

## 小腹癰

小腹癰乃七情火鬱。以致脾虛氣滯而成。其患小腹漫腫堅硬。肉色不變。有熱漸紅者。屬陽易治。無熱不紅者。屬陰難治。初起七日以前。用艾當腫頂灸七壯。膏蓋首尾內服健脾胃養氣血行經補托之劑。可保終吉。如誤用剋伐攻利涼藥者。敗症必出。十全大補湯倍加參耆薑附以救之。此句徐勒批曰。亦是蠻藥不如內腐深陷者。玉紅膏長肉收斂。補托不應者。雖愈終久成漏。

## 小腹癰應用方

十全大補湯

玉紅膏

俱見續傷門

徐曰。以上有症無方者。即於諸症之中。擇其切病者用之可也。

## 鵝口疽

鵝口疽乃三陰虧損。督脈之經濁氣溼痰流結而成。其患發在尾閭之穴。高骨頭大。初起形似魚肚。久則突如鵝嘴。朝寒暮熱。日輕夜重。潰後稀膿出而無禁。又或

鮮血出而不停。凡發此者。壯年猶可。老年可慮。初起宜滋陰除溼湯和之。已成未潰者。和氣養榮湯托之。潰而不斂者。滋腎保元湯補之。久而成漏者。琥珀蠟礬丸。兼先天大造丸服之。甚妙。

徐曰。因各不同。不僅三陰也。

滋陰除溼湯

滋陰除溼湯。知母。白芍。芎歸。熟地。芩。骨皮。貝母。兼澤瀉。還有甘草與柴陳。治鵝口疽初起。朝寒暮熱。日輕夜重。如瘰等症。

川芎

當歸

白芍

熟地錢各一

柴胡

黃芩

陳皮

知母

貝母

各八分

澤瀉

地骨皮

甘草各五分

水二茶鍾。薑三片。煎八分。食前服。

徐曰。此通治之方。不切此症。

梔案熟地徐勒。

和氣養榮湯



和氣養榮湯。耑耑。熟地。共陳皮。丹皮。當歸。併甘草。沉香。一味用亦宜。治前症已成。不得內消者。宜此藥托之。

人參

陳皮

白朮

黃耆

茯苓

丹皮

當歸

熟地錢各一

沉香

甘草分各五

水二茶鍾。煎八分。食前服。

徐曰。破後膿多可服。

滋腎保元湯

滋腎保元湯。杜仲。參耑。附桂。丹皮。歸耑。萸肉。併甘草。棗薑。熟地。總堪施。治前症元氣虛弱。膿水淋漓。久而不斂者。

人參

黃耆

白朮

茯苓

歸身

杜仲

山萸肉

丹皮

熟地錢各一

附子

肉桂

甘草分各五

水二茶鍾。薑三片。棗二枚。蓮肉七枚。食前服。

徐曰。此方亦太蠻。

鶴口疽應用方

琥珀蠟礬丸見腫瘍門

先天大造丸見流注門

龍泉疽虎鬚毒

此二毒乃任督二脈分合行布。驟被外邪所搏而成。龍泉疽發在人中之間。虎鬚毒生於地角之上。初起疙瘩。次生腫痛。漸發寒熱。甚者惡心乾嘔。腮項俱腫。此穴忌灸。此句徐圈初起宜線針挑破患項。此七字徐圈批以蟾酥餅放上膏蓋。使毒有門而泄。四邊掀腫。用如意金黃散圍之。內有表症者。荆防敗毒散加芩連牛蒡子。裏症內疏黃連湯已成欲其作膿。芎歸內托散。膿成脹痛者。針之。此七字徐圈批即愈。潰膿後。只宜膏藥換貼。其口易完。此症多生於元氣壯實者。故多不必服藥自愈。

徐曰。此等症近於疔毒。當以治疔之法治之。

芎歸內托散

芎歸內托散陳皮桔梗花粉生黃耆茯苓甘草銀花等虎毒龍泉服最宜。

川芎

當歸

陳皮

茯苓

天花粉

桔梗

銀花

黃耆各一錢

甘草五分

水二茶鍾煎八分。食後服。

徐曰此方亦平安。

龍泉疽虎鬚毒應用方

如意金黃散

內疏黃連湯見腫瘍門

荆防敗毒散見時毒門

## 石榴疽

石榴疽者乃少陽相火與外溼相搏而成其患生在肘尖上一寸。此句徐國批初起一點黃粟小泡根便開大色紅堅硬腫如覆碗皮破泛出疊如榴子令人寒戰。猶如重瘡初起即灸九壯。此句內服蟾酥丸發汗以解蘊毒。灸頂上蟾酥餅貼之膏蓋掀腫處金黃散敷之內服菊花清燥湯琥珀蠟礬丸煩躁熱甚者護心散金

液戊土丹。九日後。患上作膿稠黃。疼痛稍減。表裏症退。飲食微進者。可保無虞。反此爲逆。潰後元氣虛弱。雜症相兼者。照癰疽調理法治之。徐曰。此症初起易忽。已成則無人能識。此篇治法最良。

菊花清燥湯

菊花清燥湯生地。知母芎歸地骨皮。柴芩甘草升麻等。犀角門冬白芍宜。

甘 菊二錢

川 芎

當 歸

知 母

貝 母

白 芍

生 地

麥門冬

地骨皮錢各一

升 麻

犀 角

甘 草

柴 胡

黃 芩各五

水二茶鍾。淡竹葉、燈心各二十件。煎八分。食後服。

徐曰。此病主方。

石榴疽應用方

蟾酥丸見疔瘡門

琥珀蠟礬丸

護心散

如意金黃散俱見腫瘍門

金液戊土門見脫疽門

## 穿踝疽

穿踝疽乃足三陰溼熱下流停滯而成。初起內踝腫痛。疼徹骨底。舉動艱辛。甚則串及外踝通腫。有頭者屬陽易破。無頭者屬陰難潰。此二者初起必寒熱交作。宜荊防敗毒散加牛膝散之。日久膿成脹痛者。針之。腐而不斂孔大者。玉紅膏培之。形體虛弱者。補之。此症若不早治。久成廢疾。

徐曰。治法總與諸症同。擬用木瓜、赤苓、澤瀉、獨活、防己、甘草、黃柏、蒼朮、連翹、牛膝、威靈仙、槐米、赤芍、川萆薢等藥爲治。

## 穿踝疽應用方

荊防敗毒散

見時毒門

玉紅膏

見腫瘍門

## 大麻風

大麻風乃天地間異症也。但感受不同。有體虛之人。因驟被陰陽暴。晒露霧風雨之氣所侵。感之不覺。未經發泄。凝滯肌膚。積久必作。有房慾後體虛。爲風邪所襲。

或露臥當風。睡眠濕地。或洗浴乘涼。希圖快意。俱能致之。其患初起麻木不仁。次發紅斑。久則破爛。浮腫無膿。其症最惡。故曰皮死麻木不仁。肉死刀割不痛。血死破爛流水。筋死指節脫落。骨死鼻梁崩塌。有此五症。俱爲不治。又曰心受之先損於目。肝受之面發紫泡。脾受之偏身如癱。肺受之眉毛先脫。腎受之足底先穿。又爲五敗症也。總皆風濕相乘。氣血凝滯。表裏不和。臟腑痞塞。陽火所變。初起麻木不仁。肌肉未死者。宜萬靈丹洗浴發汗。以散凝滯之風。後服神應養真丹加白花蛇等分。久服自愈。年久肌破肉死者。先用必勝散疎通臟腑。次服萬靈丹。每日酒化一丸。通活血脈。服至一月。換服苦參丸。輕者半年。重者一載漸愈。或兼服酒藥戒房事。厚味動風等件。可保不發。

徐曰。此症總屬不治。遷延歲月則有之。然患此者絕少。若稍似風症。並非真風。醫者竟以治風之惡藥治之。反傷敗氣血。變成風症。此等最多。不可不知。梟案王君士雄謂此證粵閩江右甚多。內因淫火蘊毒。熱極生風。外因山嵐惡障毒風交互之邪。俞理初癸巳類稿與梅瘡同論。得其旨矣。徐氏以爲絕少。但指江浙言也。



萬靈丹

見腫瘍門

治大麻風初起麻木不仁。或既久皮膚破裂。手足拳攣。肢體不便。但未指脫足穿者。

必勝散

必勝散中用大黃。白牽。檳榔共粉霜。借問將何調末服。生薑搗汁水和糖。治大麻風血熱秘結。臟腑不通。宜用此藥利之。

大黃

檳榔

白牽牛

各一錢

粉霜

一錢五分

右各爲細末。年壯者作五服。中年久虛者作七服。用生薑四兩搗汁。赤砂糖三錢加水一大杯。三味和勻。臨睡時腹中稍空。頓溫。通口服之。即睡。至三更偏身麻木如針刺。頭目齒縫俱痛。此藥尋病之功已達。行出大小二便。或青白黑黃。又或紅蟲之類。此乃病根也。一月內服藥三次。漸痊。眉髮俱生。肌膚如舊。齒縫有血。宜漱後藥。

徐曰。大麻風本無愈理。如此峻劑。徒傷人耳。

漱藥方

漱藥方中藥二般。黃連貫衆各三錢。水煎加入些冰片。齒縫何愁血似泉。貫衆黃連各三錢。水二茶鍾煎至一盃。加冰片少許。每日陸續漱之。其血自止。忌動風油膩之物。

苦參丸

苦參丸內藥多般。品味難將一一刊。新久麻風諸壞症。勸君久服自能安。治天麻風母分新久。穿破潰爛。老幼俱可服之。

|     |     |      |       |     |     |     |
|-----|-----|------|-------|-----|-----|-----|
| 苦參  | 一斤  | 大楓子肉 | 六兩    | 荊芥  | 十二兩 | 防風  |
| 白芷  | 各六兩 | 全蠍   |       | 何首烏 |     | 白附子 |
| 枸杞子 |     | 威靈仙  |       | 當歸  |     | 大胡麻 |
| 川芎  |     | 蒺藜   |       | 大皂角 |     | 川牛膝 |
| 牛蒡子 |     | 獨活   | 各五兩   | 蔓荊子 |     | 風藤  |
| 羌活  |     | 連翹   |       | 蒼朮  |     | 天麻  |
| 杜仲  |     | 草烏   | 炮去尖   | 甘草  | 各二兩 | 人參  |
| 杏仁  | 二兩  | 白花蛇片 | 二兩切炙黃 |     |     | 一兩  |

右藥共爲細末。醋打老米糊爲丸。梧桐子大。每服三四十丸。溫酒食前後任下。避風忌口爲妙。

徐曰。此症主方。其用藥總不外此。然服之亦未必得效也。僅能殺其大勢耳。

### 麻風藥酒方

麻風酒用歸防朮。殭蠶苦杞羌活。草麻子與白茅根。鼈甲虎骨併牛膝。

防風

當歸

虎骨

秦艽

羌活

苦參

牛膝

殭蠶

松節

鼈甲

蒼朮

枸杞子

白茅根

各三兩

草麻仁子一兩

用好雪酒二十五斤。將袋盛藥浸酒內。封壘口。煮香二枝取起。水內浸一伏時。

取服數杯自效。

徐曰。亦可備用。

### 雄硫散

雄硫散內鳳凰皮。山甲相兼滑石宜。桃肉共和豬膽汁。眉毛脫落此堪醫。

治大麻風眉毛鬚髮脫落作癢者。宜此藥擦之。

雄黃

硫黃

鳳凰皮即雞雞殼燒黃存性各五錢

穿山甲十片炒黃

滑石一兩

右各爲細末。用半油核桃肉一兩搗爛。同公猪膽汁一箇。并前藥和勻。用青紗包藥擦之。日用三次。其髮漸生如舊。

徐曰。未必有效。

又擦麻風病面生紫塊。疔瘡方

穿山甲

煨存性研末

川椒

炒研末各二錢

右用薑汁。土大黃根汁調稠。絹包擦之。如藥乾。加水調擦亦效。忌動風發物等件。

### 翻花瘡

翻花者。乃頭大而蒂小。小者如豆。大者若菌。無苦無疼。揩損每流鮮血。久亦虛人。以津調冰蠟散。徧搽正面上。用軟油紙包裹根蒂細處。用線連紙紮緊。十日後其

患自落。換珍珠散。摻之收口。又有根蒂如鼈頭棋子樣難紮。以前藥搽上。用麵糊綿紙封上二重。用心勿動。十日外亦落。換珍珠散。

徐曰。此又一種最輕者。如真翻花大如杯碗。膿血淋漓。無藥可治。乳岩卽此類也。

又曰。楊梅毒亦有此症。

翻花瘡應用方

冰蠟散

見瘰癧門

珍珠散

見下疳門

## 腋癰

腋癰。俗稱夾癰。此肝脾二經爲患。肝經血滯。脾經氣凝。共結爲腫。初起皮色不變。漫腫無頭。日久方疼。乃生寒熱。此患難消。終必作膿。未破者。柴胡清肝湯。已破者。十全大補湯去肉桂。加香附、陳皮。軟腫脹痛者。針之膏貼。徐曰。無膿亦可。不針。此症首尾溫補。忌用寒涼。

腋癰應用方

柴胡清肝湯見癰門 十全大補湯見癰門

### 脇癰

脇癰多從鬱怒肝火而發。肥胖內實者鮮此症。初起宜梔子清肝湯。柴胡清肝湯。解鬱瀉火。已成。托裏消毒散加青皮、香附。膿已成。即針之。勿傷內膜。此句已破後。八珍湯加丹皮、山萸、澤瀉。兼滋腎水。如虛勞所得。破流臭水。敗腐稀膿。補托不應者死。

徐曰。與腋癰同治。

### 脇癰應用方

托裏消毒散見腫癰門 梔子清肝湯 柴胡清肝湯俱見癰門

八珍湯見癰門

### 鼻痔

鼻痔者。由肺氣不清。風濕鬱滯而成。鼻內瘰肉結如榴子。漸大下垂。閉塞孔竅。氣



不宣通。內服辛夷清肺飲。外以硃砂散逐日點之。漸化為水乃愈。兼節飲食。斷厚味。戒急暴。省房慾。庶不再發。

徐曰。此症服藥為輕。外治為重。如別有他恙。乃宜服藥。

### 辛夷清肺飲

辛夷清肺飲。百合。梔芩。麥冬。生石膏。甘草。升麻。及知母。枇杷葉。用須去毛。治肺熱。鼻內瘰肉。初如榴子。漸大下垂。閉塞孔竅。氣不宣通者。

辛夷六分

黃芩

山梔

麥門冬

百合

石膏

知母各一錢

甘草五分

枇杷葉三片去毛

升麻三分

水二茶鍾。煎八分。食後服。

徐曰。此症主方。辛夷辛溫。宜散上焦風熱。

### 硃砂散

硃砂散。內用雄黃。冰片。再加輕粉。良為末。將來痔上點。鼻中瘰肉自然光。治鼻生瘰肉。初如榴子。漸大下垂。名為鼻痔也。

硃砂一錢 輕粉三分 冰片五厘 雄黃三分

右共爲末。用草絛咬毛蘸藥。勤點痔上。日用五六次。自然漸化爲水而愈。

徐曰。其方甚多。此亦可用。如草薺、苦丁、鹽梅、麝香、瓜蒂、藜蘆、甘遂、龍骨、生砒。俱可選用。俱可點。綿塞亦可。

又曰。降藥亦妙。

### 取鼻痔秘法

先用回香草散連吹二次。次用細銅筋二根。筋頭鑽一小孔。用絲線穿孔內。二筋相離五分許。以二筋頭直入鼻痔根上。將筋線絞緊。向下一拔。其痔自然拔落。置水中觀其大小。用頭胎髮燒灰。同象牙末等分。吹鼻內。其血自止。戒口不發。

徐曰。此乃手法。但痔形不一。有根在鼻梁之內。將鼻塞滿。從何處拔。此法不必學。

### 回香草散

回香草散有奇功。加上良薑二味同。爲末共吹鼻痔上。取如拾芥一時通。

同香草、高良薑晒乾。等分爲末。用此先吹鼻痔上二次。片時許。方行取法。其痔自然易脫。

### 骨槽風

骨槽風初起。生於耳前。連及腮項。痛隱筋骨。久則漸漸漫腫。寒熱如瘡。牙關緊閉。不能進食。此得於鬱怒傷肝。致筋骨緊急。思慮傷脾。致肌肉腐爛。膏粱厚味。致膿多臭穢。初則堅硬難消。久則瘡口難合。此二句初宜艾灸腫頂及耳垂下五分。晡時不宜灸。各七壯。膏貼以泄內毒。餘腫用真君妙貼散敷之。牙關內腫。用線針刺去惡血。冰硼散搽之。使內外毒氣得解。宜服降火化痰清熱消腫之劑。潰後當托裏藥中加麥冬、五味。外腐者搽玉紅膏。使水升火降。脾健金清。乃愈。又有外腐不合。虛熱不退。堅腫不消。形焦體削者死。

徐曰。此症以清火消痰爲主。

又曰。此症又有初起並非骨槽。瘡口老膿久變成骨者。

清陽散火湯

清陽散火湯。翹芩。升麻。白芷。共防。荆。石膏。甘草。牛蒡子。白蒺藜。與當歸身。治牙根盡處結腫。連及耳項作痛。名骨槽風也。

升麻 白芷 黃芩 牛蒡子

連翹 石膏 防風 當歸

荆芥 白蒺藜錢各一 甘草五分

水二茶鍾。煎八分。食後服。

徐曰。此亦通治方。

### 中和湯

中和湯中參耆朮。白芷。芎歸。甘草。桔。藿香。白芍。麥門冬。肉桂。還同薑棗入。治前症已經穿潰。流膿臭穢。疼痛不止者。

人參 黃耆 白朮 白芷

川芎 當歸 甘草 桔梗

白芍錢各一 肉桂 麥冬 藿香各五分

水二茶鍾。薑三片。棗二枚。臨服入酒一杯。食後服。

徐曰。衆病通用方。

骨槽風應用方

真君妙貼散

玉紅膏俱見腫瘍門

冰硼散見咽喉門

### 紫白癰風

紫白癰風。乃一體二種。紫因血滯。白因氣滯。總由熱體風濕所侵。凝滯毛孔。氣血不行所致。皆從外來。初起毛竅閉而體強者。宜萬靈丹以汗散之。次以胡麻丸常服。外用密陀僧散搽擦。亦可得愈。

### 胡麻丸

胡麻丸內用防風。靈仙石菖獨活同。苦參甘草白附子。癰風赤白服有功。治初起皮膚作癢。後發癰風。漸至開大者。

大胡麻四兩

防風

威靈仙

石菖蒲

苦參各二兩

白附子

獨活各一兩

甘草五錢

右爲細末。新安酒漿泛丸。桐子大。每服二錢。形瘦者一錢五分。食後臨臥白滾

湯送下。忌動風發物。海腥煎炒雞鵝羊肉火酒等件。愈後戒百日。

徐曰。此非內症。服藥不能取效。

梔案大胡麻。白附子。徐圈。

### 雌雄四黃散

雌雄散用石硫黃。雄雌二黃要相當。槿附共研為末。擦紫癬醋調白癬薑。

治紫白癬風皮膚作癢。日漸開大。宜用此搽之。

石黃

硫黃

雄黃

雌黃

白附子

川槿皮

各等分

右為細末。紫癬醋調。用堅槿木毛頭蘸藥擦之。白癬用薑切開蘸藥擦之。擦後

三日。忌下湯水。戒食雞鵝牛羊煎炒海腥火酒等物。不復發。

徐曰。此方最切近。他方總不外此。

梔案石黃。雄黃。硫黃。白附子。川槿皮。徐圈。

### 肥皂方

皂角

甘松

山柰

白芷

各二錢



密陀僧

白附子

樟腦錢各一

楮實子

綠豆粉錢各三

右爲細末。用去淨皮弦肥皂一斤搥勻。洗擦患處。日久自效。  
又擦藥方

雄黃

硃砂各等分  
研細末

右用茄蒂蘸擦患處。如白癰。加蛇殼同擦。

紫白癰風應用方

密陀僧散見汗斑門

### 齒病

齒病有風有火。亦有陽明濕熱。俱能致之。風痛者。遇風發作。浮腫隨後生痛。以消風散治之。火痛者。則齒根必牽扯腮顴陣陣作痛。時發時止。以冰硼散擦之。出涎自愈。陽明經濕熱作痛者。腮顴浮腫。甚者。牽引太陽。疼連頰項。口中氣熱。大便結燥。宜涼膈散加石膏治之。腫高而軟者。內必有膿。用針刺破。出膿自愈。齒齦腐爛。

出血不止者。內服犀角地黃湯。外搽人中白散。又小兒鑽齒疳。牙根尖穿出齒根內外。芒刺嘴唇作痛。用披針挑破牙齦。以手取去本牙。出血不止。以溼紙換貼二次。其血自止。必兼戒厚味。其牙復生如舊。

涼膈散

涼膈散中用石膏。山梔薄荷共連翹。黃芩甘草淡竹葉。大黃還宜同朴硝。治陽明經溼熱上攻。致牙根腮項作腫多痛者。

連翹

山梔

黃芩

薄荷各一錢

甘草五分

大黃一錢

朴硝一錢五分

石膏一錢五分

淡竹葉三十片

右水二茶鍾。煎八分。入蜜三匙和勻。食遠服。

徐曰。此牙痛主方。惟大黃當酌用。

清中散

清中散用牡丹皮。生地黃連。甘草歸。升麻還與山梔子。胃經積熱皆可醫。治胃經積熱。牙齒或牙齦腫痛。或牽引頭腦作痛。或面熱耳紅。並皆治之。

當歸

黃連

生地

山梔各一錢

丹皮六分

升麻八分

甘草五分

右水二茶鍾煎八分。食遠服。

### 萆撥散

萆撥散用真阿魏。麝香冰片同研細。牙蟲風溼並堪搽。疼屬陽明勿造次。治風溼蟲牙作腫疼痛。如陽明內熱作疼勿用。

萆撥

真阿魏各二錢

冰片

麝香各一分

右爲細末。每用半豆許。擦放牙根痛縫中。吐去熱涎。溫湯漱之。再搽卽愈。內有阿魏。恐防作吐。

梔案真阿魏徐圈。此品最難得真者。諸書皆言極臭。此亦言恐防作吐。蓋皆爲肆中以胡蒜白偽造者所眩。未見真品故也。余有友人貽以塔爾巴哈臺阿魏精。其色黑中帶黃。並不甚臭。舐之氣味極清。不作惡心。乃知真品固自不同。江浙去西番萬里。而肆中所售阿魏乃甚賤。其偽可知。極臭傷胃。有損無益。勿用可也。

又牙疼方

牙痛方中君葦撥。蟾酥川椒共爲末。飛鹽加入更和研。點上牙根痛如失。

葦撥一錢

蟾酥二分

川椒五分

飛鹽三分

右共爲末。用草絛咬毛。蘸藥搽點痛牙根上。

徐曰。方太熱烈。

犀角地黄湯

犀角地黄湯。芍藥。更兼一味牡丹皮。陽明積熱皆堪服。不獨牙齦血可醫。治陽明積熱。牙齦腐爛。出血不止。及諸吐血衄血嘔血。

犀角

生地

白芍

牡丹皮各等分

每五錢。水二茶鍾。煎八分。不拘時服。面色萎黃。大便黑者。更宜服之。又牙縫中無辜出血者亦妙。

徐曰。通治方。

止血四生湯

止血四生湯。荷葉。生艾。生地。生側柏。用水二鍾。煎一鍾。血熱妄行皆可啜。

生荷葉

生艾

生柏葉

生地黄各三錢

水二鍾。煎一鍾。食後溫服。臨時入童便一杯。更妙。

徐曰。此治一應血熱妄行之要方。

齒病應用方

人中白散見口疳門

消風散見疥瘡門

## 腦漏

腦漏者。又名鼻淵。總由風寒凝入腦戶。與太陽溼熱交蒸而成。其患鼻流濁涕。或流黃水。點點滴滴。長溼無乾。久則頭眩虛暈不已。治以藿香湯主之。天麻餅子調之。亦可漸愈。如日久虛眩不已。須補中益氣湯。六味地黃丸。此二方徐勒相間服之。以滋化源。始愈。

楣案王君士雄謂風火外侵。膽熱上移。胃濁上熏。皆成鼻淵。若腦漏乃本元不固。所流腥水黏而不稠。煩勞即發。治宜補攝。與鼻淵同流異派。須分別言之。奇授藿香湯

古有奇授藿香湯。專治鼻淵濁涕長。連枝帶葉水煎服。和入公豬膽汁良。治鼻淵黃水濁涕長流。致腦戶虛眩不已。用藿香連枝帶葉者五錢。水一碗。煎七分。加公豬膽汁一枚和勻。食後通口服之。至重者不過三服。如嫌此藥苦甚。不堪服。可用藿香末一兩。公豬膽汁熬稠膏爲丸。每服二錢。食後白滾湯送下。亦效。

徐曰。此方甚穩。但服者多無效。

腦漏應用方

補中益氣湯

六味地黃丸

俱見續傷門

天麻餅子

見頭疼門

### 破傷風

破傷風因皮肉損破。復被外風襲入經絡。此句漸傳入裏。其患寒熱交作。口噤咬牙。角弓反張。口吐涎沫。入陰則身涼自汗。傷處反平陷如故。其毒內收矣。當用萬靈丹發汗。令風邪反出。次以玉真散貼之。得膿爲效。如汗後前症不退。傷處不高。漸醒漸昏。時發時止。口噤不開。語聲不出者。終爲死候。



徐曰。此症總以驅風為主。

### 玉真散

玉真散內用南星。添上防風用已靈。況有芷麻羌白附。破傷風藥此為精。治破傷風牙關緊急。角弓反張。甚則咬牙縮舌。

南星

防風

白芷

天麻

羌活

白附子各等分

右為末。徐三字園每服二錢。熱酒一鍾調服。此句徐更敷傷處。若牙關緊急。腰背反張者。每服三錢。用熱童便調服。雖內有瘀血亦愈。至於昏死心腹尚溫者。連進二服。亦可保全。若治風犬咬傷。更用漱口水洗淨。搽傷處亦效。徐曰。此專治風入肌膚之藥。以此方為主。更隨症加減尤妙。其得竅處在為末藥。

梔案南星等六味。徐俱圈。

又案王君士雄云。古方玉真散。止南星。防風二味等分。此方一名止血補傷丹。以白附子為君。宜用十二兩。餘五味各一兩。俱生曬。勿犯火。研細末。專治

破傷風。破傷溼。獠犬咬。及跌打墜壓刀箭諸傷。雖腎子壓出者亦可救。但以藥傅傷處。立能止血定痛。重者溫酒調服一二錢。青腫不破者。水調傅之。卽效。并不忌風。故爲金刃跌打最妙之方。製備濟人。如遇鬪毆傷者。一藥可全兩命。且其價極廉。已製送多年。無不見效。小兒跌磕。傅之尤便。家家宜備也。

萬靈丹

見腫瘍門

治破傷風牙關緊急。角弓反張。時昏時止者。

鎮風散

鎮風散用焙鱧膠。杭粉硃砂礬末調。每服二錢和熱酒。破傷風症可逍遙。治破傷風諸藥不效。事在危急者。用之必應。

鱧膠

切段微焙

杭粉

焙黃

皁礬

各一兩炒紅色

硃砂

三錢另研

右爲細末。每服二錢。無灰熱酒調服。如一切豬羊等風。發時昏倒。不醒人事者。每服三錢。二服卽愈。不發。外灸傷處七壯。知疼痛者。乃爲吉兆。

徐曰。此方甚別。

又曰。此方之義不解。

# 跌撲

跌撲者。有已破未破之分。亡血瘀血之故。且如從高墜墮。而未經損破皮肉者。必有瘀血流注臟腑。人必昏沈不醒。二便必難。當以大成湯通利二便。其人自甦。不醒者。獨參湯救之。此句徐人批曰尋常墜墮輕者。以復元活血湯調之。又如損傷骨節。筋斷血流不止者。獨勝散止之。次用花蕊石散搽之。又有跌斷骨節等症。另有專門接骨紮縛。此未及詳。

## 大成湯

大成湯用朴硝黃。蘇木當歸甘草良。陳皮厚朴紅花等。木通枳殼共煎嘗。治跌撲傷損。或從高墜下。以致瘀血流入臟腑。昏沈不醒。大小便秘。及受杖後瘀血內攻。肚腹膨脹。結胸不食。惡心乾嘔。大便燥結者。

|    |    |     |    |
|----|----|-----|----|
| 陳皮 | 當歸 | 蘇木  | 木通 |
| 紅花 | 厚朴 | 甘草  | 枳殼 |
| 大黃 | 朴硝 | 各一錢 | 二錢 |
| 三錢 | 二錢 |     |    |

右水一碗。煎八分。不拘時服。服後一時不行。渣再煎。臨臥服。加白蜜三匙亦妙。

徐曰。此下瘀之方。瘀血不結者不必服。

### 調中二陳湯

調中二陳湯。防風。蘇木。歸耆。烏藥。芎。紫蘇。青皮。苓。枳。檳。桔。木。香。紅花。同。

治前症已服行藥之後。當進此藥二三服調之。

陳皮

半夏

茯苓

甘草

紅花

川芎

當歸

白芍各八分

防風

檳榔

黃耆

桔梗

青皮

烏藥

蘇木

枳實

黃芩

紫蘇各六分

木香三分

水二茶鍾。薑三片。棗二枚。煎八分。不拘時服。

徐曰。方雜不可學。此等方皆出於前明不知醫理。強作解事。如薛立齋一輩人。遂使古聖製方之法。從此大變。可為長嘆。

獨參湯

獨參一味宜救急。跌撲金瘡血大出。昏沈不醒人事者。灌之入腹甦可必。治跌撲損傷。或金瘡出血過多。昏沈不醒者。人參一兩。切片。水二碗。煎一半。不拘時通口服之。渣再煎服。其人自甦。再用渣加川米一合。煎湯溫服。徐曰。如血出太多一時發暈。或可暫救頃刻。非此不得輕用也。

花蕊石散

花蕊石散。麝香。乳沒。辛蘇。烏朴。當羌。龍白。芷蛇。含石。木降。香南。星粉。霜。治跌撲傷損。及金瘡刀箭兵刃所傷。斷筋損骨。疼痛不止。新肉不生者。

|    |    |     |         |
|----|----|-----|---------|
| 麝香 | 三分 | 花蕊石 | 童便服七次五錢 |
| 檀香 |    | 龍骨  | 南星      |
| 白芷 |    | 降香  | 當歸      |
| 細辛 |    | 草烏  | 蛇含石     |
| 乳香 |    | 沒藥  | 羌活      |
|    |    |     | 紫蘇      |
|    |    |     | 厚朴      |
|    |    |     | 蘇木      |
|    |    |     | 輕粉      |
|    |    |     | 各二錢     |

右共研極細。罐收聽用。葱湯洗淨。用此糝之。軟綿紙蓋紮。一日一換。神效。此藥

一時未備。可用多骨疽門生肌散代之。亦可取效危急也。

徐曰。此係糝藥。內中多不入糝藥之品。其方甚無法度。另有好方。此等不足取也。只消減去幾味。遂成方矣。

楣案蛇含石。蘇木。花蕊石。徐圈。

玉紅膏

見腫瘍門

治跌撲損傷。或金瘡斷損筋骨。已經血止。疼痛作膿。宜葱湯洗淨。用此膏日搽傷處。黑膏蓋之。

### 金瘡

金瘡乃刀刃所傷。或有磁鋒割損。淺者皮破血流而已。深者筋斷。血飛不住。皮破者。桃花散糝之。其血自止。筋斷者。如聖金刀散糝紮。止而又流者。急用玉紅膏塗傷處。膏蓋。骨肉方斷。斯人面色必黃。外避風寒。內忌冷物。終保無妨。有失血過多者。獨參湯。八珍湯補助為要。此外無法矣。

如聖金刀散



如聖金刀散二礬。松香細末更須參。刀傷破損肌流血。糝上應知效不凡。  
治刀刃所傷。皮破筋斷。飛血不止者。用松香淨末七兩。枯礬生礬各一兩五錢。  
共爲極細末。罐密收。糝傷處。紙蓋絹紮。止後三四日。必掀痛作膿。換糝生肌散。  
三日三次。其疼卽止。以後日用葱湯洗之。換搽玉紅膏。長肉生肌。避風爲要。  
桃花散

桃花散可治金瘡。只用石灰與大黃。止血消瘀肌肉長。切宜房事戒無妨。  
治金瘡出血不止。用石灰半升。大黃一兩五錢。切片同炒。石灰變紅色爲度。去  
大黃。篩細糝之。紙蓋絹紮。止血後。用葱湯洗淨。換搽玉紅膏。長肌收斂。兼戒口  
味房事爲要。

### 金瘡應用方

獨參湯 見跌撲門

八珍湯 見續傷門

### 杖瘡

杖瘡乃良肉受傷。有已破未破之分。已破肌肉者。以清涼拈痛膏敷之。疼腫卽消。

未破瘀血內攻者。用針放出內蓄瘀血。此句再以大成湯下之。便通自愈。如傷處瘀腐已作疼痛者。玉紅膏搽之。自然腐化生新而愈。至於辱刑重刑難受之時。宜預服鐵布衫丸。方得保身全命也。

### 鐵布衫丸

鐵布衫丸。歸乳沒。蘇木。地龍。兼木鼈。無名異。與自然銅。救盡人間刑杖厄。治情不由己。事出不虞。受害一身。重刑難免。當預服之。受刑不痛。亦且保命。

自然銅浸七次醋

當歸酒洗

無名異洗去

乳香

木鼈子香油徐日此是土木鼈

沒藥

地龍去頭

蘇木

右八味各等分。為細末。煉蜜丸如雞頭實大。每服三丸。預用白湯送下。縱非刑辱拷。可保無虞。

徐曰。定痛之藥。不外此方。更加山羊血半減。蝮蛇膽少許。犀黃半減。冰片少許。古錢七次煨。硃砂為衣。尤妙。

梾案。自然銅。木鼈子。沒藥。地龍。蘇木。徐圈。

散瘀拈痛膏

散瘀拈痛金黃散。加上三錢樟腦配。石灰清水對麻油。通共調敷。將紙蓋。治杖後皮肉損破。紅紫青斑。掀腫疼痛重墜者。用腫瘍門如意金黃散一兩。加樟冰三錢碾勻。以白石灰一升。用水二碗和勻。候一時許。將灰上面清水傾入碗內。加麻油對分。以竹節攪百轉。自成稠膏。調前藥稀稠得所。聽用。杖後帶血。不用湯洗。將藥通敷。紙蓋布紮。夏月一日。冬月二日。方用葱湯淋洗乾淨。仍再敷之。痛止腫消。青紫即退。傷重者。另搽玉紅膏完口。

大成湯

見跌撲門

治杖後瘀血內攻。肚腹膨脹。惡心便秘者。

珍珠散

見下疳門

治杖瘡已經長肉平滿。惟不生皮。用此搽之。

竹木刺

竹木刺乃外入之患。有軟硬之分。淺深之異。軟淺者。以針頭撥見刺形。拔出則愈。

硬深難出者。用螻蛄搗爛塗上一時許。其刺自然吐出。取去則愈矣。  
花蕊石散

治竹木刺傷。腫痛流膿。以葱湯洗淨。用此糝之。

楣案竹木刺與金刃杖傷一類。原本在漆瘡之後。今移於此。

### 湯潑火燒

湯潑火燒。此患原無內症。皆從外來也。有湯火熱極。逼毒內攻。又有外傷寒涼。致毒入裏。外皮損爛者。以清涼膏。粟殼膏塗之。毒氣入裏。煩躁口乾。二便秘澀者。四順清涼飲下之。泡破珍珠散搽之自愈。

### 四順清涼飲

四順清涼飲。赤芍。防風。羌活。共連翹。當歸。甘草。山梔等。大黃加上熱堪消。  
治湯潑火燒。熱極逼毒入裏。或外被涼水所浸。火毒內攻。致生煩躁。內熱口乾。大便秘實者。

連翹

赤芍

羌活

防風

當歸

山梔

甘草各一錢

大黃炒二錢

水二茶鍾。燈心二十根。煎八分。食遠服。  
徐曰。此症原不必服藥。或傷重有引病。則隨症施治。

### 罌粟膏

罌粟膏。醫湯火燒。麻油白蠟共煎熬。將凝加上真輕粉。塗於患上。痛隨消。  
治湯潑火燒。皮肉損爛。疼苦掀熱。起泡流水者。麻油四兩。罌粟花十五朵。無花。以殼代之。浸油內。煎枯濾清。將油再入杓內。下白蠟三錢熬化。傾入罐內。待四邊將凝時。下真輕粉細末二錢攪勻。水內頓冷。取起。臨用將泡挑破。用抵脚挑膏。手心中捺化。捺患上。軟綿紙蓋紮。日換二次。其疼即止。次日將軟帛浥淨腐皮。再捺之。自愈。

徐曰。此方須預備。一切爛瘡皆妙。

### 珍珠散

見下疳門

治湯潑火燒。腐皮已盡。疼痛已止。用此糝即愈。前杖瘡門中石灰水調麻油成膏。即清涼膏也。捺湯潑火燒亦效。

榴案湯火傷良方甚多。陸進士以泔冷廬雜識載。以秋葵花浸麻油。藏磁器內。勿見水。愈久愈佳。用塗傷處。立時止痛。獲愈最爲簡便。此方兼治一切熱毒瘡。全生集載以地榆末浸香油調塗。仍以乾末糝之。亦妙。

### 甲疽

甲疽者。或因甲長侵肌。或因修甲損傷良肉。或靴鞋窄小。俱能生之。其患努肉裹上指甲。腫痛異常。難於步履。初宜三品一條槍貼努肉上。此句徐大猷化盡自愈。日久努肉堅硬。須冰蠅散化之。後用珍珠散糝上。必瘥。

榴案全生集甲疽方。用狼毒一兩。生黃耆二兩。醋浸一宿。入猪脂五兩。微火上煎取二兩。絞去渣。退火氣。以封疽口。日易三度。毒消口斂。

### 甲疽應用方

三品一條槍

見癰疽門此方徐X

珍珠散

見下疳門

### 繭脣



繭脣乃陽明胃經症也。因過食煎炒炙燂。又兼思慮暴急。痰隨火行。留注於脣。初結似豆。漸大若蠶繭。突腫堅硬。甚則作痛。飲食妨礙。或破而流血。久則變為消渴。消中難治之症。初起及已成無內症者。用麻子大艾炷灸三壯。此句徐國可灸貼蟾酥餅膏蓋。日久漸消。內症作渴者。早服加減八味丸。午服清涼甘露飲。以滋化源。日久流血不止。形體瘦弱。虛熱痰生。面色黧黑。腮顴紅現。口乾渴甚者。俱為不治之症。

### 清涼甘露飲

清涼甘草飲犀角。銀柴胡陳兼石斛。黃芩生地麥門冬。知母枇杷葉枳殼。治膏梁所釀。暴怒所結。致成繭脣。高突堅硬。或損破流血。或虛熱生痰。或渴症久作。

犀角

銀柴胡

茵陳

石斛

枳殼

麥門冬

甘草

生地

黃芩

知母

枇杷葉各一錢

水二茶鍾。淡竹葉、燈心各二十件。煎八分。食後服。

徐曰。此方甚穩切。

蘭脣應用方

加減八味丸見續門

蟾酥餅見疔門

痞癰

痞癰皆緣內傷過度。氣血橫逆。結聚而生。初起腹中覺有小塊。舉動牽引作疼。久則漸大成形。甚者翕翕內動。斯時必氣血衰弱。飲食減少。內服阿魏化痞散。外貼乾坤一氣膏。祛邪養正。自可全安。

阿魏化痞散

阿魏化痞散。川芎。歸朮。赤苓。蕎麥。紅。鼈甲。酥炙。大黃。炒。調末。服用酒一鍾。

川芎

當歸

白朮

赤茯苓

紅花

阿魏

鼈甲尖酥炙一錢

大黃酒炒八錢

蕎麥麵一兩微炒

右共爲末。每服三錢。空心好酒一茶鍾調稀服。三日後腹痛。便出膿血爲驗。忌

生冷腥葷等件。

徐曰。此亦通治之方。但胃薄者。阿魏不能入口。

梔案阿魏。鼈甲尖。大黃。蕎麥麵。徐圈。

又案徐言胃薄者阿魏不能入口。亦由未見真阿魏故也。說見前。

乾坤一氣膏

一氣膏用真阿魏。歸芷蓬稜生熟地。蓖巴附甲續靈元。乳沒鼈麝二芍桂。此膏專治痞疾。毋論新久立效。又治諸風癱瘓。淫痰流注。各樣惡瘡。百般怪症。男子夜夢遺精。婦人赤白帶下。又男女精寒血冷。久無嗣息者。並貼之。

當歸

白附子

赤芍

白芍

白芷

生地

熟地

穿山甲

木鼈肉

巴豆仁

蓖麻仁

三稜

蓬莖

五靈脂

續斷

肉桂

元參

乳香

沒藥

麝香

真阿魏

片二兩切薄

藥二各一兩

麝香三錢

右用香油五斤。除乳沒麝。魏外。餘皆入油浸。春三夏五秋七冬十。期畢。桑柴火熬至藥枯。細絹濾清。每淨油一斤。配飛丹十二兩。將油入鍋內。下丹。槐枝攪令成膏。掇下鍋來。用水盆坐聽。漸下阿魏片。泛化已盡。方下乳沒麝香。再攪勻。乘熱傾入瓷罐內。分三處盛之。臨用湯中頓化。痞病紅綴攤貼。餘病綾絹俱可攤之。有腫者對患貼之。男子遺精。婦人帶下。患貼丹田。諸風癱瘓。貼腎俞穴。並效。徐曰。此治痞之專方。

### 天蛇毒

天蛇毒一名蛇頭疔。乃心火旺動攻注而成。其患指大若蛇頭。赤腫掀痛。甚者疼至連心。寒熱交作。或腫痛延上。宜用小艾灸五壯。以雄黃散塗之。內服蟾酥丸。發汗解毒。輕者漸消。腫者潰膿。甚則腐爛。破後腫仍不消者。以蟾酥條插入孔內。膏蓋自效。腐爛者。玉紅膏搽之。虛而不斂者。兼服補劑。

### 雄黃散

雄黃散內用蟾酥。冰片還將輕粉和。四味同研為細末。水調患處日三塗。

治天蛇毒初起。紅腫發熱。疼痛徹心者。

雄黃明亮者二錢

蟾酥微焙二分

冰片一分

輕粉五分

共爲細末。新汲水調塗。紙蓋。日用三次。極效。

徐曰。此乃專治此毒之方。

相案蟾酥徐圈。

天蛇毒應用方

蟾酥丸見疔瘡門

玉紅膏見腫瘍門

頭痛

頭痛者。風火溼痰四者皆能致之。又楊梅瘡毒上攻。或婦人產後梳洗當風太早。亦能致之。名曰頭風。宜用後方。毋論病之新久。受之真似。並效。

天麻餅子

天麻餅子二烏芎。細辛蒼朮芷防風。全蠍雄黃白附子。更入薄荷與甘松。

治頭痛因風火溼痰上攻。及楊梅瘡毒所致。兼治頭目昏眩。項背拘急。肢體煩

痛。肌肉蠕動。耳哨蟬鳴。鼻塞多嚏。皮膚頑麻。瘙癢癰疹。又治婦人頭風作痛。眉  
棱骨疼。牙齒腫痛。痰逆惡心。

天麻

草

烏湯泡去皮

川芎

細辛

蒼朮

甘草

川烏湯泡去皮

薄荷

甘松

防風

白附子去皮

白芷各五錢

雄黃

全蠍

各三錢

右爲細末。寒食麵打糊搗稠。如寒豆大。捏作餅子。每服二三十餅。食後細嚼。葱  
頭湯送下。屬火熱痰痛者。茶湯下。甚者日進二服。忌諸般發物。  
徐曰。此方治寒毒頭風之症。藥味雖峻厲。而與病情則頗切合。此唐人之遺  
法也。

梔子

天麻

草烏

細辛

川芎

白附子

白芷

又案頭風最能損目。余見一人頭風痛甚。兩目皆盲。徧求良醫不效。有鄉人  
教以用十字路口及人家屋脚邊野荳菜煎湯注壺內。塞住壺嘴。以雙目就  
壺熏之。日漸見光。竟得復明如舊。附著於此。亦單方之一也。



三聖散

三聖散用鬧楊花。紅槿樹花。楓子肉。不論頭風偏與正。葱酒一杯調末服。治男婦頭痛不論偏正新久。但夏月欲重綿包裹者並效。

鬧楊花一錢末

槿樹花一錢末

大楓子肉五錢分油

共研。每服六分。葱酒調服。洗浴發汗自愈。

合谷毒

合谷疔。俗稱虎口百子。此患多有疔瘡泡起。亦有紅絲走上。故有疔名。乃手陽明胃經溼毒攻注。癢熱掀疼。初起挑破。貼蟾酥餅膏。蓋金黃散敷之。三日後腫聚。必欲作膿。換膏貼之。軟腫脹痛者。膿已成。針之即愈。腫甚寒熱者。必內外消托。

徐曰。此症與疔毒同治。

又曰。紅絲盡處。以針針出少血為妙。

合谷毒應用方

如意金黃散見腫門

蟾酥餅見疔門

# 鼻出血

鼻中出血。乃肺經火旺。逼血妄行。而從鼻竅出也。外用紫土散敷顙頂上。內服羚羊清肺湯。亦可自止。徐曰諸血亦同治

## 羚羊清肺湯

羚羊清肺湯。柴芎。元參石膏地骨皮。蒲薈梔連生地藕。白茅甘草併芎歸。治鼻中無故出血不止。及尋常吐血咳血並效。

羚羊角鎊

黃連

銀柴胡

元參

石膏

川芎

歸身

白芍

生地

蒲黃

地骨皮

山梔錢各一

蘆薈

甘草各五分

藕節三箇

白茅根四兩搗汁用

渣去

用茅根汁一大碗。煎七分。入童便一杯。食後服。

徐曰。此方凡為肺熱皆宜。但亦當審擇。不可全用。蘆薈太苦。不必用。

又曰。茅根一味足矣。

楣案余繼室自幼患鼻衄症。來歸後。無歲不發。甚者耳目口鼻俱溢出。至淡黃色始止。凡外治內治之法。無不歷試。每發必先額上發熱。鼻中氣亦甚熱。近二十年來。每覺鼻熱。余以喻嘉言清燥救肺湯投之。二三劑後。即覺鼻中熱退不衄。或投之少遲。雖發亦不過略見微紅。蓋此方最清肺胃之熱也。惟人參一味。余用西洋參。或加鮮生地。勢已定。則用乾生地。附記以備醫者臨症酌用。

又案喻氏於此方。自言不用一苦藥。恐苦從火化也。此製方妙處。醫者勿妄加減爲妥。

### 紫土散

紫土散爲從治法。無端鼻衄此方求。火酒調敷顙頂上。自然血止不須憂。治鼻中無辜出血不止。用傾銀紫土新罐碾細。以火酒調敷顙門上。其血自止。此從治之法也。

徐曰。外治亦通。

# 牙縫出血

牙縫血出。陽明胃經實火上攻而出也。又有胃虛火動。腐爛牙齦。以致淡血常常滲流不已。實火宜服清胃散。并用棟果麥塞之。虛火宜服蘆薈丸。并用人中白散擦之自愈。

## 清胃散

清胃散中用石膏。芩連生地共和調。丹皮加上升麻好。陽明胃熱即時消。治胃經有熱。牙齒或牙齦作腫。出血不止。

黃芩

黃連

生地

丹皮

升麻

石膏  
錢各一

水二茶鍾煎八分。食後服。

徐曰。陽明實火方。

梔案升麻徐圈。

棟果麥

治陽明胃經實火上攻。血從牙縫流出。用棟樹果二個。連肉核搗爛。絲綿包裹。先用溫湯漱淨瘀血。塞於牙縫內。其血自止。

徐曰。亦外治方。

牙縫出血應用方

蘆薈丸

人中白散

見口疳門

## 血箭血痣

血箭出於心經火盛。逼血從毛竅出也。血痣由於肝經怒火鬱結。初起色紅如痣。漸大如豆。揩之血流。治血箭以桃花散涼水調敷。或金墨塗之。自止。血痣須用冰蠟散枯去本痣。以珍珠散搽之。生皮乃愈。血甚者。內服涼血地黃湯。兼戒口味。始痊。

涼血地黃湯

涼血地黃湯。黃連。當歸。甘草。山梔。全。加上元參。功更倍。無辜出血。即安然。治血箭血痣。內熱甚而逼血妄行。出血如飛者。

黃連

當歸

生地

山梔

元參

甘草各等分

水二茶鐘煎八分。量病上下服之。

徐曰。涼血方。用處頗多。

又曰。以上諸症。俱當外治。

血箭血痣應用方

桃花散見跌撲門

冰蠟散見癰瘰門

珍珠散見疔門下



徐評外科正宗

|      |      |      |
|------|------|------|
| 明    | 清    | 清    |
| 崇川   | 海寧   | 吳江   |
| 陳實功著 | 許辛木訂 | 徐靈胎評 |
|      |      | 鄞縣   |
|      |      | 曹炳章校 |

卷十一

鵝掌風

鵝掌風。由足陽明胃經火熱血燥。外受寒涼所凝。致皮枯槁。又或時瘡餘毒未盡。亦能致此。初起紫斑白點。久則皮膚枯厚。破裂不已。二礬湯熏洗即愈。徐曰。此症必用塗藥。烘手洗方無益也。

二礬湯

二礬湯中白皀礬。兒茶柏葉在其間。先熏後洗。油煙照。鵝掌風痛愈不難。

治鵝掌風皮膚枯厚。破裂作痛。宜用此湯熏洗。輕則不宜。越重越效。

白礬

皂

礬各四兩

孩兒茶五錢

柏葉半斤

用水十碗。同上藥四味煎數滾。先用桐油搽抹患上。再以桐油蘸紙撚點著。以烟燄熏片時。方將前湯乘滾貯淨桶內。用布蓋好。將手伸入。以湯熏之。勿令泄氣。待微熱傾入盆內。蘸洗良久。一次可愈。七日忌下湯水。永不再發。

### 腎囊風

腎囊風乃肝經風溼所成。其患作癢。喜浴熱湯。甚者疙瘩頑麻。破流脂水。宜蛇牀子湯熏洗。二次即愈。

### 蛇牀子湯

蛇牀子湯當歸尾。苦參片加威靈仙。河水同煎。熏患處。腎囊風癢得安然。治腎囊風溼熱為患。疙瘩作癢。搔之作疼者。

蛇牀子

當歸尾

威靈仙

苦參各五錢

水五碗。煎數滾。入盆內先熏。待溫浸洗。二次愈。

徐曰。此專治之方。

梔案蛇牀子徐圈。

### 狼毒膏

狼毒膏中用檳榔。蛇牀五倍子硫黃。川椒楓肉同油沸。投入皮硝膽汁良。治症同前。

狼毒

檳榔

硫黃

五倍子

川椒

楓子肉

蛇牀子錢各三

右爲末。用香油一大杯煎滾。入皮硝三錢。再煎滾。次下公猪膽汁一個和勻。調

前藥搽擦。此藥諸癢瘡用之並效。此句徐圈

梔案楓子肉。蛇牀子。徐圈。

### 疥瘡論

夫疥者。微芒之疾也。發之令人搔手不閒。但不知其何以生者。疥曰。吾不根而生。無母而成。乃稟陰陽氣育。溼熱化形。常列於王侯掌上。何妨士庶之身。可使文人

怕筆。繡女停針。毋分貴賤。一例施行。醫問曰。不生於身。獨攻於手者。又何也。疥曰。手掌乃太陰溼土所主。手心又少陽相火所司。土能生我。火能化我。此生皆賴溼土陽火所化。故生者必出於手掌。醫曰。然哉。但其形知動而不知靜。能進而不能退。自非清氣所化也。又脾主消納。胃主傳化。人之飲食。未有不從厚味者。厚味之中。溼熱並化。致生此瘡。又清氣隨脈循行。濁氣留滯不散。停留肌膚。積日不解。隨後生熱發癢。故癢熱之中。溼火混化爲蟲。形隨溼化。動隨火化。此無情而之有情也。既化之後。潛隱皮膚。展轉攻行。發癢鑽刺。化化生生。傳徧肢體。近則變爲疥癬。久則變成頑風。多致皮膚枯槁。浸淫血脈。搔癢無度。得湯方解。是宜外以繡毬丸。搽擦止癢殺蟲。內服消風散。散風涼血。兼戒口味。辛熱莫啜。忌洗熱湯。其煩自脫。此爲小恙。不當陳說。閒中之言。隨筆而白。

消風散

消風散內歸生地。蟬蛻木通蒼苦參。胡麻知母牛蒡子。石膏甘草與防荊。治風溼浸淫血脈。致生瘡疥。搔癢不絕。及大人小兒風熱癢疹。徧身雲片斑點。乍有乍無。並效。

當歸

生地

防風

蟬蛻

知母

苦參

胡麻

荊芥

蒼朮

牛蒡子

石膏

甘草

木通

各五分

水二茶鍾煎八分。食遠服。

徐曰。此浮泛之方。

當歸飲子

當歸飲子芍藥黃耆生地防風白蒺藜甘草何首烏荊芥諸風瘡癢服之宜。

治血燥皮膚作癢及風熱瘡疥搔癢或作疼痛。

當歸

川芎

白芍

生地

防風

白蒺藜

荊芥

何首烏

黃耆

甘草

各五分

水二茶鍾煎八分。食遠服。

徐曰。亦泛方。

繡毬丸

繡毬丸內用樟冰。輕粉川椒共水銀。雄黃枯礬楓子肉。諸瘡癢疥擦之靈。治一切乾溼疥瘡及膿窠爛瘡搔癢無度者。

樟冰

川椒

枯礬

輕粉

水銀

雄黃

各二錢

楓子肉

另碾一百粒

以上共爲細末。同大楓子肉再碾和勻。加柏油一兩化開。和藥攪勻。丸作圓眼大於瘡上擦之。

徐曰。水銀入皮膚中有毒。不宜用。

諸瘡一掃光

諸瘡一掃光。硫柏。木鼈牀椒。枯白礬。水銀。楓子。樟冰。粉。白砒。苦參。烟膠。參。治癢瘡不論新久。及身上下。或乾或溼。異類殊形。但多癢少痛者。用之俱各有效。

苦參

黃柏

各一斤

烟膠

一升

木鼈肉

蛇牀子

點紅椒

明礬

枯礬



硫黃

楓子肉

樟冰

水銀

輕粉各三兩

白砒五錢

共爲細末。熟猪油二斤四兩。化開入藥攪勻。丸作龍眼大。瓷瓶收貯。用時搽擦二次卽愈。

徐曰。此藥用者。往往使毒入裏。變成瘡。慎之。楣案硝皮鋪刮下諸皮之膜。炒成炭研末。謂之烟膠。余見今人合瘡藥。多以淡巴菰烟筒中之油當之。問諸醫者。亦多不知。

### 洗癢瘡方

洗癢瘡方。只二般。苦參先將河水煎。公猪膽汁和勻洗。九日三洗可全安。苦參半斤。切片。用河水三四瓢。煎藥數滾。參水二瓢。住火片時。濾去渣。和公猪膽汁四五枚。攪勻淋洗。三日一洗。三次亦可痊愈矣。徐曰。此外治良方。

### 臙瘡論

臙瘡者。風熱溼毒相聚而成。有新久之別。內外之殊。新者只用三香膏。乳香法紙貼之自愈。稍久紫黑者。以解毒紫金膏搽。漸可。年久頑臙。皮肉烏黑下陷。臭穢不堪者。用蜈蚣錢法。去風毒。化瘀腐。方可得愈。外臙多服四生丸。內臙多服腎氣丸。

### 三香膏

三香膏內乳松香。輕粉油調紙內藏。葱湯洗淨方膏貼。何愁新久爛臙瘡。治臙瘡初起。多疼少癢。未經受風紫黑者。

乳香

松香

輕粉

各等分

右爲細末。香油調稠。用夾紙一面以針密刺細孔。將藥夾搽紙內。先以葱湯洗淨。將紙有孔一面對瘡貼之。三日一換。自效。忌房事煎炒等件。

徐曰。此治一切溼風瘡俱效。

### 乳香法紙

法紙方奇。用乳香。紙捲浸入甘草湯。攤乾。再摻真輕粉。止痛生肌。貼爛瘡。治臙瘡作痛不愈。先碾乳香細末一兩。聽用。以呈文每紙四張。每紙一張攤平。

用乳香二錢五分。細攤平紙上。雙折捲一寸闊。將捲紙復作三條。外用以綿絮之。用甘草一兩二錢。水三碗。將捲過藥紙浸入甘草湯內。上用重物壓之。煮數滾。取起紙來。解去絮線。將紙攤開桌上。每張用輕粉三錢。糝乳香上。用椶糊刷排刷令勻。提起藥紙。帶溼以無藥一面對板壁上貼之。陰乾收用。臨時隨瘡大小。翦紙多少。先用溫湯洗淨。隨將紙有藥一面對瘡貼之。絹絮三日一換。自然止痛生肌。如貼後內無水出。不必換貼。自愈。

徐曰。做法無謂。

### 蜈蚣錢

蜈蚣錢治人頑癩。獨活桐油白芷煎。甘草加上同熬就。傾入瘡中黑腐痊。治癩瘡多年黑腐。臭爛作疼。諸藥不效者。用桐油二兩。獨活白芷甘草蜈蚣各一錢。入油內煎滾。先將癩瘡洗淨。用白麵水調作圈。圍在瘡之四邊。毋令泄氣。走油。將脚放平。以茶匙挑油。漸漸乘熱加滿。待油溫取去。已後腐肉風毒自然脫下。用解毒紫金膏搽上。紙蓋絹紮。三日一換。

徐曰。此法甚奇。一切腐敗頑肉蟲蝕俱可用。

解毒紫金膏

見結毒門

治膿瘡毋論新久。及頑瘡年久不愈者。

四生丸

四生丸療久膿瘡。骨節多疼舉動妨。地龍白附僵蠶等。草烏靈脂共丸良。治外膿血風頑瘡。骨節疼痛不能舉動。或行步不前。或渾身疼癢。或麻痺不仁。或生斑疹。

地龍

去土

僵

蠶

炒去

白附子

五靈脂

草

烏

去皮尖泡各等分

右爲細末。米糊丸桐子大。每服三四十丸。食前茶酒任下。

徐曰。此法不驗。

膿瘡應用方

腎氣丸

見肺癰門

血風瘡

血風瘡乃風熱溼熱血熱三者交感而生。發則搔癢無度。破流脂水。日漸沿開。甚者內服消風散加牛膝黃柏。外搽解毒雄黃散。或如意金黃散。如年久紫黑堅硬。氣血不行者。用針砭去黑血。以神燈照法熏之。以解鬱毒。次以前藥敷之。方效。解毒雄黃散

治風溼流注腿脚。致生血風頑瘡。紫黑搔癢者。

雄黃四兩

硫黃八兩

右二味。共碾細末。柏油調搽。紙蓋之。三日一換。

徐曰。治癬亦效。

如意金黃散

見腫瘍門

治症同前。用公猪膽汁調稠敷患上。油紙蓋紮勿動。待其自脫。脫後色紅再敷之。以色白爲度。

神燈照法

見腫瘍門

治年久紫黑血風頑瘡。流水作癢不絕。先用葱湯洗淨。以燈焰熏之。每熏二撚爲度。

血風瘡應用方

涼血消風散

見瘡門

頑癬

頑癬乃風熱溼蟲四者爲患。其形大小圓斜不一。有乾溼新久之殊。風癬如雲朵。皮膚嬌嫩。抓之則起白屑。溼癬如蟲形。搔之則有汁出。頑癬抓之則全然不痛。牛皮癬如牛項之皮。頑硬且堅。抓之如朽木。馬皮癬微癢。白點相連。狗皮癬白斑相簇。此等總由血燥。風毒客於脾肺二經。初起用消風散加浮萍一兩。葱豉作引。取汗發散。久者服首烏丸。蠟礬丸。外擦土大黃膏。或槿皮散。選而用之。俱可漸效。徐曰。此症非服藥所能治。

土大黃膏

土大黃膏用白礬。硫黃八兩共相參。川椒三味研成末。頑癬搽之效不難。治乾溼頑癬。不論新久。但皮膚頑厚。串走不定。惟癢不痛者。

硫黃八兩

生礬四兩

點紅川椒二兩



右各爲末。用土大黃根搗汁。和前藥調成膏。碗貯。新癬抓損擦之。多年頑癬。加醋和擦。如日久藥乾。以醋調搽。牛皮癬用穿山甲抓損擦之妙。

徐曰。此搽藥最效。土大黃俗名禿菜根。

楣案頸項之癬。先用刀剃。次以土大黃醋磨極濃。新筆蘸塗。微覺癢痛。乾則再塗。次日卽結痂。更數日痂落。皮肉如常。余曾親試。如不用刀剃。則不癢痛而無效。

### 頑癬必效方

頑癬必效。川槿皮。輕粉。雄黃。巴豆。宜。斑蝥。大黃。百藥餅。陰陽水和海桐皮。治多年頑癬。諸藥熏擦。搽洗不效者。

川槿皮 四兩

輕粉

雄黃 各四錢

百藥煎 四餅

斑蝥 全用一錢

巴豆 錢五分

大黃 二兩

海桐皮 二兩

右爲極細末。用陰陽水調。抓損敷藥。必待自落。

徐曰。此方要爛皮。

### 又頑癬方

頑癬方中川槿皮。斑蝥輕粉亦相宜。再加七個楓子肉。新筆頻塗癬可醫。

川槿皮二錢

輕粉五分

斑蝥七箇

大楓子七箇

河井水共一碗。煎一半。露一宿。筆蘸塗之。

徐曰。此亦爛皮之方。

### 頑癬浮萍丸

浮萍丸內用鈎藤。蒼朮黃芩共苦參。殭蠶蒼耳稀莨草。丸服何憂癬更侵。

紫背浮萍

蒼朮

蒼耳草各二兩

苦參四兩

黃芩

殭蠶各一兩

鈎藤一兩

稀莨草二兩

共爲末。酒糊丸。白滾湯每服二錢。隨病上下服。

### 膿窠瘡

膿窠瘡乃肺經有熱。脾經有溼。二氣交感。先起水泡作癢。後變膿泡作疼。以清熱散風涼血除溼爲治。涼血消風散是也。外以蛇牀子散或諸瘡一掃光搽之亦效。兼戒口味自愈。

蛇牀子散

蛇牀子散用黃丹。松香輕粉共枯礬。大黃楓肉同研末。油搽乾糝效非凡。治膿窠瘡生於手足徧身。根硬作脹。癢痛非常。

蛇牀子

大楓子肉

松香

枯礬各一

黃丹

大黃各五錢

輕粉三錢

右爲細末。麻油調搽。溼爛者乾糝之。

徐曰。亦有效有不效。

膿窠又方

膿窠方中用黃柏。輕粉黃丹共石膏。加上枯礬能燥溼。搽之痛癢即時消。

黃柏

一兩以公豬膽汁  
熬之火上炙三錢

石膏一兩

輕粉二錢

黃丹

枯礬各三錢

右爲末。麻油調搽。溼者乾糝。

徐曰。此方治肥瘡大效。

膿窠瘡應用方

涼血消風散

諸瘡一掃光俱見疥瘡門

# 火丹

火丹者。心火妄動。三焦風熱乘之。故發於肌膚之表。有乾溼紅白之異。乾者色紅。形如雲片。上起風粟。作癢發熱。此屬心肝二經之火。治以涼心瀉肝。化斑解毒湯是也。溼者色多黃白。大小不等。流水作爛。又且多疼。此屬脾肺二經溼熱。宜清肺瀉脾。除溼胃苓湯是也。腰脇生之。肝火妄動。名曰纏腰丹。宜柴胡清肝湯。外以柏葉散、如意金黃散敷之。

## 化斑解毒湯

化斑解毒湯。石膏。元參。知母。共連翹。黃連。升麻。牛蒡等。甘草。人中黃。更高。

治三焦風熱上攻。致生火丹。延及徧身癢痛者。

元參

知母

石膏

人中黃

此味徐勒批  
不入煎藥

黃連

升麻

連翹

牛蒡子

各等分

甘草五分

水二茶鍾。淡竹葉二十片。煎八分。不拘時服。

徐曰。不外此諸味。

### 除溼胃苓湯

除溼胃苓湯二朮。二苓。草朴。滑山。梔。木通。澤瀉。防風等。還須薄桂與陳皮。治脾肺二經溼熱壅遏。致生火丹。作爛疼痛者。

防風

蒼朮

白朮

赤茯苓

陳皮

厚朴

豬苓

山梔

澤瀉

木通

滑石

甘草

薄桂

各三分

水二茶鍾。燈心二十根。煎八分。食前服。徐曰。不合此症。

### 柏葉散

柏葉散中用大黃。赤豆黃。柏蚯蚓糞。加上輕粉。水調敷。火丹癢痛何須問。治三焦火甚。致生火丹。作癢。或作痛。延及徧身。

側柏葉炒黃爲末五錢

蚯蚓糞韭菜田內者

黃柏

大黃各五錢

赤豆

輕粉各三錢

右爲細末。新汲水調搽。

徐曰。隨舉三味。俱有小效。

纏腰火丹方

用寶鈔一張。燒化存性。研爲細末。用米醋調稀。雞翎蘸塗。一日三次。卽愈。忌食發物。

如意金黃散見腫瘡門

治火丹不論新久癢痛。用新汲水調敷。靛汁亦好。

## 天泡瘡

天泡者。乃心火妄動。脾溼隨之。有身體上下不同。寒熱天時微異。上體者。風熱多於溼熱。宜涼血散風。下體者。溼熱多於風熱。宜滲溼爲先。外用胡粉散。石珍散。搽之自愈。此不早治。變爲頑風紫癩。則難痊。



解毒瀉心湯

解毒瀉心湯。芩連。荊防牛蒡石膏全。山梔滑石元參草。木通知母共相煎。

黃連

防風

荊芥

山梔

黃芩

牛蒡子

滑石

元參

知母

石膏

甘草

木通

各五錢

水二茶鍾。燈心二十根。食後服。

徐曰。此症重在敷藥。如用煎方。亦不外此。

清脾甘露飲

清脾甘露飲。茵陳。朮地。翹芩。梔赤苓。麥冬。澤瀉。蒼朮。枳殼。元明粉。草共燈心。

白朮

赤茯苓

山梔

茵陳

麥門冬

生地

黃芩

枳殼

蒼朮

澤瀉

連翹

甘草

元明粉各等分

水二鍾。竹葉燈心各二十件。煎八分。食前服。

胡粉散

胡粉散治天泡瘡。杭粉輕粉石膏良。蛤粉共研爲細末。絲瓜汁和效無雙。治天泡紅腫發熱。急脹疼痛。用針挑破。搽此藥。

杭粉一兩

輕粉

石膏煨

蛤粉各三錢

共研極細。將泡挑破。搽乾。搽之。或用絲瓜葉搗汁調搽亦好。如冬月無此。用染布青缸汁調搽。此八字徐圈

徐曰。此方加入密陀僧、冰片尤妙。

又曰。此瘡必用剪刀剪破。方不袋膿。

梔案輕粉、蛤粉。徐圈。

石珍散

石珍散中煨石膏。還兼輕粉共相調。青黛再添黃柏末。將來一搽卽能消。治天泡日久作爛。疼痛不已。膿水淋漓者。

石膏煨

輕粉各一兩

青黛

黃柏各三錢

右共研細。甘草湯洗淨。以此藥糝之。其疼即止。

### 肺風粉刺酒齕鼻

肺風粉刺酒齕鼻。三名同種。粉刺屬肺。齕鼻屬脾。總皆血熱鬱滯不散所致。宜真君妙貼散加白附子敷之。內服枇杷葉丸。黃芩清肺飲。

徐曰。此症宜外治。須塗清火拔毒藥。

### 枇杷葉丸

枇杷葉丸。天花粉。甘草。黃芩。酒泛丸。肺風粉刺併齕鼻。三症吞之俱可安。

治肺風粉刺鼻齕。初起紅色。久則肉皰發腫者。

枇杷葉去毛刺八兩

黃芩酒炒四兩

甘草一兩

天花粉四兩

共爲末。新安酒泛丸。桐子大。每服一錢五分。食後併臨睡時。白滾湯茶湯俱可送下。忌火酒煎炒。

徐曰。此症宜服清肺藥。然亦非服藥所能治。

黃芩清肺飲

黃芩清肺飲歸芎。紅花地芍兼防風。薄荷翹葛天花粉。用治粉刺消無蹤。  
治症同前。

川芎

當歸

赤芍

防風

生地

乾葛

天花粉

連翹

紅花錢各一

黃芩二錢

薄荷五分

水二茶鍾。煎八分。食後服用。酒一杯過口。

真君妙貼散見腫瘍門

治肺風粉刺。鼻紅赤紫腫。早晚用涼水調敷。

雀斑

雀斑乃腎水不能榮華於上。火滯結而為斑。宜六味地黃丸。以滋化源。外以玉容丸。早晚擦洗漸愈。  
徐曰。此必用塗藥。

玉容丸

玉容丸。梔羌獨松。荆礬辛柰芷麻風。芫薤椒檀蠶藁本。陀僧紅棗菊花同。治男婦雀斑酒刺。及身體皮膚粗糙。並用此洗。

甘松

山柰

細辛

白芷

白薤

白芨

防風

荆芥

殭蠶

山梔

藁本

天麻

羌活

獨活

密陀僧

枯礬

檀香

川椒

菊花

紅棗肉

各一錢

七枚

以上共為細末。用去淨弦膜肥皂一斤。同槌作丸。如秋冬加生蜜五錢。如皮膚粗槁。加牛骨髓三錢。早晚洗之。肌膚自然瑩潔如玉。溫潤細膩。徐曰。此專治去皮毛之風。義亦可取。

玉肌散

玉肌散。用生綠豆。滑石白芷研成就。三味還兼白附子。雀斑酒刺治不謬。一切風溼雀斑酒刺白屑風皮膚作癢者並效。

綠豆半升

滑石

白芷

白附子各二錢

共爲細末。每用三匙。早晚洗面時。湯調洗患上。

雀斑應用方

六味地黃丸見肺癰門

汗斑

密陀僧散

石黃一錢

輕粉五分

硫黃

雄黃

蛇牀子各二錢

密陀僧一錢

共爲末。醋調搽之。

楣案汗斑本在末卷補遺。今移於此。

油風

油風乃血虛不能隨氣榮養肌膚。故毛髮根空。脫落成片。皮膚光亮。癢如蟲行。此



徐密點批曰此症此皆風熱乘虛攻注而然。當服神應養真丹。外以海艾湯熏洗。並效。

### 海艾湯

海艾湯中甘菊花。防風薄荷藿香加。甘松藁本蔓荆子。荆芥同煎效可誇。

治油風血虛風熱所致。皮膚光亮。眉髮脫落者。

海艾

菊花

薄荷

防風

藁本

藿香

甘松

蔓荆子

荆芥穗

錢各二

用水五六碗。同藥煎數滾。連渣共入敞口鉢內。先將熱氣熏面。候湯溫蘸洗之。留藥照前再洗。

梔案海艾、藁本、甘松、蔓荆子。徐圈。

神應養真丹

見鶴膝風門

治風寒暑溼襲於三陽部分。以致血脈不能榮運肌膚。致生虛癢。眉髮脫落。皮膚光亮者。

# 白屑風

白屑風多生於頭面耳項髮中。初起微癢。久則漸生白屑。疊疊飛起。脫而又生。此皆起於熱體當風。風熱所化。治當用消風散。面以玉肌散擦洗。次以當歸膏潤之。髮中作癢有脂水者。宜翠雲散搽之自愈。

徐曰。此症宜驅風養血。久而見功。

又曰。此宜塗驅風潤肌之藥。久則必生蟲。更兼殺蟲之品。

## 祛風換肌丸

換肌丸用石菖蒲。牛膝。胡麻。參首烏。甘草。靈仙。蒼朮等。芎歸花粉亦相須。治白屑風。及紫白癩風。頑癬。淫熱瘡疥。一切諸瘡。搔癢無度。日久不絕。愈而又發。

|     |     |                      |                        |
|-----|-----|----------------------|------------------------|
| 威靈仙 | 石菖蒲 | 何首烏                  | 苦參                     |
| 牛膝  | 蒼朮  | 大胡麻                  | 天花粉 <small>各等分</small> |
| 甘草  | 川芎  | 當歸 <small>減半</small> |                        |

右爲末新安酒泛丸。綠豆大。每服三錢。白湯送下。忌牛肉火酒雞鵝羊等發物。  
徐曰。此亦非煎方丸方所能治。

### 白屑風應用方

消風散見疥瘡門

翠雲散見楊梅瘡門

玉肌散見雀瘡門

潤肌散見白禿瘡門

## 耳病

耳病乃三焦肝風妄動而成。大人有虛火實火之分。小兒有胎熱胎風之別。虛火者。耳內蟬鳴。或兼重聽。出水作癢。外無掀腫。宜四物湯加牡丹皮、石菖蒲。及腎氣丸主之。實火者。耳根耳竅俱腫。甚則寒熱交作。疼痛無時。宜柴胡清肝湯治之。又有耳挺結於竅內。氣脈不通。疼痛不止。以梔子清肝湯爲治。外用黃線藥插入挺肉縫旁。化盡乃愈。小兒胎熱。或浴洗水灌竅中。亦致耳竅作痛生膿。初起月間。不必擦藥。候毒盡自愈。如月外不瘥。以紅棉散治之。則安矣。

### 紅棉散

紅棉散內用枯礬。麝香胭脂在其間。小兒聾耳將棉絞。再送藥末膿自乾。治耳內流膿。腫痛已消。膿尚不止。方用此糝之。

枯礬三錢

乾胭脂二錢

麝香五分

共研極細末。瓷罐收貯。先用棉裹絞盡耳內膿溼。棉裹滾藥送入耳底自愈。徐曰。另有效方。

### 聰耳蘆薈丸

聰耳蘆薈丸。木香。芩歸。膽草與大黃。山梔。青黛。柴胡等。麝香。青皮。南星。良。治肝膽有火。耳內蟬鳴。漸至重聽。不聞聲息者。

蘆薈

大黃蒸熟

青黛

柴胡各五錢

龍膽草

當歸

山梔

青皮

黃芩各一兩

木香一錢

南星三錢

麝香五分

右爲末。神麴糊爲丸。綠豆大。每服二十一丸。食後薑湯送下。日服三次。漸效。耳病應用方

柴胡清肝湯

梔子清肝湯俱見門

四物湯見續門

腎氣丸見肺癰門

### 漆瘡

漆瘡由來自異。有感有弗感也。俗稱木生人感之。非也。漆乃辛熱有毒之物。人之皮毛腠理不密。故感其毒。先發爲癢。抓之漸似隱疹。出現皮膚。傳徧肢體。皮破爛斑。流水作痛。甚者寒熱交作。宜韭菜汁調三白散塗之。服化斑解毒湯。忌浴熱水。兼戒口味。不然變爲頑風癬癩。愈而又發者多矣。

徐曰。宜用貫衆湯洗。

### 三白散

三白散中用石膏。輕粉。杭粉共相調。搽時須用生韭汁。肉上漆瘡頃刻消。

杭粉一兩 石膏三錢 輕粉五錢

各爲末。韭菜汁調敷。紙蓋。如無菜汁。涼水調敷。

徐曰。未必效。

又曰。石蟹磨汁塗。并飲一杯。立愈。

漆瘡應用方

化斑解毒湯見火門

痲痺瘡

痲痺者。密如撒粟。尖如芒刺。癢痛非常。渾身草刺。此因熱體見風。毛竅所閉。宜服消風散。洗用苦參湯。甚者皮損匝匝成瘡。以鵝黃散軟絹帛蘸藥撲之。

徐曰。此俗名風癩之疾。

苦參湯

苦參湯用大菖蒲。河水煎淋。效不虛。臨洗再加猪膽汁。瘡痛癢自然除。治痲痺瘡作癢。抓之又疼。坐如芒刺。難以安睡。用苦參四兩。大菖蒲二兩。河水五瓢。同煎數滾。添水二瓢。蓋片時。和入公猪膽汁四五枚。淋洗瘡上。不二三。次全愈。愈後避風。忌食發物。

鵝黃散

鵝黃散用黃柏末。輕粉豆粉同研入。更將滑石共和勻。止痛收乾。疾如失。



治痲瘡作癢。抓之皮損。隨後又疼。用此撲之。

綠豆粉一兩

滑石五錢

黃柏三錢

輕粉二錢

右爲細末。以軟絹帛蘸藥撲之。止痛收乾。

痲瘡應用方

消風散

見瘡門

疔腮

疔腮乃風熱溼痰所生。有冬溫後天時不正。感發傳染者。多兩腮腫痛。初發寒熱。以柴胡葛根湯散之。外敷如意金黃散。內熱口乾。二便不利者。四順清涼飲利之。表裏俱解。腫仍不消。必欲作膿。用托裏消毒散。膿成者卽針之。體虛人兼服補托藥自愈。

徐曰。此症以驅風消痰軟堅清熱爲治。赤豆爲末。雞子清調塗立效。又曰。此症若在時氣病後。餘邪未清。仍宜照本症所感。輕劑表散。若無因驟起。則如連翹、夏枯草、土貝、甘草、大力子、白芷、元參、半夏、橘紅、黃芩、赤芍、薄荷、荊芥。

等藥俱可用。

疔腮應用方

柴胡葛根湯見傷寒發願門

四順清涼飲見傷寒發願門

### 痰包

痰包乃痰飲乘火流行。凝注舌下。四字結而炮腫。綿軟不硬。四字有妨言語。作痛不安。用利剪刀當包剪破。此句流出黃痰。若蛋清稠粘難斷。捺盡以冰硼散捺之。內服二陳湯加黃芩、黃連、薄荷數服。忌煎炒火酒等件。

徐曰。此不常見之病。亦有生在頸項者。又曰。此症人不識者多。宜留意。

加味二陳湯

加味二陳湯半夏。茯苓甘草共陳皮。芩連薄荷薑三片。痰飲生包服此宜。治痰飲流注舌下。發腫作痛。針刺已破者。

陳皮

半夏

茯苓

甘草

黃芩各八分

黃連

薄荷各五分

水二茶鍾。薑三片。煎八分。食前服。

徐曰。此通治方。

痰包應用方

冰硼散見咽喉門

癩風

癩風乃陽明溼熱沸騰於肌表。或外受風寒侵襲而成。其患初起水泡。作癢成瘡。破流脂水。癢至徹骨。久則成片。傳及徧身。好浴熱湯。形如風癩。初起上體多者。防風通聖散去硝黃。加葱頭三莖。發汗以散外毒。下體多者。去麻黃以攻內毒。通治。則初服消風清燥湯。久服祛風換肌丸。外搽諸瘡一掃光。成片流水者。真君妙貼散。皮膚頑厚有蟲者。麥餞散搽之。

徐曰。此症有似大麻風而毒氣不深。全在肌肉。故可治。

消風清燥湯

消風清燥湯生地。蟬蛻防歸芩共連。花粉川芎兼白芍。苦參甘草與靈仙。

川芎

當歸

白芍

生地

防風

黃芩

黃連

天花粉

蟬蛻

苦參

威靈仙錢各一

甘草五分

水二茶鍾煎八分。食後服。

徐曰。此通治方。

### 癩風應用方

防風通聖散

見時毒門

祛風換肌丸

見白屑風門

真君妙貼散

見癰門

諸瘡一掃光

見疥瘡門

麥錢散

見痘風門

### 溼腫

溼腫者。皆脾氣受傷之病。或飲食後驟受風寒。或飢渴時誤食生冷。寒積於中。食不尅化。其患胸膈不寬。小水不利。面目浮腫。漸至徧身。此土傷不能生化之故也。宜用二蛟散疏通稼土。溫養脾元。其小水自利。浮腫自消。百發百中。

徐曰。此症不得指一病名。  
楣案此症內外科書皆載之。愚意當專歸內科爲宜。

### 二蛟散

二蛟散內用皮硝。陳米三年要炒焦。溼腫糖湯調服下。如蛟行水自然消。  
治生冷惱怒傷脾。致胸膈不寬。小水不利。面目四肢浮腫。諸藥不效。用三年老  
黃米炒焦黃色爲末。提淨芒硝三兩。鍋內溶化。炒乾爲末。每用一平杯和勻。再  
碾極細。大人壯實者。每服三錢。小兒十歲上下者。一錢二分。俱用赤砂糖三茶  
匙。和白滾湯半茶鍾。空心調服。至午大便一次。至晚再便一次。其疾先從眼胞  
消起。日久元氣虛者。與加味胃苓湯間服。至重者不過五服愈。

### 加味胃苓湯

加味胃苓湯。朮苓。參。查。芍。半。藿。香。陳。澤瀉。猪苓。并厚樸。甘草。香附。效如神。  
治脾胃受傷。胸膈不寬。兩脇鼓脹。小水不利。面目四肢浮腫。

|    |    |    |    |    |
|----|----|----|----|----|
| 藿香 | 陳皮 | 茯苓 | 白朮 | 白芍 |
| 人參 | 茯苓 | 白朮 | 白芍 | 各一 |
| 厚朴 |    |    |    |    |
| 山查 |    |    |    |    |

澤瀉

半 夏 各五

甘 草

猪 苓

香 附 女人加一錢

薑三片。燈心二十根。水二茶鍾。煎八分。食前服。

徐曰。此調和脾胃通用之方。

梔案藿香。香附。徐圈。

### 女人面生鰲黑斑

鰲黑斑者。水虧不能制火。血弱不能華肉。以致火燥結成黑斑。色枯不澤。宜朝服腎氣丸以滋化源。早晚以玉容丸洗之。兼戒憂思動火勞傷。日久漸退。此症不得於夫。及疑事不決者。常有之。

面斑應用方

腎氣丸 見肺癰門

玉容丸 見雀斑門

鈕釦風



鈕釦風皆由風溼凝聚生瘡。久則搔癢如癬。不治則沿漫項背。當以冰硫散擦之。甚者服消風散亦妙。

### 冰硫散

冰硫散內礬硫椒。樟腦同將蘿蔔包。灰火內煨令藥透。猪脂熬熟共相調。

硫黃一兩

樟冰

川椒

生礬各一錢

共爲末。先用白蘿蔔一個。握空。將藥填滿。復將原皮蓋之。溼紙包三四層。灰火內煨半時許。待冷取開。將藥同熟猪油調稠。搽之自愈。

徐曰。此症主方。

### 鈕釦風應用方

消風散

見瘡門

### 枯筋箭

枯筋箭乃憂鬱傷肝。肝無榮養。以致筋氣外發。初起如赤豆大。枯點微高。日久破裂。趲出筋頭。四字蓬鬆枯槁。多生胸乳間。宜用絲藥線齊根繫緊。日此法最捷。批七

日後自落。以珍珠散糝之。其疤自收。兼戒口味不發。  
徐曰。此卽臍子之大者。

枯筋箭應用方

絲藥線見慶  
癰門

珍珠散見下  
癰門

婦人脚丫作癢

婦人脚丫作癢。乃三陽風溼下流。凝結不散。故先作癢而後溼爛。又或足底彎曲之處癢溼皆然。

枯礬散

枯礬散中用石膏。黃丹輕粉共研調。四味將來爲末糝。脚丫溼癢卽時消。

枯礬玉錢

石膏煨

輕粉

黃丹各三錢

右爲末。溫湯洗淨。搽之卽愈。

楣案石膏輕粉。徐圈。

手足破裂

手足破裂者。乾枯之象。氣血不能榮養故也。因熱肌驟被風寒所逼。凝滯血脈。以致皮膚漸枯漸槁。乃生破裂。日襲於風。風熱相乘。故多作痛。以玉肌散洗擦。潤肌膏潤之。甚者兼服當歸飲子爲妙。

玉肌散

見雀斑門

潤肌膏

見白禿瘡門

當歸飲子

見疥瘡門

## 眼丹

眼丹脾經有風。胃經多熱。共結爲腫。風多者。浮腫易消。熱甚者。堅腫難散。初起宜用金黃散敷之。有表症者。荆防敗毒散裏症者。清胃散加大黃利之。如不散。必欲作膿。宜換膏貼之。膿成者。卽針之。遲則眼頭自破。此乃睛明穴。內空難斂。成漏者多。

## 眼丹應用方

荆防敗毒散

見時毒門

清胃散

見牙縫出血門

金黃散

見腫瘍門

## 眼胞菌毒

菌毒者。乃脾經蘊熱凝結而成。其患眼胞內生出如菌。頭大蒂小。漸長垂出。甚者眼翻流淚。亦致昏矇。治宜用軟綿紙蘸水。陰之眼胞上。少頃。用左手大指甲墊於患根。徐曰。右手以拔針尖頭齊根切下。徐治尤難。血出不妨。隨用翠雲錠磨濃塗之。其血自止。內服涼膈清脾飲二服。仍忌海腥煎炒椒薑火酒等件。不發。涼膈清脾飲

涼膈清脾飲。地黃。石膏。芩芍。與荆防。薄荷。甘草。山梔子。還有連翹一味。涼。

防風

荆芥

黃芩

石膏

山梔

薄荷

赤芍

連翹

生地

各一錢

甘草五分

水二茶鍾。燈心二十根。煎八分。食後服。

徐曰。不必服藥。

翠雲錠

治眼胞菌毒。用針割後塗之。杭粉五兩。銅綠末一兩。輕粉一錢。共研極細。用黃連一兩。同川米百粒。水一碗。煎一半。再熬折去二分。和藥作錠。陰乾。臨時用清

水少許淨硯上磨濃。雞翎蘸搽。又治爛弦風眼。或暴赤腫痛者。篋搽更效。

## 黑子

黑子。痣名也。此腎中濁氣混滯於陽。陽氣收束。結成黑子。堅而不散。凡人生此。終為不吉。面部不善者去之。宜細銅管將痣套入孔內。撚六七轉。令痣入管。一拔便去。此四句徐斷有痣浮淺不能拔者。用針挑損。搽冰蠅散少許。糊紙蓋之。三日自脫。或灰米膏點之亦可。落後珍珠散乾糝生皮而愈。忌醬醋。無斑灰米膏

用成塊石灰。蘸水調稠。將白糯米插入灰內。留半米在外。片時許。候米熟。用米點上可落矣。

## 黑子應用方

冰蠅散見癰門

珍珠散見下

## 狐氣

狐氣一名狐腋。此因父母有所傳染。又有因狐胎受生者。故不脫本來氣質。腋下多有稷紋數孔。出此氣味。常以五香散擦之。內用蒜肚時常作饌食之。可以漸退。五香散

五香散內用沉香。更入檀香併木香。加上零陵香更倍。就中尤烈麝臍香。

沉香

檀香

木香

零陵香各三錢

麝香三分

共爲細末。每用五釐。津調搽擦兩腋下。三日一次。或用香末二錢。絹袋盛貯。挂於腋下。

徐曰。非此香藥所能愈。另有效方。

蒜肚方

用公猪肚一具。大蒜囊四十枚。去殼入肚內。以線紮口。水煮極爛。用鹽醋蘸肚隨便食之。氣味甚者。用癩蝦蟆一個。入內同煮。肚爛去蝦蟆。大蒜用熱酒食之。洗浴發汗。避風三日。其氣頓改。

白禿瘡



白禿瘡因剃髮腠理洞開。外風襲入。結聚不散。致氣血不潮。皮肉乾枯。發爲白禿。久則髮落。根無榮養。如禿斑光潤不癢。內血已潮。以薑蕪潤肌膏常擦。其髮漸生。禿斑乾枯作癢者。內必有蟲。宜用麥餞散搽之。蟲死風散髮生。愈後忌動風發物等件。

徐曰。此症之因。亦有數種。

麥餞散

見豈風瘡門

治禿瘡頭毛脫落。白斑如癬。瘡痂纍纍疊起。癢甚有如蟲行。葱湯洗淨瘡痂。用麻油調搽。以羶帽戴之。隨後作疼發腫。忍之。三日後其痂漸漸而脫。其髮一生。戒諸發物。

諸瘡一掃光

見疥瘡門

治禿瘡髮脫作癢。本藥一錢。加倒挂塵二分。燈窩宿油調搽自愈。

潤肌膏

潤肌膏內用麻油。紫草當歸一併投。熬透去渣黃蠟入。禿瘡搽後髮盈頭。治禿瘡乾枯白斑作癢髮脫。用麻油四兩。當歸五錢。紫草一錢。同熬。藥枯濾清。

將油再熬。加黃蠟五錢化盡。頃入碗內頓冷。搽擦自愈。

### 奶癬

奶癬因兒在胎中。母食五辛。父食炙煇。遺熱與兒。頭面徧身發爲奶癬。流脂成片。睡臥不安。搔癢不絕。以文蛤散治之。或解毒雄黃散。甚則翠雲散。用青釭汁調搽。徐曰。此乃小兒食乳時之癬。又名胎癬。

### 文蛤散

文蛤散中輕粉末。川椒倍子炒須焦。香油調搽兒奶癬。乳母還須飲食調。

文蛤四兩

點紅川椒二兩

輕粉五錢

先將文蛤打成細塊。鍋內炒黃色。次下川椒同炒黑色。烟起爲度。入罐內封口存性。次日入輕粉碾爲細末。瓷罐收貯。香油調搽。奶母戒口爲妙。

徐曰。奶癬與諸癬微不同。此方甚平善。

### 奶癬應用方

解毒雄黃散見血風

翠雲散見楊梅

## 蟾拱頭

蟾拱頭。俗名腦猪是也。患小而稟受悠遠。皆父精母血蓄毒而成。只發一次。其患腫高。破之又腫。皆稟受時原有衣膜相裹。毒雖出而膜未除。故愈而又發。腫甚膿熟者。用針刺破。以三品一條槍插入孔內。徐曰。此却可用。化盡內膜自愈。又有不腫而不收口者。此必風襲患口。宜敗銅散搽之。兼戒口味自愈。

徐曰。此症用蓖麻子打千槌膏。加提毒藥可愈也。

## 敗銅散

敗銅散用舊罐末。銅錫鉛礶總化成。性熱最能收溼水。一乾再不復回津。

治蟾拱頭已破後膿水不乾。愈而又發。久不收口。用化銅舊罐爲末。此句洗淨患上香油調搽忌口。

## 蟾拱頭應用方

三品一條槍見痔毒門

## 小兒遺毒爛斑

遺毒乃未生前胞胎稟受。因父母楊梅瘡後餘毒未盡精血孕成。故既生之後。熱湯洗浴。烘薰衣物。外熱觸動內毒。發於肌膚之表。先出紅點。次成爛斑。甚者口角穀道眼眶鼻面皮肉俱壞。多妨乳哺。啼叫不安。初治宜早。內與土茯苓湯調。人中黃末。每日數次。共飲四五分。外用解毒紫金丹磨塗。十中可保三四。遲延毒甚。爛斑徧身不乳者。百中難活一二。此由根蒂受毒深故也。

人中黃

治小兒諸胎毒。痘疹黑陷內收。脣焦口乾。風熱斑疹。赤遊丹毒。兼治大人傷寒陽症發狂。或諸惡瘡毒氣入裏。口燥咽乾。煩渴悶亂。中諸砒草河豚等毒。諸般急病。無有不效。用毛竹一段。兩頭留節。一頭鑽一小孔。用粉草磨爲細末。從孔灌滿。以木條塞緊孔眼。用磚紮之。沈入大糞池內。半年取起。長流水浸一日。帶竹風乾。瓷罐收貯。大人每服二錢。小兒每服三四分。涼水調服。小兒胎毒爛斑。土茯苓湯調服。尋常熱病。入應病藥中調服。

徐曰。人中黃只宜治此等陽明惡毒之症。令其入於腸胃。隨糞瀉出。近日醫家不論何病。加入煎藥之內。竟是喫糞水矣。其可笑如此。

真君妙貼散

見腫瘍門

治小兒胎毒皮肉腐爛。疼痛不安。用此敷即效。

小兒爛斑應用方

解毒紫金丹

見疔瘡門

### 螻蛄串

螻蛄串由於思慮傷脾。脾氣鬱結所生。是疾氣血澆薄者多。脾主四肢。其患多生於兩手。初起骨中作疼。漸漸漫腫堅硬。不熱不紅。手背及內關前後連腫數塊。不能轉側。日久出如豆腐漿汁。串通諸竅。日夜留連。腫痛仍在。患者面黃肌瘦。飲食減少。久則寒熱交作。內症並出。首尾俱宜益氣養榮湯。加味逍遙散。調和氣血。扶助脾胃。可生者十之二三。補而不應。氣血瀝盡而亡者多。

徐曰。此虛痰流注也。當兼用補藥。

又曰。此症有似流注。惟連綿通串爲異。乃純虛之症也。

螻蛄串應用方

益氣養榮湯

加味逍遙散

見癰門

### 小兒痘風瘡

痘風瘡因痧痘後毒發未盡。留熱肌膚。復被外風侵入。其患先從細瘡作癢。次漸沿開成片。脂水生痂。搔之無度。宜用麥餞散搽之。兼戒口味。避風自愈。

麥餞散

麥餞散搽痘風瘡。硫黃白信要相當。川椒生熟礬同碾。調入麻油一擦光。治小兒痘風作癢。疊疊成片。甚則頑麻不知痛。用小麥一升。炒枯黃色。乘熱入鉢內。和硫黃四兩。白砒一兩。細末攪勻。待冷取起。加烟膠半斤。川椒三兩。生枯礬各二兩。共碾細末。臨用葱湯洗淨。以麻油調搽。油紙蓋紮。三日一換。三次愈。徐曰。白砒卻不可輕試。須換一味爲穩。然此治禿瘡爲宜。痘瘡太猛。

### 小兒赤遊丹

赤遊丹受毒於未生前。發病於有生後。蓋身在胞胎。皆賴父精母血生養。父母不



能節慾。淫火猖熾。又不能戒諸厚味。以及炭火烘熏。重衾疊褥。種種熱毒。胎皆受之。及至生後。熱湯洗浴。烘熏衣物。觸動內毒。先發身熱。啼叫驚搐。次乃生丹。紅腫光亮。瞬息遊走。發無定處。先從頭額起者。名天奪丹。以升麻葛根湯。母子同服。餘或起於腹背。流入四肢者。輕。起於四肢。流入胸腹者。重。有此總皆先砭惡血爲要。徐曰。亦砭血之後。先用精豬肉縫片貼之。一時許。換如意金黃散。用水芭蕉根搗汁調敷。徐曰。不可。甚者。日換二次。內服大連翹飲。消毒犀角飲。五福化毒丹。毒氣入裏。腹脹堅硬不乳者。紫雪散下之。三日後身漸微涼。砭血之處。肉便軟活。聲清腹軟。乳哺如常者。順。反此爲逆。

徐曰。亦有胎毒全無。因火溼交侵而生者。

### 升麻葛根湯

升麻葛根湯。麻葛。柴胡。木通。甘草入。黃芩。白芍。黑山梔。丹毒遊行功可必。治丹毒身體發熱。面紅氣急。啼叫驚搐。

升麻

乾葛

白芍

柴胡

黃芩

山梔

木通

甘草

各五

水二茶鍾。煎八分。不拘時。母子同服。

徐曰。方亦近似。總以外治為主。

### 大連翹飲

大連翹飲。梔子歸。車前滑石石膏隨。荆防甘麥柴芩等。蟬蛻木通牛蒡宜。治小兒丹毒發熱。痰涎壅盛。一切諸瘡痧疹。頸項生核。或傷風傷寒。時行發熱等症。並宜服之。

連翹

瞿麥

滑石

車前子

牛蒡子

赤芍

山梔

木通

當歸

防風

黃芩

柴胡

甘草

荆芥

蟬蛻

石膏各五分

水二茶鍾。燈心二十根。煎八分。母子同服。

徐曰。方太雜。

### 消毒犀角飲

消毒犀角飲。防風。甘草黃連要協同。還用燈心為引使。赤遊丹腫有神功。

治小兒丹毒。身熱氣粗。啼叫驚搐不寧。

犀角錢

防風錢各一

甘草五分

黃連三分

右水二茶鍾。燈心二十根。煎四分。徐徐服之。

### 紫雪散

紫雪。羚羊。犀。麻。石。共。沉。木。香。兼。參。草。用。寒。水。硝。硃。金。箔。冰。赤。遊。丹。毒。堪。施。送。治。小。兒。赤。遊。丹。毒。甚。者。毒。氣。入。裏。肚。腹。膨。脹。氣。急。不。乳。即。宜。此。藥。救。之。又。治。傷寒。熱。躁。發。狂。及。外。科。一。切。蓄。毒。在。內。煩。躁。口。乾。恍。惚。不。寧。等。症。

升麻

寒水石

石膏

犀角

羚羊角各一兩

元參二兩

沉香

木香各五錢

甘草八錢

水五碗。同藥煎至一碗。濾清。再煎滾。投提淨朴硝三兩六錢。微火慢煎。水氣將盡。欲凝結之時。傾入碗內。下硃砂。冰片各二錢。金箔一百張。各預研細和勻。碗頓水內。候冷凝成雪也。大人每用一錢。小兒二分。十歲者五分。徐徐嚥之。即效。病重者加一錢亦可。或用淡竹葉燈心湯化服。

徐曰。紫雪另有古方全劑。修合甚費。此乃改作小料。以便隨時製用耳。楣案紫雪非散。古方但稱紫雪。此加散字。蓋沿明刻本誤。改明刻作紫雪歌也。

### 針砭法

針砭之法。絕世奇。丹上施針。筋擊之。砭畢。須將豬肉貼。赤遊掀腫。用相宜。治小兒赤遊丹毒。紅赤掀腫。遊走不定。用拔針鋒尖向丹上。以爲木重筋在針上擊之。密砭去血多者爲妙。血紅者輕。紫者重。黑者死。砭畢。溫湯洗淨。用乾精豬肉縫大片貼砭處。一時許。方換如意金黃散。水芭蕉根搗汁調敷。徐曰。此不得已而用之。如有良藥。皆不必也。

如意金黃散

見腫瘍門

治小兒赤遊丹毒。紅如硃。熱如火。走如雲。散及徧身不定者。用水芭蕉根搗汁調敷。加蜜亦可。

### 赤遊丹應用方

五福化毒丹

見胎癰門

# 走馬牙疳

走馬牙疳。言其患迅速。不可遲治也。乃痧痘餘毒所中。又有雜病熱甚而成者。初起牙齦作爛。隨即黑腐作臭。甚者牙齦脫落。齦旁黑朽。不數日間。穿腮破脣。誠為難治。初起宜用蘆薈消疳飲。外用人中白散或冰硼散搽之。取去黑腐。內見紅肉血流者吉。如取時頑肉不脫。腐爛漸開。掀腫外散。臭味不止。更兼身熱不退者。俱為不治。牙疳有五不治。穿腮臭涎穢一不治。用藥不效五不治。牙落無血三不治。

## 蘆薈消疳飲

蘆薈消疳飲。薄荷。元參。甘桔。共柴胡。梔。連。麻。葦。羚羊角。竹葉石膏。不可無。治小兒走馬牙疳。身熱氣粗。牙齦腐爛。氣味作臭。內及穿腮破脣者。

蘆薈

銀柴胡

胡黃連

川黃連

牛蒡子

元參

桔梗

山梔

石膏

薄荷

羚羊角各五

甘草

升麻各三

水二茶鍾。淡竹葉十片。煎六分。食後服。

徐曰。藥味不外乎此。但蘆薈、黃連、苦極傷胃。當思變通之法。又此方太寒。宜滋陰驅風解毒清火爲妙。

### 人中白散

人中白散最稱奇。黃柏兒茶青黛宜。冰片薄荷研細末。溫湯漱淨口疳吹。治小兒口疳、走馬疳、及牙齦腐爛黑臭者。

人中白溺壺者佳 茶一兩

黃柏

薄荷

青黛各末六錢

冰片五分

共再研極細。先用溫湯漱淨。吹藥疳上。日用六七次。吹藥涎從外流爲吉。內收涎毒入裏爲凶。

徐曰。此治象疳之法。若走馬疳牙內有蟲。又毒火如焚。非殺蟲及清火之藥。不能奏效。當另覓良方也。

### 牙疳應用方

冰硼散見咽喉門



# 重舌

大人小兒重舌。乃心火妄動而發。當以線針點刺。此句徐勸批令出惡血。內服解毒瀉心湯。外以冰硼散搽之。又有紫舌、木舌。亦由心火而發。用飛鹽加冰片少許。勤搽出涎自愈。又有痰氣結於舌上。成核作痛硬強者。用線針點破出血。用冰硼散搽之。服後藥。

徐曰。此症塗紫雪極效。

## 黃連瀉心湯

瀉心湯內用黃連。荊芥、山梔、黃芩、翹草、牛蒡、薄荷、木通。加上效如仙。治大人小兒心火妄動。結成重舌、木舌、紫舌。脹腫堅硬。語言不利。

黃連

山梔

荊芥

黃芩

連翹

木通

薄荷

牛蒡子各一錢

甘草五分

水二茶鍾。燈心二十根。煎八分。食後服。

徐曰。亦通治之方。

針刺法

治重舌、木舌、紫舌等疾。腫脹疼痛。硬強不語。又兼舌根併兩齒合縫盡處作腫。瘀肉塗塞。口噤難開。俱用此法刺之。用粗線針紮在筋頭上。在患處點刺出血。紅紫毒輕。紫黑毒重。患甚者數十點皆可。血盡溫湯漱之。重者金鎖匙。輕者冰硼散搽之。流去熱涎。內服涼膈散。或清涼飲。可選用。

徐曰。此法或有用處。然塗藥得宜。自能漸消。不必用此也。

重舌應用方

金鎖匙

冰硼散

涼膈散

四順清涼飲俱見咽喉門

胎瘤

胎瘤者。初生小兒。頭上胸乳間腫起。大者如鰻。小似梅李。此皆胎中瘀血凝滯而成。須候兒滿月外。方可用針刺破。出如赤豆汁則安。此二句徐圖批曰。竟刺內服五福化毒丹。

五福化毒丹

五福化毒丹。連桔。青黛。人參。赤茯苓。元參。膽草。牙硝片。甘草。硃砂。衣用金。治小兒蘊積胎毒。以及諸瘡癰疹。傷風斑症。口舌生瘡。痰涎壅盛。譫言煩躁。夜睡不寧者。

元參

桔梗

赤茯苓

人參

黃連

龍膽草

青黛

牙硝

甘草

冰片

硃砂

金箔

右爲末。煉蜜丸。芡實大。每服一丸。薄荷燈心湯化服。兼治瘡症後餘毒上攻。口齒涎血臭穢。以生地黃汁化下。如無地黃。竹葉燈心湯亦可。

徐曰。此方平妥可用。治上焦火毒尤良。

又曰。瘤症非服藥所能愈。外治之時。服此以養氣亦宜。

鵝口瘡

鵝口瘡。皆心脾二經胎熱上攻。致滿口皆生白斑雪片。甚則咽間疊疊腫起。致難

乳哺。多生啼叫。以青紗一條裹筋頭上。蘸新汲水揩去白胎。以淨爲度。重手出血不妨。隨以冰硼散搽之。內服涼膈之藥。

徐曰。此症宜紫雪最效。

鵝口瘡應用方

冰硼散

見咽喉門

涼膈散

見齒病門

### 痘癰

痘癰乃出痘溜漿不足。毒流於脾肺二經。致手脚胸背結成漫腫。大如桃李。多發在收靨之後。身涼不渴者爲吉。有此不必內消。此句宜貼太乙膏。候膿熟針之。元氣虛弱者兼服保元湯。助脾健胃爲要。

保元湯

保元湯用參耆朮。變理還須甘草同。大棗二枚薑一片。膿清不斂卽收功。治痘癰出膿之後。脾胃虛弱。膿清不斂者。

人參

黃耆

白朮

各一錢

甘草

三分

薑一片。棗二枚。水一鍾半。煎六分。食遠服。

徐曰太蠻。

## 痘疔

痘疔乃痘毒升發不盡。留於心肝二經。初生紫點。次日變黑。毒淺者。浮高而潤。毒甚者。深陷而焦。其發多出於七朝上下將靨之際。又生於臀腿手足。身溫疤潤音清者吉。發在肚腹腰腎。身熱色枯。聲啞者凶。凡見此者。急用針刺疔根。插入蟾酥條。候四邊裂縫。此句疔搖動者。用刀割去。四字徐勣搽玉紅膏生肌完口。如針無血。插藥乾枯不變膿者。終為不治。但此症屬有餘。首尾俱宜加減鼠黏子湯為要。

徐曰。雖是疔毒。但係痘後。又屬幼科。不得與治壯夫同。另有和平安穩之法。又曰。此與真疔微異。不得輒用重藥。內托毒氣。外用拔疔膏足矣。

### 加減鼠黏子湯

加減鼠黏子湯。花粉知母相當。荊芥山梔甘草。燈心竹葉煎嘗。

鼠黏子

天花粉

知母

荊芥

山梔各六分 甘草三分

水二茶鍾。淡竹葉、燈心各二十件煎服。身熱。加柴胡、黃芩。有痰。加麥冬、貝母。咽啞。加元參、桔梗。咬牙。加薄荷、石膏。便秘。加蜂蜜、元明粉。昏憤。加黃連、硃砂。痂枯。加當歸、生地。癰疽。加蟬蛻、川芎。

徐曰。此方太寒。

八珍湯見腫瘍門

治痘疔落後。氣血虛弱。膿水出多。不能生肌收斂。

痘疔應用方

蟾酥條見疔瘡門

玉紅膏見腫瘍門

黃水瘡

黃水瘡者。頭面耳項忽生黃色破流脂水。頃刻沿開。多生痛癢。此因日曬風吹。暴感溼熱。或因內食濕熱之物。風動火生所致。治宜蛤粉散搽之。必愈。真君妙貼散亦效。



蛤粉散

蛤粉散治黃水瘡。膿水沿開痛莫當。石膏黃柏併輕粉。水調敷上最爲良。

蛤粉

石

膏

煨各一兩

輕

粉

黃

柏

生碾各五錢

黃水瘡應用方

真君妙貼散

見腫瘍門

外科正宗卷十一 黃水瘡

徐評外科正宗

|      |      |        |
|------|------|--------|
| 明    | 清    | 清      |
| 崇川   | 海寧   | 吳江     |
| 陳實功著 | 許辛木訂 | 徐靈胎評   |
|      |      | 鄞縣曹炳章校 |

卷十一

大人口破

口破有虛火實火之分。色淡色紅之別。虛火者。色淡而有白斑細點。甚者陷露龜紋。脈虛不渴。此因思慮傷脾。多醒少睡。虛火妄動而發。宜四物湯加黃柏。知母。丹皮。肉桂。徐勒以為引導。從治法也。外以柳花散搽之。實火者。色紅而滿口爛斑。甚者腮舌俱腫。脈實口乾。此因膏粱厚味。醇酒炙燂。心火妄動而發。宜涼膈散。外搽赴筵散。吐涎則愈。如口舌生瘡。舌乾黃硬作渴者。加減八味丸以滋化源。俱禁水。

漱。

徐曰。此症不外清火養陰。亦當用紫雪、碧雪等藥塗之。

### 柳花散

柳花散內君黃柏。青黛肉桂並研末。冰片還須加二分。用吹口破功難述。  
黃柏淨末 青黛三錢 肉桂一錢 冰片二分  
各爲細末。共再研。瓷罐收貯。每用少許吹之。

### 赴筵散

赴筵散內柏芩連。梔子乾薑各自研。細辛等分和勻用。吹搽口破即安然。

黃連

黃柏

黃芩

梔子

乾薑

細辛各等分

右爲末。吹患處。

### 口破應用方

四物湯見瘰癧門

涼膈散見咽喉門

加減八味丸見瘰癧門

唇風

脣風乃陽明胃火上攻。其患下脣發癢作腫。破裂流水。不疼難愈。宜銅粉丸泡洗。內服六味地黃丸自愈。

### 銅粉丸

銅粉丸中輕粉礬。銅青官粉麝香兼。黃連膏子同冰片。泡洗脣風效不凡。

銅青五錢

官粉三錢

明礬五錢

麝香五釐

冰片二釐

黃連二兩切片輕粉五錢

右共爲細末。黃連膏丸如芡實大。每用一丸放碗內。湯泡紙蓋。候烝頓熱。用上面清水勤洗之。自愈。

楣案脣風本在人面瘡之後。今移於此。

### 臭田螺

臭田螺乃足陽明胃經濕火攻注而成。多生足指脚丫。白斑作爛。先癢後痛。破流臭水。好似螺靨。甚者脚面俱腫。惡寒發熱。先宜甘草湯洗淨。貼蟾酥餅三日三枚。後用珍珠散猪脊髓調搽。膏蓋掀腫處。用真君妙貼散敷之。其腫漸消。勿卽步履。

臭田螺應用方

蟾酥餅見疔瘡門

珍珠散見疔瘡門

真君妙貼散見腫門

牛程躄

牛程躄乃程途奔急。熱脚下水見風。以致氣滯血枯。結成頑硬皮肉。榮衛不滋。漸生疼痛。腫高突起。脚難行走。久則破裂膿水。每日溫湯淨洗。搽牛角散。又有內膿攻注。皮頑難破者。以大線針鋒頭挑破。出膿乃寬。硬皮敲破者。翦而去之。徐曰。不皮可翦。肉不生者。玉紅膏長之。肉滿不生皮者。珍珠散搽上。生皮乃愈。

牛角散

徐曰。此係內毒。生足跟皮內。最難療治。

牛角散用牛角灰。松香輕粉共研之。本方加上水龍骨。牛髓調和搽上宜。

牛角尖燒灰

水龍骨

松香

輕粉各等

共爲末。牛骨髓調搽。虛弱者兼服十全大補湯。

徐曰。此專治之方。水龍骨或謂卽船上舊油灰。



梔案牛角尖、水龍骨、牛骨髓。徐圈。

牛程躑應用方

玉紅膏見腫瘍門

珍珠散見疔瘡門

## 蜣螂蛙

蜣螂蛙多生手指節中。不紅不熱。腫如蟬腹。此句徐乃手少陰痰氣凝滯而生。初起不疼。日久方痛。痛久方腐。腫仍不消。蟾酥餅膏貼。漸作稀膿。近者一載。遠者三年。此症體弱者有之。內兼補劑。免變癆瘵之病。

徐曰。治手法與諸頑瘡同。

蜣螂蛙應用方

蟾酥餅見疔瘡門

## 田螺泡

田螺泡多生手足。忽如火燃。隨生紫白黃泡。此脾經風溼攻注。不久漸大。腹痛不

安。宜線針挑破。泄去毒水。太乙膏蓋挑破又生者。內服解毒瀉脾湯可愈。

### 解毒瀉脾湯

解毒瀉脾牛蒡子。防風蒼朮共山梔。石膏甘草黃芩等。木通燈草瀉心脾。

防風

牛蒡子

山梔

石膏

黃芩

蒼朮

甘草

木通各一錢

水二鍾。燈心二十根。煎八分。量病上下食前後服之。

### 田螺泡應用方

太乙膏見腫瘍門

蟾酥餅見疔瘡門

玉紅膏見腫瘍門

皴痛

楮案皴原本作皴誤字書戰手足坼裂也今通作皴

皴痛多起於手足。乃風寒鬱於皮毛。致血不榮於肌表。皮槁多痛。似無皮之狀。宜葱湯浸洗良久。隨以潤肌膏擦之。勿見風冷。就暖自愈。又每年逢冬即發者。須三伏時曬搗爛大蒜。間擦三次。不再發。

### 凍風

凍風者。肌肉寒極。氣血不行。初起紫斑。久則變黑。腐爛作膿者。以碧玉膏主之。生肌斂口。

碧玉膏

見結毒門

治凍風皮肉損爛。膿血淋漓。疼痛不止者。

獨勝膏

獨勝膏方最散寒。凍風凍耳莫憂煎。六月每逢三六日。搽之冬凍不相干。

治凍風凍跟凍耳。每遇冬寒則發。六月初六十六二十六日。用獨蒜搗膏。日中曬熱。四字徐圖在於遇冬所發之處擦之。忌下湯水。一日共擦三次。可以不發。又每常凍風。用茄根同葱煎湯浸洗。亦不重發。

梟案此即皴痛之甚者。原本在膿窠瘡之後。今姑仍分爲二門。而移於此。

陰孔蝨

陰蝨。又名八脚蟲。乃肝腎二經濁氣所成。生此不爲清吉。銀杏散津調擦之。內服六味地黃丸。每斤加蜜炒黃柏一兩。蘆薈五錢。以清化源。愈後不發。

徐曰。髮內亦有。

銀杏無憂散

銀杏無憂散麝香。水銀輕粉與雄黃。杏仁狼毒兼蘆薈。七味研和調擦良。

水銀鉛製

杏仁搗去皮

輕粉

雄黃

狼毒

蘆薈各一錢

麝香一分

除水銀、杏仁膏。餘藥共碾篩細。入上二味。再研勻。先用土菖蒲煎湯洗之。用針挑去蟲孔。隨用津唾調擦。使藥氣入內。則不復生。切忌牛犬鼈肉。

徐曰。用百部湯洗妙。

梟案杏仁徐圈。

陰蝨應用方

六味地黃丸見肺癰門

葡萄疫

葡萄疫。其患多生於小兒。感受四時不正之氣。鬱於皮膚不散。結成大小青紫斑。

點。色若葡萄。發在偏體頭面。乃為腑症邪毒傳胃。牙根出血。久則虛人。初起宜服羚羊散。清熱涼血。久則胃脾湯。滋益其內。又有牙齦腐爛者。用人中白散。

### 羚羊角散

羚羊角散用防芩。牛蒡知母與元參。甘草麥冬淡竹葉。止血消斑功效靈。

羚羊角

防風

麥冬

元參

知母

黃芩

牛蒡子各八分

甘草二分

水二茶鍾。淡竹葉十片。煎六分。食遠服。

徐曰。此為主方。

相案羚羊角。牛蒡子。徐圜。

### 胃脾湯

胃脾湯內甘草陳。遠志沙參共茯神。白朮麥冬五味子。脈虛自汗可回春。

白朮

茯神

陳皮

遠志

麥冬

沙參各六分

五味子

甘草各五分

水二茶鍾。煎八分。食遠服。虛弱自汗者。去沙參。加人參。黃耆各五分。

徐曰。白朮一味不切。

葡萄疫應用方

人中白散見口疳門

### 咬傷

人咬爲患。良肉受傷。陽明胃經之脈。循頰車入齒縫。多火多熱。凡食經此。無不燐爛下咽。又飲食炙燔之毒。無不侵襲。故傷人發腫。其痛異常。臭膿腐爛。痛徹連心。初咬時一日內。衆撒熱小便。浸傷處。洗盡牙黃瘀血。咬孔上蟾酥餅貼之。膏蓋。後出微膿漸愈。如咬時未經此法。致腫痛發。疼甚者。亦與童便浸洗。浥乾。用粗紙撚蘸麻油點火。用煙燄熏咬處。良久方住。以解牙毒。仍以蟾酥條插入孔內。膏蓋。候腫消時。換玉紅膏搽之。長肉完口。如有雜症相兼者。亦隨症而治。

葱白甘草湯

葱白甘草湯二味。能治咬傷疼臭穢。每日洗之。搽玉紅。消瘀散腫。功非細。治咬傷掀腫疼痛。膿血淋漓。臭穢腐爛者。用葱白二兩。粉草五錢。水三碗。煎至



二碗。每日洗淨傷處。瘀腐膿血。方用玉紅膏搽。黑膏蓋。漸愈。

咬傷應用方

蟾酥餅條

見疔瘡門

玉紅膏

見腫瘍門

## 風犬傷

風犬朝夕露臥。感非時不正之氣。故心受之。其舌外出。肝受之。其目昏矇。脾受之。其涎自流。肺受之。其音不出。腎受之。其尾下拖。五臟受毒。乃成風犬。全稟陰陽肅殺之氣。故常無故傷人。初咬卽服救生散。令小便中行出血片。宜居靜室。忌諸口味發物。并忌見諸麻赤豆等物。及聞鑼聲。百日乃安。治之遲者。毒大而小便難出。必攻臟腑。久而成形。腹脹攻急。人聲若犬。眼神露白。則不可治。有愈後犯前禁。復發者。仍死。

救生散

救生散用斑蝥七。去頭翅足。用其身。杭粉一錢同作末。空心酒服。效如神。治風犬咬傷。用生斑蝥七個。去頭翅足。杭粉一錢同研。空心溫黃酒調服。一時

許。小便行出血片白脂。乃惡物也。如便疼。煎甘草湯飲之。自利。如毒未盡。次早再一服。至小便清白。方爲毒盡。

徐曰。另有效方。

又方

治風犬咬。其人頂中必有紅髮一根。此句急須拔去。以追風如聖散敷傷處。抽毒氣。內服救生散。

徐曰。宜更服木鼈子末如髮數。

梟案如髮數句未解。意者紅髮一根。服木鼈末一枚之數。如有二根。則服二枚。以次遞加。故曰如髮數。徐蓋語焉而未詳耳。

追風如聖散

追風如聖散吹風。川草烏芎薄荷同。白芷細辛蒼朮等。雄黃加上有奇功。治風犬咬傷。隨用敷之。其毒即可拔出。

|   |   |   |   |    |
|---|---|---|---|----|
| 草 | 細 | 防 | 川 | 薄  |
| 烏 | 辛 | 風 | 烏 | 荷  |
|   |   |   |   |    |
| 川 |   |   | 白 | 蒼  |
| 芎 |   |   | 芷 | 朮  |
|   |   |   |   | 各一 |

雄黃四錢

共為末。溫酒調敷傷處。以紙蓋紮。早晚換二次。

### 惡蟲叮咬

惡蟲乃各稟陰陽毒種而生。且如蜈蚣用鉗。蠍蜂用尾。蛇以舌。見之者勿觸其惡。自不被螫。苟有所傷。各尋類而推治。

### 治蜈蚣咬方

用蟾酥餅磨濃塗傷處。粗紙撚蘸麻油點火。用烟燄熏之。疼腫自消。或用雄雞糞搗水塗之。或用頭垢搽傷處。以撚燄熏之。俱效。

徐曰。人馬平安散外塗內服。大妙。

### 人馬平安散補

西牛黃四分

冰片六分

麝香六分

蟾酥一錢

火硝三錢

滑石四錢

石膏二兩

大赤金箔四十張

共研極細末。瓷瓶收藏。切勿洩氣。此方本治夏月受暑。頭目昏暈。或不省人事。

或患痧腹痛。吹入鼻中。立時起死回生。如騾馬受熱暈倒。亦將此吹鼻即愈。

### 治蠍螫方

蠍有雌雄二種。雄者螫人。痛在一處。雌者痛牽徧體。用井底泥敷痛處。乾則易之。一時無泥。取新汲水以青布隨痛處搭之。溫則再易。又方。五月五日用黃蠟二兩溶化。將凝時投雄黃、硃砂細末各三錢和勻。捏成餅窩。仍用貓兒眼草白汁。端午時滴入窩內陰乾。愈久愈佳。復捏成塊密收。臨用取一米許刺針尖上。以燈燄化開。滴正螫之處。其疼即止矣。

### 治蛇螫方

用雄黃末。四字細蘭葉搗汁。調敷腫上。內用半枝蓮搗爛。取汁一兩。熱酒四兩。和汁服之。蓋汗爲效。仍用渣敷傷處亦妙。又方。速用端午收採蒼耳草末五錢。水煎一鍾。熱服蓋汗即安。如無端午收採者。便用常日採取陰乾者。煎服一兩發汗亦效。

### 又治七寸蛇螫方

七寸蛇青色扁形。尖尾短足。紅口者毒輕。青口者毒重。以舌螫人。其毒最惡。初

螫時用雄黃末一錢。生礬二錢。杓內溶化。將筋頭點藥傷處。此二句徐密點批日乘熱點成泡。尤妙冷則易之。連點七次即愈。毒氣入裏者。解毒紫金丹酒磨服一錢。蓋汗即愈。遲延毒走腫痛者。麻油燄熏之亦瘥。

### 治河豚毒方

河豚血毒中人。舌麻心悶。白茅根搗汁冷飲。子毒中人。昏悶腹脹。口噤難言。非金汁不能解也。

### 百蟲入耳

百蟲入耳。乃偶然誤入。如蠅蚊細蟲。以麻油數點滴入竅中。蟲即自死取出。如蜈蚣蜜蜂等大蟲。以肉炙香安耳邊。其蟲聞香自出。有蟲夜間暗入者。切勿驚慌響叫。逼蟲內攻。宜正坐點燈光向耳竅。其蟲見光自出。對面有人見。其蟲不出。

### 誤吞針鐵骨哽咽喉

誤吞針刺。哽咽疼痛者。用亂麻筋一團。搓龍眼大。以線穿繫。留線頭在外。湯濕。急

吞下咽。頃刻扯出。其針頭必刺入麻中同出。如不中節。再吞再扯。以出爲度。誤吞銅物者。多食葶薺。化堅爲軟。若吞鐵骨之物。腸中不能轉動。覺墜者。多食青菜。豬脂自然送入大腸。與糞同出。諸骨哽喉。用玉簪花根八錢。各隨所犯之肉爲引。煎湯服之。轉出乃愈。徐曰玉簪花湯須用竹管放喉間又諸骨哽於咽下。不能外出者。爲龍針推之。骨下則安。其法以細鐵線燒軟。對折雙頭。用黃蠟作丸如龍眼大。裹鐵線頭上。外用絲綿裹之。推入咽內。其骨自然順下。不下再推。徐曰此法無用又方。用玉簪花根切片。煎湯漱之。徐徐吐出。其骨自軟。再用乾飯嚥之。自下。

### 人面瘡

人面瘡古有生者。近世罕聞。其瘡全似人面。眼鼻俱全。多生膝上。亦有臂患者。方書皆云積冤所致。先須清心懺悔。改過自新。然後服十六味流氣飲。外用貝母爲末敷之。乃聚眉閉口。次用生肌斂口藥。亦可得愈矣。

十六味流氣飲

見流注門



## 陰毒

陰毒乃純陰無陽。被天時寒冷肅殺之氣。侵入肌膚。沈於骨髓。致氣不能升。血不能行。凝滯經絡。疼痛切骨。初起不腫不熱。朝輕暮重。久則作腫漸紅。爛斑黑靨。臭水淋漓。穢氣熏蒸。腐爛漸開。終久必死。一人年三十歲。冬月隔港與鄰婦私交。房事方畢。忽婦夫回。慌忙隔港赴水而走。熱身受寒。五日後。小腹大臀陰痛不腫。日夜響叫。至一月後。穀道旁生一爛斑。黑靨倒陷。諸藥不效。至半月。大臀連黑。腐爛作臭。乾靨無膿。又十日。大臟俱壞。黑敗而死。又一人年四十歲。夏月好飲火酒。至夜赤身露臥。手膊連背陰疼難忍。一月後。肩發爛斑一塊。周圍微硬。色如紅棗。日漸延開。半月後。手膊半背共成黑靨。臭穢不堪。一月不食而死。一人中年肥胖。亦冬夏好飲火酒。飲後隨喫涼水方臥。一日。頸項作疼。微腫。堅硬如石。三月外。項大如頭。石硬不熱。真陰毒也。余辭不治。請別醫治之。項同身大。不食而死。又一人夜夢城隍拘見。責打二十。喊叫。其妻喚醒。隨後受刑。處掀腫作疼。青紫急脹。視之。真棒毒也。用針刺破。流瘀血碗許。外肉腐爛作疼。調理兩月而安。此亦陰毒。故附記。

之。

### 失榮症

失榮者。先得後失。始富終貧。亦有雖居富貴。其心或因六欲不遂。損傷中氣。鬱火所凝。隧痰失道。停結而成。其患多生肩以上。初起微腫。皮色不變。日久漸大。堅硬如石。推之不移。按之不動。半載一年。方生陰痛。氣血漸衰。形容瘦削。破爛紫斑。滲流血水。或腫泛如蓮。穢氣熏蒸。晝夜不歇。半生疙瘩。愈久愈大。越潰越堅。犯此俱為不治。予立二方。曾治數人。雖不獲全愈。而不夭札。速死。誠緩命藥也。

#### 和榮散堅丸

和榮散堅歸地參。扶神朮附貝南星。丹酸遠柏併龍齒。蘆薈硃砂與角沈。治失榮症堅硬如石。不熱不紅。漸腫漸大者。

|    |     |    |     |
|----|-----|----|-----|
| 歸身 | 熟地  | 扶神 | 香附  |
| 人參 | 白朮  | 橘紅 | 貝母  |
| 南星 | 酸棗仁 | 遠志 | 柏子仁 |

丹皮各一兩

蘆薈

角沈各八錢

龍齒一兩或兩用鹿角

煨亦可

硃砂六錢

右爲細末。煉蜜丸桐子大。每服八十丸。食後用合歡樹根皮煎湯送下。患者若猛省自寬。澹薄甘命。亦有十中一二得愈者。否則難脫然也。

徐曰。不成方。

飛龍阿魏化堅膏

治失榮症。及癰瘤乳岩。瘰癧結毒。初起堅硬如石。皮色不紅。日久漸大。或疼或不疼。但未破者。俱用此貼。用蟾酥丸藥末一料。加金頭蜈蚣五條。炙黃去頭足。研末。同入熬就乾坤一氣膏二十四兩。化開攪和。重湯內頓化。紅緞攤貼。半月一換。輕者漸消。重者亦可不大。常貼保後無虞。

中砒毒

砒乃陽精大毒之物。服之令人臟腑乾涸。皮膚紫黑。氣血乖逆而死。知覺早者。大蘭根葉搗汁灌之。輕則可解。無蘭處。以生綠豆同水研爛。以水灌之。多則見效。如

不解者。以金汁灌之。必甦。甦後如癲不語者。每日以綠豆水飲之。毒盡則愈。  
取金汁法

用大毛竹一連二節。用刀刮去外青一半。用磚紮節中。沈入大糞池內。一年後取起。以長流水浸一日。取起。鑽開節孔。內蓄糞清。瓷罐收貯。凡遇有中砒毒。河豚毒。傷寒陽毒發狂。疔瘡。痧症。毒氣入裏。煩躁口乾。渴欲飲水。脈大有力者。並宜此藥。

### 落下頰拏法

梟案頰當作頰車  
下正中骨卽下巴殼

落下頰者。氣虛不能收束關竅也。宜令平身正坐。醫者以兩手托住下頰。左右大指入口內。納槽牙上。端緊下頰。用力往肩下捺開關竅。向腦後送上。卽投關竅。隨用絹條兜頰。於頂上半時許去之。卽愈。  
徐曰。此症兼有風痰。

### 救自刎斷喉法

自刎者。乃迅速之變。須救在早。遲則額冷氣絕矣。初刎時氣未絕。身未冷。急用絲線縫合刀口。搽上桃花散。多搽爲要。急以綿紙四五層蓋刀口。藥上以女人舊布裹脚。將頭擡起。周圍纏繞五六轉紮之。患者仰臥。以高枕枕在腦後。使項鬱而不直。刀口不開。冬夏避風。衣被覆暖。待其氣從口鼻通出。以薑五片。人參二錢。川米一合。煎湯或稀粥。每日隨便食之。接補元氣。三日後。急手解去前藥。用桃花散搽刀口上。仍急纏紮。紮二日。急用濃葱湯軟絹蘸洗傷處。浥乾。用抵脚挑玉紅膏。放手心上捺化。捺於傷口。再用舊棉花薄片蓋之。外用長黑膏貼裹。周圍交紮不脫。膏之兩橫頭。再用黑膏長四寸。闊二寸。豎貼膏上。上下黏連好肉。庶不脫落。外再用絹條圍裹三轉。針線縫頭。冬月三日。夏月二日。每用葱湯洗浥換藥。自然不再疼痛。其肉漸從兩頭長合。內服八珍湯。調理月餘。如大便結燥。用猪膽套法。不可用利藥。雙噪俱斷者百日。單斷者四十日。必收功完口。此法曾治強盜郭忠。阜隸沙萬。家人顧興。俱雙噪齊斷。將危者。又單噪傷斷者十餘人。治之俱全活。

自刎應用方

玉紅膏

見腫瘍門

桃花散

如聖金刀散

見金瘡門

八珍湯見續門

### 試知百病死生法

疾病非明醫不能決其凶吉。死生非神聖不能洞其機關。予得呂祖一枝梅方。真仙傳也。不敢私秘。刊以傳世。

呂祖一枝梅

呂祖傳授一枝梅。巴豆靈脂蓖麻子。二硃雄麝共臙脂。餅貼印堂識生死。治大人男婦小兒新久諸病。生死難定之間。用藥艾實大一餅貼印堂之中。點官香一枝。香盡去藥。已後一時許。貼藥處有紅斑暈色。腫氣飛散。謂之紅霞捧日。病雖危篤。其人不死。如貼藥處一時後。無腫無紅。皮肉照舊不變。徐曰。血肉已死。故如此。謂白雪漫野。病雖輕淺。終歸冥路。小兒急慢驚風。一切老幼痢疾。如貼之紅腫即愈。此方可預知生死也。

硃砂三錢

銀硃一錢

五靈脂三錢

麝香三分

蓖麻仁五分

雄黃

巴豆仁各五錢  
不去油



右各研細。於端午日淨室中。午時共研。加油。臙脂爲膏。瓷盒收藏。勿經婦女人手。臨時用豆大一圓捏餅。貼印堂中。其效立見。用過餅送入河中。

### 造孽報病說

怪症出於無端。事必因乎有據。感應篇曰。若開如是花。必結如是果。一黃冊書手。每至甲首家。務要殺雞一隻。先食頭尾。一歲二熟。下鄉殺雞。不計其數。一朝數盡。口中生出如菌者。大小六枚。填塞滿口。湯水難下。余視之。乃孽疾也。辭不可治。別請一醫。用刀割去。次日又生如舊。延至六十日。肌膚盡削。存骨如柴而死。一竿槍戶傷殘生鳥。假如每日十命。一歲共計三千六百。盡屬死於無辜。況其雞之不得生者多矣。彼生子三人。俱至六七歲。徧身先發紅點。癢痛異常。數日後點如鑽。癩腐爛流血。口稱百鳥相啄。令人趕打不去。至月外。氣血瀝盡俱亡。予後勸解燒毀竿矢。合族持齋。六十二歲生一子。方得成立。一人五十餘歲。家衆養雞十餘隻。一朝衆雞齊叫。彼怒之。將衆雞兩脚齊肘。安檻上剝斷。其雞亂鳴飛跳。血盡俱死。一年後。足生脫疽。筋骨伶仃。流血不止。令妾將刀割去脚骨。瀝盡氣血而亡。一富家

置窩弓兼養鷹犬。五十後方生一子。二歲。左右頭角生孔一處。俱已露骨。視之。乃擊病也。不敢言其不治。奉上藥方。修合用之。無效。請衆醫治之。強投藥餌。延至三歲而歿。其人後遭橫事。死於非命。一莊家以獵事爲樂。五十後徧身生塊。破後腐爛見骨。余知爲擊報。謂曰。先當杜養鷹犬。然後此病可治。彼從之。內服益氣養榮之藥。外用甘草當歸煎洗。仍搽玉紅膏。長肌完口。三月餘而愈。二年後復養鷹犬。又一年六月內。患陰症而歿。次子十歲。赴水死。已上數條。余所親見。皆慘戮生靈之報也。一訟師作中興訟。破衆家私。傷殘骨肉。不計其數。一日。大腿腫痛。堅硬如石。疼痛異常。常欲以繩繫足。高懸梁上。其疼乃止。如放下。疼卽如故。予知擊報。辭不可治。似此兩月。一日午時。親友四人相看。忽聞腿內大響一聲。其腫卽歸大臀。腫如巴斗。其腿卽消。臀腫痛不著席。將布兜懸挂。其疼方可。又兩月。百苦而終。又一年。其妻徧身發腫如癩。作癢非常。破流脂水。其時孟冬。天氣常欲赤身裸露。其癢稍止。如著衣被。其癢卽生。如蟲攻刺。予知擊報。亦辭之。後至隆冬。赤身流水而死。此異常之報也。所謂逆天害理。雖由己。古往今來。放過誰。決無漏網。

仙方活命飲今古不同論

古人朴實。其七情干涉者少。而從風寒暑濕外感凝滯者多。故設仙方活命飲。攻散所滯之腫。服此得效者。十常八九。由病者五臟不虛耳。今人穿鑿太過。七情煩攪過甚。內臟無有不傷。每見曾服過此藥。其瘡必不起發。脾胃再無不損。夫瘡不起發。脾胃傷敗。病者豈可得生。故今之治法。不論首尾標本。先必固脾胃。次行托藥。病無不活。愚見如此。幸同道者察焉。

徐曰。此段直是亂道。對症用藥。無有不愈。豈有古今之別。

楣案著書者。於腫瘍方首列神授衛生湯。而此乃痛駁仙方活命飲。余取二方較之。大略相同。衛生湯僅少陳皮、貝母、沒藥。而多羌活、沉香、紅花、連翹、石決明。便秘者加大黃。是其方更猛於活命飲。乃是今而非古。此與近人言方苞之文。非望溪所及何異。

### 拾遺症

拾遺者。因條款分門。未及細詳。故有失載。今補註於後。以便觀覽。鼻疔。生於鼻內。痛引腦門。不能運氣。脹塞鼻竅。甚者脣腮俱腫。

牙疔。生於牙縫之中。頂高突起。痛連腮項。破則流血。黑疔。生於耳竅之內。黑硬腐爛。破流血水。疼及腮顴。

以上諸症。俱先針刺。次行發汗。仍照疔類調治。

喉癰。生於咽外正中。妨礙飲食。紅腫熱痛。必欲潰膿。軟而脹痛者。針之。內服補托之藥。玉紅膏搽貼。長肌完口。又有腐潰內通。湯水隨孔出者。曾治數人。俱亦無妨。臈疽。生在膊上。連肩通腫。長堅而硬。

兌疽。生在當手動脈之處。腫痛寒熱。痛徹手膊。舉動不便。

鳳眉疽。發在兩眉之間。形長皮赤。痛引腦戶。二目合縫。光腫發熱。

透腦疽。發在額上髮際之間。多發寒熱。頭疼如斫。不可忍耐。先用萬靈丹發汗。解

散風邪。次宜清托。

附陰疽。生在內踝上三寸。初生小泡。漸至赤腫。破流血水。痛亦徹骨。不能步履。

咬骨疽。發在大腿內股。不腫不紅。痛徹骨髓。初宜雷火針針入。內服萬靈丹。酒調

服效。

陰疽。生於右腿夾縫之下三寸。痛連陰子。小腹亦疼。

元疽。生於左腿夾縫之下三寸。腫漫連陰。疼及大腿。淵疽。發在脇下。初起不紅堅硬。久則破潰。有聲如嬰兒啼狀。徐曰：症膏蓋無聲。去膏仍有異哉。難治之症也。

梔案王君士雄歸硯錄。載潘氏子肋下腫潰。竄孔甚巨。孔中作聲如嬰兒啜泣。吳江陳夢琴茂才希恕視之曰。此淵疽也。證屬大虛。固當補益。但疽孔作聲。則內膜已破。氣從旁出矣。非護其膜。補亦徒施。以人參、白朮、白芨、烏梅炭、白蠟、黃蠟、象牙屑、猪脊髓和爲丸。令日三服。以固氣。仍搗諸藥。益以生肌之品。製若糊餅。塞疽口。絲綿裹。青鉛罨其外。大膏藥蓋之。闊布纏縛其體。三日一易。復用生脈六味加龍螬等品。煎汁飲之。如是二十餘日。其聲漸除。三月餘而口斂。

又案外科心法。亦言聲如兒啼。爲內膜已透。可於陽陵穴灸二七壯。其聲卽止。將潰未潰。多服護膜散。白蠟、白芨各等分研末。輕者用一錢。微重用二錢。重者用三錢。或酒或米湯調下。可免透膜。

玉枕疽。生在腦後枕骨中。堅而難潰。痛引肩項。鼻塞氣粗。此太陽膀胱濕熱凝滯。



而成。

以上諸症。初起有表症者。便宜解表。有裏症者。卽與通利。潰後宜補托。久則宜收斂。此爲一定治法。不可亂投藥餌。以致危亡。

徐曰。此篇當記。

### 綳縛背瘡法

凡發背對口等大瘡。已潰流膿時。冬夏宜絹帛四五層。蓋在膏藥外。再用綿布見方八寸。蓋在絹外。四角用蛇皮細帶綴之。紮在前胸。綳實瘡肉。庶瘡中暖氣不泄。易於腐潰。洗瘡時預備二綳更換。務要瘡內暖氣烘烘。此法最善。故補載於此。

### 癰疽內肉不合法

癰疽對口大瘡。內外腐肉已盡。結痂時。內肉不黏連者。用軟綿帛七八層放瘡上。以絹紮緊。睡實數次。內外之肉自然黏連一片矣。有患口未完處。再搽玉紅膏。其肉自平。



徐曰。東洞庭劉某夫人患乳癰。醫者用刀向乳頭上寸餘出毒。瘡口向上。膿反下注。乳囊皆腐。寒熱不食。將成乳勞。延余治之。至九十日而未見功。蓋病者柔弱畏痛。既不敢於乳下別出一頭。而膿水從上注下。頗難出盡。故有傳囊之患。忽生一法。用藥袋一箇。放乳頭之下。用帛束縛之。使膿不能下注。外以熱茶壺熨之。使藥氣乘熱入內。又服生肌托膿之丸。於是膿從上泛。厚而且多。七日而膿盡生肌。又數日而全愈。後以此法治他證。無不神效。此條從洞溪醫案採入

### 煉元明粉法

冬至後。用潔淨朴硝十斤。水一斗五升。白蘿蔔五斤。打碎。同入鍋內。將硝煮化。候湯滾足。撈去蘿蔔。以綿紙二層鋪竹絲箕內。架在新缸上。將硝湯徐入箕內。隨濾隨添。以湯濾盡爲度。將缸移在天井。露三日。其硝結在缸內。傾去餘水。漚乾爲止。將硝取下。再用砂鍋頓炭爐上。將硝一碗。化開煎滾。以銅匙鏟攪。將凝結時。鏟入小魚酢罐內。上空寸許。餘硝陸續照上法煉畢。每一罐下。用三釘品字樣插入地中。留寸半在外。將罐浮頓釘頭上。用瓦片蓋口。周圍用段磚砌百眼鑪圍繞。離罐

寸半許。著炭火入鑪內。四圍底火頂火。務要周匝。候罐硝紅爲度。次日。取出硝來。預用大綿紙攤在潔淨陰土上。將硝碾細。用絹篩篩在紙上。約一錢厚。再不許多。門窗俱關閉。不令人見。三日後。其硝自然復活。色白如粉。輕虛成片。將鉢盛貯。內用紙蓋。再放亂紙寸許。以收潮氣。庶不凝結。此品最能降火化痰。清利臟腑。怪症服之可蠲。狂躁用之卽愈。搜除百病。安斂心神。不傷元氣。惟久病瀉痢者不宜。大人每服三四錢。小兒五分至一錢皆可。俱用白滾湯。或葱湯。空心化服。候行二三次。隨飲稀粥。自然精神爽健。臟腑調和。津液頓生。百病如失。又煨過硝石六兩。加硃砂三錢。青黛一錢。冰片一錢五分。共研細末。照前篩紙上。再用紙蓋一層。四邊以界尺壓緊。勿令走氣。候三日外。取起密收。又名陽春紫雪。最治失心忘志。癲癇健忘。小兒急慢驚風。大人異症。每服五分至一錢。俱用淡竹葉燈心湯化服。屢有奇效。不可盡述。此乃神仙保命服食之品。每一斤加生熟甘草末二兩。葱湯化服。二三錢。令人容顏悅澤。輕身耐老。

梟案元明粉乃推蕩腸胃之藥。經煉稍緩耳。以爲神仙服食之品。誤人不淺。又案此下有取紅鉛法。徐用筆勾去。故不錄。

## 煉金頂砒法

用鉛一斤。小罐內炭火煨化。投白砒二兩。於化烱鉛上。煉至烟盡爲度。取起冷定。打開。金頂砒結在鉛面上。取下聽用。

## 煉硝石法

用潔淨朴硝半斤。罐內炭火鎔化煎乾。煨紅住火。冷定取出。卽成硝石。罐收聽用。利實火不利虛火也。

## 取蟾酥法

蟾無大小俱有酥。用闊銅鑷。鑷蟾眉稜高肉上微緊。拔出酥來。凝聚鑷裏。多則刮下。陰乾聽用。其取過之蟾。避風二日。仍送青草園中。自然不傷其生。如取之便見風下水。俱成破傷風。癲狂而死。

## 製附子法

大附子。要一兩以外者。不拘幾枚。以童便浸漬三寸。每日換便。夏浸三日。冬五日。再換童便煮。盡二香爲度。去皮臍。線穿陰乾。或日中曬硬。亦可收藏聽用。

### 昇白靈藥法

水銀二兩。用鉛一兩化開。投入水銀聽用。火硝二兩。綠礬二兩。明礬二兩。共研爲末。投入鍋內。化開炒乾。同水銀研細。入泥護陽城罐內。上用鐵蓋蓋之。兜以鐵梁。梁之兩端。用燒熟軟鐵線上下紮緊。用紫土鹽泥如法固口。留出蓋面。烘令十分乾燥。架三釘上。砌百眼爐圍之。先加底火二寸。點香一枝。中火點香一枝。頂火點香一枝。預用小罐安滾湯在旁。以筆蘸湯。搽擦蓋內。常濕勿乾。候三香已畢。去火。罐待次日取起。開出藥來。如粉凝結。盡底刮下。收藏聽用。凡瘡久不收口。用此研細。糝上少許。其口易完。卽尋常收斂藥中用之。功亦甚捷。

徐曰。此藥除濕毒。不收口之瘡。餘俱有害。世人皆以昇藥爲收口之聖藥。其害無窮。

### 製寒食麵法

用白麵一斤。外再以麵半觔調稠。捏成薄片二塊。將前麵包合於中。周圍捏緊合口。於清明正日蒸熟。挂透風處陰乾。將麵包藏。勿經女手。越久越效。

### 製披針喉針法

楣案披當從靈樞經作鉞大針也

披針古多用馬銜鐵爲之。性軟不鋒利。用之多難入肉。今以鋼鐵選善火候鐵工造之。長二寸。闊二分半。圓柄扁身。劍脊尖鋒。兩邊芒利。入肉深淺。得心應手。如膿深欲其口大。直針進而斜針出。劃開外肉。則口大矣。喉針長六寸。細柄扁頭尖鋒。刺喉膿血令出。

### 諸藥製法

前方諸藥。未詳製法。今開列於後。不須製者不錄。

人

參

潤色明亮堅實爲上經飽不堪

天門冬

湯泡去心

麥門冬

去心

生地黃

酒蒸

熟地黃

酒蒸

白

朮

米泔炒

蒼

朮

米泔炒

黃

耆

蜜水拌炒

甘

草

消毒生用

酸棗仁

炒研

遠

志

湯泡去心微炒



|     |        |     |       |     |      |      |       |
|-----|--------|-----|-------|-----|------|------|-------|
| 五味子 | 炒研     | 肉蓯蓉 | 酒洗    | 牛膝  | 酒洗   | 破故紙  | 炒     |
| 當歸  | 酒洗     | 白芍  | 微炒    | 白蒺藜 | 去刺   | 元參   | 去根    |
| 香附  | 童便炒    | 柴胡  | 去蘆    | 黃芩  | 酒炒   | 黃連   | 解毒生用止 |
| 龍膽草 | 酒炒     | 知母  | 鹽水炒   | 瓜蒌仁 | 去油   | 貝母   | 去心    |
| 陳皮  | 去白     | 桔梗  | 微炒    | 防風  | 去蘆   | 乾薑   | 炒黑    |
| 附子  | 童便煮    | 半夏  | 薑汁煮   | 川烏  | 湯泡去尖 | 草烏   | 湯泡去尖  |
| 巴戟  | 湯泡去心   | 南星  | 煨有為末入 | 澤瀉  | 瀉蒸   | 威靈仙  | 去根    |
| 仙茅  | 米泔浸    | 三稜  | 湯泡    | 牡丹皮 | 去梗   | 大黃   | 實人人生用 |
| 海藻  | 酒洗     | 昆布  | 酒洗    | 金銀花 | 去梗   | 王不留行 | 炒研    |
| 牛蒡子 | 炒研     | 連翹  | 去梗    | 茯苓  | 去粗   | 牽牛   | 生用    |
| 地骨皮 | 去梗     | 肉桂  | 去粗    | 山梔  | 研炒   | 枸杞子  | 去蒂    |
| 琥珀  | 布包搥碎燈心 | 山茱萸 | 鹽水拌   | 桑皮  | 蜜水炒  | 黃柏   | 鹽水炒   |
| 山茱萸 | 去核     | 杜仲  | 鹽水拌   | 枳殼  | 炒皮   | 辛夷   | 去蒂    |
| 乳香  | 去油     | 沒藥  | 去油    | 枳殼  | 炒皮   | 厚朴   | 薑汁炒   |



巴豆去油 阜英去皮弦 五倍子去炒 蓮肉泡去心  
 山查去核 桃仁泡去尖 杏仁泡去尖 芒硝湯提淨  
 石膏煨研 雄黃透紅 硫黃去腳 硃砂淨明  
 硼砂透白色 砒霜有白色明兩用者 自然銅醋煨  
 黃丹水飛 龍骨生用 牛黃輕虛 麝香去毛  
 犀角鎊末 羚羊角鎊末 龍齒煨存 蜂蜜煉去  
 蟬蛻去土 斑蝥用米炒 僵蠶去絲 全蠍酒洗  
 蜈蚣炙去足 蚯蚓翻土去 田螺去殼 牡蠣煨研  
 石決明煨 珍珠豆腐內煮數滾布包 人中白煨研  
 梔子各藥製法不一。自當檢尋本草。即如陳皮去白留白。各有攸宜。豈得概言去白。此不過為習外科者簡便起見耳。

# 逐日人神歌

初一十一二十一。大拇鼻柱手小指。初二二十二二十二。外踝髮際外踝位。初三十

三二十三。股內牙齒足股肝。初四十四二十四。腰間胃脘陽明手。初五十五二十五。口舌偏身陽明足。初六十六二十六。手掌胸前又在腸。初七十七二十七。內踝氣衝及在膝。初八十八二十八。手腕股內併在陰。初九十九二十九。在尻在足膝脛後。初十二三十日。腰背內踝足趺覓。此爲太古相傳。針灸莫犯爲吉。

### 十二時人神歌

子踝丑腰寅在目。卯面辰頭巳手熱。午胸未腹申在心。酉背戌頭亥股續。

### 十干日針忌歌

甲不治頭乙耳喉。丙肩丁背與心求。戊己腹脾庚腰肺。辛膝脛當腎壬收。癸日不宜針手足。十干不犯則無憂。

### 尻神歌圖

尻神所在有根由。坤內外踝聖人留。震宮牙端分明記。巽位還居乳口頭。中宮肩

骨連尻骨。面目還從乾上遊。手膊兌宮難砭灸。艮宮腰項也須休。離宮膝脇針難下。坎肘還連肚腳求。為醫精曉尻神訣。萬病無干禁忌憂。

尻神圖



此圖一歲起坤。二歲起震。逐年順飛九宮。週而復始。行年到處。則所主症切忌針灸。俱勿犯之。不則變生他病。

醫家五戒

一戒。無論病家大小貧富。有請便往。勿得遲延厭怠。藥金勿計較輕重。一例盡心

施治。自然生意日增。不傷方寸。

二戒。凡遇婦女及孀婦尼僧人等。必候侍者在旁。然後入房診視。倘侍者偶不在旁。更宜謹避嫌疑。真誠診視。歸對妻子。亦不可妄談閨闈。

三戒。不得出脫病家珠珀珍貴等物。送家合藥。暗中調換。如果該用。令彼自製。庶無疑謗。

四戒。凡爲醫者。勿耽嗜好。恐志慮紛馳。勿晏起。勿無事他出。致就診者守候無時。切脈必當用意。寫方務要依經。不可胡亂杜撰。受人批駁。

五戒。凡娼妓及私夥家請看。亦當視如良家子女。勿存他意兒戲。以取不正之名。視畢便回。貧窘者藥金可璧。病愈不可再往。

### 醫家十要

一要。先明儒理。然後習醫。或內或外。勤讀古書。手不釋卷。一一參明融化。得之於心。應之於手。臨症時自無差謬。

二要。選買藥品。必遵雷公炮製。或依方修合。或隨症加減。湯散取辦於臨時。丸丹

預製於平日。膏藥愈久愈靈。線藥越陳越好。藥不吝珍。施必獲效。  
三要。凡鄉井同道之士。不可傲慢輕侮。年尊者恭敬之。有學者師事之。名重而自  
高者。遜讓之。技精而未顯者。薦拔之。如此。自無謗怨。  
四要。治家須與治病同。人不惜元氣。斲喪太過。則百病生。醫不顧來源。靡費太過。  
則百用窘。能治家然後養生有資。不致視病人爲奇貨。  
五要。人受命於天。醫者受人謝儀。當知天道順逆。順取者吉。逆取者凶。不論多寡。  
是謂順取。勒索厚資。是謂逆取。天卽因其順逆爲報應。不可不儆。  
六要。凡里中親友人情。如婚喪疾病慶賀。及饋送來往之禮。不可求奇好勝。每食  
只可一魚一菜。一則省費。二則惜祿。至病人之家。尤不可苛求飲食。  
七要。貧窘之家。及遊食僧道。衙門差役人等。凡來看病。不可要他藥錢。只當奉送。  
貧窘至極者。當量力資助。不然有藥無食。活命亦難。  
八要。凡有所蓄。隨其多寡。便當置買產業。以爲根本。不可收買玩器。及不急物件。  
浪費錢財。醫本仁術。有餘則以施藥可也。  
九要。凡店中所用醫藥器具。俱要精備齊整。不得臨時缺少。又古今前賢及近時

名公新刊醫書。必尋究參閱。以進學問。

十要。凡奉官衙所請。必當速去。毋得怠緩。要誠意恭敬。告明病源。開具方藥。病愈之後。不得圖求匾禮。亦不得請託人情。致生罪戾。以上五戒十要。乃保身保家之法。當置座右。朝夕省覽。賢能子孫遵而行之。可以成家立業。若不聽信。必有飢寒不足之憂。悔何及矣。

楣案五戒十要。著書者蓋以垂爲家訓。故原本有與醫無涉者。余於全書俱順文刪改。不參己意。獨此稍爲增益。爲業醫者告焉。勒索厚資。尤外科包醫惡習。所望讀此而幡然改悔也。



## 後記

《外科正宗》十二卷（另有四卷本，內容相同），系明代著名外科學家陳實功撰，于明萬歷四十五年（公元一六一七年）付梓。

陳實功，字毓仁，號虛若，崇川（今江蘇南通市）人，約生于公元一五五五——一六三六年。陳氏「少遇異人，授以刀圭之術，既後，乃肆力于醫。」學術思想深受李滄溟關於「治外較難于治內，內之證或不及其外，外之證則必根于其內」之說的影響，認為外科所以較難于內科，因內科可以通過內治而愈，外科僅靠內治而無外治，則「毒氣無從出」，所以他主張內治與外治相結合。內治強調「諸瘡全賴脾土，調理必須端詳」。蓋「瘡初起時即高起者，此屬陽證，毒發于表，內臟原無深毒，便宜托裏以速其膿，忌用內消攻伐之藥以傷脾氣，致膿反難成，不能潰斂。」又「瘡發于陽，為痛為熱，為疼為實，本屬易治。因患者不求

早治，反又外受風寒，內傷生冷，或再被醫者失于補托，而又以涼藥敷圍，以合病家之意，多致氣血冰凝，脾胃傷敗，使瘡毒不得外發，必致內攻之候。「然托裏則氣血壯而脾胃盛，使膿穢自排，毒氣自解，死肉自潰，新肉自生，飲食自進，瘡口自斂。」故外科尤以調理脾胃爲要。「外治強調「使毒外出爲第一」，常用腐蝕藥品，或刀針清除壞死頑肉，開竅發泄，暢通膿管，排膿逐毒。故云：「凡欲消瘡，先斷根本，次泄毒氣，使毒自衰，無得內攻爲妙。」臨證施治，或常或異。一睹輒晰，投以半匕，多立痂而愈，名滿大江南北，爲代人所重之。治學態度嚴謹，強調：「或內或外，勤讀先古明醫確論之書，須旦夕手不釋卷，一參明融化，機變印之在心，慧之在目。」遂合外科諸病，廣采明以前外科有效方藥，結合自己四十餘年臨證經驗，撰成《外科正宗》。

本書在中醫外科中，是一部代表表明以前外科成就之重要文獻。凡十二卷，自卷一癰疽原委論，至卷十二醫家十要論，共一百六十四篇，載各種外科病證及某些皮膚疾患約一百四十餘種，收方四百四十六

首。分門別類，編排有序，首論病理，次叙證象，再詳論治法，後附以典型病例。若大概辨別生死，指名瘡證，內服外敷，自唐及明外科治法，在此書中大概已具。又論之下從以注，見陰陽虛實之原委；方之下括以四語，見君臣佐使之調停；圖形以後又綴以瘡名十律，見病不可猜，藥石之不可亂投。他若針灸、若炮煉、若五戒十要等，亦各列篇目。故後人向以「列證最詳，論治最精」見稱。且在理論與實踐方面，均有獨到之處，在近代外科著作中有較大影響，實為瘍醫必讀之書。誠如《徐序》所言：「凡有學外科者，問余當讀何書，則令先閱此書，以為入門之地」。

此次重刊，以一九六四年人民衛生出版社排印本為主校本，予以校勘。《大成》本有錯訛脫漏，標點（指原圈點）不當，及文義不通達者，適加訂正之。



書目

|              |         |              |         |              |         |              |         |
|--------------|---------|--------------|---------|--------------|---------|--------------|---------|
| (一) 黃帝內經素問集註 | (清) 張隱庵 | (五) 南病別鑑     | (清) 葉香岩 | (四) 口齒類要     | (明) 薛己  | (三) 程杏軒醫案    | (清) 程杏軒 |
| (二) 黃帝內經靈樞集註 | (清) 張隱庵 | 痧脹玉衡         | (清) 薛生白 | 尤氏喉科秘書       | (清) 尤承  | 何澹安醫案        | (清) 何澹安 |
| (三) 靈樞藏      | (清) 張隱庵 | 瘧疾論          | (清) 郭石陶 | 咽喉脈證通論       | (清) 許慎  | 邵蘭蓀醫案        | (清) 邵蘭蓀 |
| (四) 傷寒明理論    | (明) 吳學禮 | 濕溫時疫治療法      | (清) 韓善徵 | 喉舌備要秘旨       | (清) 佚名  | 吳翰通醫案        | (清) 吳翰通 |
| 傷寒九十論        | (宋) 許叔微 | (六) 增評傷寒全書   | 紹興醫學會   | 包氏喉證家寶       | (清) 包三  | 冷庵醫話         | (清) 陸定國 |
| 陰證略例         | (元) 王好古 | 伏氣解          | 張鳳達     | 重訂囊秘喉書       | (清) 楊繼  | 柳洲醫話         | (清) 魏玉清 |
| 傷寒兼證析義       | (清) 張樞  | 伏邪新書         | 葉子南     | 外科證治全生集      | (清) 薛己  | 先哲醫話         | (清) 張景岳 |
| 傷寒貫珠集        | (清) 尤在涇 | 伏陰論          | 葉子南     | 外科選要         | (清) 王洪緒 | 醫話醫話         | (清) 王士禛 |
| 傷寒六經辨證治法     | (清) 沈日南 | 羊毛痘論         | 田玉樓     | 外科醫鏡         | (清) 張景岳 | 友漁齋醫話        | (清) 黃遜  |
| 張卿子傷寒論       | (清) 張卿子 | 溫熱逢源         | 柳實齋     | 外科全書         | (清) 李士俊 | 對山醫話         | (清) 毛對山 |
| 傷寒補例         | (清) 周學海 | 隨息居霍亂論       | 王士禛     | 瘧疾法門         | (清) 陳寶功 | 客塵醫話         | (清) 計壽  |
| 傷寒來蘇集        | (清) 周學海 | 霍亂霍亂答問       | 陳盤      | (六) 徐評外科正宗   | (清) 徐平  | (四) 巢氏諸病源候總論 | (唐) 巢元方 |
| 重刊金匱玉函經      | (宋) 趙希德 | 霍亂霍亂答問       | 連文沖     | 胎產指南         | (清) 陳寶功 | (四) 儒門事親     | (金) 張從正 |
| 沈註金匱要略       | (清) 沈日南 | 鼠疫抉微         | 余伯陶     | 重訂產孕集        | (清) 張景岳 | 重訂靈蘭秘要       | (明) 王肯堂 |
| 金匱要略心典       | (清) 尤在涇 | (八) 增補評註溫病條辨 | 吳鞠通     | 女科切要         | (清) 吳鞠通 | 肯堂醫論         | (明) 王肯堂 |
| 金匱翼          | (清) 尤在涇 | (九) 十藥神書     | 葉子南     | 女科經緯         | (清) 葉子南 | 研經言          | (清) 莫枚士 |
| 玉函經          | (唐) 王叔和 | 增訂十藥神書       | 葉子南     | (九) 校註婦人良方   | (清) 葉子南 | (四) 醫學讀書記    | (清) 尤在涇 |
| 重訂太素脈秘訣      | (明) 張太素 | 痰火點雪         | 陳修園     | 原精要論         | (清) 程應龍 | 市隱廬醫學雜著      | (清) 王士禛 |
| 脈語           | (明) 劉伯祥 | 理虛元鑑         | 潘蔚      | 活幼心書         | (清) 吳鞠通 | 醫學源流論        | (清) 葉天士 |
| 醫燈續焰         | (明) 王叔和 | 虛損啓微         | 胡慎齋     | 幼科直書         | (清) 孟介石 | 慎疾劄記         | (清) 徐大椿 |
| 望診遵經         | (清) 葉子南 | 何氏虛勞心傳       | 洪慎齋     | (三) 小兒衛生總微論方 | (清) 佚名  | 醫學心悟         | (清) 程林  |
| 重訂診家直訣       | (清) 周學海 | (一〇) 症因脈治    | 何嗣宗     | (四) 針灸甲乙經    | (清) 陳復正 | (四) 神農本草經    | (清) 程林  |
| 臨證驗舌法        | (清) 楊雲峰 | (一〇) 周慎齋遺書   | 葉子明     | 針灸素難要旨       | (清) 葉子明 | 珍珠囊補遺藥性賦     | (清) 吳普  |
| 察舌辨證新法       | (清) 劉恒瑞 | 醫原           | 朱丹溪     | 徐批葉天士晚年方     | (清) 葉天士 | 雷公炮製藥性解      | (清) 王中祥 |
| 脈學輯要評        | (清) 劉恒瑞 | 韓氏醫通         | 韓氏      | 案真本          | (清) 葉天士 | (四) 重刊本草衍義   | (宋) 寇宗奭 |
| 溫疫論          | (明) 吳有性 | 醫林改錯         | 韓氏      | 三家醫案合刻       | (清) 葉天士 | 藥微續編         | (日) 村井純 |
| 醫門普度溫疫論      | (清) 吳有性 | 醫學舉要         | 徐繼      | 張曉香醫案        | (清) 葉天士 | 醫方考          | (明) 吳鞠通 |
| 張氏溫暑醫旨       | (清) 張天章 | (一三) 一草亭目科全書 | 胡芝庵     |              | (清) 葉天士 | (五) 聖濟總錄要    | (清) 程雲來 |
| 溫熱暑疫全書       | (清) 周正功 | 異授眼科         | 顧錫      |              | (清) 葉天士 |              |         |
| 溫證指歸         | (清) 周約元 | 銀海指南         | 顧錫      |              | (清) 葉天士 |              |         |
| 溫熱病指南集       | (清) 陳平伯 |              |         |              | (清) 葉天士 |              |         |